

*chi l'a pi 'd fil farà pi 'd teila*

*Ex libris*


LUIGI FIRPO

14.2.23.

FIRPO

2675

BIBLIOTECA NAZIONALE  
TORINO







RESPUBLICA et STATUS  
Regni  
HVNGARIÆ.



Ex officina ELZEVIRIANA.  
Cum. clb. lbc. xxxiv. Privilegio.



# LECTORI S.

**P**ost Germaniam absolutam, Candide Lector, Descriptionem, Historiam, & Statum Regni Hungarici nunc damus. Quae tria in eiusmodi operibus necessario coniungenda putamus. Repetere enim non libet, quam frugifera quamque salubris sit cognitio rerum, cuius eximia quidem pars commemoratio tum antiquitatis, tum recentiorum saeculorum, hoc est, memoria temporum, locorum, hominum, rerum gestarum. Rerum autem quae hic dicuntur, veritatem aliorum autorum fide praestamus. Laborem ergo hunc nostrum acceptum omnibus futurum non dubitamus. Brevis, si vitam nobis Deus & otium fecerit, accuratissimam REGNI BOHEMICI descriptionem procudemus, ne quid hic amplius desiderent harum rerum studiosi.

Q U E R E L A  
H U N G A R I Æ

D. E

Populationibus Turcarum.

**Q**uo mea majestas? quo cecidit gloria?  
quo me

Detrusit fatum, & sævi horrida numinis  
ira?

Quæ regina prius totum celebrata per  
orbem,

Victriciꝫ manu natorum septa potentum  
Incedebam, eadem nunc heu solioque soloꝫ  
Et sobole avulsa, quam partim sustulit  
ensis,

Partim triste jugum premit, afflictissima  
linquor,

Cur non posse queri saltem licet? an quoꝫ  
fatis,

Cantum ne liceat casus lugere nefandos?



C O N T E N T A

hujus

O P E R I S.

I.

Descriptio Regni Hungariæ.

II.

De admirandis Hungariæ aquis  
dissertatio.

III.

Origo Hungarorum.

IV.

Historia Regum Hungariæ.

V.

S. Stephani primi Hungariæ Re-  
gis decretum, in quo leges regni  
Hungarici fundamentales.

VI.

Caroli I. Regis Hungariæ decre-  
tum, de contributione regia,  
& Vrburis, ac nonnullis aliis.

A 3

VII. Re-

VII.

Regis Hungariæ Electio, Coronatio, Potestas.

VIII.

De Statu Ecclesiastico regni Hungariæ.

IX.

De Statu Politico regni Hungariæ.

X.

De Statu militari Hungarorum.

I. DE-



## I.

DESCRIPTION  
HUNGARIÆ.

**D**E Hungariæ situ acturi commodū existimavimus de Transylvania universa, ejusque limitibus & terminis nonnulla præmittere, ut cetera melius intelligantur.

Transylvania quondam bellipotens regio, Divorum olim Imperatorum Romanorum provinciainclynata, Dacia appellata, plagæ Orientali exposita, & Marte multi nominis fuit temporibus Nervæ Traiani, quam Decebalus Rex tam armis, quam pecunia belli nervo, pertinacissime sub imperio retinuit. Eutrop.lib. 8. in Aurelii vita: Provinciam, inquit, Daciam, quam Traianus ultra Danubiū fecerat, intermisit, appellavitque eam Daciam, quæ nunc duas dividit Mœsias, & est in dextra, Danubio in mare fluenti, cum antea fuerit in læva. Decebalus itaque ejusdem regionis Rex seu Monarcha cum Vlpio Traiano Romano Cæ-

fare conflixit, ingenti hostis edita clade. Trajanus autem vesti propriæ non perperisse fertur, quam in partes conscissam suis partitus est militibus. Deinde jugum ex jugo captans, ad Dacorum regiam evasit, percussus Decebalus ad Trajanum deductus. His confectis Trajanus in Italiam rediens, Romam ingressus, & triumphans de Dacia, Dacicus appellari cœpit. Interea tamen denunciatur, Decebalum præter conventiones & fœdera, quæ cum Trajano intercesserant, multa ad rebellionem parare, castellaque & arces dirutas restaurare, ob hoc hostis à Senatu judicatus est, bellumque Trajanus suscepit. Plin. de Dacorum expulsionememinit lib. IV. cap. XII. Quare cum Decebalus viribus suis non satis fideret, dolis & fraudibus agere enitens, in Moesiam delectos mittit profugos, qui dissimulata fide, Trajanum per occultas insidias tollerent, aut confoderent, deprehensi ultimo supplicio affecti sunt. Hinc milites Romani in hujus rei gestæ memoriam, tale Epigramma edidere in Pannonia:

VBI ERAS RAMNVSIA, VBI ERAS,  
 QVANTVM ABFVIT, NE ROMA LVGERET,  
 SED VIVIT TRAIANVS.

Sub hac expeditione Trajanus pontem in Istro lapideum construxit; quo libe-  
 rius



rius & expeditius hostes aggredi posset, opus sanè mirandum, & memoria dignum. Huic xx. stabant ex quadrato lapide pylæ, quarum altitudo centum & quinquaginta, præter fundamenta: latitudo vero sexaginta pedes continebat: distabant autem inter se centum octuaginta passibus, fornicibus vero conjungebantur. Ejus pontis inscriptio talis erat.

PROVIDENTIA AVGVSTI. VERE  
PONTIFICIS VIRTVS ROMANA, QV  
NON DOMET? SVB IVGVMECCE RAPI  
TVR ET DANVBIVS.

Cæterum Adrianus Imperator, Trajani successor, veritus ne pulso Romano præsidio, aut oppressis legionibus, feræ & indomitæ gentes facto aditu, ea loca invaderent, quæ cis Danubium sunt, stru-cturas & fornices, quæ super aquam eminebant, demoliri jussit. At Decebalus capta (ut diximus) regia, cum omnis regio in potestatem Romani Imperii venisset, usque ad captivitatem periclitatus, necem sibi conscivit, cujus caput tandem Romam delatum fuit, sicque Dacia juris Romani facta est, quam mox Trajanus in provinciam redegit. Cujus rei argumento milites Romani hos versiculos perpetuo monumento celebres decantabant:

NONNE TIBI DIXI DECEBALE? FVNE-

A § STVM

STVM EST HERCVLEM LACESSERE. NON  
RECTE FACIS, TVA ISPE QVOD IACES  
MANV: SED TE VTCVNQVE CAESAR VI-  
CIT, TVLIT TIBI SEMPER AVGVRAV-  
GVSTALIS.

Quare Trajanus Dacia subacta, Re-  
giam Zarmiis civitatem, quæ nunc Alba  
Iulia appellatur, ingressus, quæsitis De-  
cebalis thesauris, sub Sargetiæ amne re-  
conditis, cujusdam Biculi Romani cap-  
tivi indicio reperti sunt: Vnde tandem  
Trajanus in signum memoriæ illius hoc  
statuerat Epigramma:

IOVI INVENTORI, DITI PATRI,  
TERRÆ MATRI, DETECTIS DACIÆ  
THESAURIS, DIVUS NERVA TRAIANVS  
VOTVM SOLVIT.

Monumentum Vlp̃ii Nervæ Trajani  
in Colonia Zarmiiz, non multis ante an-  
nis exterræ visceribus erutum, memo-  
ria dignum.

IOVI SATORI, HERCVLI VICTO-  
RI, M. VLP. NERVA TRAIANVS CAE-  
SAR, VICTO DECEBALO, DOMITA DA-  
CIA, VOTVM SOLVIT,

Hinc ingens Trajani animus depre-  
henditur, qui multa præter hæc præclara  
& egregia facinora gessit, quemadmo-  
dum Dion ille Cretensis in Trajani vita  
plurima memoratu digna, non ineleganti  
descriptione complexus est.

Huic

Huic regioni Transylvaniae, à Septentrionali plaga Moldavica provincia (quæ Poloniae regno, atque Russiae inferiori, & Ciculiae metis, est contigua) adhæret: Ex altero vero latere ad Orientem Valachia jacet, quæ alio nomine Transalpina dicitur, non multo terrarum spatio ab alpibus insigni altitudine intercedentibus, sejuncta.

Ut autem paulisper ad lucidioré istius Transylvaniae provinciae cognitionem per Chorographicam descriptionem progrediamur: Eadem provincia in tres dividitur nationes, suis inter se ritibus, moribus, consuetudinibus, & legibus aliquantulum dissidentes, ipsamque regionem distinctis terrarum locis incolentes: utpote, Ciculos, & Hungaros. Inter quos ipsi quoque Valachi ejusdem provinciae incolæ, in quibusdam desertis possessionibus & villis resident, genus hominum durissimum, nec nisi armentis & pecoribus, plerunque etiam furtivo pecorum & equorum abigatu se alentes. Hi more suo, pilosis seu hirsutis ex lana caprina contextis, suaque manu elaboratis amiciuntur vestibus, nullis penitus legibus humanis obsequentes.

In primis Saxonicus iste populus in eum locum è Germania (ut ajunt) deductus,

ctus, agriculturæ studiosus, & rusticæ rei addictissimus, qui natura sua lingua utitur Saxonica. Sermo autem Saxonicus ad communem Germanicam Colonien-  
 sium linguam multo propius accedit, quam ad alias linguas, & à Suevo atque Helvetio non ita facile intelligitur, quam pleræque Septentrionales in Germania. Transylvani igitur, sicuti cæteræ omnes nationes Germanicæ, habent peculiarem linguæ dialectum. Et, ut hoc addam, quod aliis nationibus, tam morum facilitate, quam pietate & religione longe præstat.

Ciculia Daciæ angulus, Moldaviæ regioni contiguus, ejus terræ populi dicuntur Ciculi, Scytharum (ut ajunt) genus, à quo originem traxere, suis vivunt legibus & moribus, suaque officia sorte distribuunt. Nemo apud illos ignobilis esse censetur, etiam si manu aratrum tractet, aut caprino gregi præsit. Durum enim & asperum genus hominum, quasi bello natum, qui moribus, sermone, & vestitu non multum ab Hungaris discrepare videntur. Hi sunt Hunnorum antiquissimi, quos Ciculos appellare maluit quidam, quod è Scythis originem trahant: Nec enim aliud sensisse videtur ille, qui dixit:

*Atq; pharetrati Scythici de finibus Hunni:  
 Ciculi*

Ciculi autem in septem sunt divisi regiones, quas ipsi sedes vocant, quarum nomina sunt: Sepsi, Orbai, Kyfdi, Czijk, Gyrgio, Marcus Zeek, Aranyas Zeek, Hungarico sermone appellatas, cæteris Ciculorum oppidis præstantiores. De quorum ritibus & consuetudinibus in præcedentibus annotationibus plura scripsimus.

Czijk oppidum in Septentrionali latere à Kyfdi ad lævam, atque adeo in ipsis Carpathi radicibus situm: Huic contigua est Gyrgio ab occasu in ejusdem Carpathi montis radicibus terra montosa & aspera, in ultimo Transylvaniæ latere Septentrionali. Sedi autem Gyrgio contigua est Marcus Zeek, ad Meridiem in visceribus Transylvaniæ provinciæ, ad decursum Marisi fluvii existens, cujus metropolis est Zeckelwasslarhel, Saxonibus Newmarck, oppidum amplissimum, ubi frequens Ciculorum conventus habetur.

Hungari & Nobiles ejusdem regionis passim intermixti Saxonibus, cum Ciculis propemodum tam sermone, quam vestitu & armis conveniunt: In rebus vero bellicis cæteris nationibus non uno nomine anteponendos arbitror.

Quæ tres nationes, conjunctis viribus & copiis ad bellicam expeditionem insti-

instituendam, juxta communem suppurationem, ad nonaginta & amplius millia armatorum suppeditant. Etenim non obscurum est, quam ingentia à tot jam sæculis hæc regio ex assiduïs hostium incursibus pertulerit pericula: tamen nullo non tempore hostes, non sine ingenti clade victi, & inde repulsi fuere.

Valachi etiam hanc terram, sed sparsim sine certa sede incolunt. Teutones vero seu Saxones munitissimas passim & urbes & arces habent, qui rebus omnibus cæteris nationibus facile præstant. Terra quidem natura sua, auri, argenti, vini, frumenti, pascuorum, pecorû, fontium, fluminum, breviter rerum omnium, quæ ad vitæ usum, cultumque pertinent, ditissima est, ut non temere à majoribus Regni Hungariæ thesaurus Transylvania sit appellata.

Valachia autem provincia, quæ alio nomine Transalpina dicitur, inferioribus Transylvaniæ confinibus propius accedit, & Danubium secuta in Pontum usque protenditur, indeque in Septentrionem vergens, Roxanos (quos hodie Rutthenos vocant) attingit, de qua provincia in Moldaviæ commentario plura.

Hujus nationis genus ex Italis profectum esse lingua arguit, nomen ex Sarmatis



tis quibus alicubi etiam cōtermini sunt) adepti videntur, ipsamq; quam inhabitant provinciam, Flacciam, à Flacco quodam Romano cive, quo duce eo sit deducta colonia, ad tuendas Mœsias contra Dacos (quos Romanis nunquam fidos fuisse Tacitus autor est) verum ut sit longa temporum serie, quæ nihil non vitiat, pro Flaccia Valachiam, proque Flaccis Valachos dici cœptos: Et citant hi de Flacco Nasonis versiculos ex Epistolis Ponticis redactos, lib. 4.

*Præfuit his Gracine locis modo Flaccus, & illo*

*Ripa ferax Istri sub duce tuta fuit.*

*Hic tenuit Mœsas gentes in pace fideli,*

*Hic arcu fisos terruit ense Getas.*

Porro Mœsos olim fuisse, qui nunc Valachi sunt, receptius est hodie, quam quis negare audeat, in tanta præsertim autorū, qui sectandi erant, diversitate: Inter quos quidem primus Ptolemæus Cosmographorū antistes & plane alpha, quod ajunt, nihil Mœsis concedit ea qua Valachi sedent parte, siquidem is à Carpatho monte incipiens, quicquid terræ ab Occasu, Thybisco amne: à meridie, Danubio: à Septentrione, Sarmatica Europæ clauditur, Daciæ nomine apprehendit. Iuxta quam descriptionem, Transylvanos, Ciculos, Valachos, quosq; Moldavienses vocant, &

Hunga-

Hungarorum bonam partem, qui Poloniam versus, planam colunt terram, Dacos appellans. Cæterum Mœsias esse duas, quas superioris & inferioris appellatione secernit, in alteram Danubii partem transfert, quæ est versus Daciam: & superiorem quidem ex inferiori deducit Pannonia, à Savo amne Danubio confluyente. Inferiorem autem iusta parte ultra Danubium extendit in Scythiam. Ptolemæus quoque in eam sententiam alibi accedit. Dion Cretensis Græcus autor, in divi Trajani vita autor est, quod hic quo tempore contra Dacos bellum gessit, pontem lapideum admirabili ædificio, ultra Istrum fluvium extruxerit, quo expeditius copias traducere posset, quoties Romani, qui trans Danubium agerent, à Barbaris infestarentur, ac demum structuras & fornices, quæ super aquam extitere, Adrianus Imperator demoliri iussit, veritus, ne scilicet pulso Romano præsidio feræ & indomitæ gentes Mæsiam popularentur: de quibus rebus omnibus tam præclare gestis, in præcedentibus annotationibus plura recensuimus. Extant ejus pontis nonnullæ in hunc usque diem reliquæ apud Serinium, quod Danubio imminet castellum, ubi cum Heraclio Cosdroen congressum habuisse ferunt. At Strabo geographi-



graphicae rei diligentissimus observator. Mœsos scribit utrumque latus Istri accoluisse, cum quo Plinius sentire videtur, lib. xxx. naturalis historiae: Pannoniæ, inquit, jungitur provincia, quæ Mœsia appellatur, ad Pontum usque cum Danubio decurrens.

Posteaquam autem ea, quæ de hac provincia, & de variis hujus terræ incolis ac nationibus cognitu in primis necessaria videbantur, in ipso operis ingressu absolvimus, commodum jam generalem tam locorum, quam civitatum principalium descriptionem, quantum nostra docebit experientia, declarabimus, & per omnes Transylvaniæ partes, longitudinem cum latitudine, universum istius regni ambitum emetiemur, ita tamen, ut & fidei semper, quæ in historiis præcipua est, & methodi rationem habeamus.

Itaque à Varadino, primo ad Transylvaniam ingressu, per flumen Crysum, qua ad occiduam plagam Pannoniæ inferiori annectitur, offertur pagus Feketetho, Latine nigra palus appellatus, quem Valachi, montibus & rupibus undique interseptum incolunt, situs in loco horrido & aspero, ubi frumenti & annonæ, ob rarissimam illius terræ culturam, frequens victui penuria accidit,

cum præsertim nulla ejusdem loci sit planities, & non segetes, sed extensæ arbores undequaque magno terrarum spacio intersertæ conspiciuntur, quo minus commode in his locis desertis & agris infœcundis, ulla frumenta seminare queât. Attamen Crysus fluvius quovis tempore selectissimos pisces, utpote fundulos, cephalos, capitones, auratas, atque etiam trutas, & complures alios satis benigne suppeditat. Præterea hic fluvius plerumque ex inundatione adeò vehemens est, ut magnos etiam currus graviter oneratos præcipitare soleat.

Civitas prædicta Varadiensis est amplissima, & nullis mœniis circumducta, in planitie existens. Hic frater Georgius, Transylvaniæ Regni Thesaurarius, istius loci Episcopus residet, & insignem tenet arcem, magnis sumptibus extructam, & optime munitam, ubi divus olim Ladislaus Rex Hungariæ, felicitis memoriæ, suam habet sepulturam, marmore eleganter excisam, tanto Principe dignam. Illic populus est Hungaricus partim Teutonicis commixtus, quæstum ex rebus Turcicis, ex aliis locis importatis, faciens, rebusque ad quotidianum vitæ usum pertinentibus, non mediocriter abundat.

Hinc à Feketetho recto itinere usque  
ad The-

ad Thelegd oppidum duo , ad Reeß tria  
restant miliaria, satis magnis stadiis com-  
prehensa, ubi Cryßi fluvii ex scaturienti-  
bus undique fontibus exordia erumpunt,  
tenuique alveo per medium dicti oppidi  
Reeß usque Sebeswar continuo meatu  
porrigitur, ubi demum finem accipit.

Deinde si Colosvariã tendas , de  
qua civitate opportune suo loco plura  
dicemus , quinque miliaria interce-  
dunt: rursus usque Thordam , quę ci-  
vitas versus meridiem jacet, per arduum  
& saxosum montem bis mille passus  
emetiendi sunt: Eaque civitas licet nul-  
lis sit muris aut mœniis cincta , tamen  
satis ampla, opulenta, & diversis merci-  
bus frequens , cujus incolæ & pecorum  
& jumentorum ac compascuorum &  
agrorum usu fructu ditissimi sunt , ut  
interea taceam , quam optimi vini ferax  
sit. Ad hæc salium fodinẽs tam celebris  
est , ut vix parem in toto Oriente fun-  
dum comperias. Ibique præfectus Ca-  
merarum salium perfungitur officio Re-  
gio , & ex salinis Hungariæ Regibus  
annuam pensionem maximam tribuere  
solet , quam vel eo nomine non par-  
vam esse , facili judicio elicere possumus ,  
quod inde toti fere Transylvaniæ  
serviatur: Indeque sal Budam & ad  
alia pleraque loca extranea assidue perfe-

ratur & evehatur, non sine magno Regiæ Majestatis commodo.

A Thorda verò, duobus intercedentibus oppidis, Gochard & Monera, duodecim numerantur miliaria usque Cibinium, quæ civitas hujus Regni metropolis est, & munitissima, aurique & argenti, rerumque omnium longe abundantissima, quemadmodum ex sequenti nostra descriptione cognosces. Reliquas demum ejusdem provinciæ urbes, suo ordine & serie breviter complectemur. Sunt igitur hæ septem urbes in Transylvania celebriores, à se per locorum intervallum suo modo & ordine distantes, ut sequitur.

<i>Cibinium,</i>	<i>Hermanstat.</i>	
<i>Brassovia sive Corona,</i>	<i>Eronstat.</i>	
<i>Bistricia,</i>	<i>Nösenstat.</i>	
<i>Segesvaria,</i>	<i>Scheszpurg.</i>	
<i>Megies,</i>	<i>Mydwisch.</i>	
<i>Zabesus,</i>	}	<i>Millenbach.</i>
<i>sive</i>		
<i>Zaazsebes,</i>	}	<i>Clausenburg.</i>
<i>Colosvaria,</i>		

Quarum civitatum priusquam descriptionem aggrediamur, operæ precium mihi facturum videor, si paucis rem memorie

moriæ non indignam interiecero: Hanc  
 nimirum civitatem Cibiniensem, post  
 Serepissimi quondam Ludovici Regis,  
 fœlicis memoriæ, interitum, ad septen-  
 nium usque in assiduis bellorum tumul-  
 tibus (dum scilicet Regnum Transylva-  
 niæ, propter infœlicissimam Regis Ioan-  
 nis coronationem, in diversum erat di-  
 stractum) sese contra omnium hostium  
 impetum citra ullum externarum gentiũ  
 præsidium & auxilium, armis suis &  
 sumptibus propriis, quam strenuissime  
 conservasse: neque etiam cives ulla obsi-  
 dione aut oppugnatione, vel hostium in-  
 cursione aut formidine ductos, ut defes-  
 sis viribus in aliquam deditionem pro-  
 vocati fuissent, sed aliis quoque civitati-  
 bus, tam austerâ & militari defensione,  
 robustiorem animum præbuere, ne ho-  
 stium arrogantibus minis territi, in de-  
 fectionem se trahi paterentur. Vnde sibi  
 ac posteritati suæ immortalem laudem  
 & memoriam perpetuam paravere.

*Cibinium* metropolis civitas celebra-  
 tissima, à Cibinio amne nomen retinens,  
 quæ alio haud inepto vocabulo *Hermanstatt*  
 appellatur, ab Hermanno ejus-  
 dem urbis primo conditore. Quæ in pla-  
 nitie sita, nullis prope montibus incum-  
 bentibus impeditur, quin se in admirabi-  
 lem latitudinem aperiat, duplici muro

munita, & fossis admodum profundis, circumquaq; piscinis lacunaribusq; non paucis spaciose diffusis præcincta est, magnificis deinde ædificiorum structuris, turribus, & propugnaculis suo ordine & serie interfertis, culta & ornata est, cujus Parrochia Cathedralis, suo Præsule insulato digna, viginti & quatuor sacerdotum adaucta aris, est conspicua.

Hinc annua frumenta in subterraneas foveas, ad multos annos, citra ullam publicæ annonæ jacturam, conservandi gratia conferuntur: Nec desunt molendina triticaria ita laborata, ut nulla arte ab hostibus esuriem civitati molientibus, eripi possint: adde quod passim per civitatis singulos vicos placidissimo flumine rivulus decurrit. Magistratu regitur prudentissimo, cuique non facile alium prætuleris, usque adeò ut ad eum nemo, nisi qui multis testimoniis fidem suam Reipub. probarit, admittatur. Pagos Regios decem, & octo tributarios habet. Huc quoque septem Saxonum sedes spectant, quarum nomina sequenti ordine explicata vides. Septem sedium Saxonicarum nomina.

*Zazuvvariensis* sedes, pagos habet regios undecim.

*Zabesiensis* sedes, *Zabesum* civitatem, cum pagis Regiis quinque.

*Rens-*



*Reusmarck* sedes, pagos habet decem.  
*Segesburgensis* sedes (civitas ipsa) pa-  
 gos habet sedecim.

*Olczna* sedes, pagos habet duodecim.  
*Schenkerstul* sedes, pagos habet viginti  
 & duos.

*Rupēsis* sedes, pagos habet quindecim.

Præter has septem sedes Saxonum in  
 Transylvania sunt & aliæ duæ separatæ,  
 quarum caput est civitas Megiensis, pagi  
 huc spectantes sunt viginti quatuor: præ-  
 dictis autem sedibus interjacent multi  
 pagi, possessionesque Nobilium, quæ ad  
 numerum sedium Saxonum non confe-  
 runtur.

Numerantur etiam in Transylvania,  
 quo ad pensiones taxarum, octo parro-  
 chialia Capitula præcipua, quæ simul ap-  
 pellant Vniversitatem.

*Bistriciense* Capitulum habet *Bistrici-*  
*am* cum viginti tribus pagis regiis.

*Regnense* Capitulum habet pagos plus-  
 quam triginta.

*Barcense* Capitulum habet Coronam  
 civitatē cum tredecim pagis regiis.

*Kisdense* Capitulum habet *Segesbur-*  
*gam* & pagos quadraginta octo.

*Duarum* sedium Capitulum comple-  
 ctitur civitatem *Megiensem* cum  
 pagis triginta sex.

*Gibiniensium* Capitula duo, quorum

unum habet *Cibinium* & pagos viginti tres.

Alterum Capitulum *Cibiniense*, quod vocant *Surrogativa*, continet pagos circiter viginti duos.

Sabesiense Capitulum habet Sabesum cum pagis decem & septem.

A prædicta civitate Cibiniense distant salium fodinæ, in Wyzagna oppido, quod aliàs Saxonice Saltzburg appellatur, uno miliari, ex quibus quotannis ingens thesaurus conflatur, nec minus, ut arbitror, fodinæ oppidi Dees emolumentum, in annos singulos Regiæ Cameræ apportant.

Haud longe ab ea civitate Cibiniensi diversa circumfusa jacent oppida, in quibus passim Saxones resident. In primis Helta ad Meridiem uno distans miliari, oppidum mediocri magnitudine, & quoddam castello munitum, ubi falces mesforiæ, quæ nusquam alibi, fabricantur, & plebeculæ ex communi messium ac fructuum quæstu, victum quærere solent, magis commodum.

Inde mons S. Michaëlis paulò infra Heltam, eodem fere spatio distat, in cuius summitate insigne castellum ex quadrato lapide pulcherrimè eductum, in quo coloni ingruentibus bellicis temporibus res suas & bona ab incursum hostium  
satis



fatis tutè conservant: adde quod locus fertilis, & diversorum fructuum ferax, ex quibus incolæ non mediocrem quæstum faciunt.

Præterea Alutus amnis inter reliqua istius Regni flumina, non est incelebris, qui in montanis Ciculorum radicibus ortus, ubi primum Transylvaniam attingit, & Barcensem terram à Ciculorum metis dirimit, inde Cibinium versus decurrens prope rubeam turrim, ubi cives Cibinienses, ne præter expectationem obruantur, excubias agunt, per angustas & abruptas valles in Transalpinam fertur, ubi eum auriferum esse perhibent, haud longe supra Nicopolim Istro miscetur, quæ turris duobus à Cibinio distat miliaris, unde Turcis per strictissimas & angustas admodum vias in Transylvaniâ accessus est.

Tradunt historiæ, Turcas tempore quondam invictissimi Regis Mathiæ, in Transylvania profligatos, & in turpissimam fugam versos, in prædicto loco rubeæ turris, à summitate, quam in ea fuga conscenderant, ob magnitudinem tanti ponderis equorum, in undam Aluti fluminis demersos, corruisse.

*Corona* seu Braslovia civitas mercibus Turcicis celebris, intra montes amœnissimos sita, mœnibus, fossis, & propugnaculis



culis satis munita, habet tria suburbia distinctis vallibus posita, quorum unum incolunt Bulgari, alterum Hungari, Saxones agricolæ tertium. Per singulos fere vicos rivuli descendunt saluberrima fontium scaturigine perpetui. Campos habet planissimos, longe lateq; densis montibus cinctos, alpibusque altissimis à Valachia Transalpina dividitur: frumento & lino præcipue abundat, estque quasi horreum vicinarum gentium. Studio liberali præ ceteris hoc tempore clara, estq; ibi nuper constructa Bibliotheca, qua nulla in Pannonia post dissipatam Budensem Matthiæ Corvini Bibliothecam, cultior usquam fuit. Quæ à proximis Ciculorum metis & confinibus sita (sive eam Græca voce Stephanopolim, sive semibarbara Cronopolim, sive cum Hungaris Brassoviam appellare quispiam velit) in penitissima Transylvaniæ parte, quam peculiari nomine Pannones Burczam, nostri autem Burciam vocant, vel ab amne cognomine, qui id loci interluit, vel à radice, quasi dicas nostrate lingua Wurcziam, quæ vulgo recepta est opinio, hoc fortassis nomine, quod radix Coronæ inserta, Burtianis sit insigne.

Hujus verò Burciæ pars est facile ornatissima, sed sic dirempta situ, ut fere altera Transylvania videri possit: claud-

tur enim undiq; montibus, à Ciculis fluvio dirimitur, cui nomen est apud Ptolemaeum Alutato, intus tota est cultissima, hortum planè, si videas, dixeris. Sed & urbs ista (jam tandem, quod institui, paucis absolvam) in quodam quasi loci hujus recessu, montibus confertissimis (ut præfertur) comprehensa est, cujus gemini in latitudinem murorum foris excurrentium latera claudunt, quibus superne propugnacula imminent, sic ut nisi in summa montium acclivitate circuitus non pateat: Duplex fossa eximia altitudine ambit undique mœnia, in quibus turres conferto stant ordine: In longitudinem cum vallo descendit, ut quadrata fere esse videatur. Suburbia autem complent quicquid est extra muros vallium, ubi ipsi Saxones, Ciculique mixtim habitant: reliquam loci istius partem intra ipsas usque montium angustias Valachi fere occupant, hîc templum habent, & ei præsidentem sacrificulum: Deinde Saxones rursus cum Ciculis longissimis vicis commorantur. In civitatem vero non nisi Germanus recipitur. Inter amplas in ea substructiones, primas habet virginis Mariæ consecratum quadrato lapide templum.

Hæc civitas ab arce Fogaras distat miliaris quatuor, in palustri ac plano loco sita,

sita, & adeò munita & fortis est, ut nulla suffossio huic metuenda sit unquam. Ex qua arce anno M. D. xli. Stephanus Maylat, istius Regni Transylvaniæ Waywoda, vir militaris ac strenuus, à Turcis & Petro Waywoda Moldavo, dolo & fraude ac simulata eorundem fide, elicitus, & in captivitatem Cæsaris Turcarum abductus est Constantinopolim, ubi hæcenus acerrimis detinetur vinculis: De cujus tam insperata ac improvisa captivitate, & Petri Waywodæ perfidia, longa posset scribi historia.

Quã civitatem olim Stephanus Waywoda Moldavus, qui huic civitati erat hostis infensissimus, bombardis & machinis bellicis in montem eminentiorem deductis, expugnare, & suo imperio subicere moliebatur, sed bombardis parum profecit, siquidem demissis globis, propter spaciū longitudinem, quo deferabantur, vis & impetus eorum frangebatur, adeò ut citra ullam ædificiorum jacturam, in theatrum civitatis prolapsi devolverentur, quo factò, desperata victoria, Waywoda obsidionem reliquit.

Nulla in Transylvanis urbibus, multorum sanè iudicio, populosior illà: forum hîc singulis septimanis, rusticis ex agro confluentibus, tam celebre est, ut justas nundi-

nundinas putaveris, ob rerum mercium-  
que propositarum copiam : Est enim  
finitimorum emporium, & veluti com-  
munis officina rerum omnium : con-  
fluunt istuc Ciculi, Valachi, Armeni, &  
Græci : etiam Turcicis plerumque mer-  
cibus tam ex Moldavia, quam Valachia  
adductis, fit interdum opulentior. In ea  
civitate, qui magistratus agunt officia,  
viri sunt graves & maturi, diversarumq;  
linguarum periti, Remp. summo studio  
foventes: cives autem & belli & pacis ar-  
tibus sunt instructissimi, qui cum Molda-  
vis plerumque bellum gessere, & non-  
nunquam insigni victoria poriti sunt.

*Bistricia* in amplissimæ vallis planitie  
posita, habet utrinque vitiferos colles.  
Per mediam urbem fluvius ejusdem no-  
minis labitur ad meridionale latus infe-  
rioris suburbii declinans, qui statim post  
duo miliaria Zamoso conjungitur amne,  
fundulis in primis abundans. Quatuor  
miliaribus ab urbe Bistricia sunt auri fo-  
dinæ Roduenses, inde in extremis Tran-  
sylvaniæ finibus Rivuli Dominarum au-  
rifodinis non obscuri.

*Segesvaria* civitas partim in ædito  
colle, partim infra ad radices habitata, in-  
ferior tamen ejus pars cultior existit, ob  
faciliorem rerum necessariarū copiam :  
fluvius idem mœnia hujus civitatis pari-  
ter

ter & Megiensis præterlabitur, qui paulò supra Albam Iuliam influit in Marusium.

*Megiensis* civitas, quæ in meditullio Transylvaniæ sita, ferax vini, ac rebus aliis omnibus ad communem quæstû & victum deservientibus satis referta, & clade quondam Ludovici Gritti gubernatoris non incognita. Is Gritti ob indignitatem cædis magnifici quondam Emerici Czjbackii Varadiensis Episcopi, quem dictus Gritti ad se dolo & fraude accersitum, occidi jusserat, atque demum paulò post à Moldavicis gentibus & Saxonis, in ea civitate obsessus, captus, & in campum eductus, simul cum aliis multis tanti facinoris consciis, qui eum comitabantur, extremum recepit supplicium, cujus tandem duo filii insignes adolescentuli quoque in captivitatem Waywodæ Moldaviensis deducti, capite paternum scelus expiarunt, quod ex rebus gestis melius cognoscas: Acta sunt hæc anno vigesimo septimo. Hæc autem civitas, olim oppidum, & non ante multos annos suis arcibus & mœniis firmata, & in formam civitatis redacta est.

Quæ civitas quatuor à Cibinio distat millibus passuum, quam præterlabitur fluvius Kykellev major, qui in montanis Schijk oritur, & recepto minori Kykellev anue, non longe à Balasfalva paulò

paulò infra Ezombor & sub Enjedino oppido in Marusium influit.

Inde Kykellewar uno miliari à Megies distat ad Occasum, illic fluvius minor Kykellew ab arce non adeò procul præterlabitur, quam arcem quondam Petrus Waywoda Moldavus cum nonnullis pagis circumjacentibus, ex donatione & inscriptione olim Divorum Hungariæ Regum, possidebat: Hanc nunc frater Georgius, Regni Transylvaniæ Thesaurarius, adeptus est, & in suam redegit jurisdictionem. Illic egregia vinearum promontoria, & vina optima, aliarumque rerum magna habetur affluentia.

*Zabes* civitas non magno intervallo ab Alba Iulia, in planitie, valle profundissima, aquis piscium fecundissimis munita, quanquam non ita fortibus propugnaculis defensa sit: intus luculentis ædificiis exornata, quam primariam Saxonum sedem fuisse dicunt. A qua civitate non longe duo sunt oppida, utpote Wijncz & Borboreck, quæ alias ex Divorum Hungariæ Regum donatione, ad Transalpinum spectabant Waywodam, Regibus Hungariæ subiecta: ubi sal Regiû ratibus instructis Marusio amne applicatur, & inde Hungariam provehitur. Illi in summitate cujusdam monticuli castellum quoddam, in quo Divi olim Francisci

Francisci ordinis professores refedisse dicuntur, non ante multos annos per internos hostes demolitum. Ea civitas habet pagos Regios decem & septem.

*Colofuvaria* in planitie suaviter admodum sita, tam murorū ambitu foris, quam ædificiorum structurisintus splendida: Eam Saxones mixti Pannonibus incolunt, Iudicem & Consules alternis vicibus quotannis concordibus suffragiis, nec dispari numero eligunt, hi Hungarum, illi Saxonem, suos quisque Senatores salutant. Vbi ad portam Portinam hoc Epigramma Traiano adscriptum esse videas:

### I. M. N.

TRAIANO PRO SALVTE IMP. ANTONINI ET M. AVRELII CAESA. MILITES CONSISTENTES MVNICIPIO POSVERVNT.

Non procul hinc Chrysus fluvius, qui primas Hungariæ metas à Transylvanis limitibus sejungit, ex Dacicis jugis Pannoniam contingentibus intra asperas & præcípites alpes continuis anfractibus & celeri meatu discurrit, ubi Valachi in desertis ædibus residentes, usu ac quæstu pecorum & piscium affluentium quotidianum victum quæritant. Abundat hic fluvius nobilissimis piscibus,  
qui



qui ex eo, ut apparet, nomen accepit, quod & auro abundet, quod à Græcis *αυρον* appellatur: Vide Strab. lib. XI I. circa medium ab accolis.

Nec longe ab hac civitate duæ altissimæ rupes prodeunt, versus Occasum, à regione sibi opposita, inter quas fluviolus satis præcipiti labitur cursu, prout ex his cognoscere licet versibus:

*Hic gemine pariter tolluntur ad æthera rupes,*

*Saxaque præruptis cautibus atque rigent.*

*Rivulus hinc cursu fluit inter utramque rapacis*

*Aureus hinc nitidis excipit amnis aquis.*

*Perspicua est ipso adductæ qua sumitur unda.*

*Candidulus scrupos fundus & imus habet.*

*Ante locis transis vicenis atque novenis,*

*Quam celsum videas quo fluit ille jugum.*

Alba Iulia civitas vetustissima, atque sede Episcopali celebris, quæ prædictis septem Saxonum sedibus, quasi mediterraneo terrarum spacio conjungitur, olim Zarmijz Dacia appellata (Fuit enim regia Daciæ Regum, quod ex veteribus

monumentis, quæ ibi copiose reperiuntur, cognoscere liceat) in colle declivi sita, circumfusa undequaque ad duo fere millia passuum planitie. Ab Oriente fluvium Marusium, & deinde ex altero latere amnem Ompaii Hungarice vocatum, ex alpibus descendentem: ab Occidente vero amœnam, ut diximus, planitiem usque ad montem S. Michaëlis, quo in monte in rupe altissima castellum quoddam divi Michaëlis situm est, à Romani imperii durans tempore, quod ex antiquitatis monumentis, quæ ibi non pauca sunt, conjicere licet; à Septentrione eadem intercedit planities, atque inde Marusius fluvius quoque duobus distat ab urbe millibus passuum, qui olim per mediam urbem perluisse dicitur, ex ruinis & sepulchris pervetustis & dirutis accepto indicio. Tanta ejus urbis fuit amplitudo, ut in longum & latum ad quinque millia passuum porrigeretur. Quod autem Gothi antiquitus eam incoluerint terram, vetustas inscriptionum & characterum illic in tabulis & sepulchris inventorum ostendit, literis paucis admodum nostra ætate cognitis: proinde fidem faciunt, Romanorum legiones hucusque progressas fuisse, cujus rei signa passim adhuc in visceribus terræ occulta inveniuntur.

Ab Alba Iulia ad Occidentem sunt montes & alpes excelsissimæ, & aditu difficilimæ, in quibus situantur civitates montanæ auro & argento præstantes, inter quas vel præcipua est Abrugbaniia, quam Collegium Sacerdotum ex donatione Ioannis Huniadis possidet, venis metallicis celebris, ubi magna auri vis assidue colligitur, quæ ad Cameram monetariam Cibinium defertur, ibidemque conflatur, & ex ea aureæ monetæ cuduntur continuo, prout ex sequentibus nostris annotationibus plane liceat videre.

Distat hæc civitas Abrugbaniia ab Alba Iulia miliaris quinque: Eodem itinere alia civitas Zalathna non procul situatur, quam nunc Valachi incolunt, ubi ex vetustis monumentis apparet, olim maximam fuisse urbem.

Zazwaras, Saxonibus Bros dicta, distat à Kenier ad Meridiem uno miliari, sita ad flumen Marisium, terra fecundissima, frumenti, vini, & omnium fructuum ferax: Ibi populus admodum urbanus, & ad Valachorum ritum & consuetudinem, amictu & victu non parum accedens, qui passim in campis circumquaque desertis quibusdam possessionibus resident, & habent cœlum mitæ temperiei: Etenim sylvæ intensissimæ, lepores, damas, & cervos, in magna mul-

titudine foveant, piscibusque illic optimis abundant.

A prædicta civitate Zazvaras, ubi per sylvosa montium juga, duo fere miliaria confeceris, subito conspicias novam quasi terram. Est provinciola parva in extremo Transylvaniae angulo, in qua Haczak oppidum situm, ea provinciola à reliquo regno separata, undique montibus & alpibus eminentissimis circumsepta est, præsertim ab ortu & meridie, ubi spaciosissimus transitus in Mœsiam, quæ nostro tempore Transalpina vocatur: Quæ regio ad octo miliaria se extendit, & quasi in medio umbilico sita est, & ipso regionis nomine Haczas appellatur, quod oppidum Valachi mixtim Panonibus cohabitant.

Ad plagam Meridionalem hujus regionis adhuc apparent & teruntur urbis amplissimæ fundamenta latissime porrecta, & parietes ædificiorum collapsi conspiciuntur: Varheli loco nomen est, quod significat, locus urbis: Hic singulis fere diebus Valachos invenias, qui rudera vertunt, ac lapides pretiosos, atque numismata tam aurea quam argentea ex visceribus terræ, variaque antiquitatis monumenta effodiunt.

Præterea Alba Iulia civitas Daciæ, quæ nunc est sedes Isabellæ Reginae Hungariæ

gariæ &c. eamque abrogato Episcopatu tenet: Et à diva Iulia Augusta, matre divi M. Aurelii Anthonii Pii Aug. Imp. nomen sortita est, cujus rei argumento Epitaphium in vetustissimo marmore templi divi Michaëlis descriptum est.

## I. O. M. E. IVNONI.

PRO SALVTE IMP. M. AVR.  
ANTHONII PII AVG. ET IVLIÆ  
AVG. MATRIS AVG. M. VLPIVS  
MVCIANVS MIL. LEG. XIII. GEM.  
HOROLOGIARE TEMPLVM A SO-  
LO DE SVO EX VOTO FECIT,  
FALCONE ET CLARO COSS.

Sargetia fluvius Daciæ, ad regiam Zar-  
miiz Deceballi quondam Dacorum Re-  
gis fluens, cujus tempore Huniadum ar-  
cem alluit: Decebalus autem subter vada  
Sargetiæ amnis, non procul à Regia præ-  
dicta Zarmiiz, suos occultaverat thesau-  
ros, quos deinde Trajanus Imperator,  
eo superato comperiisse fertur. Lege Tra-  
jani vitam, per Georgium Merul. ex Dio-  
ne Græco traductam.

Zarmis, inquam, urbs ingens, quon-  
dam Deceballi Dacorum Regis sede clara,  
eo autem devicto, Colonia Vlpia Trajana,  
Augusta Dacia fuit appellata, quod ex sub-  
scriptis Epigrammatis plane videre licet.

DIVO SEVERO PIO.  
 COLONIA VLPPIA TRAIANA AVG.  
 DACIÆ ZARMIS.

*Aliud Epigramma.*

I. O. M.

ROMULO PARENTI, MARTI AV-  
 XILIATORI, FOELICIBVS AVSPI-  
 CIIS CÆSARIS DIVI NERVÆ TRA-  
 IANI AVGVSTI, CONDITA COLO-  
 NIA DACIA ZARMIS, PER M. SCAV-  
 RIANVM EIVS PRO P. R.

\* Sunt præterea in ea provincia montes  
 auri & argenti ditissimi, utpote Abrug-  
 bania, Zalathnia, & Keresbania, ex qui-  
 bus magna vis auri & argenti sumitur,  
 & Camera Regiæ pro cudendis tam au-  
 reis quam argenteis monetis applicatur.

Abrugbania dives auri oppidum, in  
 cujus circuitu montes mira rerum om-  
 nium fertilitate, usque adeo cumulari, ut  
 solertis terræ visceribus, thesauros Re-  
 giis opibus non indignos alat: nempe illi-  
 cobrisum aurum patulis de montium  
 verticibus frustulatim præciditur, subter  
 quorum valles vitrei & perlucidi amnes  
 decur-



decurrunt, ex illis alpium jugis demergentes: plures denique eo loco chrysolapides in opulentis ac crebris chrysolipsis, id est, aurilavacris inveniuntur. Abrugbania autem Romanorum olim colonia fuit, quantum ex hac inscriptione conjectura assequi possumus, in altari ædiculæ supra oppidum non ita longe reperta.

## D. M.

CASSIÆ PEREGRINE INTEG. FA  
I. VIR ANN. XXII. F. BISIVS SCE-  
NOB. SARD. CONIVG. S. M. P. I.

Zalathhya oppidum temporibus Traiani Imperatoris conditum, olim auri-fodinis insigne, ubi adhuc extant aliquot Epigrammata in marmoribus sculpta, quorum hîc unicum lectu dignum ad-junximus.

## D. M.

M. AVRE. ANTHONINI MIL.  
LEG. XIII. GEM. VIXIT. ANN. XII.  
MEN. XI. DIEBUS II. MILITAVIT.  
AN. V. LIB. RARA VRE L.

MARCIANVS ET VAL. VALEN-  
TIANA FILIO PIENTISSIMO.



Keresbania oppidum in proclivitate montium loco satis amœno situm, quod Saxones Valachis passim interspersi incolunt, à quibus ea loca interdum minus tuta sunt ex frequenti depredatione.

Iam paucis post civitatum descriptionem, quæ hîc sint præ cæteris celebria flumina aperiemus.

Marisus, seu Marisus pen. cor. Daciæ, vel si mavis, Transylvaniæ aurifer fluvius, ex alpibus Transylvaniæ Moldaviam contingentibus profluens, à Ciculis in Daciam, inde in Tyssiam descendit (vide Strab. lib. x.) mox Danubium influit, per quem Romani milites vasa olim sibi ad usum belli necessaria devehere solebant, adde quod hinc sal Regium in Hungariam importari solet.

Zamosus, pen. longa, fluvius Daciæ non procul à Chryso fluvio in jugis Dacicis ad Moldaviam vergentibus, in primis Orientem versus effluit, tandem arcem Gywla Episcopalem præterfluens, tendit ad Austrum, & civitatis Colosvariæ pomœria radit, inde ad Solis ortum vertitur, angusto alveo & sinuoso navigabilis, quo sal Regium oneratis navibus quotannis evehitur, vulgus eundem fluvium appellat Zamos, non longe à Bistricio territorio, per vallem emissus abducitur

tur in Hungariam Thybisco amne præcipitandus.

Auratus vero fluvius in montibus Abrugoriens Tordam præterlabitur, & paulo supra Nadghlack in Marisio exoneratur, qui Transylvaniæ celeberrimus fluvius est, satis exili & angusto alveo profiliens, deinde collectis simul aliorum rivulorum & fluviorum undis augetur, Transylvaniamque secat, ac præterfluens oppida Zeckel wasslarhel, Enyedum, Albani Iuliam, Devan, & Lyppiam, qui tractus totius provinciæ est amœnissimus, atque non adeo magna distantia à Zegedino in Hungaria, cum Thybisco conjungitur, & navalis est amnis, quo omne sal evehitur ex Transylvania, deponiturque Zegedini, atque inde per totam defertur Hungariam, & per Thybiscum, Belgradum, Serviamque deducitur.

Est autem Transylvania (ut ad priorem nostram redeamus sententiam) quæ olim fuit Dacia, si non tota, tamen ejus florentissima & præcipua pars, quam Imperator Trajanus, ut prædiximus, victo Rege Decebalo, qui his locis imperabat, in provinciam redegit, deductis colonis, & urbibus conditis, quarum nonnullæ in hunc usque extant diem, quod adorandæ vetustatis inscriptiones

monumentorum pluribus locis repper-  
 rum indicia testantur : Eam Teutones  
 primo tempore & aliquot retro sæculis  
 possidere, sive hi ex Saxonia, sive à Rhe-  
 no venerint, tamen ex Germania profe-  
 ctos fuisse constat: Sed quam fortunam,  
 quemve Ducem sequuti sint, nullis qui-  
 dem literis proditum est, nisi quod in  
 Hungarorum Chronicis legitur, Divo  
 Stephano regnante multas semel natio-  
 nes Hungariam & istius confinia occu-  
 passe, inter quas Saxones fuisse memo-  
 rantur. Hactenus de Transylvania, nunc  
 quæ Hungariam propius contingunt di-  
 cemus.

Hungarorum nomen quidam verifi-  
 mili conjectura ducti, ex Hunnis & Ava-  
 ribus concretum existimant: quorum illi  
 à Mæotide palude digressi, hi verò è Iura  
 monte descendentes, in Pannoniis (hoc  
 enim antiquitus regioni nomen fuit) Go-  
 this expulsis (qui & ipsi paullo antè per  
 vim, ejectis primis cultoribus, irruperāt)  
 sedes sibi constituerunt. Vt olim, ita nunc  
 quoq; Hungaria omnis in duas divisa est  
 partes, quarum unam supradanubianam,  
 vel primam, alteram cisdanubianam,  
 vel secundam scriptores appellant. Regni  
 universi limites sunt, ab oriente quidem  
 Transylvania & Rascianorum regio, quæ  
 Mysia olim: australe ejus latus Dravus  
 fluvius

fluvius claudit; ad septentriones Polonia; ad occidentem Austriæ & Stiria; confinia habet. Quæ Savum & Dravum interjacet regio, Valeria olim, item Riparia & Interamnensis Pannonia appellata fuit: Hungarorum quondam regibus vectigalis, nunc pleraq; omnis Turcarum tyrannidi servit. Cælum hîc satis temperatum est ac mite: aër tamen multis in locis humidus, ac densa plerunque caligine obscurus. Terra fertilitate nulli ex omnibus pænè Europæ regionibus cedit. nam & fruges omnis generis, triticum præsertim, & milium, benignè gignit: generosi etiam vini proventu admodû felix est: tum pecore tota fecundissima, adeò ut quotannis Viennam circiter octoginta præpinguium boum millia, atque inde in diversas Germaniæ regiones agantur. Ferinæ tanta abundantia, ut venationes & aucupia cuiusvis licita sint, sic ut lepores, phasiani, perdices, quæq; apud nos in deliciis habentur, rusticorû etiam ac plebeiorum hominû familiaris sit cibus. Terræ viscera venis omnis generis metallorum scatent, præsertim auri, quod bonitate in primis commendatur. Amnibus prætereà nobilissimis irrigatur, Danubio, Savo, Dravo, Savaria, Corcora, Arrabone, Tebisto, Grano, Marisio, Cuso, Alictio, Bacunio, Valdarno: quorum nomina etsi ab incolis

incolis corrupta, aliquid tamen hodie ex  
vetustate retinent : qui omnes præter  
alios minores pænè innumeros, non tan-  
tum navigationibus & mercium subve-  
ctionibus magnas præbent cōmoditates,  
sed etiam piscibus ita abundant, ut nulli-  
bi eorum major sit copia & vilitas. Certè  
Tibiscum incolæ tertia sui parte ex pisci-  
bus constare, proverbio ferunt. Quid de  
nemorum umbris, fontium limpidiissi-  
morum, atque inprimis thermarum sca-  
tebris dicam? quarum rerum omnium  
admirabilem copiam non ad voluptatem  
tantum, verum etiam salubrem usum,  
huic regno Deus munificè est elargitus.  
Oppidis, arcibus, vicis, pagis, villis ita fre-  
quens est, ut vel cultissimis regionibus  
comparari, multis verò meritò anteferri  
possit: è quibus præcipua aliquot, regio-  
num ipsarum situm secuti, describemus.  
Ac primum quidem, quod ad Septem-  
trionalem, sive supra Danubianam Hun-  
gariam attinet, dirimitur illa à Transyl-  
vania Moremaruso, à Polonia & Mora-  
via, Carapto monte. Fluvios habet præ-  
cipuos, Marcam, à Marcomannis denc-  
minatum, Tirnam, Vagam, Nitriam,  
Granum & Tibiscum, cum quo, antè  
quàm in Danubium exeat, multi alii, quos  
postea recensetimus, cōmiscuntur. Mar-  
ca è Moravorū finibus progressus, Hun-  
gariam

gariam à vicinis regionibus , maximè Marcomannorum campis determinat. Hinc Albii montes Moraviæ & Poloniæ prætenduntur: qui latus illud Hungariæ, quod Transylvaniam spectat, quasi promontoriis quibusdam castigant. Ex his Vaga fluvius ortus, ad Comarum Danubio influit. Inter Marcam & hunc urbes sunt, Tirnavia primum, Ioannis Sambuci, viri clarissimi patria, ad Tirnam fluvium sita; infra ad Danubii ripam, Pofonium (vel Pisonium, ut alii volunt) urbs splendida, & episcopatu insignis. Cis Vagam sunt Golgotia, sive Eleutheropolis, Nitria, aliaq; multa oppidula & castella. Iidem montes Granum fundant, qui antequàm Danubium ingrediatur, Ipolam recipit: cujus ripa utridè utrimq; frequentibus oppidulis & vicis præcingitur.

*Tibiscus fluvius.*

**A**D ortum æstivum progredientibus Tibiscus occurrit, cujus fontes ad radicem montis cujusdam, qui à frigore nomen habet, monstrantur: Is magno terrarum tractu labens multis amnibus augetur: inter quos præcipuus est Samus, qui è Transylvania decurrens, peninsulam quandam facit, in qua Satmaria, satis munitum oppidum, sita est: Post hunc Bodrogus, receptus prius Vnga & Lâbarfa fluviis, in Tibiscum illabitur.



*Toccaia.*

**A**D confluentes Toccaia visitur, insulae specie, arx loci natura & operibus firmissima, inundationibus tamen obnoxia, à quibus gravissima damna non semel accepit. Paulo infra, Tarsa, Eperias præterlapsus, Tibisco conjungitur, Hevato flumine auctus, ad hujus ripam Cassonia est, urbs cultissima, multumque veteris adhuc retinens splendoris. Iam illud Tibisci latus, quod Transylvaniæ obvertitur (veteres Daciam ripensem dixere) multis oppidulis, vicis, castellis cultum est. Præcipua sunt Gísgalo, Nagalæ fanum S. Nicolai, & Echieda, ad ejusdem nominis lacum.

*Agria.*

**Q**Uæ inter Tibiscum Danubium & Ipolam ab meridie ad septentriones exporrecta jacet regio, oppida habet, primo Agriam (Erlam vulgo) episcopali dignitate ornatam: quam ab Agrianis, Illyricorum reliquiis, exstructam, Tartari Bela quarto regnante, funditus everterunt: sed incolæ è ruderibus eam multo magnificentius restaurarunt, arcem præsertim, quæ magna ex parte in colle sita, fossaque, qua plano conjungitur, profundissima circumdata, inter præcipua Hungariæ propugnacula habetur.



*Vacia.*

**I**nfra ad Danubii ripam Vacia sita est Musarum olim domicilium; jam vero quod ejus Vulcanus reliquum fecit, Mars sibi vindicavit. Hanc inter & Agriam medio fere spacio Hatuana est, nupera Turcarum clade insignis: ultra quam Septentriones versus progredientibus, fluvii occurrunt, Sagyva primum, inde Genges & Tarna: qui tandem in unum alveum cœuntes, ad Solnocum, oppidum & arcem ejusdem nominis, quorum munitionibus hodie Turcæ in primis confidunt, in Tibiscum illabuntur. Sex millia circiter infra Solnocum, in ejusdem amnis ripa, Segedinum conspicitur, eique in adversa ripa oppositum Conadium.

*Colossa.*

**A**D ripam vero Danubii, infra Pæstum Colossa est, urbs vetus, episcopalis. Inde paullatim tractus hic inter Tibiscum & Danubium ad confluentes usque in angustum cuneatur, in quo Cunianorum sive Bachamegorum campi, pagis quidem infrequentes, pascuis vero supra modum fecundi. Australis, vel infra Danubiana Hungaria, Danubio & Dravo continetur: ab occasu Austriam Sariamque finitimas habet. Pars hæc rerum omnium proventu non modo  
alteri

alteri non cedit, verum etiam oppidorum frequentia longè antecellit.

Primum qua Aultriam contingit, Danubius insulam facit, quam Cituorum insulam Ptolemæus, nostri Scythicam appellant, incredibili fertilitate: cujus extremus angulus, qui interiora regionis respicit, Comara, contra vim omnem valida in primis arce munitus est.

*Iaurinum.*

**P**Aulo supra Comaram, ad dextrum Danubii brachium contra prædictam insulam Iaurinum est, primum facile totius Hungariæ munimentum: quod Rabam jam vulgus appellat, ab Arrabone fluviò, quo alluitur, detorta voce.

*S. Martinum.*

**T**Ria ab Iaurino milliaria, orientem versus, est Mons S: Martini: in cuius jugo insigne monasterium, ad radicem verò oppidulum, ligneo sepimento, terrâ expleto, præcinctum.

*Pappa.*

**V**Ltra hunc ad meridiem Pappa est, arx & oppidum, ad lacum sita, operibusque contra hostium insultus non mediocriter utraque munita.

*Schiltberg.*

**H**Inc Montes Batonii, quibus nostrates à clypeis nomen indiderunt, incipiunt; & mediocri terrarum spatio inter:

Danu-

Danubium & Balatonium lacum excurrunt: quorum radices Marcalta, Arrabonnis divertigio alluuntur.

*Dotis.*

**A**D latus horum, quod ad Danubium vergit Dotis est, oppidum quondam, nunc arx tantum è ruderibus instaurata. Ad hanc collis præaltus attollitur, albi & rubri marmoris lapicidinis nobilis; sed qui hosti ad oppugnandam, ac tormentis diruendam arcem, magnas præbeat commoditates.

*Strigonium.*

**S**Vpra hanc Strigonium est, ad Danubii ripam, Pannonicarum urbium pæne vetustissima ac nobilissima, primatis Episcopi sedes, ex quatuor oppidis, ad instar Syracusarum, constans: quorum primum arcem complectitur regiam, cum primario templo colli impositam: secundum hydropolis nominatur, ad collis radices in ripa Danubii positum: tertio in adversa ripa è regione sito, Gocaræ nomen est: quartum Rascianorum civitas, in citeriore ripa, appellatur.

*Vicegradum.*

**I**Nfra Strigonium ad tria circiter miliaria Vicegradum est, oppidulum & arx ejusdem nominis, illud ad Danubii ripam, hæc in colle sita est, sed arx Typhlopyrgi seu Cæci castelli appella-

riore nostratibus notior est : regum olim domicilium , à Matthia Corvino hortulis, ædificiis marmoreis , aliisque substructionibus mirificè exornata.

*Buda.*

**H**inc tria circiter milliaria abest Buda totius Hungariæ metropolis, quam nonnulli à Buda, Attilæ fratre, & in imperio collega appellatum volunt: sed verisimilior eorum est opinio, qui à Budinis, Scytharum gente, Boristhenis quondam accolis, cum Attila in Pannoniam egressis, originem ac nomen eam traxisse arbitrantur. Sunt qui Sicambriam prius dictam volunt à Sicambris, quos Antonius & Severus Imperatores, ad reprimendos barbarorum impetus, præsidio iis regionibus collocarant. Quæ tamen hodie nobis Buda dicitur, paullum ab eo loco abest, ubi olim sita fuit: cui rei argumento sunt rudera, quæ infra Budam hodieque monstrantur. Urbis ipsa in plures insulas sparsa est: quarum quæ Danubio alluitur, præcipua magnitudine est, Hydropolis aliàs, aliàs Iudæorum civitas cognominata. Huic, veluti alæ utrimque, ad meridiem arx regia, ad Septentriones, suburbium superius prætenduntur. Quæ solem occidentem & montana respicit, altera urbis pars est, ceteris munitior, loco acclivi sita: cui

una

una cum arce, alterum suburbium, rarioribus alibi, alibi frequentioribus ædificiis, ab extremo occidentis angulo, meridiem versus ad Danubium usque procurrens, est circumfufum.

*Pæstum.*

**I**N ulteriori ripa Pæstum est, cum loci natura & operibus munitissimum; tum civibus frequens oppidum. Ab hoc ad Budam pons navalis transitum præbet. Inter Danubium & Dravum modicus fluit amnis, Larvis nomine; qui ad meridionalé latus Batoniorum montium ortus, Vesprimium haud procul ab ipsis fontibus, inde Albam regalem, aliaque castella & oppidula præterfluens, ad Bathiam in Danubium se effundit.

*Vesprimium.*

**V**esprimium episcopali sede nobilis inter priornarias Hungariæ urbes olim fuit numerata. Arcem habet longè amœnissimam, in colle sitam: unde in subiectum oppidum, vel potius deformes vastati oppidi ruinas, agrumque vicinum longè lateque patet prospectus.

*Palotta.*

**H**Inc ad plagam septentrionalem Palotta est, arx angustis quidem pomœriis, sed fossa duplici, muris, & propugnaculis contra vim non maximam satis munita.

*Alba regalis.*

**P**roximè hinc abest Alba regalis, ubi antiquitus Hungariæ reges & coronari & sepeliri erant soliti, quorum tumuli non pauci hodieque exstant in primario urbis templo, quo nullum fuit in universa Hungaria, vel operis structurâ splendidius, vel annuis proventibus locupletius. Suburbia habet tria, vel quinque potius (nam quæ ad latera sunt utrimque, canali infuso ac maceriâ dirimuntur) ad quæ vix ullus patet aditus; quòd vicina omnia paludibus profundaue uligine teneantur. His inclusa urbs ipsa, nec loci tantum naturâ, sed etiam operibus firmata, difficilem admodum habet oppugnationem. Aër exhalationibus, æstivo præsertim tempore, corruptus, minus salubris est.

*Sigetum.*

**I**nter Sarvim & Dravum Sigetum est, oppidum tripartitum, paludibus undique circumfluens, arx in primis: quæ & ipsa duplex est, interior & exterior, oppido veteri sublicio ponte annexa, cui minus oppidulum, quod novum dicitur, à fronte objicitur.

*Quinqueecclesia.*

**H**inc quatuor circiter milliaria absunt Quinqueecclesiæ, antiquum oppidum, in quo Solimannus Turcarum tyrannus,



aus, Sigetum oppugnans, anno MDLXVI ut suo loco dicitur, fatis concessit. Sunt præterea aliæ multæ regiunculæ, oppida, arces & castella, quibus Danubii, Dravi, aliorumque minus nobilium fluviorum ripæ prætexuntur, sed quum nihil insigne habeant, aut narratu admodum memorabile, non est quod in eis heic explicandis, vel etiam recensendis, immoremur: præsertim quum rerum gestarum narratio multa alia describendi nobis materiam sit suppeditatura.

Proximum esse videtur, ut de incolarum moribus aliquid dicamus. Etsi vero Hungari de pristina animi ferocia, & quam majores eorum ultro affectabant, duritiæ multum remiserunt: Scythicæ tamen originis etiamnum vestigia multis in rebus apparent. Bellicosi sunt; sed equestri pugne quàm pedestri habiliores. In acie ordines minus accuratè tuentur, & in pugnam temerè procurrunt, aut ruunt potius: unde nonnunquam non minus incitato cursu, quàm venerant, retrò feruntur. Hodie tamen diurno bellorum usu edocti, artem militarem peritè ac strenuè tractant. Equitibus, quos Hussaros appellant, arma sunt, lancea, sagaris sive gladius Persicus, ad lævam; sub dextro femore verutum ephippio alligatum: plerique insuper siphuncu-



lum tormentarium theca reconditum habent. Præfecti & centuriones cestram ferunt, magis ad cogendos ordines, quã hostis arma perfringenda accommodatam. Pedites (Haiducos vocant) nec galea, nec lorica utuntur, vestitu etiam à rusticis parum differunt. Arma illis sunt sclopus manuaris, aut si hic desit, hasta velitaris, sagaris, & à cingulo dependens securis. Sagum villosum, vel crudam vrsi aut lupi pellem humeris injiciunt, sub mento adstrictam: cives tamen pallia rubro, viridi, cœruleo vel ianthino colore gestant. Nobilium splendidus admodum & sumptuosus est vestitus, mulierum imprimis; mundus prætereà magni precii, & exquisitus. In victu ab antiqua parcimonia multum desciverunt, magnates imprimis; quorum mensæ & domesticis & exoticis deliciis abundant. Et temperantiam quidem, jam ante mira regionis ubertate præcipitem, vehementer impulit peregrinorum, ut credibile est, consuetudo, & qui eò ex omnibus Europæ partibus confluerunt, militum luxus. Comitiorum, quibus de rege creando ageretur, hæc olim erat ratio. In campis Pæsto propinquis, omnium ordinum, quibus suffragii jus, homines, constituto die, frequentes armati conveniebant. Omnib. auté maxima parte in regis electione

atione consentientibus, post faustos populi, novo regi gratulantis, acclamationes, dies Albam regalem indicebatur, qua die primùm Episcopus Strigonien-  
sis, prolatis regiis, insignibus, præsentem multitudinem, utrum regem hunc sibi dari vellent, percontabatur. Vbi assen-  
ferant, obedientiamque erant polliciti: idem regem officii sui commonefacie-  
bat, & dato ultra citraque juramento, folio impositum coronabat. Eum deinde  
episcopi & procures è templo in regiam deducebant, Stephani primi vexillum &  
arma, antiquitus in eum usum asservata, præferentes. Qua verò fide erga reges  
suos fuerint, malo ex historia ipsa lector cognoscat. Illud certè constat, è tanto  
bonorum regum numero paucos fuisse, quibus non contra subditorum suorum  
contumaciam fuerit dimicandum.

## DE ADMIRANDIS

## H U N G A R I Æ

## A Q V I S

## D I S S E R T A T I O.

**N**ulla omnino regio est, quæ aut  
plures, aut salubriores aquas  
habet, quam Hungaria. Pro-  
inde accuratam earum descri-  
ptionem hoc loco exhibere necessarium  
putavimus.

Vnde vero potius ordiar, quam ab  
ipsa urbe Buda, quam Hungariæ Reges  
ob loci situm, opportunitatem, & amœ-  
nitatem merito pro regia habuerunt. Hic  
propter ipsam Danubii ripam calidæ sunt  
multæ, inter quas differentia major est,  
quam pro loci discrimine. Quædam enim  
non modo tolerabili, sed ita jucundo sunt  
calore, ut ad hominum lavacta naturæ  
benignitate singulari datæ esse videantur.  
Hujus generis sunt infra arcem regiam  
aliæ, regię vocatæ, vel propter vicinam  
regiam, vel quia regio opere ornata &  
conclusa, vel quia in his Reges lavare  
consueverunt: aliæ communes, quibus  
saxum ceu nativa fornix impendit, quas  
Turcæ post occupatam Budam latius ex-  
cavata

cavata rupe ampliores reddiderunt, cæterisque præferre dicuntur.

At quæ supra Budam sunt, quarum aliæ item regiæ, aliæ hospitales à vicino ptochodochio dictæ fuere, balneis sunt inutiles, nisi refrigerentur. Sic enim quædam calent, vel fervent potius, ut in eas missum ovum non minus cito, quam ad luculentum ignem elixetur. Temperantur autem in balneis frigida, cujus ibi fons calidis ita contiguus est, ut qui haustum veniunt duabus urnis, eodem in vestigio altera calidam, altera frigidam haurire possint.

Ibidem est sub dio fons calidarum cæteris amplior, quem purgatorium vocare, ea nimirum ratione, quod quemadmodum proditum est, in purgatorio pœnas nocentium pro noxarum modo, alias acerbiores, alias mitiores esse, ita quædam insunt aquæ hoc in fonte discrimina. Nam qua in eum à Danubii ripa aditus est, subfrigida primum, mox tepida, & quo in eam penetraris altius, hoc magis calet. In recessu vero interiore tam est calida, ut ferri non possit. Est autem is calor haud dubie aquæ hujus proprius. Nam alia, quæ dixi, temperamenta verisimile est à Danubio accedere, qui crepidinem hujus fontis lambit, & cum vel modice excrescit, totum inundat, neque

tamen ita restinguit, quin caleat. Quin intra ipsam ripam, qua Danubio perennis cursus est, calidæ ebulliunt, ubi qui altius mergi volunt, lavare consueverunt.

Porro hæc ad Budam thermæ (licet vero mihi hac voce in calidatum aquarum appellatione uti) quod alteræ, ut dictum est, infra, alteræ supra urbem essent, ex eo quoque invenere nomen, ut illæ inferiores, hæc superiores vocarentur. Utrasque Turcæ, quibus tamen omnia vastare libido est, non modo non corruerunt, sed etiam cultiores, ac per speciem religionis quasi augustiores reddiderunt. Nam Bassa Mahometh, quem Tyrannus victor Budæ captæ, ac reliquis Hungariæ à se debellatæ partibus gubernatorem imposuit, apud utrasque Dervisis domicilia, ceu cœnobia extrui curavit. Sacello etiam apud superiores in colle vicino, qui ante vītibus consitus fuit, posito consecravit locum memoriæ cuiusdam ejus ordinis, quem, dum viveret, ceu numen quoddam venerati sunt Turcæ, & nunc mortuum, illoque in loco conditum religiose colunt.

Sunt autem Dervisæ Turcis, quod nobis monachi, qui mendicato vivunt, quibus ex religionis, quam affectant, instituto usitatum est, sævire in corpus pro-

proprium, quod alii per inustionem stigmatum ferro candente, alii per incisionem, quæ fit novacula acutissima, quidam utroque modo faciunt, hoc crebrius, & crudelius, quo quisque sanctior & religiosior esse & haberi cupit. Est vero & in vestitu quædam inter eos diversitas, & sanctimonix affectatio. Nam alii veste lanea alba ad talos usque demissa amiciuntur, & calceati incedunt capite operto. Alii nudis pedibus & capite, imo toto pene corpore, nisi quantum pelles duæ ovinæ, aut caprivæ crudæ, quarum altera à fronte, altera à tergo ex scapulis propendet, tegunt. Quidam etiam unica pelle pudendas tantum corporis partes velant, cætera nudi. Gymnosophistarum dicas esse reliquias, quales India habuisse memoratur.

Sunt quidem hæc à narratione, quam de aquis institui, aliena. Sed cum huc delapsus sim, quid obstat, quo minus de Turcarum lotionibus plusculum addam? Cum omnes aquas Turcæ, ceu præcipuum Dei munus, summo honore dignantur, tum vivas potissimum, & fluentes, idque propter frequentes lationes, quibus etiam crebrius per diem, non modo ad sordes corporis ablundas, sed ad scelerum quoque expiationes  
uti

uti consueverunt, quod procul dubio ab aliarum gentium ritibus habent, quibus etiam sola aquæ aspersio inter Februa fuit. Sic Romæ olim ad portam Capenam, postea Appiam vocatam, aqua Mercurii dicta, alii alios aspergebant invocantes Mercurium, ut aspersi flagitia, & præsertim perjuria diluerentur. Sic traditur Peleus absolvisse Patroclum, & Acastus expiassè Peleum à cæde fratris sui Phoci, cum antea Aegeus Medæam aquæ aspersione lustrasset. Sic Orestem à sanguine matris expiatum esse memorat Pausanias in Corinthiacis, cum illum nemo lare suo, & hospitio dignaretur. Cujus loci hoc libentius memini, quod continet exemplum ritus vetustissimi accepti à patribus, quo rei atrocium criminum à consuetudine omnium & colloquio arcebantur. Sic Aeneas quoque apud Poëtam nostrum:

*Ter socios pura circumluit unda.*

*Spargens rore levi.*

Et idem, ceu multa sede pollutus inquit.

*Tu genitor cape sacra manu, patriosque penates,*

*Me bello è tanto digressum, & cade madentem,*

*Attrectare nefas, donec me flumine vivo*

*Abluero.*

Quin



Quin in atriis templorum suorum positam habent aquam Turcæ eundem in usum, neque cuiquam nisi loto in ea ingredi fas esse arbitrantur.

Sed delectantur in universum plurimum lotionibus & balneis Turcæ, eoq; præcipuum apud eos pietatis opus est, institueret & condere balnea publica, nec id tantum viventibus gloriosum esse, sed etiam viæ functis salutare putant. Hac ratione is, qui nunc rerum potitur, Solimannus tum alibi, tum Budæ in ædibus, quæ quondā fuerunt Archiepiscopi Colocensis, amplissimum balneum pro sua, suorumque salute fieri curavit, in quod è Danubio, per canales subterraneos aqua in multam altitudinem, ut est Budæ ad Danubium situs, ducitur. Ipsum balneum intus incrustatum & stratum est monumentis marmoreis, quæ antea in templis fuere posita, imaginibus tamen, si quæ insculptæ fuerunt, resectis, & toto opere perpolito.

Eadem gloria quæsitæ est ei, quem diximus Bassæ Mahometh, qui thermas Budenses ex ædificatis illis Dervisarum cœnobiis, conditorioque ejus, de quo diximus, illustriores reddere studuit. Hîc verò videre est mirabilem rerum commutationem. Nam quæ loca Hungaris incolumi & florente Buda voluptatis domicilia

micilia fuerunt, ea religiose ornavunt. Turcæ, flagitiose contra prophanantes, quæ antea habita sunt pro sacrosanctis.

In thermis superioribus supra eos fontes, quibus ad lavacra usus est, sunt piscinæ calidæ, in quibus nascuntur, & vivunt pisces, qui in frigidam translati, emoriuntur. Sunt etiam calidæ in opposita Danubii ripa supra Pæstum, sed minus celebres, propterea quod ita conjunctæ sunt alveo fluminis, ut ad quævis ejus incrementa corrumpantur.

Solent fere thermæ locis, in quibus sunt, aliquod nomen, & quasi lumen afferre. Ita nobilitatus est quondam sinus Baianus in Campania. Ita nunc quoque in Italia, Germania, & in quavis pene terrarum orbis parte clara sunt hoc nomine loca. Nonnulla etiam appellationem à calidis sunt sortita, ut in Thessalia Thermopylæ, & in Germania oppida, quæ vocantur Badæ, hoc est, balnea. Sed fuerunt quasi in obscuro Budenses, nec aliqua ei loco celebritas accessit, à tanta calidarum copia & varietate, quod procul dubio eo evenit, quod reliquæ ejus urbis fortunæ atque opes hoc non exiguum aliqui clementis naturæ munus obscurarunt. Nam quis fuit in tota Europa locus, qui se Budæ com-  
parare

parare potuerit, siue situs amœnitatem, siue cœli salubritatem, siue soli fœcunditatem, siue aliarum quatumcunque rerum ad quoslibet usus, ad splendorem, denique ad luxum pertinentium ubertatem & affluentiam spectes: ut ne quid dicam de opportunitate, in qua non Hungarorum tantum, sed etiam multorum aliorum populorum defensionem, & salutem sitam fuisse quotidianis damnis, & periculis experimur. Quo gravior & acerbior est iactura, quam erepto nobis per Turcas hoc loco, fecimus. Sed facescant querelæ, quæ suum alibi locum sunt habituræ.

Nisi vero autoritate chronicorum nostrorum magno consensu urbem Budam à Rege Buda Attilæ fratre conditam, & nominatam esse tradentium impediret, ego, si qua alia conjectura de ejus nominis ratione faciunda esset, ob insignem calidarum eo in loco celebritatem, & copiam, pro eo quod Germanis quondam fuerit Bada, unius literæ inversione Budam ab Hungaris dictam esse suspicarer. Nam ea secundorum Pannoniorum loca, antequam huc Hunni immigrarent, Germanos seu Teutonas tenuisse, minime ambiguum est. Nec ita multum dissimili mutatione vocarunt Hungari Wesprimium, quod  
Germa-

Germanis fuit Weisbrun, hoc est, fons albus, qui loco nomen dedit, & etiamnum ibi sub arce, quæ sedes est Episcopi, ostenditur.

Sed redeo nunc ad calidas, ac Danubii ripam legens Istrogranum, vel, ut nunc appellant, Strigonium pervenio, qui locus secundum Budam in Hungaria semper celeberrimus fuit, sede Archiepiscopi, qui idem Primas Hungariæ dictus est, insignis. Hic ad radices montis, cui imposita arx est magnificentissime extructa, qua labitur Danubius, fons est tepidarum inclusus turri, in quam ex arce ductis eò per præceptis muris descensus patet. Ex eo tanta manat aquæ copia, ut quondam molam frumentariam versarit, nunc machinam haustoriam similem tympano impellat, qua aqua è Danubio per subterraneum cuniculum in eam, quam dixi, turrim admissa hauritur, & in arcem transfunditur. Hoc largior est fons alter haud magno inde intervallo, qui in piscinulam quandam influens, in qua etiam media hyeme coaxantes ranas audias, aquæ tantum, quantum versandis tribus quatuorve rotis molaribus satis est, fundit.

Supra Istrogranum, quod ex Istro & Grano mixtum est nomen, quod ibi fluvius Granus Istro miscetur, non longè ab arce

arce Comaronienſi , quæ tenet oram  
cognominis inſulæ, quam Danubius pro-  
pe Poſonium in duos diviſus alveos facit,  
à Septentrione veniens influit Vagus, cu-  
jus ripa ſupra Galgocium, quæ arx eſt fa-  
milię Thurzonum , nunc maxime nobi-  
litata eſt calidis , non propter vim earum  
ſalubrem tantum , qua omnes alias in  
Hungaria calidas ſuperare exiſtimantur,  
ſed etiam propter varium, planeque mi-  
rabilem eorum ortum. Non enim ullum  
certum fontem habent , ſed alveum flu-  
vii ſequuntur, & ut is excreſcit & decre-  
ſcit, ita aut recedunt aut accedunt. So-  
lent autem, quo magis exundat, hoc lon-  
gius recedere , eoque qui lavare volunt,  
ſubinde alias atq; alias ſcrobis fodere, &  
quæſi puteos aperire coguntur. Id cum  
intra alveum eſt fluvius , ſit in glareâ ,  
quod ipſius ſolum eſt: cum vero exit , in  
terra ſolida , & argilloſâ , in qua alioqui  
non reſtagnante fluvio nihil penè humo-  
ris exiſtit. Neque tamen in ripa tantum  
eruntur calidæ, ſed etiam intra amnem,  
ſi fundum ejus pedibus ſuffodias. Calent  
autem immodice , nec ſunt idoneæ bal-  
neis, niſi temperentur, quod admiſſione  
frigidæ de proximo hauſtæ in proclivi  
eſt: ſed quia magis ſalutares eſſe credun-  
tur ſine miſtura, qui medicinam inde pe-  
tunt, deſervere eas ſinunt, quod pro tem-

poris ratione aliàs serius , aliàs citius fit. Nunquam tamen sic deferrent, quin, qui in eas descendunt, tegete, cespitemve, aut ramis in fundum scrobis injectis, imas corporis partes adversus ebullientis caloris vim munire cogantur. Esse autem eas adversus diuturnos, ac pene desperatos morbos efficacissimas, multis experimentis cognitum est, & adhuc indies magis ac magis cognoscitur.

Sunt calidæ aliæ non longe à castro Trincinio, quod ad ejusdem fluvii Vagi ripam est, supra Galgocium. Illæ suavitur calent, & sunt limpidissimæ, atq; ideo jucundissimi secessus loco fuerunt Comitibus Zepusienſibus, qui paulò superiore ætate Trincinii sedem habuerunt.

Nec multum recedunt à Vago calidæ ad arcem Baimocium, quæ item est Thurzonum, quibus hoc honoris habuit Alexius Thurzo, qui in ea familia nomen illustre, & secundum regiam aliquamdiu summâ potestatem apud Hungaros obtinuit, ut eas quadam quasi cisterna ex quadratis facta lapidibus, qui etiam descendentibus scalarum & sedilium usum præbent, includendas curaverit. Etsi verò minus spatiosæ sint, tamen manifestum in ipsis est discrimen caloris, eoque diremptæ sunt muro, & quæ moderatius calent, delicatioribus  
tantum



tantum patent, aliæ vulgi usibus sunt relictæ.

In Comitatu Thurocio, qui eodem in tractu est, sunt pari pene intervallo à Vago distantes calidæ ad Stubnam vicum, qui est civium Cremnicensium. Hæ instar insulæ sunt: clauduntur enim rivo, qui ex propinquis montibus delabens, aquam vehit gratam lavantibus, cum sitiunt. Nam ad temperandum calidas nunquam, nisi quis recentibus aquis admixtis continuo lavare velit, adhibentur: idque etiam tum fit modicè, quod per se minus intemperate caleant.

Non dissimiles sunt his calidæ aliæ inter Cremniciam & Semniciam, quæ sunt duo præcipua oppida inter montana, de quibus supra dixi. Manat ex rupe sic nata, ut lavantibus tectum & umbrâ præbeat.

Nec tantum ipsæ pro salubribus habentur, sed etiam cœnum earum, quod Plinius quoque inter calidarum utilitates retulit, medicam vim creditur obtinere. Itaque in eo quidam, ulcerosi præsertim, ibi propè, qua fluunt, voluntari solent.

Sunt etiam Semnicie calidæ, quæ vocantur Roselinæ; in quibus canales, per quos fluunt, & sedilia ex lignis facta, sic sunt accreto lapide ceu cortice tecta, ut prorsus lapidea videantur.



In Comitatu Liptoviensi ad pagum, qui vocatur Divi Ioannis, fons est tepidarum, ad quem plerumq; confugiunt, quibus scabie, aut pforis foedata est cutis. Exilit verò is, & magno impetu eiacularatur potius, quam emittit aquas, quae Vago ortus & cursus est ex propinquis montibus, qui Carpati caput esse existimantur. Nusquam enim altius sese attolunt, nusquam pluribus & horridioribus jugis assurgunt hi montes, ad quos Carpatum pertinere dixi. Altitudinis indicium est, nix in his perpetua, unde accolis Germanis mōtes nivis vocantur: asperitatis, quod iidem montes sunt impervii. Slavorum lingua appellantur Tatri, hoc est, Tataři, quod in regionem Tartarorum, qui veteribus sunt Getæ, vulgi opinione protendantur. Hungari vocant Tarczal, quod nominis lingua eorum à nudo, seu derafo vertice ductum esse videtur. Nil enim aliud, quam eminentissimi, & prorsus nudi populi sunt hi montes. Ego rupes Sarmatiæ esse crediderim, quarum mentio fit apud Solinum, quo loco Germaniam inter Hercynium saltum, & rupes Sarmatarum extendi ait. Nam ex Sarmaticis montibus, neque ita longe ab his rupibus Vistula, quem Plinius alio nomine Vistillum, alii Istulam vocant, ortum ducit, quo amne

præter

præter Solinum pleriq; alii Germaniam finiunt. His verò rupibus subiectum est Zepusium, ubi aquæ sunt, quæ & ferrum erodunt, & lapidescunt, & animantes potæ enecant, de quibus, quæ alio ad te scripto complexus sum, attexam.

Et ut ab ea, cui consumendi ferri vis inest, ordiar: hæc est ad Smolniciam, quod oppidum ad arcem Zepusiensem pertinet, intra montes, unde quondam metalla eruta sunt. Extrahitur autem haustro, quale Istrograni esse diximus, quod ab aqua superne illabente impulsus circumactu, & raptu funis, cui implicati sunt crebri nodi coriacei, implet fistulas, per quas funi meatus est, quibus adjuncti canales effusam aquam excipiunt, & emittunt sub dium in alveos in terram defossos, quibus ferrum, sive vetus, sive novum imponitur. Quæ minora sunt ferramenta, citius adeduntur. Solea ferrea equi consumitur intra horas viginti quatuor. Quæ vero sunt crassiora, cuiusmodi sunt, quæ in vicini montis ferrariis hunc in usum fiunt, postquam per aliquot dies aquæ immersa jacuerint, ceu limo quodam obducuntur adesa, eoque statim temporibus abluuntur, & purgantur, ut in id, quod superest ferrum, aquæ vis efficacius penetraret. Quod pereso ferro manet luto simile, cuprum est (ipsi

vulgo cementum vocant.) Id in fornace conflatur in massam, & deinde per aliam fornacem eliquatum fit purius, & purgarius, & ad omnes usus non minus utile, quam quod fit ex metallo, cujus multæ sunt fodinæ eodem in loco.

Non dubium est autem, quin aqua hanc vim à venis metalli trahat, præsertim à pyrite æris (vulgus marchesitam appellat) cui ibi vim inesse acerrimam, vel ex eo satis apparet, quod aqua pluvia, aut alio quo humore terram subeunte, ex ipso id, quod vocant vitriolum, quod Græcis chalcantum, Latinis atramentum sutorium est, destillat, pyramidatim concreescens stiria in modum. Hoc vitriolum nativum dicitur. Est enim aliud factitium, quod quidem eodem in loco in hunc fit modum.

Solent sectores metalli ligna intra fodinas transversim posita, in quibus itur & statur, pyrite minutius cæso conspergere, & eo quasi viam ad firmanda vestigia sternere. Ei simul atque penetrantibus in terram aquis permaduerit, innascitur vitriolum, idemque ubi madere desierit, ita consolidatur, & adhærescit lignis, ut non possit nisi ferro resecari. Resecantur autem sic concreta, & è fodinis per utres extracta mittuntur in alveos. Hic aqua fervente superfusa vitriolum

lum omnē, quod pyriti innatum est, resoluitur, fitque aqua tota viridis, quæ deinde in alia vasa transfunditur, ut depuretur: depurata autem transfertur in caldarium plumbeum, in quo supposito magno igne bullit ad horas octo, aut novem, donec per evaporationem, quam vocant, densetur, influente tamen semper eodem liquore, ut eadem caldaria plena maneant. Post infunditur in cados ligneos, quibus insertæ virgæ sunt, quibus accrescit. Atque hoc est, quod vitriolum coctum seu factitium vocât. Ac tantum quidem de aquæ ferrum rodentis vi & efficacia,

Nunc de lapidescente dicam, cuius generis multæ sunt in Zepusio, inter quas etiam nonnullæ non aliter, quam calidæ, aut aliæ salubres frequentantur. Et inest his quoque calor, vel potius temporis aliquid, quod cum aliis temporibus, tum per hyemem manifestius sentitur. Est vero inter eos fons eximius unus ad pagum, cui apud Zepusienses Germanos à rivi murmure nomen est, qui instar piscinæ stagnat, & plurimam aquam reddit, in quam item ligna injecta, lapide ceu cortice obducuntur. Alter ad pagum qui vocatur Ioannis. Nam qui angustius statent, statim atque paululum profluxerint, lapidescunt, & ita in tu-

mulos exurgunt, cuiusmodi videtur unus ad pagum Divi Andreę nomine, alter cæteris insignior prope arcem Zepusiensem ad ædem Divi Martini, quæ sacrarum ædium in Zepusio princeps est. Hîc scaturit, vel erumpit potius aqua bullienti similis, cum magno intus murmure & strepitu, qui admota aure non sine admiratione auditur. Erumpit autem non foras tantum, & sub dium, sed etiam meatus sub terra quærit, & quacunque vadit, lapis fit, quanquam qui subterranei sunt ejus generis lapides, pluviis aquis irrigata humo, & eo madore diutius manente dissolvuntur. Solent autem accolæ his sic dissolutis & effossis ad opera cementaria vice calcis uti. Qui verò sub dio nascuntur, ipsissimi sunt lapides, tofi dicti, levitate & raritate non dissimiles pumicibus. Et quia verisimile est iis aliquid glutinis inesse, qui in propinquo ædificant, libenter his ad muros faciendos utuntur, eoque quidam illic dictitant, se domos ex aqua factas inhabitare.

Cæterum non minus miraculi videtur habere quibusdam, quod in monte arci contiguo, intra specum quendam aqua per hyemem fluida, æstate ita congelata sit, ut refrigerandis poculis glacies inde peti soleat.

Porro



Porro quod ad fontes bibentibus ex eo animantibus letales attinet, eorum unus est ad radices rupium Sarmaticarum, quæ, ut dictum est, Zepusio imminet. Alii duo hoc famosiores sunt in Comitatu Saros, quasi in conspectu arcis cognominis, cujus ipse præfecturam teneo. Nam qui est sub rupibus, aves tantum ex eo gustantes necare dicitur. At alios duos non tantum avibus, sed etiam aliis animantibus noxios esse ferunt. Quam ob causam, ne cui pecori ad eos aditus sit, diligentissimè caveri solet. Nascitur autem ad alterum eorum, qui propemodum intra Eperiensium nostrorum fines est, plurimum aconiti, cui herbæ venenum inesse vel unicus Ovidii versus arguit:

*Lurida terribiles miscent aconita no-  
verca.*

Atque hinc quidem videri potest fons hic virus trahere. Tales enim, ait Plinius, sunt aquæ, qualis terra, per quam fluunt, qualesque herbarum, quas lavant, succi. Sed est re vera singularis hujus fontis natura, ut qui & crescente luna augeri, & deficiente minui, atque adeò in interlunio prorsus deficere dicitur tanto omnium consensu, ut mihi ne libuerit quidem, an hæc aliter sese haberent, explorare.

Fontes acidos, & quas acidulas vocant, consulto prætereundos putabam, quod minime rari sunt in Hungaria. Ne non tamen ex his quoque aliquid delibet, celebres sunt in primis, alter in Comitatu Zolienfi ad arcem ejusdem nominis, cui oppida, quæ dixi vocari montana, subiecta sunt: alter ad oppidum, cui mons regius nomen est, uterq; spleneticis manifesto sensu mederi dicitur.

Ad oppidum Bistriciam, Germani Neusolam vocant, ubi fodinæ sunt æris opulentissimæ, quæ nunc appellantur regiar, quod in iis impendio regis opera fiunt, cuniculus quidam reddit aquam viridem, ex qua ubi subsedit, chrysocola colligitur.

Quia verò in Comitatum Zoliensem, dum aquas persequimur, ventum est, non possum præterire hiatum terræ iisdem in locis famosum ob pestilentes expirationes, quibus aves supervolantes, & quævis alia animantia extinguí constat, manifesto eorum experimento, qui ejus rei periculum facturi, gallum, gallinamve, aut selem, aut canem longo hastili alligatum supra eum hiatum, qui septo ad arendas inde animantes circumdatus est, protrudere & efferre consueverunt, quibus non aliter vita subito eripitur, quam si strangularentur,

Est



Est item ad eum fontē, qui potus aves, ut dictum est, enecat, sub Sarmaticis fontibus acidula, quæ etsi eandem cum eo ipso fonte originem habere creditur, tamen plerisque ita grata est, ut etiam ægroti inde potum petant.

Alia est non longe ab arce Leva in Comitatu Barsiensi, quæ nisi ab haurientibus pleno vase perferatur domum, saporem amittit. Itaque qui occurrentibus, ut fit, potum ex ea præbent, vel modicè exinanito vase, quod reliquum est, effundunt, & ad hauriendum denuo recurrunt. Addunt quidam aliud hoc prodigiosius, sed minus simile vero. Nempe, si pura sit, dum hauritur, & pura permaneat, donec offeratur ægrotis, qui eam mirifice appetere solent, quod hoc certissimum ad salutem signum sit. Sin turbida reddatur, plane pro deplorato haberi ægrotum. Itaque eos, qui potum tantum infirmis, non omē petunt, antequam hauriant aquam, turbare solere. Sed hoc superstitionum credulitati relinquamus.

Ab hac quoque rursus acida alia haud magnis distat spatiis, ad quam etiam prope est fons, qui tumuli in speciem assurgit, & subinde mutat fluxum lapidescente nimirū statim aqua, quam effundit, & ideo sic excrecente ea parte, qua  
aliquan-

aliquandiu manarit, ut sese aliam in partem, quæ humilior est, effundere cogatur, quod quidem quasi circuitu quodam fit per omnem fontis oram.

Ad arcem Fileg, quæ inde in Boream euntibus occurrit, in Comitatu Neograd, specus est, in quo superne destillans aqua, continuo durescit. Ibi verò videas ceu statuas hominum consistere saxa ex hac destillatione concreta. Albus his color est, nec per se tantum sunt alba, sed etiam coloris albicantis usum trita pictoribus præbent.

Sunt præterea ad fines Eperiensium fontes falsi tantæ acrimoniæ & falsuginis, ut inde sal excoquatur, qui ad omnis generis condituras, & in primis ad cocturam piscium cæteris utilior esse existimatur. Habetque locus nomen ab his fontibus: Hungaris enim Sowar, hoc est, Salisburgum dicitur. Nam & arx ejus nominis supra eum locū fuit, meæ item præfecturæ subiecta, antequam dirueretur. Esse autem salis vim magnam in aliqua eorum montium parte, in quibus promontorii instar arx extat, vel hoc magno est argumento, quod in adversa quoque eorum parte falsi fontes sunt, qui item sua appellatione insigniunt locum. Sed quod in eo inquirendo aut eruendo minus elaboratum est, id non negligentia

gligentia hominum , sed procul dubio Regum provisione evenit , ne immodica copia sale vilesce contingeret.

Abundat enim Hungaria sale nativo, qui lapidicinarum modo cæditur in Maromarusio. Item in Transylvania, ubi etiam piscinæ falsæ stagnant , à quibus omne pecus arceri necesse est : Compertum est enim earum immodico haustu, qui falsugine incitatur, enecari. Insunt tamen in his alicubi pisces , quod minus mirum videri posset , cum ipsum quoque mare piscium parens falsum sit, nisi hîc non in aqua falsa , sed in ipso pene sale vivere viderentur. Sunt autem sapidissimi, carne duriuscula , & ita impatientes aquæ dulcis, ut in eam missi, exanimentur.

Quia verò in salis mentionem incidimus, etsi de ejus, qui cæditur, ortu diversæ sint sententiæ , aliis nimirum eum cum ipsa conditione rerum ab initio exitisse , aliis postea natum esse affirmantibus : tamen ut verò propius sit, ex humore aut succo falso concretum esse , & adhuc concrecere, ea potissimum ratione ostendi posse judico , quod in ipsis lapidicinis salis , ubi solidissimus fuit, inventa sunt varia instrumenta ad humanos usus facta. Quodam etiam in loco Transylvanię gallina incubans cum ipsis  
ovis

ovis incorrupta. Quin nunc quoq; plærunque magna carbonum vis eruitur cum sale. In Desiensi fodina, qua nulla est in Transsylvania altior, paucis ante annis excisum est de medio sale ingens robur trabi simile, tanta duritie, ut ne ferro quidem facile cederet. Sed idem extra fodinam extractum sic computruit intra quatuor dies, ut primis digitis concerpi & conteri posset. Idem solet carbonibus dum exciduntur durissimis, simul atque sub dium prolati fuerint, evenire. Hæc verò vulgus in illa confusione rerum, quæ Noë temporibus in cataclysmo fuit, ibi oppressa, aut alio quopiam casu eò abrepta esse interpretatur.

Flos salis alibi copiosior, alibi raro in reliquo sale reperitur: gemmam vocant, quod gemmarum quarundam in morem pelluceat. Faciunt autem hoc reperto iudicium salicidæ docti experientia, salem, qui sequetur, aut impurum futurum, aut citò desitutum, neque temere ipsos in eo falli comperitum est.

Abundat & vicina Polonia hujus generis nativo sale saxeo, sed hic minus syncerus & solidus est Hungarico. Non enim fibris tantum, aut venis, sed etiam ingenti mole terræ plurimis in locis distinguitur.

stinguitur, ac præterea longius abest à superficie terræ. At in Hungaria putei, in quibus cæditur, minus alti sunt usque ad salem. Quin in Transsylvania etiam scopuli instar extat supra terram ad ripam Marisi fluvii, cuius item alveus sal est, non longe ab oppido Thorda salinis celebri. Fitque sæpenumero, ut arantes etiam vomerem in salem impingant. Sed eum meminisse cædere licet, ne quid vestigalibus regiis decedat. Liberum est tamen Ciculis, qui ut dictum est, nonnullam Transsylvania partem tenent, suo in solo, quantum domesticis eorum usibus satis est, sumere. Sed hæc de falsis obiter dixisse sufficiat.

Restant inter calidas, quibus quidem aliquod in Hungaria nomen est, unæ prope Waradinum, quæ vocantur divi Ladislai, sive quia hîc divus Ladislaus layerit, sive quia ad ædem ei sacram, & sepulchro ipsius claram, ac tum ipsius, tum Sigismundi Imperatoris, qui hoc quoque condi voluit, munificentia opulentam pertinet. His pleriq; inter omnes Hungariæ calidas primas tribuunt, in quo tamen amœnitatem potius earum, quam salubritatem spectare videntur. Sunt enim calore periucundo & temperato, præterea tam puræ & perspicuæ, ut speciem rerum, si quæ injiciantur: amplio-

ampliores, quam sunt ipsæ res, reddere videantur.

Sunt tamen præter calidas multæ aliæ salutes frigida in Hungaria, cujusmodi dixi esse in Zepusio geminas, quæ lapidescunt. Sed hoc tempore maxime prædicatur, & à multis frequentatur fons ad Mislam, qui locus à Cassovia haud magno distat intervallo. Hujus aqua lapidibus, qui prope fontem sunt, fervefactis calefit, & ita balneis idonea redditur. Non desunt tamen, qui vim medicam, quæ aquæ inesse creditur, ipsis potius lapidibus, quam aquæ tribuendam esse censeant, quod ipsa per se pura sit, & bibentibus gratissima, & contra, quam solent aliæ salutes, nullam misturam respiciat.

Verum unde medendi vis insit aquis, & cur aliæ aliis atque aliis morbis, nec una ratione eadem omnibus medeantur, præterea unde ipsis tot, tantæque in calore, sapore, odore differentia, denique cur aliæ concrecant, aliæ ferrum rodant, id speculatoribus, & venatoribus naturæ physicis explicandum relinquo. Georgius Agricola, cujus in hoc genus rebus inquirendis & excutiendis studium atque judicium exquisitissimum esse libri ab eo doctissime scripti arguunt, multa de his egregia prodidit eo in opere, quod



quod de natura eorum, quæ de terra effluunt, inscripsit, & idem plura se traditurum pollicetur in iis libris, quos se de medicatis fontibus instituisse ait, ad quorum lectionem sese referent, qui de his volent plenius erudiri. Nam mihi hæc scripturo propositum non fuit, ut docerem quenquam, sed ut voluntati tuæ, Sigismunde Baronum optime, quæ mihi semper imperii vice est, morem gererem.

Quantum autem tuum quoq; semper fuerit studium in his eruendis, quæ in cognitione naturæ rerum atque locorum vel obscura sunt, vel aliquam admirationem habent, cum omnes, qui te norunt, sciunt, tum scriptus à te, & nuper editus de Moschicis rebus liber abunde ostendit. Nam quid est in tota nobis ante paucos annos minus nota regione, aut in moribus gentis Moschicæ, aut in ejus religione, quod non scitissime explicaris? Quid? quod Hungaris nostris pene ignitæ essent origines suæ, nisi tu confirmasses Moschis confinem esse, & ad imperium eorum pertinere Iuhram, vel, ut alii dicere malunt, Iugariam, unde & initio profecti sunt Hungari; & nomen traxerunt. Ex Scythia quidem venisse eos nemini erat dubium, sed de nomine disceptabatur, cum alii ab Hunnis & Avaris



voce composita dictos esse assererent, alii aliud comminiscerentur. At vero propius est ab Iuhra manasse Hungarorum nomen, cum nunc quoque Slavorum lingua, qua nulla per universam Europam latius patet, Iuhri, vel prima syllaba non nihil, ut fit, levigata Vhri vocentur. Mitto, quod te quoque confirmante credibilius visum est, montes, quos vocant Ripheos non extare his locis, unde tanto veterum scriptorum consensu Tanais decurrere dicitur. Sed hæc qui magis perspecta habere volent, ex commentariis tuis, & his addita chorographia petent.

Mihi hîc narrationem de aquis, quæ in Hungaria aliquo miraculo, aut novitate quapiam insignes sunt, finire libet, vel relinquere potius. Nam si omnes, quæ aliquid admirationis habent, consecrari velim, persequendum esset mihi quicquid est in Hungaria amnium, quorum quidem tantum est, ut non facile dare possis æqualem regionem, quæ pluribus & majoribus abundet, ut non immerito veteres Hungari in regni sui insignibus quatuor ductus, totidem præcipuorum fluminum, Danubii, Savi, Dravi, & Tibisci imaginem repræsentantes, usurparint. Sed nihil tamen de his dicam.

Est laus amnium præcipua, esse navibus

bus ferendis idoneos, & piscosos. Quo in laudis genere quotusquisque est extra Hungariam fluvius, qui illis, quos dixi, quatuor conferri queat? ut ne quid commemorem de aliis Hungaricis amnibus, qui etsi magnitudine illis minime pares sunt, tamen non minus fere sunt admirandi. Nam præter hoc, quod optimorum & saluberrimorum piscium copia affluunt, feraces auri plerique habentur, in ea præsertim veteris Dacię parte, quam Hungarię attribui & Transsylvaniam vocari diximus, quorum etiam nonnullis ab auro nomen est. Cujusmodi sunt tres cognomines Chrysi dicti, & qui Hungaris vocatur Aranyas, hoc est, aureus, ne quis Hungariam ea, quæ Thraciæ, Hispaniæ, Lydiæ, Indiæ, amnibus gloria est, carere existimet. Rapiunt autem non ramenta tantum auri perenni cursu, sed etiam plerunque massulas, alias pisi, alias nucis avellanæ castaneæve, aut juglandis magnitudine, quoties videlicet inundant, imbribusve, aut alia quapiam eluvie, aut arte inducta corrivatione aucti ripas, & ea, per quæ currunt loca, subruunt. Nec commentitium est iis in locis effodi quandoque massas, alias puri auri, alias concreti saxi aliquid habentes, quæ aliquot uncias usque ad semilibram, & libram, & hoc amplius appendunt

dunt. Quin liceat mihi dicere, cujus certos autotes notæ fidei homines habeo, effossas esse, quæ quingentorum, imo quæ mille florenorum non modo pondus, sed etiam precium elevarint.

Sed ut ad illos principes Hungariæ fluvios redeam, Danubium, Dravum, Savum norunt vicini Germani, Norici, Carni, apud quos eorum fontes sunt, & prima incrementa, quæ etsi præclara sint, nequaquam tamen tantum laudis addunt amnibus, quantum hi, mox atque solum Hungaricum attigerint, consequuntur. Hic enim continuo & plenius & spaciosius fluunt, eoque navigationi magis habiles sunt, piscibusque & majoribus & melioribus magis abundant, ut omit- tam, quod diversis generis piscibus, quibus fere prima est gloria, extra Hungariam carent. Quapropter de his, quorum origines magis notæ & celebres sunt, plura referre supersedebo, dicamque de Tibisco tantum, quem Hungaria sola totum sibi vendicat.

Oritur in Maromarusio sub altissimis Carpati jugis, fonte quidem exiguo, sed tantis subito incrementis, ut intra tertium milliarium, pro temporis tamen, quod incrementa moderatur, ratione, patiens sit navigiorum, quibus sales eve- huntur. Est autem fere justum unius na-  
vigii

vigili onus, quater mille frustra salis, (vulgo lapides vocant, singula viginti plus minus pondo librarum. Fertur autem intra Maromarusium cursu citatiore, ut inter montes, qui plurimos in eum torrentes & rivos effundunt, estque ibidem limpidissimus, solo glareoso, sed idem ex illis Maromarusii angustis eluctatus, simulatque campestria attingit, incepit lentius, & fluit impurius, admissio praesertim amne Zamos, qui ex Transsylvania ruens, viam praebet navibus, quibus sales Transylvanici exportantur, videturque tum sane prorsus alius esse, non ob augmenti tantum, aut cursus sui modum, sed quod etiam piscium in eo ratio est diversa. Nam intra Maromarusium non habet fere alios, quam quos aquae puriores alunt, & eorum quidem omnis generis copiam ingentem. At foris quem facile dabis piscem, cui quidem in profluente vita est, quem non suppiditet Tibiscus? quique & sapore & magnitudine non praestet sui generis piscibus, qui aliis in fluviis capiuntur?

Porro de copia quid dicam? Habet quidem Hungaria multos amnes piscosissimos, inter quos etiam eos numero, qui ex vicinis terris immittuntur. Sed neque inter hos, neque inter alios, quorum fontes apud Hungaros, sunt, ullus proventu piscium

superat Tibiscum, ut eum, quod de Pado Italiae dixit Poëta, merito fluviorum Regem in Hungaria dicere possis. Et si vero idem contingit fluviis, quod terræ, nempe quod ut hæc fruges, sic & illi pisces, nunc uberius, nunc malignius producant, tamen nullum est tempus Tibisco, quo piscibus non magis, quam cæteri annes abundet. Quin, qui propius ad ejus ripam in æstivis præsertim caloribus accedunt, manifesto sensu experiuntur eum pisculentiam quãdam, ut sic dicam, redolere. Nec desunt vulgo, qui dicant duas ejus partes aquam, tertiam pisces esse, non eo quidem sensu, quod ita sese res habeat, sed quod plane admirandam, peneque majorem fide multitudinem piscium significatam volunt.

Vidimus ipsi autumnno superiore, cum illustrem Comitem Nicolaum à Salmis exercituum regionum summum in Pannoniis Imperatorem ultra Tibiscum sequeremur, apud arcem Thokai, quo loco Bodrogus, idem valde piscosus amnis, Tibisco miscetur, mille nos carpiones, quos nonnulli cyprinos dicere malunt, citra delectum tamen, sicut eos capi contigit, venire centum numis Hungaricis, hoc est, floreno, ut vocant, usitato, quem pro præsentis rei monetariæ illis in locis ratione aureus

unus superat similibus numis quinquaginta. Eadem est plærunque luciorum vilitas sub hyemis fere initium. Vtor autem luciî appellatione in designando pisce notissimo, quem quidam lupum dicendum esse contendunt.

Sed quanto longius profluit Tibiscus, quantoque propius accedit ad Danubium, in quem sese exonerat è regione Sirmii, hoc minus est precii piscibus, propter vim eorum infinitam, præsertim cum exundat. Nam tum in plana effusus, omnia late loca non tam aquis, quam piscibus complet, & quædam quasi stagna fecit, quæ agrestes ante, quam decrescit, & in alveum redit, claustris quibusdam obsepiunt, ne refluentibus aquis una recedant pisces. Hic itaque non aliter, atque in piscinas conclusi tenentur: neque tamen raro contingit, ut impetu facto, qualis est acie congregientiû, fractis septis perrumpant, spemque & laborem agrestium frustrentur. Quo fit, ut hi pro magno negotio habeant, invitare populares vicinos, ut pisces emptum veniant. Sed quod proverbio dicitur, ultroneas putere merces, vix unquam magis quam hîc habet locum. Nam sæpe aut nulli veniunt, aut si qui veniunt, tantillo licentur, ut nihil pene intersit, gratuitone eis des, an vendas.

Quin fit quandoque, ut ne gratis quidem dati, aut quasi relictī ad prædam, auferantur, sed porcorum gregibus, qui subsidentibus aquis immitti solent, lætam pastionem, & quasi piscationem præbeant, ipsa tamen piscium multitudine nihilominus sic plærunque superante, ut magna eorum pars emoriatur, & putrescat, unde tam tetri nascuntur halitus, ut qui iter faciunt, ea loca non aliter, quàm quæ peste infecta sunt, vitare consueverint. Nec hoc foris tantum, sed etiam in oppidis evenire solet, dum nimirum tanta vis piscium in forum curribus & equis infertur, ut qui eos importarunt, destituti ab emptoribus sese clanculum relictis piscibus inde subducunt. Quo fit, ut plærunque edicto cum pœna proposito, caveri soleat, ne quis illinc nisi ablatis una piscibus, discedere audeat.

Sed longius quam institueram, progressus sum, illustris Baro Sigismunde, non tam admiratione harum rerum, quæ mihi jam maxima vitæ meæ parte in Hungaria exacta admirabiles esse desierunt, quam studio efficiendi imperata tua incitatus. Non inficior tamen plæraque à me minus explicate tradita, neque non multa præterita esse, quæ cum hac narratione congruebant. Verum id ceu data opera à me factum est, quod his &  
aptius



aptius & uberius explicandis locum alibi  
sum habiturus.

Porro quod in epistola ad me tua duo-  
rum admirandæ naturæ fontium, alte-  
rius quidem ex Arriani, alterius ve-  
ro ex Saxonis Grammatici historia  
mentionem facis, equidem dubitavi ali-  
quamdiu, an non hoc consilio à te factum  
esset, ut quæ de similibus miraculis alio-  
rum autorum scriptis prodita sunt, ea  
mihi cum his nostris conjungenda, ac  
componenda esse innueres. Et si vero huc  
inclinabat animus, tamen cum viderem  
mihi nihil relictum esse præter colligen-  
di laborem, quem sibi quisque legendis  
libris præstare potest, satis esse putavi,  
breviter, unde hæc potissimum peti pos-  
sint, indicare.

Miratur Plinius ab Homero non esse  
factam calidorum fontium mentionem,  
neque hoc sane injuria. Quem enim mi-  
hi facile dabis autorem, qui non quam  
accuratissime in rerum locorumve de-  
scriptionibus recensere soleat, siquid for-  
te occurrit, quod usitatum naturæ cur-  
sum excedit, aut aliqua novitate est insi-  
gne. Imo quem dabis, in quo non aliquid  
ejusmodi reperiās?

Sed inter eos, qui cæteris diligentius,  
quasque ex professo de his Latine scripse-  
runt, primas obtinet Plinius, qui non

contentus quaarum, fontium, & fluminum miracula capite elegantissimo in secundo naturalis historiae suae libro complecti, rursus iisdem aquis & aquatilibus describendis etiam peculiarem dedit librum, qui ejusdem operis est tricesimus primus. Secundum Plinium multa de his invenias prodita à Seneca in naturalium quaestionum libris. Nec pauciora pene à Vitruvio de architectura libro octavo; quaedam etiam à Strabone, Pomponio Mela, Solino referuntur, ut alios praeteream recentiores. Sed omnium instar haberi potest unus Georgius Agricola, qui quaecunque ejusmodi sunt, vel in Graecis, Latinisque scriptoribus à se lecta, vel domi forisque observata, vel accurata indagatione comperta, non modo in illos, quos supra dixi, libros retulit, sed etiam causas eorum quam scitissime studuit explicare, quanquam quodam quaeso haec factura essent partem, si caetera quoque, quae adhuc ignota latent, proferrentur? qua in re nescio profecto, secordiane magis an ingratitude hominum accusanda veniat, qui dum ista pro neglectis habent, non satis aeterni illius architecti Dei potentiam & magnitudinem admirari, & ejus beneficia agnoscere videntur.

Memini te mihi aliquando de quodam in Carnis lacu, cui à pago vicino Zirk-

Zirknitz nomen est, non minus pene miranda dicere, quam à me de Hungariae aquis sunt memorata, ut is videlicet quotannis fere sub autumnii finem, aquis derepente ex abdito venientibus, magnamque piscium copiam secum trahentibus inundetur: appetente vero æstate aquis rursus abdita petentibus exarescat, hac quasi perpetua vicissitudine, ut quo in loco paulo ante piscatus fueris, in eo messē & sementem facere, simulq; si libeat venari, ac rursus vertēte anno piscari possis.

Sed quid obstat, quo minus loci faciem, ut eam ab aliis delineatam acceperis, de tuo sermone describam. Claudijebas cum circumquaque montibus, è quibus rivi quidam ignobiles suo quisque alveolo præcurrant, ab orientali quidem plaga tres, ab australi quatuor: singulos quo longius fluant, hoc minus scatere aquis, terra nimirum ipsas combibente, donec postremo absorbeantur scrobibus saxeis, ita natis, ut humano opere excisæ videri possint. Hic aquis ita redundantibus, ut recipi non possint, fieri, ut regurgitent scrobes, neque solum nihil aquæ admittant, sed etiam quicquid receperint; effundant tanta rapiditate, ut refluxus impetū ac cursum equiti quamvis expedito, & fugienti, ægre effugere liceat. Itaque quacunque pateat locus  
(patere

(patere autem eum ad sesquimilliarium minus laxa latitudine) diffundi aquas & lacum efficere, qui plerisque in locis decem & octo cubitos altus sit, & ubi minimum profundus est, æquet justam humani corporis mensuram.

Hæc forte minus mirabitur, cui constabit esse eadem in regione amnes, qui terras subeant, & ubi per longa spacia mearint, rursus effluant, quosdam etiam ubi semel sese abdiderint, amplius non comparere. Nam hinc occultis quibusdam canalibus illas in lacum manare aquas ratiocinabitur, præsertim si cognoverit ibidem aliquot in locis esse cava montium amplissima, in quibus aquarum ruentium fremitus exaudiantur, & earum quasi stagna sint, unde illos venire rivos hoc minus dubium videri potest, quod constat iisdem anates vivas evehi, quas nemo nescit in locis subterraneis, in quæ auræ aditus non sit, degere non posse. Sed quia pro comperto habetur illam aquarum accessionem non duci è montibus per rivos, aut alios occultos meatus, sed venire ab illa scrobium regurgatione, & quasi vomitu, rursusque eodem redire, & resorberi, idque futuris temporibus fieri, quis hæc miraculo carere negabit?

Auger vero hoc quoque rei novitatem,  
quod

quod fere non minus celeriter recedunt aquæ, quam accesserunt, non per scrobes illas tantum, sed universa pene terræ eas non aliter recipiente, quam si per cribrum diffunderentur. Quod cum fieri sentiunt accolæ, continuo grandioribus ejus meatibus, quoad fieri potest, obstructis agminatim advolant ad piscationem, quæ ipsis non modo jucunda, sed etiam perfructuosa est. Nam & piscium vis ingens facile capitur, aqua nimirum eos destituente, & apud vicinos precium habent, ad quos conditi sale exportantur. Invenias autem ibi plerumque, quod jure mireris, lucios (nam his magis quam aliis piscibus abundat hic lacus) qui duos cubitos excedant, quæ res satis magno est argumento, eos intra illas voragines nasci, aut saltem augeri oportere, cum fieri non possit, ut dum foris stagnant aquæ, ad tantam magnitudinem perveniant.

Porro siccato lacu fit messis, qua parte solum consistit, & idem rursus conseritur ante quam inundet. Solum ipsum firmum, lætum, & in primis ita ferox graminis, ut post vigesimum diem secari soleat. Non est tamen eadem ubique fecunditas. Nam magna ejus pars præter juncum nihil gignit.

Quo vero magis cognobilis fiat lacus, libet addere, quod tu ceu insignem notā adie-

distare eum ad unius milliarii spacium ab arce Carnis pariter & Italis dicta Postonia, quam Venetos ajebas Maximiliano Imperatori, dum percuteretur fœdus, quod inter eos postremum fuit, ademisse, & dum pacta conventa præstari oporteret, reddidisse, in illustri ejus loco tanquam pro trophæo relictis his versibus, quos ibi tum legeris,

*Postonia victa rediens post omnia victor*

*Leviades affert pulchra trophæa domum.*

Quia vero id quod dictum est de aquarum ad statum tempus accessione, me quorundam fontium, quibus idem accidere dicitur, admonet, etsi mihi externa minime persequenda duxi, facere tamen non possum, quin de duobus dicam, ut tibi illud quasi penssem, quod ex Arriano & Saxone Grammatico de totidem fontibus annotasti.

Alter est calidarum laudatissimarum in alpestri Rhetia apud Favarias inter rupes eminentissimas, qui cum fere deficiat mense Octobri, redit mense Majo, sicque rursus usque in autumnum exuberat, ut saluberrimis ejus aquis mola frumentaria impelli possit.

Alter hoc magis mirabilis est in Helvetiis, quem recens Helveticorum chronicorum

nicorum scriptor tradit siccarì mense Augusto, quo tempore novis ibi nivibus cadentibus pecus inde mitiora in loca depellitur, neq; postea manare, nisi mense Junio, cum nudatus nivibus mons rursus pastioni pecoris patet. Manare autem eum è petra in fossam propinquam ad aquandum pecus comparatam, per intervalla tamen, & bis tantum quotidie, mane videlicet & vesperi, rursumquè toties occultari, & has quotannis retinere ac continuare vices, donec rursus, ut dictum est, Augusto mense sicceatur. Dicas aq-  
 uationi pecoris singulari Dei munere in illa horrida solitudine datum hunc fontem esse, idque bruta ipsa agnoscere, ut quæ eum serè ultro, quoad ibi in pascuis sunt, ad id tempus, quo fundit aquam, petere soleant. Quin additur experimento cognitum esse, quod idem fons tam impatiens sit sordium, ut si quid impuri in eum missum, mersumve fuerit, per aliquot deinde dies non compareat, nec aut manè aut vesperi aquæ quicquam reddat. Montem, in quo is fons est, Helvetii sua lingua appellant Engstle, ea in regione, cui ab amne Arula Argew fecè-  
 re nomen.



## H V N G A R O R V M.



Nde primum sint progressi Hungari, quos duces habuerint, quasque in Europa res gesserint, paucis perstringemus. Ceterum tanta fuit Hunnorum immanitas, ut veteres quidam scriptores, nisi eorum originem ad ipsos cacodæmonas referrent, fidem scriptis suis inventuri sibi non viderentur. Iordanes Gothicarum rerum scriptor, Alirumnam nescio quam è Scytharum gente, supra modum humanum vasta corporis mole mulierem, à Filmero Gothorum rege in exercitu repertam, quod parum secunda esset pudicitiae fama, in exilium scribit ejectam: quæ quum ultra Mæotidem paludem in sylvis ac solitudine misera erraret, dæmonum compressu gravida multos monstrosos partus ediderit, è quibus deinde Hunnorum genus fit propagatum. Alii Satyros & Faunos, quidam Magogum (quem impudenti mendacio faciunt Iapeti filium) generis produnt conditores. Sed commenta hæc fabularum amatoribus relinquamus: illud certum est, ab extremis frigidissimisq; septem-

septentrionum oris eo prodiisse. Testatur hoc Hieronymus, Stridonii in Dalmatia Hungariæ vicinia natus. *Ab ultima*, inquit ad Oceanum scribens, *Mæotide*, inter glaciale *Tanaim* & *Massagetarum* immanes populos, ubi *Caucasi* rupibus feras gentes *Alexandri* claustra cohibent. eruperunt *Hunnorum* examina, quæ pernicibus equis huc illuc volitantia cadibus pariter ac terroribus cuncta compleverunt. Addunt alii occasionem, fabulæ itidem quam historiæ propiorem: Venatores quosdam superata *Mæotide* palude, per quam fera fugiens transitû ante ipsis monstraverat, in Europam penetrasse, ac cæli temperiem terræque fecunditatem, multum ab illa *Scythici* cæli inclementia diversam vehementer admiratos: eorum prædicatione infinitam hominum multitudinem excitatam, sterili deserta regione in *Pannonias* & vicina loca conuigrasse. Prima dimicatio *Hunnis* cum *Alavis* fuit; quibus pulsis, castra ad *Tibiscum* usque promoverunt. *Pannonias* tum *Gothi* incolebant, gens bellicosa quidem quæ tamen & ipsa *Hunnorum* furori cedere coacta fuit. Et *Ostrogothi* quidem, quibus belli fortuna pepercerat, cum *Hunnorum* gente postea adfinitatibus coaluerunt: *Vestrogothi* verò in *Myriam* & *Thraciam* sese receperunt.

Valentis Imperatoris consensu, hac lege, ut essent veluti propugnaculum Romani Imperii, ejusque fines ab Hunnorum incursionibus tuerentur. Pacti hujus fidem Romanorum rupit avaritia: quorum exactioibus & annonæ direptionibus irritati Gothi, Maximum præfectum cum suis internecione deleverunt. Cædem hanc ulturus Valens, cum magno exercitu contra Gothos proficiscitur: sed prælio victus, in tugurium curandi vulneris grâtiâ profugit: quod quum ab equitibus discurrentibus incensum esset, in eo ipse crematus est. Gothi victores inde ad Constantinopolim castra ponunt, urbi gravissima quæque minitantes, sed Theodosii, qui interea ad imperium pervenerat, prudentia magis & æquitate, quam vi & armis repressi, magno terrore omnes illas regiones liberarunt. In hoc Gothorum cum Romanis dissidio Hunni fines suos longe lateque, à Taurica Chersoneso ad Tanaim usque & Danubium, ipsamque adeo Germaniam protulerunt: quin Antiochiam etiam obsiderunt, & Armeniam fœdum in modum vastarunt. Theodosio immatura morte sublato, Arcadius & Honorius filii in Imperio successerunt; quorum illum Orienti, hunc autem Occidenti pater vivus præesse jussit; simulque tutorem

totem Arcadio Rufinum, Honorio Stiliconem attribuit, quorum consilio & auctoritate rempublicam administrarent. Atque Arcadio quidem cum duobus grave certamen fuit : nam & Rufinus tutelę prætexus partem imperii ad se rapere conatus est (qui tamen, ea cognita militibus perfidia, ante Arcadii tribunal trucidatus est) & Cajanus dux Gothicus magnas in eum copias comparavit : sed navali prælio superatus, atque ex ea clade profugiens, interfectus est. Arcadio mortuo, Radagisus Gothorum ducenta milia in Italię fines duxit : sed eum fame, rerumque omnium penuria oppressum, Stilico ab Honorio missus, facile profligavit. Inde Alaricum Gothici exercitus reliquię regem crearunt ; quumque Stilico illius consiliorum particeps esse argueretur, Imperatoris iussu necatus est. Alaricus urbem Romanam biennium fere obsessam cepit ; pacemque postea cum Honorio fecit. Fractis ita Romanorum viribus, Gothisque in Italia dominantibus : Hunni temporibus insidiantes, Keva duce, Istrum trajecerunt, & cum multis hominum milibus vicina pervagati, tandē cum Macrinō & Theodorico Veronensi, qui Germaniam tum regebat, prælium tam crudele, tamque atrox commiserunt, ut uno die supra

centum viginti quinque hominum milia desiderata sint; inter quos etiam Keva, Hunnorum dux, fuit. Sed parum ad summam belli hæc victoria profuit Romanis. Nam quum ad persequendas hostiū reliquias viriū satis non haberent; Hunni victi in victores ultro irruerunt. Post multas asperrimas pugnas ( in quibus præter quatuordecim Hunnorum milia, duo etiam duces, Bela & Cadica, periisse dicuntur ) Romanorum vires ita tandem attritæ sunt, Macrino præsertim extincto, ut Pannonias Hunnis relinquere fuerint coacti. Romanorum metu liberati Hunni, nihil prius habuerunt, quam ut in locum amissorum ducum novum sibi regem subrogarent. Omnium suffragia inclinarent in Attilam, Beneduci filium, totius gentis, nobilitate, ac belli artibus, caliditate etiam & perfidia, facile principem. Is inito principatu, gentem satis ante inquietā ad arma statim commovit. Buda ergo fratre Pannoniis per absentiam suam præesse jussu, & assumptis Ostrogothorum, Gepidarum, Marcomannorum, Quadorum, Herulorum, Suevorum auxiliis: primum impetum in Mysiam utramque, Thraciam, Macedoniam, & Illyricum convertit. Theodosius Imperator, & postea Martianus, facta cum Vandalis, Parthis, & Vestrogo-

his



this pace, quantas potuere copias hosti  
opposuerunt, missō inter alios Arnesti-  
de; qui egregie primum represso Hūno-  
rum impetu, avaritia tandem & publi-  
cam rem & privatam in summum discri-  
men adduxit. Attila cum ingenti præda  
domum reversus, Budam fratrem, de quo  
affectati regni suspicionem conceperat,  
strangulari jubet. Quum vero Roma-  
num imperium Gothorum opibus mu-  
nitum cerneret: rationem excogitavit,  
qua Valentinianum Cæsarem, & Theo-  
doricum Gothorum regem inter se com-  
mitteret, missis ad utrumque litteris, qui-  
bus ut alter ab alterius perfidia sibi cave-  
ret, monebat: quæ fraus animadversa  
ut utriusque animos artius copulavit, ita  
magno in Attilam, quem pariter metu-  
endum sibi videbant, utrumque odio in-  
flamavit. Et Theodoricus quidem sta-  
tim filios suos, summa rei militaris scien-  
tia præstantes viros, ingentem exercitum  
contrahere jussit. Aetius etiam provinciæ  
Narbonensi præfectus, cujus opera &  
consilio Valentinianus præcipuè uteba-  
tur, etsi cunctanter & timide initio age-  
re videbatur, sive animi ignavia, sive por-  
tentorum, quæ frequentia ex Italia nun-  
tiabantur, religione; tandem tamen Fran-  
corum opibus confirmatus, magna cum  
alacritate, & ipse omnia ad bellum ne-

cessaria comparavit. Attila consilia sua detecta, & ad hostium salutem versa ægerrime ferens; quingenta hominum milia coëgit, & Germaniam, Galliamque pervagatus, omniaque cædibus atque incendiis miscens; tantum sui terrorem excitavit, ut vel ad nomen ejus, non aliter quam furie cujusdam, orco progressæ, omnes nationes contremiscerent. Aëtius tamen, adjunctis Gothorum, Fræcorum, Saxonum, & aliorum auxiliis, oblata rei benè gerendæ occasione, cum invicti roboris exercitu ad Tolosam ei se objecit. Tum demum trepidare Attila, non tam hostium metu, quam locorum iniquitate, quod omnia ad fugam clausa sibi videbat; circuire tamen, suos orare, obsecrare, ut priorum victoriarum memores, ad extrêum usque spiritum fortiter dimicarent: victoribus non Galliam tantum & Germaniam, verum etiam Italiam, quarum omnium omnes vires in hunc exercitum collectæ essent, prædæ fore. Poscentibus signum tamen pugne ante meridiem proponere noluit, ut si prælium adversum committeret, uti prædixerant harioli; fuga suorum nocte adjuvaretur. Instructa tandem utrimque acie, tanta contentione pugnatum est, ut diu anceps victoria esset. Inclinato jam die, Hunni in fugam vertuntur, centum

octo-



octoginta suorum milibus desideratis. Attila fugiens in castra se recepit, in quorum medio magnum impedimentorum cumulum comportari, seque, si hostes castris potiti essent, interfici & comburi iusserat: ne vivus in hostium potestatem perveniret. Sed Aetius receptui canens, Gothis quoque, quorum rex in prælio ceciderat, domum redeundi auctor fuit. Attila, hostium sive torporem sive imperitiam conspicatus, pro victore se gerere, minas ac cædem spirare, regiones omnes, quæ ad Rhenum, Amisiam, Visurgim, & Albim sunt, per saltare, edictis ubique inhumanæ crudelitatis exemplis. Tandem quum in Pannoniam redeundi consilium cepisset, Isenaci in Thuringia paucos dies quieti & ocio dedit. Ibi comiter acceptis præter morem, variarum gentium legatis, epulisque & ludis magnificentissime celebratis: Sicambriam, (quæ Budahodie est) profectus, in omni voluptatum genere se volutavit. Nec tamen vastus animus diu quiescere poterat: sed per duces exercitissimorum militum habito delectu, totus in eam cogitationem incumbibat, quomodo totius orbis imperium ad se rapere posset. Id vero facile videbatur, si Italiam sibi subjugasset. Per Styriam igitur & Dalma-

tiam profectus, omniaque, quacunque  
ierat, populatus, Ticino superato, ad  
Aquileiam castra ponit, Carnorum me-  
tropolim: quam per triennium obsessam,  
& à civibus constantissime defensam, ex-  
pugnabit tandem, & sine ullo sexus aut  
ætatis discrimine interfectis omnibus,  
solo æquavit. Hac ejus crudelitate multi  
tota passim Italia exterriti, ad vicinas  
maris Adriatici insulas confugerunt; &  
quum aliquandiu apud piscatores latuis-  
sent, perspecta loci opportunitate, mul-  
tis quotidie affluentibus, urbem quasi in  
medio mari condere cœperunt; quæ pau-  
latim ad eam perducta est magnitudinē,  
ut una totius Italiæ dignitatem jam faci-  
lè sustineat, ac regina maris dici merea-  
tur. Ita Aquileiæ interitus, Venetiarum  
origo fuit. Eversa, ut diximus, Aquileia,  
Paduam, Vicentiam, Veronam, Man-  
tuam, Cremonam, Ferraram, Raven-  
nam, Mediolanum, partim deditione,  
partim vi cepit: nullibi nec victis, nec de-  
ditis parsum. Liguriam inopia magis sua,  
quam victoris satietas intactam conser-  
vavit. Roma supererat: à cujus oppugna-  
tione civium preces, Leonis præsertim  
pontificis, qui obviam ei processerat, re-  
vocarunt. Reversus inde in Pannoniam,  
ita vixit, ut nullum scelus in eo incredi-  
bile videretur. Tandem dum in nuptiis,  
quas

quas cum Bactrianorum filia sumptuo-  
 sissimas apparaverat, avidius sese vino in-  
 gurgitasset, dormiens, apoplexia, ut cre-  
 dibile est, correptus, & repentina sangui-  
 nis eruptione suffocatus, ad generū Ce-  
 reris descendit. Tyranni mors divulgata,  
 incredibile est, quantam ubique lætitiā  
 excitavit. Orta inter filios de regno al-  
 tercatione, quod pater rebus inordinatis  
 discesserat: primum Gepidæ, inde Ostro-  
 gothi ab imperio desciverunt: nec quid-  
 quam propius fuit, quam ut multis infe-  
 liciter tentatis præliis, Hunnorum genus  
 & nomen, quo se etiam qui inter Go-  
 thos remanserant, ultro formidine qua-  
 dam abdixerant, funditus deleberetur. Hæ-  
 serunt tamen aliquandiu in extremis mi-  
 noris Scythiæ, Macedoniæ & Græciæ  
 oris. Pannonia verò tota in Valamiri Go-  
 thorum regis dominatum concessit; à  
 quo etiam Martianus Imperator pacem  
 magna pecunia redemit. Porro ab eo  
 tempore in tantum excrevit Gothorum  
 potentia, ut totius pæne Italiæ imperium  
 obtinerent. Et jam ante quidem Vandali,  
 Genserico duce, Romani Imperii insi-  
 gnia Carthaginem transtulerant; quam  
 sex & nonaginta annos tenuerunt, quum  
 interea Roma omnibus ornamentis spo-  
 liata jaceret: in qua tamen inane Im-  
 peratoris nomen dicis causa decem u-

surparunt, Maximus, Avitus, Majorianus, Severus, Antonius, Olybrius, Elicerius, Iulius, Ambrosius, & Momyllus, qui quod puer à patre Imperat. creatus esset, Augustulus est appellatus. Hunc Odoacer in tanta rerum omnium perturbatione nullo negotio imperio se abdicare coëgit, & cum Pannoniæ dominatu Occidentis Imperium convinxit: cui octo alii reges ordine successerunt. Exorti mox sunt Longobardi, qui primum Pannonia, deinde Italia Gothos expulerunt. Ita misera Pannonia novos iterum hospites accedit. Sed nec Longobardi diu in Pannonia sunt commorati. Evocati enim iterum à Narsere in Italiam, Hunnorum reliquiis Pannoniam inhabitandam cōcesserunt, hac lege, ut si forte res in Italia minus succederet, postliminii quasi jure reciperentur. Sic ergo sub Alboini regis auspiciis per Sirmium in Italiam profecti, regnum ibi condiderunt. Hunni ut ad regnum, sic ad ingenium quoque statim redierunt. Nam in Bavariam, Franconiā, & Thuringiam, Cachanno duce facta excursionē, non pro spe accepti (Lothario enim Germanorum & Francorum rege mortuo neminem fore putabant, qui latrocinia ipsorū comperceret) pro præda plagas domum retulerunt. Rediit tamen non multo post Cachannus, magnum numerum

merum præstigiatorū, & in diaboli scho-  
la eruditorum, secum adducens. Horum  
artibus, Dei permisso, effectum dicitur,  
ut Germani longe maximam acceperint  
calamitatem, Hunni vero cum opu-  
lenta præda ad suos sint reversi. Ea res  
magis accendit quam debilitavit Germa-  
norum animos: quorum rex Sigeber-  
tus, prædones hos & veneficos ita ultus  
est, ut pacem ab eo petere fuerint coacti.  
Post mortem Sigeberti, ut ignominiam  
superius acceptam deleterent, in Thurin-  
giam iterum irruerunt, & edita ingenti  
strage, præter prædam grandi pecunia in-  
colas multarunt. Sequentes aliquot anni  
per quietem exacti, & ab eorum excur-  
sionibus libera Germania fuit: sive quod  
eos jam prædæ satietas ceperat, sive  
proprii soli commoda ita delinierant, ut  
suis cum securitate frui, quam cum peri-  
culo aliena rapere mallent; sive, quod  
vero similis est, paucitati suorum dif-  
fisi, quorum magnum numerum tam  
crebræ expeditiones absumserant, natio-  
nes prævalidas laceßere non auderent.  
Interea vis infinita hominum utriusque  
sexus & ætatis, (quippe in qua ducen-  
ta & sedecim virorum milia fuisse di-  
cuntur) è Scythia interiore in Panno-  
niam erupit: eo consilio, ut vel cum  
popularibus suis se conjungerent, vel si  
tantam

tantam multitudinem non caperet regio, novas quærerent sedes. Ducto igitur per Roxolanos, Moscovitas, & Sarmatas pacato agmine: tandem apud Hunnorum reliquias in Dacia confederunt. Imperabat his Almus, è posteris Attilæ: qui diviso in sex castra exercitu singulis ducem præfecit: ipse cum suis seorsim tetendit. Hinc nonnulli septem castrorum nomen quo nostrati lingua regio ea indigetur, fluxisse existimant. Almo à finitimis occiso, Arpadius suffectus est. Is per exploratores de summa Pannoniæ fertilitate, & pænè solitudine edoctus, per legatos cum Suate, Europeæ Sarmatiæ tum principe egit, ut pars aliqua agrorum inculta suorum habitatione assignaretur; missò dono, equo pretiosissimè pro gentis opibus, instructo. Gaudere primò Suates, vacuis cultores repertos; mox audita eorum multitudine & rapacitate, tergiversari, ac morasnectere. Advenis autem promissum urgentibus, & regionem tanquam sibi debitam & equo emtam reposcentibus: Suates exercitum contra novos colonos Danubium traduxit: quo fuso ac profligato, Suates fugiens in Danubio submersus est. Arpadius superato Danubio, brevi regionem omnem suæ potestatis fecit, & inter duces distribuit. Zabolcus in finibus Pannoniæ,

noniæ, ad oppidum Ciquaronam confedit. Iulæ Transylvaniæ pars attigit: à quo Alba Iulia nomen accepit, Cundo Nyris ripa: Lehelo Myfia assignata. Verbulcus cum suis circa Balatonium lacum habitare iussus. Orso Sciana regio cessit. Divisa hoc modo regione: arma tamen non prius posuerunt, quam excusso penitus Scythico iugo, gens universa Hungari appellati. Inde in finitimos populos ferro & igni grassati, alios vi, alios amicitia sibi adjunxerunt. Cum Polonis in primis gravissima bella gesserunt: Bohemos etiam & Moravos non semel lacessiverunt. In hoc rerum statu Taxilus Bojorum rex, qui contra Carolum magnum arma sumserat, Hungarorum auxilia adscivit. Quare Carolus, devicto Taxilo, primum ipse Hungariam infestis armis est ingressus: deinde misso Pipino filio, omnem superiorem Pannoniam Hungaris ademit. Gaba tunc tamen Hungarorum rex erat. Is vecors animi, per legatos bellum administrabat: ipse interea Budæ luxui & voluptatibus indulgebat. Ibi oppressus & in vincula coniectus (in quibus sibi ipsi manus attulit) sero nimis didicit, inter arma hostilia dormiendum non esse. Carolus nihil pulcrius sibi aut præclariùs existimans, quàm una cum imperio Christianam propagare religionem; nihil prius habuit,



habuit, quam ut ab idololatria abductos, vera religione imbueret. Quare Herculis & Martis idola destrui iussit, & templa ædificari, in quibus salutaris verbi divini fieret sementis. Contumacibus arma abstulit, diruitque oppidorum muros, gravi singulis imposito tributo. Lindeutus quidam, homo potens & factiosus, sed Carolo vivo nihil movere ausus, quam primum de morte ejus nuntium accepit, novarum rerum studium præ se ferre cœpit, & rationem inire, Hungarici regni in integrum restituendi, & ab exterorum servitute vindicandi. Quare Ludovicus Pius, cui Hungaria & regiones propinquæ patris testamento obtigerant, periculum hoc minime negligendum ratus, confestim exercitum coëgit, ut in ipso ortu tumultum compesceret. Nec verò Lindeutus segniter rem agebat; sed Carinthiam, Dalmatiam & Bavariâ populatus, majori cum virtute, quam successu venienti Ludovico exercitum opposuit. Armis inferior, ad montes, quibus Pannonia & Mysia diffiniuntur, confugit, quumque in Cæsaris potestate se futurum promississet, in gratiam est receptus. Sic iterum domitis, spes una in Cæsaris morte supererat: cui quum tres essent filii, facile providebant Germaniâ brevi intestino bello distractum iri. Quæ  
spes

spes quum eos fefellisset, aliquādiu quieverunt, sed in omnem rerum turbandarum occasionem intenti, & magnam irarum molem animo volventes: quam haud multo post, non in Germaniā tantum, sed in Galliā quoq; & Italiam effuderunt. Dici non potest, quam multa inauditiæ crudelitatis & libidinis exempla passim ediderint. In Italia quidem cū exercitu eis occurrit Berengarius: sed magna accepta clade, pacē ab eis pecunia redimere est coactus. Vix Italia egressi erant Hungari; quum adsunt Saraceni: nec profecto vim eorū sustinuisset Italia, nisi Albertus Hetrurię dux laborantibus rebus opem tulisset. Is postea ab ingratis Italis pulsus, Hungaros in Italiā evocavit: qui spoliis opulentę regionis pellekti, iterque optime edocti, anniversariis pæne excursionibus eam misere affligerunt; & Berengarium secundum tributarium sibi fecerunt. Hoc modo exclusi Italia in Germaniam arma transfudere, quæ tota tum principum factionibus æstuabat: qui tamen communi periculo reconciliati, validū exercitum cōpararunt, & tripartito agmine in hostem duxerunt: sed victi ac profligati Bavariā universam & Franco-niā victoribus diripiendā reliquerūt. Inde Thuringię imminebāt: ubi infeliciter tentato prælio Burcardus dux cū magna  
illu.

illustrum virorum manu cæsus est. Tum  
denum Germaniã percurfare Hungari;  
agere, rapere, ferre omnia, sacra, profana;  
incendia cædibus miscere; nullumq; cru-  
delitatis genus prætermittere. Tot ac tãtę  
Germaniæ calamitates Ludovici Imper.  
animum ita curis obruerunt, ut in mediis  
turbis, mœrore confectus, decesserit. Ei  
in imperio successit Conradus: huic Hen-  
ricus, cognomento Auceps. Ab hoc tri-  
butum Hungari, quod duo proximi Im-  
perat. eis persolverunt, superbe admo-  
dum & non sine minis efflagitarunt. Re-  
cusante Imperatore (quod id ad dignita-  
tem Imperii minuendã magnopere per-  
tinere videretur) ingens Scytharum, Sar-  
matarum & Illyricorum multitudo, ceu  
densa aliqua nubes in Italiam & Germa-  
niam sese effudit, tantamque procellam  
excivit, ut Germania in cæde ac sanguine  
suorum civium pænè nataret. Nec verò  
tum, ut antea nonnunquam unam vel al-  
teram regionem tempestas hæc amplexa  
est: sed quum in Sueviam primum incu-  
buisset, in Galliam transiit; inde ad Rhe-  
num retrolata, Hassiam, Saxoniam, Thu-  
ringiam, Franconiam, & quicquid inter-  
iacet regionum, fœdissime prostravit &  
affixit. Henricus Imperator, hostium  
multitudine territus, suis se locis conti-  
nebat: nec tamen hostem, nisi ex occa-  
sione,

sione, assiliebat. Qua ratione multos non pabulatores tantum & moratores excepit; verum etiam primarium Hungarorum ducem inopinato oppressit. Hungari vitæ ducis sui metuentes, magnam pecuniæ vim lytri nomine obtulerunt. Quñ vero pecuniam hanc è rapinis & præda coactam aspernaretur Cæsar, Hungaris assentientibus novem annorum induciæ factæ sunt. Vix dum hi exierant; quum ecce iterum adsunt Hungari, tributum multo quam ante ferocius repetentes. Sed Imperator; qui interea ad vim sese diligenter comparaverat, tributum loco canem mutilatum & scabie deformem ad ipsos mitti iussit. Hac contumelia magis accensi, pro uno mutilo cane trecenta hominum milia remisissent: quorum tanta fuisse scribitur crudelitas, ut major ne excogitari quidem possit. Tandem verò, postquam Deo visum est modum statuere ipsorum sævitiae, Imperat. Henricus tantis eos viribus, tantoque impetu aggressus est, ut omnis Europa contremuerit. Nam centum & quinquaginta hominum milia occisa, quinquaginta milia capta feruntur, præter eos qui palantes passim & sparsi in fuga perierunt. Sed ut horrenda hæc clades à Germania eos paullisper avertit; ita prædæ cupiditas in Italiam rursus pellexit. Eorum conatu

intellecto, Berengarius tertius rursus eis argenteam offam, ut antea majores ejus non semel, objecit: qua sopitus paullulum Toxys (hoc enim nomen regi ipsorum erat) præteditæ cladis à Germanis acceptæ ultionem unice animoolvebat. Defuncto igitur Henrico Imperatore, audendum sibi aliquid ratus, noviq; Imperatoris Othonis, animum tentandum, in Saxoniam frustra irrumpere est conatus. Paucis post annis, dum civilibus dissensionibus Otho distinetur; & à rebellium quibusdam instigatus, & prædandi libidine, delendæque ignominie cupiditate incensus Toxys, immanem exercitum contraxit, Germaniamq; non uno loco invasit. Otho, reconciliatis interea Principum animis (nam & qui eis auctores veniendi fuerant, nihil magis quam liberari eis quamprimum cupiebant) firmissimas copias undique collegit, nullibi occasione defuturus. Interea præda graves Hungari Augustam Vindelicorum properant, quo maxima vis auri & argenti rerumque pretiosarum è vicinis regionibus comportata ferebatur. Ibi eos assequutus Imperator, in campis Vindelicis ad Læchum flumen, extremum agmen moratur, dum reliquus exercitus sub signa cogeretur. Hungari inopinato hostium adventu perculsi, aciem pro loci ratione

ratione instruunt, Bohemis ad impedimentorum custodiam relictis. Mox signo elato, magnis animis utrimque concurritur, dum hi pro focis & aris, illi pro vita & præda pertinacissime pugnant. Initio pugnae non parum trepidatum est in Germanorum acie. Hungari enim (quod intanto bellatorum numero facile erat) extentis cornibus utrimque Imperatoris aciem amplexi; in orbem se circumagebant, jamque à lateribus & à tergo incurrebant. Ibi principes quidā, ab Othone nuper in gratiam recepti, ut ea se dignos ostenderent, globo facto, primam Hungarorum aciem perpuerunt. Mox circumvecti, obvium quodque agmen disjicere, cedere, ferire: ibi buccinarum strepitu, armorum fragore, virorum clamore, equorum hinnitu, morientium gemitibus terra ac cælum compleri. Post acrem conflictum, Hungari perruptis ordinibus, & cornibus nudatis, præcipites in fugam abiēre. Inde jam non pugna, sed cædes fuit. Pars magna, ubi locus fugæ deest, Læchum ingressi, vel aquarum vorticibus hauriebantur, vel ubi ad adversam ripam nādo evasissent, nec per præruptam crepidinem eunti possent, vel retro ægerrime terram repetebant, ibiq; ab hostibus trucidabantur, vel egredi non ausi, finē vitæ in aqua



habuerunt. Non pauci quum fessi in proximis vicis confugissent; ab insequenti hoste testis incensis vivi combusti sunt. Toxys rex captus, & quatuor alii principes, capite postea luerunt. Hic exitus fuit invicti, ut sibi videbatur, exercitus. Nam & ipsi dicere non dubitarant, nisi vel terræ hiatu absorberentur, vel cœli ruina opprimerentur, nullam vim humanam tantam esse, quæ vel aspectum ipsorum sustinere possit. At enim vis consilii experta mole ruit sua: & odit superbos, sceleris estque ultor Deus. Fessus jam sum tot hominum strages, regionum & urbium direptiones, incendia, cædes commemorando; tanto magis, quod quum magnam orbis partem lumen Christianæ religionis illustrasset, nostri tamen Hungari nō tantum in densissimis falsorum cultuum tenebris sedere maluerunt, sed etiam omnibus viribus salutarem illam lucem extinguere sunt conati. Lætior jam se rerum offert facies, Hungarorum animis ad Christianam religionem conversis, totaque gente ad humaniorem cultum paullatim traducta. Et profecto, perierant Hungari, nisi periissent. Hæc enim calamitas initium eis fuit salutis.

INCIPIT

-nadsbica

supra ni 2145...

-1351

IV. HISTO-

## I V.

H I S T O R I A  
R E G U M H V N G A R I Æ.

**G**Aysca five Geyse pater S. Stephani Regis Vngariæ, primus regum Christi fidem professus, baptizatus fuit ab Adelberto Episcopo Pragensi.

Ann. Christi 909. vel secundum Abrahamum Babsca, Anno 969. nascitur Stephanus, qui tandem canonizatus fuit, baptizatur per dictum Episcopum Pragensem.

Circa eadem tempora Theodatus Princeps Apuliæ, quem Rex Geisa profugum in aula sua alebat, quique Stephanum infantem ex sacro Baptismatis fonte susceperat, Cœnobium quod cum adjuncto pago extruxit, nomen fundatoris sui, Italice Thata obtinuit, nostro autem seculo appellatione Dotis innotuit.

I. Anno 954. vel secundum alios 1006. D. Imperator Henricus sororem suam Gisetam Regi Stephano in matrimonium locavit: post hæc universa Vngaria ad Christum conversa est. Rex ipse sancte vivebat, summum templum in monte Strigoniensi condebat, illudque liberaliter dotabat. Adhæc S. Martini cœnobium

in altissimo monte locabat; Templum item summum in Alba regali, sepulturam Regum, compluresque alias fundationes, plane regia munificentia fieri curabat. Obiit Anno 1038. sepultus Strigonii in summo Templo.

II. Petrus Stephani ex sorore nepos in regno suffectus est, sed propter tyrannidem inde ejicitur, cui Abba successit.

III. Abba triennium ad regni gubernacula sedit, sed cum majorem quam antecessor tyrannidem exerceret, Petrus Abba expulso restituebatur. Illo rerum poriente Hungaria paulatim à fide Christiana deficiebat. Regnavit autem Petrus annos quinque, menses sex: Abba vero annos tres: moritur Anno 1047.

IV. Andreas Regi Stephano junctus sanguine Christianismum restituit, filios habuit Salomonem & Davidem. Salomonem in regem coronari fecit, cum quinquennis esset, propterea, quod eum Bela frater de regno dimicare cogeretur. Occiditur anno 1062. Sepelitur in Thihani in S. Amiani cœnobio, quod ipse ad lacum Balathonem condiderat, Anno 1059.

V. Bela Regis Andreæ à se bello devicti frater, ægre ferebat Salomonem in regem coronatum, tres enim habebat filios: Geiczam, Ladislaum, postea reges & ipsos,

fos, & Lampertum. Hic monetam argenteam primus cudi fecit: pondera & mensuras esse iussit, & mercibus quibuscunque suum precium indicavit. Egregium illud cœnobium in Zewkzardo condidit, in quo sepultus fuit. Dicitur Bela hic dum arma in fratrem moveret, Cæsarem Henricum fratri ejus auxiliares copias adducentem, in montibus quos vertentes seu verthises vocant, adeo obsedisse, & ad tantam rerum omnium inopiam compulisse, ut Cæsar ipse castra deferere, scuta præjicere, & terga vertere coactus fuerit. Vnde montibus id nominis postea inhæsit. Obiit Anno 1065, sepelitur loco, quo dictum fuit supra.

VI. Salomon Regis Andreæ filius in regno quidem successit, verum à fratri sui defuncti filiis Geicza & Ladislao inde expellitur anno 1077. Eremita ergo factus obiit Polæ in Istria, ubi ejus sepulcrum apparet.

VII. Geicza Regis Belæ filius natu maximus, duos habuit filios. Colomannum, postea Regem factum, & Almum. Hujus temporibus ingens fuit famēs per Hungariam: obiit Anno 1030. Sepelitur Vacizæ, cujus ipse fundator fuit.

VIII. Ladislaus Geiczæ Regis frater, quē Vngari propter vitæ innocentiam Sanctū appellaverūt: Rex eligitur, superstitē Salo-

mone rege expulso : Hic Dalmatiam & Croatiam Vngariæ adiecit. Cum Scythis crebra bella gessit. Obiit absque hæredibus Anno 1095.

IX. Colomannus Regis Geiczæ filius, is secundum quorundam opinionem antea Episcopus Warasdinus fuit, & hinc dispensatione facta regnum obtinuit. Vngari hoc regnante graves & plurimas molestias pertulerunt, multorum enim malorum & magnæ tyrannidis autor fuit. Fratrem suum Ducem Almun & filium Almi Balam oculis privavit. Almun insuper ipsum in templo occidi iussit. Duos habuit filios, Ladislaum & Stephanum, postea regem factum. Male vixit, male periit. Anno 1114. sepelitur Albæ regali.

X. Stephanus II. Colomanni Regis filius adolescens admodum regnum occupavit, subditi eum cognomento Radium seu fulgurationem dixerunt, quod omnia cæco & concitato animi impetu perageret. Is cum nullam sobolem ex conjugē speraret, nec vitæ suæ terminum longius abesse præsentiret, Monachus factus obiit Anno 1131.

XI. Bela II. Cæcus dictus, Almi qui frater Colomanni Regis fuit filius, quem excæcari Colomannus fecerat, prudenter regni administrationem obiit. Qua-

tuor filios generavit, Geiczam, Ladislaum, Stephanum, qui tres postea in regno successerunt, & Almuu Borichum Regis Colomanni spurium dimicantem armata manu in fugam vertit, pie decessit Anno 1141. sepelitur Albæ regali.

XII. Geicza II. defuncti Regis Belæ filius natus maximus, adolescens pius repressit armis Saxones, Austriacos & Bavaros Posoniam tum occupantes, Vngariamq; depopulantes. Hoc regnante Posonia à Germanis fuit habitata. Is regnum suum compluribus, iisque magnificentissimis templorum ædificiis instruxit. Quatuor filios reliquit, Stephanum, Belam, ambos postea reges, Arpad & Geiczā. Obiit Anno 1161. sepelitur Albæ regali.

XIII. Stephanus III. Geiczæ regis secundus filius, arma contra Venetos in Dalmatia, contra Emanuelem etiam Græcorum Imperatorem, & contra sanguine sibi junctos Ladislaum & Stephanum diversis temporibus tulit. A consanguineis suis profligatus obiit absque sobole Anno 1173. sepelitur Strigonii.

XIV. Ladislaus II. Belæ cæci filius, sex menses regnavit, Stephano rege profugo adhuc superstite.

XV. Stephanus IV. Ladislai regis frater, menses quinque regnavit: victus

H 5      autem

autem à Stephano III. ambo eodem anno simul vita excesserunt.

XVI. Bela III. Regis Stephani III. frater, Regis Geiczæ II. filius Hungariam à latrociniis perpurgavit. Duos habuit filios Emericū & Andream. Obiit anno 1196 Albæ regali, ubi quoque sepelitur.

XVII. Emericus Regis Belæ III. filius, patrem statim morte secutus unicum filium Ladislaum reliquit, sepelitur Agriæ.

XVIII. Ladislaus III. Emerici filius sex tantum menses regnum possedit.

XIX. Andreas II. Regis Belæ III. filius, regis Emerici frater, quatuor liberos suscepit ex conjuge sua Gertruda, Belam, Colomannum, Andream, & filiam S. Elisabetham. Rex ipse in terram sanctam expeditionem suscepit, & feliciter cum Sultano Babylonienfi manus conseruit, ob quod factum Hierosolomitani cognomé reportavit. Antequâ vero hanc expeditionem adornaret, Gertruda regina lethali-ter per Banchianum Palatinum seu vice-regem Hungariæ vulnerata fuit, quod cōjugē Palatini fratri suo, qui ex Germania tum advenerat, regina ipsa ad libidinem ejus nefarie explendam, adduxerat. Rex post expeditionem reversus Palatini Esté- sis filiam secundo sibi matrimonio copulat, ex qua suscepit Stephanum patrem Andreæ Veneti, qui postea in regnum  
suspectus



suffectus fuit. Nobilitatem Hungariæ multis privilegiis & immunitatibus decoravit, fruique iisdem fecit. Obiit Anno 1235.

XX. Bela IV. Regis Andreæ II. filius; hoc regnante, quinquies centena millia Scytharum totam Rusciam & Podoliam devastarunt: Inde Hungariam ingressi aliquoties Pestham adorti sunt. Rex ipse Bela ex improvise in castris deprehensus habitu servili vix evasit. Ceciderunt autem tunc viri primarii complures, inter quos fuerunt Archiepiscopus Strigonien- sis, Archiepiscopus Colloczien- sis, Episcopus Nitrien- sis &c. Scythæ de hinc Danubium etiam trajicientes Strigonium expugnarunt, in quo utriusque sexus & ætatis homines crudeliter trucidarunt. Triennio elapso furiosi isti & rabidi prædones repetentes Mæoticam paludem in patriam redierunt, & Mahometis traditiones post hæc amplexi sunt. Bela Rex Hungariæ ope & auxilio equitum Rhodiorum regno restitutus. Obiit ann. 1275 sepelitur Strigonii apud Franciscanos.

XXI. Stephanus V. Regis Belæ filius IV. secundo Marte bella gessit: vicit Regem Bohemiæ Othocarum: Regem item Bulgariæ, adhæc universam Mysiam sibi tributariâ fecit: Liberos reliquit Ladislaum & Mariam quæ Siciliæ Regi Carolo nupta,  
Caro-

Carolus Martellum ex eo suscepit, qui filium Carolum procreavit, postea Vngariæ regem factum. Stephanus obiit An. 1278. & sepultus est in Insula Buda. —

XXII. Ladislaus IV. Regis Stephani V. filius, dictus Kuunlazo. Hujus temporibus Scythæ denuo Vngariam invaserunt, ferro & igne omnia Pestham usque misere devastantes: Biennio tandem elapso cum ingenti præda ad fines suos reversi sunt. Rex hic à Cumanis morte truculenta interemptus periit Anno 1291.

XXIII. Andreas IV. Stephani, qui ex filio nepos erat Regis Andreæ II. ex cognomento Venetus: hic Austriam sibi subjugavit, obiit Budæ ubi in æde S. Ioannis Evangelistæ sepelitur Anno 1301. Illo mortuo Pontifex Caroli Martelli filium adoptavit in regem Vngariæ.

XXIV. Wencellaus ab Vngaris Ladislaus dictus, Regis Bohemiæ filius: Hic contra Carolum Martelli filium eligebatur, sed à Patre suo tandem in Bohemiam revocatus fuit: Vngari enim discordes partim hunc ipsum, partim Carolum, partim etiam tertium quendam regem Otthonem Baviariæ Ducem sequebantur, regno præfuit circiter annos sex.

XXV. Ottho Dux Baviariæ, & hic ex quorundam gratia in regem coronatur Albæ regali: regnum fere triennium obtinuit:

tinuit: Hinc Ladislaus Vayvoda Iazygum captivum duxit, spoliavit, & regno eiecit.

XXVI. Carolus Robertus five Caròlobertus, filius Caroli Martelli, quem Maria Regis Stephani V. filia peperit, corona regia inauguratus est, Anno 1310. Is vicit prælio Matthæum Comitem à Tinschen non procul à Cassovia. Late Vngariæ fines protulit: Dalmatiam enim Croatiam, Sertojam, Ladomeriam, Rusciam, Comaniam, Bulgariam & Bosniam possedit. Vixit in matrimonio cum sorore Casimiri Regis Poloniæ, ex qua Ludovicum genuit, Anno 1319. Rege Carolo cum regina & liberis suis in ipso Paschatis festo discumbente in arce Vicegradi, Felicianus nobilis aulicus in regem stricto gladio irruit ut vitam ei eriperet: ob quod facinus reus supplicio merito affectus fuit. Anno 1339. Dux Rusciæ Carolum regem Vicegradi invisit.

Anno 1340. Casimirus rex Poloniæ Affinem suum regem Carolum invisit Vicegradi, & regnum Poloniæ Ludovico, Regis Caroli ex sorore ipsius filio, quod ipse sine prole esset, ultro detulit. Carol. obiit Anno 1342. sepelitur Albæ regali.

XXVII. Ludovicus Regis Caroli filius, Rex fuit Poloniæ & Vngariæ, filium quidem nullum, filias autem duas genuit.

Alte-

Alteram Mariam Regi Bohemiæ Sigismundo nuptam, qui propter eandem regnum Hungariæ obtinuit: Alteram Hedwigam Reginam Poloniæ. Ludovicus hic feliciter bella gessit, Iudæos omnes ex Hungaria ejecit. Obiit anno 1382. sepelitur Albæ regali in sacello quod vivus sibi fieri curaverat.

XXVIII. Maria filia regis Ludovici in locum patris successit: ac Sigismundo regi Bohemiæ qui Imperator tandem creatus fuit, nupsit: Verum cum Sigismundus admodum adhuc adolescens esset, ipsa regina cum matre Elisabetha regni administrationem interea obibat, quosdam Imperii procures sibi jungens, quorum nutu omnia peragebat: quod Hungariæ procures moleste ferentes, accersebant Regem Neapolitanum Carolum, eique coronam regni deferrebant: non multo autem tempore post, Carolus sub specie colloquii cum mulieribus istis reginis instituti occiditur, Italis ex tota Húngaria profligatis: Et regina regnum recuperat. Sed ecce dum comitata matre sua atque aulae magistro reliquisque aulicis in regno circumveheretur, capitur à Ioanne Croatiæ Præfecto, qui Caroli Regis mortem uscisci statuerat. Is ergo interfectorem Caroli obtruncat: Reginam ipsam cum matre passis capillis trahens per solum raptat: matrem flumine

ne

ne immerſam ſuffocat. Reginam autem carceri includit, atque gynæceum ejus ſclerate proſtituit: tandem tamen metuens ſibi Reginam liberam dimittit. Quæ ubi domum reverſa eſſet, regem & maritum ſuum Sigismundum ex Bohemia cū magno exercitu adventantem videt: is Hungariam nullo prohibente occupat, & coronatur anno ætatis ſuæ XX. Quibus exactis expeditionem in Croatiam ſuſcipit, Præfectum obſidet, captumque capitali ſupplicio afficit, atque ad eum modum mors unius morte alterius expiata fuit.

XXIX. Carolus II. Cognomento minor, Rex Neapolitanus, filius Andreæ qui frater erat Ludovici Regis, eligitur in regem Hungariæ, contra Sigismundum & Mariam, ſed inſtinctu reginæ Eliſabethæ per Blaſium Forgat Budæ in arce interfectus eſt, anno 1385.

XXX. Sigismundo Hungariæ regnum à Maria, ut quæ eſſet ſine liberis, ultro relinquitur. Maria expiravit anno 1392. Sigismundus regnum occupat, & matrimonio ſibi jungit Comitiffam Ciliæ, ex qua unicam filiam Eliſabetham ſuſcepit, anno 1396. Turcarum Imperator Bulgariam, quæ ad Hungariæ regnum pertinebat, armis occupat, cui Sigismundus Rex cum exercitu obviam procedens, partem

tem ejus provinciæ, sed non nisi multo cum sanguine & aperto prælio recuperat, ceciderunt tum ad 20000. Christianorum, Turcarum autem ad 60000. Christiani tamen prælio victi sunt: Rex ipse vix fuga sibi consuluit. Anno 1401 Ungari regem suum carceri incluserunt, qui liberatus postea regno restitutus est. An. 1409 Sigismundus Rex denuo à Turca superatur. Anno 1410. eligitur Romanorum Imperator. Duas seditiones rusticanas diversis temporibus per Ungariam sopivit. Obiit Anno 1437. Ætatis Anno 71. Sedit ad regni gubernacula in Ungaria, simul cum conjugē annos quinquaginta & unum.

XXXI. Albertus Archidux Austriæ uxorem duxit Elisabetham, unicam Sigismundi Imperatoris filiam, quam ex Comitissa Ciliæ sustulerat, ex quo matrimonio regnum simul Bohemiæ & Ungariæ obtinuit, atque Romanorum Imperator insuper eligitur. Duas sibi filias progenuit: Elisabetham quam Casimiro Regi Poloniæ cessit: & Annam quæ Wilhelmo Duci Saxonie nupsit, Ann. 1438 Amurathes Turcarum Imperator in Ungariam impressionem fecit, cui obviam procedens Albertus castrametatus est ultra Danubium supra Pestham. Imperator diarrhæa in castris correptus, Budamque



damque petens, festino gradu Viennam contendit. Sed in itinere in pago quodam non procul à Posonia Nesimel vitam finit, anno 1439. Prolem quidem masculam nullam, Conjugem tamen Elisabetham gravidam ex se reliquit. Quæ cum volens Vladislao fratri regis Poloniae & Duci tum Lituaniae desponsata esset, interea peperit Ladislaum filium & naturalem Vngariae hæredem: Quare ubi filium regem peperisset, jam non ulterius Vladislai matrimonium desiderabat. Vnde magna dissidia orta & Vngariae regnum misere conquassatum fuit. Regina filium suum menses quatuor natum cum summa solennitate in regem Vngariae coronari curabat.

XXXII. Vladislaus nihilominus Vngariam ingressus à quibusdam Rex salutatur. Obsidet Strigonium ducto aggere ad montem S. Thomæ. Urbem deditio-  
ne capit. Regina assumpto filio suo confugit in Austriam ad tutorem ejus Fridericum Imperatorem, auferens simul sacram regni coronam, quæ regibus legitime electis imponi debet, & annis 23. post, precio dato per Matthiam regem recuperata fuit. Vladislaus interim cum reliquiis, de S. Stephani regis capite demptis coronatur. Hisce dissidiis gliscentibus Turca ansam regnum invadendi arripuit,



puir, siquidem Amurathes Rasciam interea occupat. Quadriennio elapso Vladislaus Rex plane adverso Marte ingens praelium cum Amurathe commisit. Rex enim ipse in praelio occubuit, cæsis simul principibus & Prælatiſ quam plurimis, cū triginta millibus Christianorum.

XXXIII. Ladislaus Rex Alberti Regis filius tantum quinque annos natus erat, cum Ladislaus occumberet, erat autem tunc Viennæ. Ioannes ergo Hunniades sive Corvinus præficitur vicerex, quam præfecturâ summa cum dexteritate obibat. Vnde & propter animi fortitudinem ab Vladislao in Vayvodam, Iazygum deputatus est, siquidem secundo Marte contra Amuratem bella gessit. Inde ubi Ladislaus Rex ætatis annum 12<sup>m</sup> attigisset, in Hungariam se contulit, & Corvinum ob fidèlem administrationem & servitiâ præstita comitem Bistriæ constituit.

Anno 1455. Corvinus denuo Mahometem in fugam vertens, magna tormenta bellica centum illi eripuit. Obiit anno sequenti videlicet 1456. Ladislao ergo jam regnante procures regni acerbissimis odiis inter se dissidere. Comes Cilix Vlricus occiditur à Ladislao & Matthias, duobus filiis defuncti Hunniadis, ob quod factum Ladislaus capite truncatur. Matthias vero, qui & ipse postea Rex fuit,

fuit, Pragæ in carcerem adductus est.

Anno 1457. Ladislaus Rex feliciter pugnavit contra Sultanum, aliquot millia Turcarum prosternens. Ladislaus postmodum nuptias celebravit Pragæ cum Magdalena Caroli regis Galliarum filia, anno ætatis suæ 19. & in ipsa solennitate nuptiali mortuus est.

XXXIV. Matthias Corvinus filius Ioannis Hunniadis Pragæ carceri inclusus redemptus fuit per Episcopum Waradinensem quadraginta vel secundum alios sexaginta millibus scutorum, simulque in regem Hungariæ eligitur. Fridericus III. Imperator regnum sibi arrogabat, prætendens se proximum ex virili stemmate hæredem defuncto regi succedere. Matthias autem natus tantummodo annos 17. prævertit eum, ea lege, ut si absque sobole decederet, domus Austriaca ex testato sibi regnum illud hæreditarium haberet. Primum matrimonium cum filia regis Bohemiæ contraxit: Rex ipse bella satis feliciter administravit, quæ ann. 1462. & 1463. contra Turcam gessit. Postquam anno 1464. sacram regni coronam sexaginta millibus scutorum à domo Austriaca redemisset, coronatur Albæ regali cum summa solennitate & congratulatione suorum. Matthias rex

Anno 1475. Obiit doctissimus Mathematicus. Ioannes Regiomontanus, quē Matthias rex summo honore prosecutus octingentis scutatis cohonestavit pro sola Dedicatione Ephemeridum in annos triginta supputatarum.

Anno 1476. Coronata fuit in Reginam Beatrix filia regis Siciliæ, Coronatio Albæ regali facta, Nuptiæ Budæ celebratæ, quæ dum fierent, Turca Dalmatiam devincit, in Vngariam ad castrum usque ferreum Stiria penetrat, & ultra triginta millia hominum captivos abducit, Daciam ferro & igne devastat. Matthias quod secundum quorundam opinionem Kunegūdā filiam Friderici Imperatoris non obtinuiſſet, nuptiis finitis Austriam bello petit, capit castrum munitissimum Truotzmanſdorff, Petersdorff, & alia.

Anno 1481. Cæsariani in castris ad Urbem Haymburgum improvise à Matthias obruti cæduntur. Anno sequenti Rex Matthias urbem illam obsidione cingit, quæ in confinio Hungariæ & Austriæ sita decē millia passuum supra Posonium, cis Danubium, ad præaltum montem cōdita est, in cuius fastigio arx quæ nulli facile accessum præbet supraeminet, post eam autē ad 20. stadia Prucka civitas est. Rex Matthias satis sibi perspectum habebat se nihil magnopere in Austria con-

fecturum, nisi Haymburgum prius occupasset, quam ob causam obsideret eam arctius præ cæteris. Fridericus Imperator tria millia equitum in occursum ei præmittit, qui prælio non ita magno ad Pruckam superiores fuerunt: Stephanus Bathori unus ex Matthiæ Ducibus in eo prælio capitur, & additis duobus à latere custodibus, dum cæteri Hungaros persequerentur, Pruckam abducitur, is in itinere capta occasione gladium alteri custodû, qui à læva erat, è vagina deripiens utrumque eodem confodit, quo facinore perpetrato, jam liberatus ad suos in castra revertitur. Matthias inde Haymbergam Urbem deditione capit, & arcem à Præfecto ejus tribus scutatorum millibus numeratis accipit. Hinc exercitum ad Pruckam movet, quæ urbs non militibus tantum præbidiariis, & muris fossisque præaltis, sed arce insuper munitissima, flumine vivo circumlabente & propugnaculis aliisque defensione paratis optime erat instructa, ipsa in plano condita ad ripas Leythe fluvii, sita est. Hanc itaq; quatuor mēsiū obsidione cingebat, tormentisq; crebro in eam fulminans tādē multa vi eandem expugnat. Sed quod Vienna nullo modo obsideri posset, deliberat secum qua via adjacentes vicos occuparet. Quare Korneiburgum ultra Danubiu n ob-

sidio-

fidione capit, arcem Guntzam, Claudiviciem, & Ebersdorfium, quod egregie se hosti opponebat, tandem ipsam etiam Viennam in potestatem suam redigit. Viennam fames eo adegerat, Kal. ut Iunii se ultro dederet, quo die maximus terræ motus erat. Quibus confectis septem menses Neustadium obsidet, quam deditione accipit. Rex anno 1490. curis omnibus sepositis animum libere explicatus atque in ipso Palmarum festo hilaris admodum mensæ accumbens, jubet sibi ficos apponi, qui cum selectiores haberi non possent, in tantum ira intumuit, ut apoplecticis concideret, ac velut ab omni sensu expers jaceret, nec quicquam eloqueretur, sed beluæ cuiusdam instar inter horredos mugitus expiraret. Albam ergo regalem deportatus ibidem sepelitur.

XXXV. Vladislaus II. qui & ipse Rex Bohemiæ jam ante erat, matrimonio sibi viduam Matthiæ jungit, & Rex ita Hungariæ salutatur. Circa hæc tempora Maximilianus primus Viennam recuperat, Neustadium & Pruckam simul cum universa fere Austria. Adhæc armata manu Albam regalem recipit, Vesprinum etiam & Sabariam cum arcibus munitissimis quam plurimis. Alba autem, Vesprinum & quædam alia Vladislao restituta sunt. Mortua priore conjugē ducebat filiam

comitis ex Gallia, ex qua Ludovicum & Annam suscepit. Præterea cum Maximiliano ita conventum est, ut si Rex absque liberis decederet, Maximilianus omnesque posterij ejus in regnis Hungariæ & Bohemiæ legitime succederent.

Anno 1514. magna seditio per Hungariam coorta est, dum enim Cardinalis Strigonienfis Crucem ad populum annūciaret, & multa subditorum millia nomina sua profiterentur, Vladislai interim legatio cum Turcarum Imperatore Selymo paciscitur. Verum qui nomina sua dederant, neutiquam ob id ab armis desistebant: quin imo Capitaneum Georgium Zeck, qui Turcā jam ante aliquoties profligaverat, in Regem sibi constituunt, primum per Hungariam tanquam furore cōciti castra non pauca & Cœnobia per-rumpunt. Nobiles quam plurimos cum uxoribus & liberis trucidant, bona eorū diripiunt, virgines constuprant, Episcopum Chonadiensem palo ligneo per corpus adactō transfigunt, idemque Strigonienfi Archiepiscopo & aliis minitantur. Posteaquam autem novus iste Rex Georgius una cum Ducibus à Comite Ioanne Vayvoda caperetur, inaudito & horribili prorsus supplicij genere affectus fuit. Primum Rex ipse corona candescēte ferrea coronatur: dehinc sanguis ipsi è duabus  
venis



venis sectis detractus fratri ejus Luca ad bibendum propinatur: Præterea triginta rusticos per triduum fame maceratos eo immanitatis compellebant, ut dentibus Regis sui adhuc viventis viscera dilaniarent deglutirentque. Rex autem ipse miram interim constantiam præ se ferendo ne ingemiscebat quidem, nec expavescebat ullum tormenti genus: hoc unum obtestans, ut fratri suo Luca parceretur, siquidem à se ad bellum istud compulsus fuisset. Tandem ubi jam omnia ferme membra discerpta essent, exenterarunt eum & corpus frustulatim concisum partim verubus tostum, partim lebe te decoctum militibus ejus manducandum apposuerunt. Quos ita pastos pariter cum Luca Zechet varie excarnificatos, supplicio sustulerunt. Vladislaus Rex Budæ obiit Anno 1516. & Albæ Regali sepelitur.

XXXVI. Ludovicus II. Regis Vladislai filius successit patri in Regnis Hungariæ & Bohemiæ An. 1521. Selymannus Turcarum Imperator Hungariam cum exercitu ingressus omnia rabiose devastavit. Siquidem Collocza Archiepiscopus primus hostium incursionibus patebat, Rex ope Pontificis Paulum Tomori in Archiepiscopum ejus loci constituit, eumque tantum non violenter ad id compulit. Bellogrado enim amisso locus hic virum non

tam sanctimonia insignem, quam hominem rerum politicarum callidum, & prudentem aliquem atque fortem protectorem sibi exigebat. Tomori, de quo hic sermo instituitur, ordinem Franciscanorum religionis ergo ingressus fuerat, is vir alias plane strenuus, & admodum severus erat, nec semel quid virtus sua in Turcas posset animo presentissimo expertus fuerat. Rex Ludovicus conjugem habebat Mariam agnatam Maximiliani Imp. quæ postea Gubernatrix fuit in Belgio. Soror autem Regis Ludovici Anna Ferd. cessit, qui & ipse deinde Rex Hungariæ factus est.

Anno 1526. ubi Rex Ludovicus animadvertisset, Turcam denuo cum maximis copiis Vngariam petere, ipsemet cum exercitu illi obviam processit. Siquidem Nobiles quidam renuebant cum solis belliducibus & solum cum regni proceribus expeditionem illam suscipere, prætendentes privilegia sua, quibus cautum erat, ne militatum ire tenerentur, nisi Rex præsens inter ordines foret. Hac de causa Rex ipse in armis esse compulsus fuit, & ingenti prælio sed plane adverso Marte cum hoste decertatum fuit: Ceciderunt enim ad novendecim millia Christianorum; multi insuper Principes & Prælati, utpote Ladislaus Zalkanus Archiepiscopus Strigonien-  
sis, Paulus Tomori Monach, dictus Archiep.

chiep. Collocz. & generalis militiæ Præfect. Epif. 5. eccl. Iaur, Chonad. & Bosn. Rex itaque dum jam fugæ intentus esset cum equo cui infidebat in locum palustre & uliginosum delatus misere in eo periit. Corpus exactis mensibus duobus post armis indutum & equus ejusdem reperta, Albam regalem adductus & ibidem sepultus est. Turca supra lacum Balathoné Iaurinum usq; progressus, quæcunq; obviam habuit, incendiis & latrociniis devastabat. Budam Metropolim obsidebat, quæ nullo negotio in manus ejus veniebat: maxima enim pars, quin & Regina ipsa profugerant inde Viennam, sola arx habebat milites præsidarios Germanos, quam Turca cuniculis expugnare tentabat, quod milites animadvertentes convenerunt cum hoste, ut sublatis sarcinis inde salvi discederent: fides attem illis non servata est, & quotquot erant ad unum omnes cimeterris concisi perierunt. Solus capitaneus incolumis evasit, quod milites ejus arcem ipso invito hosti obtulissent. In sylvis quas Verthises vocant, ultra 25000. Christiani, præter uxores & liberos latitabant, in quos Turcæ magna tormenta displorentes omnes prope modum sustulerunt. Turca superiorem insuper Pannoniam adoritur, igne & ferro quæcunque ultra Danubium obviam deva-

devastat, quibus peractis Constantinopolim repetit.

XXXVII. Ioannes de Zapolia Vayvoda apud Iazyges, mortuo Ludovico à quibusdam Rex eligitur: Tamen si Stephanus Bathori Palatinus Hungarię, cum præcipuis prælatis in electionem eam nõ consentiret. Ferdinandus enim Catoli V. Imperatoris frater ad capeßendum regnum jam vocatus erat, qua ratione factũ fuit, ut duo Reges tum electi essent.

Anno 1528. Vayvoda à Rege Gallię suppetias sibi ferri petivit, contra Ferdinandum Regem: præterea Carolo V. Imperatori, & ordinibus scriptis literis super Ferdinandi Regis iniquitate conquestus, protestatur si contingat ut aliunde sibi auxilium parare necesse haberet, ne id vitio subvertant: fertur etiam Ferdinando conditionem obtulisse, quod beneficiarius seu vasallus esse velit, verum ubi omnis spes auxilii ipsi præcisa esset, non multo post institutum suum, quod diu jam in animo proposuerat (videlicet, si Ferdinandus Rex viribus ipsi esset superior quod Turcę patrocínio uti vellet) in actum deduxit, seque Solymani fidei atque tutelæ credidit.

XXXVIII. Ferdinandus Archidux Austrię, Rex & ipse Bohemię, eligitur Rex Hungarię.

Anno

Anno 1527. magnis copiis conflatis Budam usque profectus, urbem eam & potissimam regni partem occupat, hinc Albæ regali in Regem Hungariæ coronatur. Generalis belli ejus Præfectus Casimirus Marchio Brandenburgensis Budæ obit in ipsa expeditione, & pompa funebri digna principe ibidem sepelitur.

Anno 1529. Solymanus Imperator Turcicus tacite instigatus à Vayvoda Iazygum Hungariam adoritur, urbem Budam & arcem, quam undecies frustra oppugnaverat, vi capit. Ioannes Vayvoda Iazygum à Turcis Erdelbannus appellatus, magnis muneribus Turcæ obviam procedens manus ejusdem deosculatur, à quo Rex Hungariæ confirmatus Budam in sedem Regiam ab eodem oblatam acceptat, quam deinde ad finem usq; vitæ suæ, in annum videlicet 1540. fixum sibi retinuit incoluitque. His actis Solymanus secus Danubium cum exercitu conscendens, in transitu deditione capit Komaram, Vicegradum, Owaram &c. Visuntur adhuc Owaræ globi tormentarii ingentes, quos in obsidione illa sparsit intra muros ejus.

Vigesimo sexto Septemb. obsidione Viennâ Austriæ cingebat, bis centena milia Turcarum in exercitu suo numerans. Urbem ipsam dies 20. continuos tormenti

mentis conquassabat, sæpius eam incursionibus licet frustra adoriens. Ceciderunt tum Turcarum ultra octoginta milia, tandem frigore compulsus obsidionem solvit, & Budam Constantinopolimque repetit.

Anno vero 1532. cum ingenti manu videlicet ter centenis millibus reversus est, advehens secum centum & viginti tormenta bellica magna, quæ capitalia seu Cartanena, 12. ex eo genere quæ mortaria, 40. quæ Serpentina, & centum quæ falcones à nostris hominibus denominantur. Obsidet ergo oppidulum & arcem Guntzam, quam Dominus Nicolaus Iurith natione Hungarus defendebat. Oppidulum ipsum ferme funditus tormentis collabefactatum erat, siquidē ter & decies frustra ab hoste oppugnatū substiterat, Turcis quam plurimis cadētibus. Turca ergo magnanimitatem Domini Nicolai videns, per nuncium ipsi significat, si se in potestatem ejus traderet, honorarii loco arcem cum oppidulo reportaturū, nec ulli civium deinceps id damno fore. Quā conditionem Hungarus ille acceptavit, civesque suos ea ratione salvavit. Turca inde castra movit, seque ad Stiria fines & lacum Balathonem convertit: Supremum Bāslam suum cum exercitu levis armaturæ ad 15. milia



lia hominum præmisit, qui longe lateque populabundi Aredaten usque excurrerunt damna plurima passim inferentes. Sed dum præda onusti retrò ad suos cogitarent, ita inter montes circumventi sunt, per quosdam equites qui cõscripti Viennam tum primum adventarant, ut vix 200. de 15. millibus evaserint. Imperatoria Majestas, brevissimo tempore Viennæ exercitum collegerat, ad triginta millia equitum, peditum autem ad bis centena millia. Cujus rei simul ac Turca certior factus, signa illico vellit & ad fines suos retrocedit, neque nostri eum ulterius persequi laborant.

An. 1537. Rex Ferdinand. denuo exercitũ conscripsit, 8000. videl. equitum, & 16000. peditũ, cujus dux fuit Catrianus, is pessimę fidei notã sibi inussit, siquidem ad Turcas deficiens, exercitum perfide re prorsus infecta prodidit. Nec longe post Catrianus se ad Comitem Nicolaum de Serino contulit, cujus alias intimus fuerat, illi persuadere conatur, ut & ipse ad Turcas deficeret, cui Comes Nicolaus caput præcidi jussit, quod Ferdinando Regi transmisit, & pro eo honorarii loco, omnia Catriani bona à Ferdinando sibi collata reportavit.

Anno 1540. vel secundũ alios 1541. Ioannes Vayvoda Transsylvaniæ, Budæ obiit,



obiit, is filium puerum adhuc reliquit, qui per ætatem regno præfſe non poterat, ob id mater ejus interea vices illas adimplebat. Exercitus autem Ferdinandi Budam in qua erat vidua cum filio Ioanne Stephano obſidet, ſibiſque eam dediſtulat: : Tutores Regis adhuc impuberis neſtquam in id conſentiebant, ſed Turcæ præſidium contra implorabant, qui primarium quendam Baſſam cum exercitu propere præmittens eundem in propria perſona haud multis diebus poſt ſubſequebatur. Tametſi vero milites Ferdinandi undiquaque tormentis in urbem fulminarent, depulſi tamen ſunt, & ceciderunt ex iis ad 20000. Imperator Turcarum Budam & Peſtham occupat, ſibiſque utranque retinet, quarum Præfecturam Bellerbego mandat, de vidua autem & filio ejus diſponit, ut in Tranſylvaniam concederent.

Anno 1542. denuo numerofus exercitus in Hungariam à Ferdinando rege miſſus eſt, cujus belli præfectus Generalis erat Ioachimus Elector Brandenburgicus. Pontifex duce Alexandro Vitellio tria millia equitum illis adjungebat, eâ vice Peſtha tormentis & incurſionibus acriter oppugnata fuit, ſed male ceſſit, ſiquidem lues horrenda in exercitum adſoſaviit, ut multa eorum millia perimeret,

meret, sicuti eodem anno Viennæ etiam  
18000. ex pestilenti contagio perierunt.

Anno 1543. Turca denuo grassans per  
Hungariam cum exercitu ad 10. Augusti  
diem urbem & castrum Strigonienſe vi  
multa occupat, quamvis obſeſſi totis vi-  
ribus ſe defenderent. Ad 3. Novembris Al-  
bam regalem deditiōe capit, ea tamen  
cōditione, ut cives illæſos dimitteret. So-  
lymannus vero victis injungit, ut in arcē  
ſimul conveniant, quo factō armis eos  
exuit, & quosdā qui viribus corporis præ  
reliquis valerent ex iis ſeligit. Cæteros  
Cimeterris diſſecari mandavit, his pera-  
ctis Mahometem Iaoglis Gubernatorem  
totius Hungariæ conſtituit.

Anno 1547. Anna Regina Hungariæ  
Ferdinandi Regis Conjux Ioannam par-  
turiendo expiravit.

Anno 1548. Ferdinandus Rex Agrian  
in poteſtatem ſuam redigebat, Duce Co-  
mite à Salm. Urbis autem captæ præfe-  
cturam Stephano Debo; Franciſco Zay &  
Nicolao Olaho committebat.

Anno 1549. Comes à Salm multa ca-  
ſtra in ſuperiore Pannonia expugnabat.

Anno 1550. Matthias Teuffel Ferdi-  
nandi Regis Copiarum Dux à Bellerbego  
Budenſi apud Pallatium ſuperatur. Tur-  
ca etiam capit Dregelt, Gyarmath, Zet-  
ſchin, Pallatium & oppida quædam ad-  
K jacen-

jacentia. Obsidet insuper Agriam copiis suis omnibus in unum collectis, verum qui in urbe erant, unanimiter contra hostem conspirabant, fidemq; suam subscriptione è proprio sanguine factam, invicè astrinxerant. Turcicus itaq; exercitus pudore confusus obsidionem solvit, duodecies mille globis in urbem per magna tormenta displois, qui numerus collectis globis istis demonstrari potuit. Ceciderunt autem omnino trecenti ex nostris.

Agria sedes est Episcopalis, quæ secundum Bonfinii opinionem, primum ab Agrianis Illyrici populis habitata fuit. Sunt qui à rivulo Agria urbem alluente eam denominatam existimant: Sunt etiam qui veterum Vinundriam putant, cujus Ptolomæus in superioris Pannoniæ tabula meminit, eique trigessimum octavum cum dimidio gradum longitudinis, & quadragesimum sextum cum dimidio latitudinis assignant. Temporibus Bonfinii, quantū ex Historia ejus cōficere possumus, civitas ea satis exigua, nec muris adeo munita fuit: Verum sub Ferdinando, à Præfecto Erasmo Teufel egregie instaurata est: Arcem vetustate minus conspicuam habet, nec ullis propugnaculis firmam, portis solummodo utcunq; clausam. Non multo tēpore post Dominus Antonius Vernantius Episcopus

pus Agriensis & Nobilissimus Franciscus Zay Præfectus Cassoviensis, Constantinopolim à Regia Majestate delegati pacis conditiones tractarunt.

Anno 1556. deficientes Transsylvani à Rege suo Ferdinando jungebant se Ioanni Sigismundo Vayvodæ filio Vayvodæ illius de quo ante sermo fuit.

Anno 1558. Ferdinandus Rex Vngariæ & Bohemiæ eligitur in Romanorum Imperatorem.

Anno 1560. Turca Felicam capit, locus is in superiore Pannonia munitissimus est. Nec multo tempore post Ferdinandus Imperator & Solymannus sædus inierunt, quod utrique parti tolerabile fuit, & ratum illæsumque perstitit, quoad Imperator Ferdinandus in vivis erat.

Anno 1564. ad 25 Iulii diem Ferdinandus Imperator Viennæ fatis concedens Pragæ sepeliebatur.

XXXIX. Maximilianus II, Ferdinandi Imperatoris filius, qui jam ante Rex Bohemiæ, Romanorumque dehinc Imperator electus erat, coronabatur anno 1563. una cum Maria conjugē suā in Regem Vngariæ, superstite adhuc patrē suo Ferdinando Imperatore.

Anno 1564. sub finem fere anni Ioannes Sigismundus Vayvoda Iazygum vassallus & subditus Solymanni male

fortunatus, pace violata Zatuvarum expugnavit, in quo Maximiliano Imperatori plurimum erat situm. Vayvoda Balassi Melchiorum inde expulit, conjugem & liberos illius, cum omni suppellectile, ctenodiis, etiam & prompta pecunia abduxit: Verum Maximilianus Imperator misso belli duce Lazaro à Schwendi cum exercitu, Zatuvarum recuperavit, simul cum aliis adjacentibus locis non paucis.

Anno 1565. Vayvoda Solymannum tantopere sollicitavit, ut is de expeditione in Pannoniam suscipienda, plane secum constitueret. Quare Bassa Budensi mandatur, ut arma pararet, & bellum auspicetur, qua ratione Vayvoda ille, patriam suam in extremum exitium adduxit. Regem enim se Hungariæ dictabat, & conventu suorum habito in Martio mense proponebat illis quod ex Patroni sui clementissimi, Sultani Solymanni sententia & potestate plenaria omnibus Hungariæ ordinibus edicto injunctum, ut sub potestate & sceptro sui Vayvodæ esse teneantur. Quod edictum Lazarus à Schwendi constanter & solide refutabat. Nec multo post Solymanno Hungariam ingressa, Vayvoda cum muneribus plane regiis obviam processit, spe, licet frustrata, Hungariæ regnum ab eo obtinendi. Bassa Budensis Palotam obsidens, (erat autem in ea

Capita-

Capitaneus Georg. Thurinus vir equestri virtute cōspiciuus), per integrum octiduū continue tormentis in illam fulminabat, adeo ut muris conqussatis soloque tantum non equatis castrum ipsum extreme periclitaretur, præter spem liberatum fuit per Comitem Georgium ab Helfenstein, Turcæ conspectis Christianis profugerūt, pulvere tormentario, farina, tormentis & tentoriis omnibus relictis. Muri deruti deinceps reparati sunt.

AD 29 Iunii Christiani Vesprium obsidione cingentes postero die occuparunt, cæsis omnibus quotquot ex Turcis obvios habuerunt, quinque tantum acceptis. In Iulio Comes à Salm Thatan arcem quam nostri Dotin vocant, expugnavit, & præfidiarios ad unum usque extinxit. Turcæ qui Gestes locum munitū tenebant, ubi de adventu Comitis certiores facti essent, inde profugerunt: quorum exemplum imitati sunt qui Weytam tenebant. Eodem anno Scythæ suadente Vayvoda Iazygum & Solymanno eos ; evocante superiorem Pannoniam adoriebantur, omnia ferro & igne devastantes plurimosque Christianos secum abripientes. Horum decem millia Dominus Lazarus de Schwendi, parva suorum jactura partim cæcidit, partim ex Hungaria profligavit. His peractis dictus Schwendi



castra quædam, Sabactam videlicet, Crasnahurcam, Pilovvix, & alia expugnavit, quæ ad Georgium Bebecium unum ex Vngariæ proceribus pertinebant, is autem perfide Imperatorem deserens Vayvodæ partes sequebatur. Præterea Zatuorum deditio caput. Turca ergo inferiorem Pannoniam passim misere depopulante, & omnia vi occupante, ita ut de Komara & Iaurino etiam metuendum esset, Imperatoria Majestas maximis copiis conflatis ipsemet præsens expeditionem suscepit, & ad Komoram Iaurinumque castrametatus, munitiones eas ad communem Christianorum salutem à Turcarum furore tutas reddidit. In mense Octobri dum Imperator Iaurini commoraretur, incendium ingens ibi exarsit, ex quo fere tota civitas conflagravit, milites dum restinguendo incendio occupati esse debuerant, admodum opimam prædam ex bonis mercatorum istic depositis retulerunt: Imperator postmodum magnam pecuniæ summam ad ædificia restauranda incolis deputavit.

Anno 1567. Episcopus Agriensis & Dominus Christophorus à Teuffenbach liber Baro, Constantinopolim missi sunt ut de pace tractarent, quæ anno 1568. inter Imperatorem Maximilianum II. & Sultanium Selymum in octennium constituta



stituta est, una ex conditionibus illius hæc fuit, ut quisque sibi retineret, quæ in possessione sua haberet: quæ pacificatio annis posterioribus prolongata est.

Anno 1571, Ioannes Sigismundus Vayvoda Iazygum, obiit absque sobole, nec abfuit suspicio veneni. Illi successit Stephanus Bathori annexa tamen servitute, qua annuatim tributum Sultano penderet. Hic ipse est Bathori ille, qui anno 1575. ex commendatione Sultani in Regem Poloniae susceptus est.

Anno 1574. durante adhuc pace, Turca prope lacum Balathonem Vngariam adortus, ultra mille Christianos trucidavit, & opimam admodum prædam auxit. Circa finem hujus anni obiit Selymus Constantinopoli, in cuius locum filius ejus Amurathes successit.

Anno 1576. Obiit Imperator Maximilianus in Comitibus Ratisbonæ.

XL. Rudolphus II. filius Imperatoris Maximiliani, qui nunc ad Imperii gubernacula sedet, & ipse jam ante Vngariæ & Bohemiæ Rex ab imperii Electoribus eligitur in Romanorum Imperatorem.

Anno 1579. In Novembri Begus Vil-lacensis urbem Sixo, quæ in superiore Pannonia est, dum mercatus annuus celebraretur, improvise obruebat, & inermes

mes illos cimeterris diffecans bona eorum diripiebat, bis mille ex iis copulatos equorum instar secum abducens dum ad suos retro cederet: nostri eum persecuti sunt, & ope Hungarorum rusticanorum captivos ipsi eripuerunt; multos etiam primarios Turcarum partim occiderunt, partim captivos abduxerunt, domum reversi sunt. Præda onusti anno 1580. Turcæ superiorem Pannoniam Sepsy usque depopulabantur, vicos complures diripiebant & flammis prorsus exurebant, multos etiam Christianorum secum abripiebant, sed dum retro ad suos vergerent à nostris prope Agriam fusi sunt, & ita captivi & præda recuperata est. An. 1582. Imperatoria Majestas Posonium se conferens cum Hungariæ Proceribus consultavit, qua ratione quod in Hungaria residuū esset, defendi, & castra quæ limites regni essent, rectius communiri possent.

Eo anno & pace adhuc vigente sexaginta millia Turcarum coierunt, qui duce Sanzaco superiorem Pannoniam incurserunt. Zapoliam devastantes, vicos aliquot flammis absumentes, multos in captivitatem ducentes & ingentem prædam avehentes. Verum in reditu à militibus Cæsarianis prope Agriam magna ex parte cæsi sunt, & bona ab ipsis recuperata. Quæ cum Constantinopoli relata essent, Turcam

cam admodum commoverunt: Ast ubi intellexisset, Turcas nulla provocatos injuria priores petulanter Christianos incurfasse, paulatim detumuit, atque ultro expetivit pacis condiciones posthac illibatas continuari. Ea ratione inter Romanorum Imperatorem Rodolphum I I, & Sultanum Amurathem I I I, pax denovo constituta fuit in octennium integrum, quæ anno 1584. ipsis kalend. Januarii cœpit.

Anno 1587. Turcæ septendecim pagos, versus Nemetuos citra ultraque Limpach sitos devastabant, nec paucos Christianos abripiebant. Comes vero Georgius à Serino prædam eam recuperavit & ultra 2000 illorum cæcidit.

K 5

S. S. T.

S. STEPHANI

PRIMI HVNGARIÆ REGIS

DECRETVM.

Ad S. Emericum Ducem,

*in quo leges Regni Hungarici fundamentales.*

**I**N Nomine Sanctæ Trinitatis & individue Vnitatis. Cum cuncta Dei nutu condita, suaque evidentissima præordinatione disposita, tam in amplitudine cœli, quam in istis amplissimis terrarum climatibus, ratione intelligentiæ funditus sentiam vigere, atque subsistere: cumque affatim universa hujus vitæ utilitati dignitatique gratia Dei concessa, scilicet Regna, Consulatus, Ducatus, Comitatus, Pontificatus, cæterasque dignitates, partim divinis præceptis atque institutis, partim legalibus, partim juridicis, partim civilibus, ac Nobiliorum ætateque proveكتورum consiliis, suasionibus, regi, defendi, dividi, coadunari videam: & cum omnes ordines ubique terrarum, cujuscunque sint dignitatis, non solum satellitib<sup>9</sup>, amicis, servis, præci-

præcipere, consulere, suadere, sed etiam filiis pro certo sciam: Tunc me non piget, fili amabilissime, hac vita comite, tibi documenta, præcepta, consilia & suasionem, parare, quibus tuæ vitæ mores, tibi que subditorum exornes, quando, summa concedente potentia, post me regnabis. Te autem studiose, adhibita audientia, patris præcepta, juxta divinæ sapientiæ suum, concedet observare, dicentes per os Salomonis? Audi fili mi patris tui disciplinam, & ne dimittas legem matris tuæ, ut addatur gratia capiti tuo, & multiplicentur tibi anni vitæ tuæ. Ex hac ergo sententia animadvertere poteris, si ea, quæ paterna pietate tibi præcipio, contemseris (quod absit) quod amplius amicus Dei & hominum non eris. Audi vero inobedientiam prævaricatorum præcepti, casum & præcipitium. Adam quidem, quem Dominus, conditor, totiusque creaturæ formator, ad suam formavit similitudinem, eumque universalis fecit hæredem dignitatis, vinculum fregit præceptorum, statimque dignitatem, sublimitatem, ac mansionem Paradisi perdidit. Antiquus quoque populus à Deo electus & dilectus, quia legamina mandatorum, digitis Dei condita, disjecit, idcirco diversis interijt modis, partem quidem terra deglutivit,  
partem

partem quoque exterminator mortificavit, & pars invicem se interfecit. Filius quoq; Salomonis, abjiciens pacifica verba patris, ac superbia elatus, minatus est populo percussiones frameæ, pro mastigiis patris, idcirco multa mala passus est in Regno, & ad ultimum dejectus est. Hoc tibi ne accidat, obedi fili mihi, puer es, deliciarum vernula, pulvinaris accola, fatus educatusque in deliciis cunctis, expeditionum, laboris, atque diversarum gētium incursionis experts, in quibus ego jam ferè. totam meam contrivi ætatem, jam tempus adest, in quo tibi non semper pulvinarium mollities, quæ te hebetem & delicatum reddant, adhibendæ sunt, quod est dissipatio virtutum & vitiorum fomentum, atq; cōtempcio mandatorum, sed interdum asperitas tribuenda est, quæ tuam intelligentiam ad ea, quæ præcipio, reddant attentam. His itaque præfatis, redeamus ad propositum.

## C A P V T I.

*De observanda Catholica fide.*

**Q**Voniam ad Regalis dignitatis ordinem, non oportet nisi fideles, & Catholica fide imbutos accedere; idcirco Sanctæ fidei in nostris mandatis primum damus locum. Imprimis præcipio, consulo, suadeo, fili charissime, si Regalem cupis



cupis honestare coronam, ut fidem Catholicam & Apostolicam, tali diligentia & custodia conserves, ut omnibus tibi à Deo subiectis exemplum præbeas, cunctique Ecclesiastici viri, merito te verum Christianæ professionis nomen virū, sine qua pro certo scias, Christianus non diceris, vel Ecclesiæ filius. Qui enim false credunt, vel fidem in bonis non implent & ornant operibus (quia fides sine opere moritur) nec hîc honestè regnant, nec in æterno regno vel Corona participant. Si vero scutum retines fidei, habes etiam galeam salutis. His quidem armamentis, contra invisibiles & visibiles legitime dimicare poteris inimicos. Nam ait Apostolus: Non coronabitur, nisi qui legitime certaverit. Fides ergo de qua loquor hæc est: ut Patrem Deum omnipotentem, factorem totius creaturæ, & unigenitum ejus filium, Dominum nostrum Iesum, de Maria virgine, Angelo annunciante, natum, & pro totius mundi salute in crucis patibulo passum: & Spiritum Sanctum, qui per Prophetas & Apostolos & Evangelistas locutus est, unam Deitatem perfectam, indissolubilem, incontaminatam esse firmiter credas, & sine omni ambiguitate teneas. Hæc est fides Catholica, quam (sicut Athanasius dicit) nisi quis fideliter firmiterque crediderit, salvus



salvus esse non poterit. Si aliquando infra tuam inveniantur potentiam (quod abfit) qui hanc collationem Sanctæ Trinitatis dividere, vel minuere, sive augere conabuntur, hos ipsos scias esse hæresiarachæ servos, & non Sanctæ Ecclesiæ filios. Tales vero nec nutrias, nec defendas, ne tu etiam videaris amicus & fautor. Hujusmodi enim viri, Sanctæ fidei filios omnino reddunt morbosos, & istam novellam Sanctæ Ecclesiæ plebem, miserabiliter destruunt, ac etiam dissipabunt. Hoc ne fiat, principaliter cura.

## C A P. II.

*De Ecclesia, & continendo Ecclesiastico statu.*

**I**N Regali quidem palatio, post fidem, Ecclesia secundum tenet locum, à capite nostro scilicet Christo prius seminata, deinde per ejus membra utique Apostolos, sanctosq; patres transplantata, & firmiter ædificata, atque per totum orbem diffusa. Et quamvis semper novam pareat prolem, in certis tamen locis, quasi antiqua habetur. Hæc autem, fili charissime, in nostra Monarchia adhuc quasi juvenis, & novella prædicatur; atque idcirco cautioribus evidentioribusq; eget custodibus, ne bonum, quod divina clementia per suam immensam clementiam nobis

concessit immeritis, per tuam desidiam  
& pigritiam atque negligentiam destrua-  
tur, & annihiletur. Nam qui minuit, aut  
foedat sanctæ Ecclesiæ dignitatē, ille Chri-  
sti corpus mutilare nititur. Ipse enim Do-  
minus dixit Petro, quem custodem ma-  
gistrumque eidem posuit sanctę Ecclesię:  
Tu es Petrus, & super hanc petram ædi-  
ficabo Ecclesiam meam. Se ipsum quidē  
nominabat petram, verum non ligneam,  
vel lapideam super se ædificatam Eccle-  
siam dixit, sed populum acquisitionis,  
gentē electam, divinam, gregem fidē do-  
ctum, Baptismate lotum, Chrismate un-  
ctum, sanctam super se ædificatam Eccle-  
siam dixit, & appellat. Si quis infelix hujus  
sanctæ Ecclesiæ membra, vel parvulos  
scandalizat, juxta Euangelii præceptum,  
dignus est ut mola suspēdatur asinaria in  
collo ejus, & demergatur in profundum  
maris, id est, dejiciatur de potestatis di-  
gnitate, & maneat extra Ecclesiam justo-  
rum, in illa mundiali miseria, sicut Ethni-  
cus & Publicanus. Ac per hoc, fili mi, fer-  
venti studio debes invigilare in sancta Ec-  
clesia de die in diem, ut potius capiat aug-  
mentum, quam detrimentum patiatur.  
Inde etiam imprimis Reges Augusti di-  
cebantur, quia augebant Ecclesiam. Hoc  
& tu facias, ut tua Corona laudabilior, &  
vita beator, & prolixior habeatur.

*Episcopi nomenclatura, & de impendendo honore Pontificibus.*

**R**egium solium ornat ordo Pontificum; ac per hoc in Regali dignitate tertium possident locum Pontifices. Charissime fili, seniores illos ita custodias, sicut oculorum pupillas. Si illorum benevolentiam habebis, neminem adversariorum timebis. Illis quidem te observantibus, eris securus in omnibus, illorū precatio commendabit te omnipotenti Deo. Illos enim Deus humani generis constituit custodes, fecitque speculatores animarum, ac totius Ecclesiasticæ dignitatis, ac divini Sacramenti dispensatores & datores. Sine enim illis nō constituuntur Reges, nec principatus. Per illorum interventum, delicta delentur hominum. Si illos perfecte amas, te ipsum sine dubio sanas, tuumque Regnum honorifice gubernas. In manus enim illorum posita est potestas ligandi nos in peccatis, & à peccatis solvendi. Testamentum enim sempiternum statuit illis Deus, eosque segregavit ab hominibus, & sui nominis atq; sanctitatis fecit participes, & ab hominibus interdixit reprehendendos esse, per David deificum Regem: Nolite tangere Christos meos, &c. Ille autem tangit  
Christos

Christos Dei, qui contra divinum atque Canonum institutum, sacri ordinis viros, falsis criminibus fœdat, atque in publicum protrahit. Quod te omnino, fili mi, agere prohibeo, si vis beatus vivere, & tuum Regnum honestare. Quia in his rebus imprimis offenditur Deus. Si accidente casu; culpa reprehensione digna, super aliquem horum, de quibus sermo est, ceciderit (quod absit) corripe eum, ter, quater, inter te & ipsum solum, juxta præceptum Evangelii. Si tunc secretè renuerit audire monita, adhibenda tibi sunt publica, secundum hæc. Si te non audierit, dic Ecclesiæ. Nam si tu hunc ordinem servabis, gloriosam tuam penitus exaltabis Coronam.

## C A P. IV.

*De merito honore Principum & Baronum.*

**Q**uartus decor regiminis est fidelitas, fortitudo, agilitas, comitas, confidentia Principum, Baronum, Comitum, Militum, Nobilium. Illi enim sunt Regni propugnatores, defensores imbecillium, expugnatores adversariorum, augmentatores monarchiarum. Illi tibi, fili mi, sint patres, & fratres. Ex his vero neminem in servitutem redigas, vel servum nomines, illi tibi militent, non serviant, eorum

omnibus sine ira, & superbia, atque invidia pacificè, humiliter, mansuete dominare. Memoria retinens semper, quod omnes homines unius sunt conditionis: & quod nil elevat nisi humilitas, & nihil dejicit nisi superbia & invidia. Si eris pacificus, tunc diceris Rex, & Regis filius, atque amaberis à cunctis militibus. Si iracundus, superbus, invidus, impacificus, ac super Comites & Principes cervicem erexeris, sine dubio fortitudo militum, hebetudo erit Regalium dignitatum, & alienis tradent Regnum tuum. Hoc timens, cum regula virtutum dirige vitam Comitum, ut tua dilectione angulari, semper Regali dignitate adhæreant inoffensi, & ut tuum Regnum per omnia sit pacificum.

## C A P. V.

*De servanda virtute patientiæ, & tribuendo iudicio.*

**P**atientiæ & iudicii observatio, quinta Regalis Coronæ est ornatio. David Rex atque Propheta dicit: Deus iudicium tuum Regi da. Et idem alibi: Honor Regis iudicium diligit. De patientia Paulus Apostolus loquitur: Patientes estote ad omnes. Et Dominus in Euangelio: In patientia vestra possidebitis animas vestras. Ad hoc tende, fili mi, si vis Regni habere

habere honorem, dilige iudicium: si animam tuam possidere vis, esto patiens. Quotiescunque, fili charissime, causa digna iudicari ad te venerit, vel aliquis capitalis sententiæ reus, noli impatienter portare, vel cum iuramento firmare, illum punire, quod instabile & fragile debet esse, quia stulta vota frangenda sunt, vel per te ipsum diiudicare, ne tua Regalis dignitas usurpatione inferiorum negotiorum fœdetur: sed potius huiusmodi negotium ad Iudices mitte, quibus hoc commissum est; quod ipsi secundum suam hoc discernant legem. Time esse iudex, gaude vero Rex esse & nominari. Reges patientes regnant, impatientes vero tyrannizant. Quando autem aliquid, quod tuæ convenit ad iudicandum dignitati, tibi venerit, cum patientia & misericordia, sive miseratione hoc iudica, ut tua Corona laudabilis sit & decora.

## C A P. VI.

*De acceptione exterorum, & nutrimento h. spiritum.*

**I**N hospitibus & adventitiis viris tanta inest utilitas, ut dignè sexto in Regalis dignitatis loco possit haberi. Vnde imprimis Romanum crevit Imperium, Romanique Reges sublimati fuerunt, & gloriosi, nisi quod multi Nobiles & sapientes,

ex diversis illuc confluebant partibus. Roma vero usque hodie esset ancilla, nisi Aeneades ipsam fecisset liberam. Sicut enim ex diversis partibus provinciarum veniunt hospites, ita diversas linguas & consuetudines, diversaque documenta & arma secum ducunt, quæ omnia Regiam ornant & magnificant aulam; & perterritant exterorum arrogantiam. Nam unius linguæ, uniusque moris Regnum, imbecille & fragile est. Propterea jubeo te, fili mi, ut bona voluntate illos nutrias, & honeste teneas, ut tecum libentius degant, quam alicubi habitent. Si enim tu destruere, quod ego ædificavi, aut dissipare, quod congregavi, studueris, sine dubio maximum detrimentum tuum patietur Regnum. Quod ne fiat, tuum quotidie auge Regnum, ut tua Corona ab omnibus augusta habeatur.

## C A P. VII.

*De magnitudine consilii.*

**I**N tribunalibus Regum, consilium sibi septimum vendicat locum. Consilio enim constituuntur Reges, gubernantur Regna, defenditur patria, componuntur prælia, sumitur victoria, propelluntur inimici, appellantur amici, civitates construuntur, & castra adversariorum destruuntur. Quando vero consiliis inest  
utili,



utilitas. Nam à stultis, & arrogantibus, ac mediocribus ( ut mihi videtur ) non valent componi viris, sed à majoribus & melioribus, sapientioribusque ac honestissimis senioribus, exprimi debent & poliri. Idcirco, fili mi, cum juvenibus, & minus sapientibus noli consiliari, aut de illis consilium quærere, sed à senioribus, quibus illud negotium propter ætatem & sapientiam sit aptum. Nam consilia Regum, in præcordiis sapientum debent claudi, non ventositate stultorum propagari. Si enim gradieris cum sapientibus, sapiens efficieris: Si versaris cum stultis, sociaberis illis, fatente Spiritu Sancto per Salomonem: Qui cum sapientibus graditur, sapientum erit amicus, nec stultorum erit similis. Et David psallit: Cum sancto sanctus eris, & cum viro innocente innocens eris, & cum electo electus eris, & cum perverso perverteris. Ad hoc quicquid negotii unicuique conveniat ætati, in hoc se exerceat, scilicet, juvenes in armis, Senatores in consiliis. Omnino tamen juvenes non sunt expellendi à consiliis. Quoties verò cum illis consilium inibis, etiamsi sit habile, tamen semper ad majores deferas, ut omnes actus tuos normâ sapientiæ mensures.

## C A P. VIII.

*Quod maiores imitari debeant, & filij obedire parentibus.*

**I**mitatio majorum in Regali dignitate, octavum possidet locum. Regale ornamentum scito esse maximum, sequi antecessores Reges. & honestos imitari parentes. Qui enim antecessorum decreta spernit patrum, nec divinas procurat leges, peribit. Patres enim idcirco sunt patres, ut nutriant filios, ideoq; sunt filii, ut obediant patribus. Qui patri suo resistit, inimicus Dei existit. Omnes enim inobedientes, Deo sunt resistentes. Spiritus enim inobedientiæ dispergit flores Coronæ. Inobedientia enim, totius Regni est pestilentia. Propterea, fili charissime, edicta patris tui semper tibi sint promptuosa, ut prosperitas tua ubiq; Regalibus dirigatur habenis. Mores quidem meos, quos Regali vides convenire dignitati, sine vinculo totius ambiguitatis sequere. Grave enim tibi est hujus climatis tenere Regnum, nisi imitator cōsuetudinis ante Regnantium extiteris Regum. Quis Græcus regeret Latinos Græcis moribus? aut quis Latinus Græcos Latinis regeret moribus? Nullus. Idcirco consuetudines sequere meas, ut inter tuos habearis præcipuus, & inter alienos laudabilis.

## CAP. IX.

*Orandum esse, & quomodo.*

**O**bservatio orationis, maxima acquisitio est Regalis salutis, & ideo notum, & nonaria Regiæ dignitatis canit regula. Continua oratio, est peccatorum ablutio & remissio. Tu autem, fili mi, quotiescunque ad templum Dei curris, ut Deum adores, cum Salomone filio Regis, & ipse Rex, semper dicas. Emitte Domine sapientiam de sede magnitudinis tuæ, ut mecum sit, & mecum laboret, ut sciam quid acceptum sit coram te omni tempore. Et iterum: Domine pater & Deus vitæ meæ, ne derelinquas me in cogitatu maligno, extollentiam oculorum meorum ne dederis mihi, & desiderium malignū averte à me Domine, aufer à me concupiscentiam, & animo irreverenti & infrunito ne tradas me Domine. Hac itaque orationi antiqui utebantur Reges. Tu quoque hac eadem utere, ut Deus cuncta vitia à te auferre dignetur, ut invictissimus Rex à cunctis nomineris. Ora etiam, ut desidiam & hebetudinem à te depellat, & supplementum omnium tibi tribuat virtutum, quibus visibiles & invisibiles vincas inimicos, ut securus & expeditus ab omni incurusione adversariorum cum omnibus

tibi subiectis, cursum ætatis tuæ vitæ cum pace possis finire.

## C A P. X.

*De pietate & misericordia, cæterisque virtutibus.*

**M**odus virtutum ornat Coronam Regum, & in præceptis ponitur decimus. Nam Dominus virtutum ipse est Rex Regum. Sicut ergo sui exercitus cælestis plenitudo, in denis consistit choris, sic tuæ vitæ conversatio, in decem persistat mādatis. Oportet regem esse pium, misericordem, & cæteris virtutibus imbutum & ornatum. Rex enim impietate & crudelitate fædatus, incassum sibi vendicat nomen Regis, quia Tyrānnus est dicendus. Ob hoc ergo, fili mi amabilissime, dulcedo cordis mei, spes futuræ sobolis, pre cor, jubeo, ut per omnia, & in omnibus pietate fultus, nō solum parentelæ & cognationi, vel Principibus, sive Ducibus, sive divitibus, seu vicinis, & incolis sis propitius, verum etiam extraneis, & cunctis ad te venientibus. Nam opus pietatis ad summam te ducit beatitudinē. Sis misericors omnibus vim patientib⁹, semper illud Domini in tuis præcordiis habens exemplū: Misericordiam volo, & non sacrificium. Patiens esto ad omnes, non tantum potentes, sed etiam  
pote-

potestate carentes. Sis denique fortis, ne te prosperitas nimis eleuet, aut adversitas dejiciat. Sis quoque humilis, ut Deus te altum faciat, hîc & in futuro. Sis verò modestus, & ultra modum neminem punias, vel damnes. Sis mitis, ut nunquam justitiæ repugnes. Sis honestus, ut nunquam alicui spontaneum inferas dedecus. Sis pudicus, ut cunctos libidinis fætores, sicut stimulum mortis, evites. Hæc omnia superius libata Regalem componunt Coronam, sine quibus valet nullus hîc regnare, nec ad æternum pertinere Regnum.

## SANCTI STEPHANI REGIS

## DECRETVM SECVNDVM.

**R**egnante divina clementia, opus Regalis dignitatis, alimonia Catholicæ fidei, effectum ampliandis solidius, alterius dignitatis solet operibus adesse: & quoniam unaquæque gens propriis regitur legibus, idcirco nos quoque Dei nutu nostram gubernando Monarchiam, antiquos & modernos imitantes Augustos decretali meditatione nostra, statuimus genti nostræ, quemadmodum honestam & inoffensam ducerent vitam, ut sicut divinis legibus sunt ditati, similiter etiam secularibus sint addicti, ut quantum boni in divinis ampliantur, tantum mali & rei in

istis vilitentur. Quæ autem decrevimus, in sequentibus subnotavimus.

## C A P. I.

*De statu Ecclesiastico, & veneratione  
domus DEI.*

**Q**uisquis fastu superbiæ elatus, Domum Dei ducit contemptibilem, & possessiones Deo consecratas atque ad honorem Dei sub Regia immunitatis defensione constitutas, inhoneste tractarit, vel infringere præsumpserit, quasi invasor & violator domus Dei excommunicetur. Decet enim, ut indignationem ipsius Domini Regis sentiat, cujus benevolentia contemptor, & constituto- nis prævaricator exitit. Nihilominus tamen Rex suæ concessionis immunitatem, ab hominibus ditioni suæ subjectis, illasam conservari præcipiat, assensum verò non præbeat improvidè affirmantibus, non debere esse res Dominicas, id est, Domino dominantium traditas. Itaque sub defensione Regis sit, & sicuti suæ propriæ hæreditati, magisque advertat. Quia quanto Deus excellentior est homine, tanto præstantior est divina causa mortalium possessione. Quocirca decipitur, quisquis plus in propriis, quam in Dominicis rebus gloriatur: quarum defensor, & custos divinitatis constitutus dili-



diligenti cura non solum eas servare, sed etiam multiplicare debet, magisque illa, quæ diximus præstantiora, quam sua defendere oportet, & augmentare. Si quis igitur insanus, importunitate improbitateque sua, Regem à recto proposito pervertere tentaverit, nullisque remediis mitigari posse visus fuerit, licet obsequiis aliquibus, & transitoriis sit necessarius, abscindendus ab eo, projiciendusque est, juxta illud Evangelium: Si pes, manus, aut oculus tuus scandalizat te, erue eum, & projice abs te.

## CAP. II.

*De potestate Episcoporum super res Ecclesiasticas.*

**V**T Episcopi habeant potestatem res Ecclesiasticas providere, regere & gubernare, atque dispensare secundum Canonum auctoritatem: volumus, ut Laici eorum ministerio obediant, ad regendas Ecclesias, viduas & orphanos defendendum, & ut obedientes sint eis ad eorum Christianitatem servandam, consentientesque sint Comites & Iudices Præsulibus suis, ad justicias faciendas, juxta præcepta legis divinæ, & nullatenus per aliquorum mendacia, vel falsum testimonium, neque per perjurium, aut per præmium lex justa in aliquo depravetur.

## CAP. III.



*Quales debeant esse accusatores, & testes : & quod Laici clericos accusare non possint.*

**T** Estes autem, & accusatores sine aliqua sint infamia, uxores & filios habentes, & omnino Christum prædicantes. Testimonium Laici adversus clericum nemo recipiat : nemo etiam quemlibet clericum in publico, nisi in Ecclesia examinare præsumat.

*De assiduo & gravi labore Sacerdotum.*

**S** Citote fratres cuncti, quod supra omnes laborant Sacerdotes. Unusquisque enim vestrum suum fert laborem proprium: illi vero & suum, & singulorum. Ideo sicut illi pro omnibus vobis, ita & vos omnes pro eis summopere laborare debetis, in tantum, ut si necessitas fuerit, animas vestras pro eis ponatis.

*De concessione Regali propriarum rerum.*

**D** Ecrevimus Regali nostra potentia, ut unusquisque habeat facultatem suam dividendi, tribuendi uxori, filiis, filiabusque ;  
atque

atque parentibus, sive Ecclesiæ, nec post  
ejus obitum quis hoc destruere audeat.

## C A P. VI.

*Regalia & fisci res sint intactæ.*

**V**olumus quidem, ut sicut cæteris facultatem dedimus dominandi suarum rerum, ita etiam res, milites, servi, & quicquid ad nostram Regalem dignitatem pertinet, permanere debet immobile, & à nemine quid inde rapiatur, aut subtrahatur, nec quisquam in his prædictis sibi favorem acquirere audeat.

## C A P. VII.

*De observatione Dominica diei, ut  
abstineatur à laboribus.*

**S**I quis igitur Presbyter, vel Comes, sive aliqua alia persona fidelis, die Dominica inveniret quemlibet laborantem, abigatur. Si verò cum bobus, tollatur sibi bos, & civibus ad manducandum detur. Si autem cum equis, tollatur equus, quem dominus bove redimat, si velit, & idem bos manducetur, ut dictum est. Si qui aliis instrumentis, tollantur instrumenta, & vestimenta, quæ si velit, cum cute redimat,

## C A P. VIII.

## C A P. VIII.

*Vt eodem die Dominico concurrant omnes  
ad Ecclesiam.*

**A** Sacerdotibus verò & Comitibus  
commendetur omnibus villicis, ita  
ut ipsorum iussu, omnes concurrant die  
Dominica ad Ecclesiam, maiores & mi-  
nores, viri & mulieres: exceptis illis, qui  
ignes custodiunt. Si quis vero obstinatus  
remanebit, vapulet & depiletur.

## C A P. IX.

*Diebus quatuor temporum carnes non  
comedantur.*

**S**I quis quatuor temporum jejunia cun-  
ctis cognita, carnem manducans vio-  
laverit, per spacium vnus hebdomadae  
inclusus jejuset.

## C A P. X.

*Sexta feria carnes non edantur.*

**S**I quis in sexta feria ab omni Christia-  
nitate observata, carnem manducaverit,  
per unam hebdomadam inclusus jejuset.

## C A P. XI.

*De his qui sine confessione moriuntur.*

**S**I quis tam obstinatus est (quod absit  
ab omni Christiano) ut nolit confiteri  
sua facinora, secundum suum Presby-  
teri,

teri, hic sine omni divino officio & eleemosynis jaceat, quemadmodum infidelis. Si autem parentes & proximi neglexerint vocare presbyteros, & ita subiaceat absque confessione morti, diletur orationibus, & consuletur eleemosynis, sed parentes luan negligentiam jejuniis, secundum arbitrium presbyterorum. Qui verò subitanea periclitentur morte, cum omni Ecclesiastico sepeliantur honore. Nam occulta & divina judicia nobis sunt incognita.

## CAP. XII.

*De observanda Christianitate.*

**S**I quis observatione Christianitatis neglecta, & negligentiae stoliditate elatus quid in eam commiserit, juxta qualitatem offensionis, ab Episcopo per disciplinas Canonum judicetur. Si vero rebellitate instinctus, renuerit sibi impositam poenam sufferre, iterum eodem judicio restringatur, etiam usque septies. Tandem, si per omnia resistens & abnuens invenietur, Regali judicio, scilicet defensori Christianitatis, tradatur.

## CAP. XIII.

*De homicidiis, & primo casuali.*

**S**I quis autem casu occiderit aliquem, duodecim pēlas auri persolvat, & sic-  
ut

putatus punietur, aut duodecim juvencis redimetur, & jejunet ut Canones mandant.

## C A P. XVI.

*De homicidiis voluntariis.*

**S**I quis accensus ira, ac superbia elatus, spontaneum commiserit homicidium, sciat se secundum Senatus nostri decretum, centum & decem daturum auri pensas. Ex quibus quinquaginta ad fiscum Regis deferantur, aliæ vero quinquaginta parentibus dentur, decem autem arbitris & mediatoribus condonentur. Ipse quidem homicida secundum institutionem Canonum jejunet.

## C A P. XVII.

*De libertate servorum.*

**S**I quis misericordia ductus, proprios servos & ancillas libertate donaverit cum testimonio: decrevimus, ut post obitum ejus, nemo invidia tactus in servitutem eos audeat inducere. Si autem libertatem promiserit, & morte impediante testatus non fuerit, habeat mulier ipsius vidua & filii potestatem, eandem libertatem testari, & agape facere pro animæ redemptione sui mariti, qualitercunque velit.

*De Conventu ad Ecclesiam, & de his qui  
murmurant hora Missæ, vel  
loquuntur.*

**S**I qui ad Ecclesiam venientes ad audiendum divinum officium, ibidem hora solennitatis Missarum inter se murmurant, & cæteros inquietant, exponentes fabulas ociosas, & non intendentes ad divinas lectiones cum Ecclesiastico nutrimento: si majores sunt, increpati cum dedecore expellantur de Ecclesia: si vero minores & vulgares, in atrio Ecclesiæ, pro tanta temeritate, coram omnibus ligentur, & corripiantur flagellis.

## C A P. XIX.

*De non recipiendis servis vel ancillis in accusationem, vel testimonium, contra dominos suos vel dominas.*

**V**T gens monarchiæ hujus ab omni incursu & accusatione servorum & ancillarum remota & quieta maneat, secundum Regalis decretum concilii penitus interdictum est, ut nullius causa culpæ, aliquam servilem personam, contra dominos vel dominas in accusationem & testimonium recipiant.



*Liberum nemo in servitutem redigat.*

**Q**uoniam igitur Deo dignum est, & hominibus optimum, unumquemque in suæ industriæ libertate vitæ cursum ducere, secundum Regale decretum statutum est, ut nemo Comitum vel militum posthac aliquam liberam personam servituti subdere audeat. Quod si elationis audacia suæ stimulatus præsumpserit, sciat se totidem ex proprio compositurum: quæ compositio inter Regem & Comitem dividatur, & cætera. Sed si quis hactenus in servitute retentus, pro libertate sua tuenda iudicium Regale faciens, securus extiterit, tantummodo libertate fruatur, & ille à quo in servitute tenebatur, nil reddat.

*De his qui alterius milites aut servitores advocant.*

**V**olumus ut unusquisque senior (scilicet dominus) suum habeat militem (id est servientem) (nec aliquis alter illi suadeat antiquum deserere seniore, & ad se venire. Inde enim litigium habet initium.

*De recipiendis hospitibus.*

**S**i quis hospitem cum benevolentia accipit, & nutrimentum sibi honeste im-



pendit, quam diu secundum propositum nutritur, non deferat suum nutritorem, & nec ad aliquem alium suam deferat hospitalitatem.

## C A P. XXIII.

*De his qui flagellantur sua quarentes.*

**S**I cujus miles vel servus, ad alium fugerit, & is cujus miles vel servus fuga est elapsus, suum miserit legatum ad reducendum eum, & is legatus ibidem à quocunque percussus ac flagellatus extiterit, decrevimus nostrorū Primatum Conventu, ut ille percussor decem solvat juvencos.

## C A P. XXIV.

*De viduis & orphanis.*

**V**olumus quidem, ut viduæ & orphanis sint nostræ legis participes, tali tenore: ut si quæ vidua cum filiis & filiabus remanserit, atque nutrire eos, & manere cum illis, quam diu vixerit, promiserit, habeat potestatem à nobis sibi concessam id faciendi, & à nemine iterum cogatur in conjugium. Si enim mutato voto iterum nubere voluerit, & orphanos deferere, de rebus orphanorum nihil omnino sibi vendicet, nisi tantum sibi congrua vestimenta accipiat. Si autem vidua sine prole remanserit, & se innuptam in sua viduitate permanere promiserit, volumus ut potestatem habeat omnium bono-

bonorum suorū, & quicquid inde facere velit, faciat. Et post obitum ejus, eadem bona ad sui redeant parētes mariti, si parentes habet: sin autē non, Rex sit hæres.

## C A P. XXV.

*De raptu puellarum.*

**S**I quis militum impudicitia sædatus, puellam aliquā, sine concessione parentum sibi in uxorem rapuerit, decernimus puellam parentibus reddi, etiamsi ab illo aliqua vis sibi illata sit, & raptor decem solvat juvencos pro raptu, licet postea reconcilietur parētibus puellæ. Si vero pauper quis, aut vulgaris hoc aggrediatur agere, componatur raptum quinq; bobus.

## C A P. XXVI.

*De liberis fornicantibus cum ancillis alterius domini.*

**V**T liberi suam custodiant libertatem incontaminatam, volumus illis ponere cautionem, ne cum alienis fornicentur ancillis. Si quis autem improvidus hanc cautionem transgrediens, fornicaretur cū ancilla alterius, sciat se reum esse criminis & pro eodem crimine imprimis decalvari & depilari. Si vero secundo cum eadem fornicatus fuerit, iterum decalvetur & depiletur. Si autem tertio, sit servus pariter cum ancilla, aut redimat se. Si autem ancilla conceperit de eo, & parere

non poterit, sed in partu morietur, componat eandem cum alia ancilla. Servus quoque alicujus, si cum ancilla alterius fornicatur, decalvetur & depiletur: & si ancilla de eo conceperit, & in partu moriatur, servus venundetur, ac dimidia pars pretii seniori ancillæ detur: altera pars vero seniori servi semper remaneat.

## C A P. XXVII.

*De his qui petunt ancillas alienas in uxores.*

**V**T nemo eorum, qui libero nomine censentur, facere cuiquam injuriam audeat, terrorem & cautionem imposuimus. Quia in hoc Regali concilio decretum est, ut si quis liber connubium ancillæ alterius, sciente domino ancillæ, elegerit, perdita suæ libertatis industria, perpetuus efficiatur servus.

## C A P. XXVIII.

*Qui extra Regnum à suis aufugiunt uxoribus.*

**V**T genus utriusque sexus, certa lege, & absque injuriis maneat & vigeat, in hoc Regali Decreto statutum est, ut si quis protervitate præditus, propter abominationem uxoris patriam effugerit, uxor cuncta quæ in potestate mariti habebantur, possideat, dum velit expectare virum, & nemo in aliud conjugium eam cogere præsumat. Sed si sponte nubere velit

velit, liceat sibi sumptis congruis vestimentis, & dimissis cæteris bonis ad concubium ire. Et si vir hoc audito redierit, ne liceat sibi aliam ducere, propter suam culpam, nisi cum licentia Episcopi.

## C A P. XXIX.

*De furto mulierum maritatarum.*

**C**Um igitur cunctis horrendum, & omnibus abominabile sit, virilem sexum repertum fecisse furtum, & magis magisque sexum fœmineum: secundum Regalem senatum decretum est, ut si aliqua mulier maritata furtum commiserit, à marito redimatur. Et si secundo in eandem culpam inciderit, similiter redimatur. Si vero tertio, veniundetur.

## C A P. XXX.

*De incendiis mansionum.*

**S**I quis per inimicitias alterius ædificia cremaverit igne, decrevimus, ut ædificia restituat, & quicquid suppellectilis arsum fuerit, persolvat, & insuper sedecim juvencos, qui valēt sexaginta solidos.

## C A P. XXXI.

*De strigibus.*

**S**I qua striga inventa fuerit, secundum judicalem legem, ducatur ad Ecclesiam, & commendetur Sacerdoti ad jejunandum, fidemque discendum: post jeju-

nium vero domum redeat. Si secundo in eodem crimine invenietur, simili jejunio subjaceat: post jejunium vero in modum crucis in pectore, & in fronte, atque inter scapulas, incensa clavi Ecclesiastica, domum redeat. Si vero tertio, judicibus tradatur.

## C A P. XXXII.

*De maleficis, veneficis, & sortilegis.*

**V**T creatura DEI ab omnium læsione malignorum remota, & à nulla detrimentum sui passura maneat, nisi à DEO, à quo augmentatur: secundum decretum senatus statuimus ad magni cautionem terroris, veneficis & maleficis, ut nulla persona maleficio aut veneficio ququam hominum subvertere à statu mentis, aut interficere audeat. Ast si quis, vel quæ, posthac hæc præsumpserit, tradatur in manus maleficio læsi, aut in manus parentum ejus, secundum eorum velle, ad judicandum. Si vero sortilegio utentes invenirentur, ut faciunt in cinere, & his similibus, ab Episcopis flagellis emendentur.

## C A P. XXXIII.

*De invasione domorum, & de pugna  
ibidem secuta.*

**V**olumus, ut firma pax, & unanimitas sit inter majores, & minores secundum

dum Apostolum: Omnes unanimes esto-  
te, nec alium aliquis invadere audeat.  
Nam si quis Comitum, post diffinitionem  
hujus communis concilii tam contumax  
extiterit, ut alium domi quærat ad per-  
dendum eum, atque suas dissipare res. Et  
si dominus domi est, & si secum pugna-  
verit, vel interfecerit, luat secundum le-  
gem de evagatione gladii confectam.  
Si autem idem Comes ibidem occubue-  
rit, sine compositione jaceat. Si vero mi-  
les quis curiam, vel turrim, vel domum  
alterius invaserit militis, decem juven-  
cis componat invasionem. Si vero ille non  
supervenerit, sed suos milites miserit,  
centum juvenis componat invasionem.  
Si vulgaris quidam alterius sui similis  
mansuinculas invaserit, quinque juven-  
cis solvat invasionem.

## C A P. XXXIV.

*De adificatione & dote Ecclesie à vil-  
lis composita.*

**D**ecem villæ Ecclesiam edificent, quam  
duabus mansionibus, totidemque  
mancipiis dotent, equo & jumento, sex  
bobus, & duabus vaccis, triginta quatuor  
minutis bestiis. Vestimenta vero & cor-  
poralia & coopertoria Rex provideat,  
presbyterum & libros Episcopi.

## C A P. XXXV.

*De donationibus Regum & propria  
rei possessione.*

C ONSENSIMUS igitur petitioni totius Senatus, ut unusquisq; dominetur propriorum, similiter & donorum Regis, dum vivit: excepto quod ad Episcopatum pertinet & Comitatum, ac post ejus vitam filii simili dominio succedant, nec pro nullius causa reatus detrimentum bonorum suorum patiatur quis, nisi consiliatus mortem Regis, aut traditionem Regni fecerit, vel in aliam fugerit provinciam. Tunc vero bona illius in Regiam veniant potestaté, ipse vero subiaceat sententiæ, filiis innocentibus remanentibus.

## C A P. XXXVI.

*De servo interfecto ab altero servo.*

S I alicujus servus, servum alterius occidit, senior homicidæ medietatem servi componat seniori interfecti, si potest: sin autem non, peracta una Quadragesima, venundetur servus, & precium dividatur.

## C A P. XXXVII.

*De redemptione homicidæ servi.*

S ERVUM liberi homicidam, si seniori placuerit, cum centum & decem juvencis redimat, aut tradat.

C A P.



## CAP. XXXVIII.

*De vindicta nitentium acquirere libertatem alienis servis.*

**S**I quis alienis servis libertatem acquirere niteretur, quot servi erunt, totidem mancipia solvat. Ex quibus duæ partes Regi, tertia seniori servorum datur. Rex autem ex sua parte tertiam tribuat Comiti.

## CAP. XXXIX.

*De furto servi semel commissio.*

**S**I quis servorum semel furtum commiserit, reddat furtum, & redimat nasum quinque juvencis, si potest: sin autem non, abscindatur.

## CAP. XL.

*De pœna furtum secundo & tertio committentis.*

**S**I furtum abscissus naso commiserit, redimat aures quinque juvencis, si potest: si autem non, abscindantur. Si tertio commiserit furtum, careat vita.

## CAP. XLI.

*De furto liberorum, semel, bis & ter commissio.*

**S**I quis liberorum furtum commiserit, hæc decrevimus legem cōponere, ut semel redimat se, si potest: sin autem non, vendat se.

nundetur. Si idem venundatus furtum commiserit, legibus servorum subjaceat. Si secundò, simili legi subjaceat. Si vero tertio, dispendio vitæ dijudicetur.

## C A P. XLII.

*Comites, quod Regis est, apud se non detineant.*

**S**I quis Comitum partem Regis defraudaverit, reddat fraudem, & duplo componat.

## C A P. XLIII.

*De contemptu & spretione justiciarii Comitis.*

**S**I quis militum judicium à suo Comite recte judicatum spernens, ad Regem appellaverit, cupiens Comitem suum reddere injustum, sit debitor decem pensarum auri suo Comiti.

## C A P. XLIV.

*De restituenda re militibus per Comites injuste ablata.*

**S**I quis Comitum, inventa aliqua occasione, quid injuste militi abstuleris, reddat, & insuper ex proprio tantumdem solvat.

## C A P. XLV.

*Promissum cadit in debitum.*

**S**I quis autem militum, suum spontaneum donum dicens sibi vi ablatum, mendax extiterit, & hoc careat, & insuper tantundem solvat.

## C A P. XLVI.

*De his qui hominem gladio occiderint.*

**S**I quis hominem gladio occiderit, eodem juguletur gladio.

## C A P. XLVII.

*De debilitatione membrorum gladio facta.*

**S**I quis autem gladio evaginato, alium quemlibet debilitaverit, vel in oculo, vel in pede, vel in manu, consimile sui corporis damnum patiatur.

## C A P. XLVIII.

*De eo qui gladio percussus vulnus accepit.*

**S**I quis vero gladio vulneravit aliquem, & vulneratus de eodem vulnere sanus & incolumis evaserit, homicidii compositionem vulneris illator componat.

*De gladij evaginatione sine vulnere.*

**S**I quis furore repletus evaginaverit gladium, & tamen non læserit, pro sola evaginatione medium homicidii compositum solvat.

C A P. L.

*De testimonio servorum Regali curia, vel Comitum præpositorum.*

**S**I quis servorum Curia regali vel Comitum præficatur, ejus testimonium inter Comites recipiatur, si servus seniorē, vel serviens suum Comitem interfecerit.

C A P. LI.

*De conspiratione contra Regem & Reginā*

**S**I quis in Regem aut Regnum conspiraverit, refugium nullum habeat ad Ecclesiam. Si quis contra Regis salutem aut dignitatem quolibet modo aliquid conspiraverit, aut conspirare aliquid tentaverit, seu tentanti scienter cōsenferit, anathematizetur, & omnium fidelium communione privetur. Vel si quis hujusmodi aliquē noverit, & probare valens nō indicaverit, prædictæ subiaceat damnationi.

C A P. LII.

*De decimatione.*

**S**I cui Deus decem dederit in anno, decimam Deo det. Et si quis decimam suam

suam abscondit, novem solvat. Et si quis decimationem Episcopo separatam furatus fuerit, dijudicetur ut fur, ac hujusmodi compositio tota pertineat ad Episcopum.

## CAP. LIII.

*De calumniatoribus aula.*

SI quis versutus alicui Comitum, vel alteri personæ fidei dixerit, audiivi Regem ad perditionem tui loqui, & hic inventus fuerit, pereat.

## CAP. LIV.

*De his qui mendacia inter duos aula familiares astruunt.*

SI quis inter duos Comites mendacia protulerit, tacereque eos deprecatus fuerit, ut astutia diaboli ab invicem eos separaret, solvat duas compositiones fallacis linguæ pro reatu mendacii. Si uni soli adulatus fuerit, privetur lingua.

## CAP. LV.

*De furto Vduornicorum.*

SI quis illorum, qui vulgo Vduornic vocantur, furtum commiserit, lege liberorum dijudicetur. Testimonium autem ejus inter ipsos non recipiatur.

*de Contributione regia, & \* Vrburis, ac  
nonnullis aliis, cum arendatione pro-  
ventuum Regionum.*

\* Vrburæ census regius. Sic alibi dicitur Vrbu-  
ras ex cultura montenarum auri, & argenti  
fodinarum Regi persolvendas esse.



Nos Carolus Dei gratia Rex  
Hungariæ, memoriæ com-  
médantes tenore præsentium  
significamus quibus expedit  
Vniuersis. Quod nos Præla-  
torum & Baronum nostrorum voto una-  
nimi, & de consilio eorundem, conside-  
ratis fidelitatibus & industriosis virtuti-  
bus, Magistri Ipolitii Castellani de Arwa,  
fidelis nostri, Comitatum Cameræ nostræ  
de Kremnycz, cum omnibus Comitati-  
bus, Districtibus, Villis, Oppidis, qui &  
quæ, ab antiquo ad eandem Cameram  
nostram dignoscuntur pertinuisse, scili-  
cet, cum Comitatibus Nitriensi, Neu-  
gradiensi, Borsiensi, Posoniensi, Hon-  
tensi, Trinchiniensi, de Zolyom, de Pesth,  
& de Comarom, ex alia parte Danubii,  
scilicet

scilicet à Posonienſi, & Bachienſi, partibus ſituatis, eidem Magiſtro Ipolito, pro octingentis Marcis, partim in florenis, ſeu Aureis denariis, Camerae noſtræ ejuſdem cuſis, & cudendis, partim vero cum integris Camerae noſtræ monetis, annorū præteriti, tertii & quarti, & præſentis, per totum Regnum uniformiter diſcurrendis, ad modum anni præteriti, tam per ipſum, quam per alios Regni noſtri Camerarios ampliandis, nobis in terminis inſcriptis perſolvendis, Anno Domini 1342. à data præſentium per annū circulum, ſimul cum Decimis Archiepiſcopalibus, dedimus iterato, & locavimus ad exercendum, procurandū, & tenendum iſto modo. Quod idem Magiſter Ipolitus, faciāt fabricari integros denarios, Camerae noſtræ Argenteos veræ combustionis tertiæ, ad modum & formam, ac valitudinem denariorum annorum præteriti, tertii & quarti eoſdem ampliando, in vera & tertia cōbuſtione, ex quibus de una Marca fini argenti, duodecim penſæ incidantur: & octo penſæ ex eiſdem, & non plures, unam Marcam pōderis Budenſis, in ſtatera ponderabunt & current, pro Marca fini argenti in montanis. Qui quidē denarii noſtri integri, cambientur per hunc modum. Quod ipſe Comes Camerae, vel ſui Officiales in ſin-



gulis foris Civitatum, & liberarum villarum nostrarum Regalium, & Reginalium, ac quorumlibet aliorum presentibus hominibus dominorum Archiepiscopi, Magistri Tavernicorum, & Comitum Parochialis, ac uno Iudice nobilium, sub testimonio alicujus Capituli, in eisdem foris, ipsos denarios ampliandos Camerae, & multiplicandos, publice super tabula sua exponere debeat, & tres ex eisdem denariis pro quatuor latis Viennensibus, vel aliis Camerae nostrae monetis, quinti Anni jam abolitis: aut etiam in aliis praecedentibus annis fabricatis, combustionem Viennensem habentibus cambientur, & sex ex eisdem tam denariis novis, quam annorum praeteriti, tertii, & quarti Camerae monetis, quia ipsorum annorum praeteriti, tertii, & quarti denarios in suo esse cursu, & cambio remanere volumus, pro grosso: & octo pensae, ac sedecim denarii, pro Marca pagamenti, absque aliqua augmentatione, ubique currant & solvantur. Si qui vero jam dictas monetas nostras, annorum praeteriti, tertii & quarti & etiam hoc anno, pro eorundem ampliatione in eodem valore fabricandas, in numero augmentantes reperti fuerint, tanquam mandatorum nostrorum Regalium, & statuta Camerae infringentes, in rebus, & personis per ipsum Comitem Camerarum nostrarum punian-

puniantur nostra auctoritate mediante. Item si leviores denarii in istis præsentibus præteriti, tertii, & quarti Annorum Cameræ monetis, vel peioris combustionis, plures, quam octo pensæ, & tres, vel quatuor denarii Marcam ponderantes, apud quemcunq;, sive in Civitatibus, sive aliis locis, sive etiam circa Camerarios, vel suos Officiales, numerum Marcarum augmentantes, ubicunque invenientur, tanquã falsarii nostra auctoritate puniantur. Propter quod volumus, & committimus, ut in cunctis Civitatibus & locis publicis, statera cum suis ponderibus semper habeatur, & servetur, ad evitandum, quod mercatores & alii forëses, aut etiam quicunque ex Civibus, & hospitibus, juxta abusivam eorum consuetudinem & fraudem, graviores denarios ipsius monetæ Camerarum nostrarum, præsentis, præteriti, tertii & quarti, non possint eligere, vel diminuere per incisiones. Istud tamen, pro multiplicatione earum monetarum Camerarum nostrarum maxime, & specialissime, cum ipso Comite Camerarum nostrarum, juxta suam spontaneam obligationem, & nostram omnimodam intentionem, volumus & committimus, ut in cunctis locis Camerarum, in quibus monetæ Camerarum cudi solent, nunc in principio, ad minus mille

Marcas, idem Camerarius fabricari faciat, cambio exponendas, qui si non fecerit, tanquam nos seducens, & Regnicolas nostros decipiens remanebit. Item ordinavimus, quod ab hinc unusquisq; cambsores denariorum, ut soliti fore dicuntur, per se servare cesset omnino & desistat. Si enim aliquos ex eisdem cambsoribus, in detrimentum Camerarum servare, & habere ipse Comes Camerarum sciverit, in præsentia hominum dominorum Archiepiscopi Strigonienſis, & Magistri Tavernicorum nostrorum, triumq; aliorum prædictorum, & una cum eisdem invenerint, ne dum ipsi cambsores, verum etiam ipsi domini eorū, in ablatione bonorum, & rerum ipsarum punientur, & dehonestabuntur iu personis. Item florenus, seu Aureus denarius, denar Camerae, pro nonaginta denariis integris, Camerae nostrae ampliandis, semper absq; augmentatione, & refutatione ubique acceptetur & cambiatur. Item una marca Auri, ponderis Budensis, duodecim caratorum cambitur, cum septem Marcis ipsorum denariorum Camerae, cum eodē pondere Budensi levando in statera, & nullus possit cambire, Aurum vel Argentum, cum pecunia numerata, sed debeat cambire in Camera Regali, pro eisdem denariis ampliandis, levando in statera. Si qui autem  
secus

secus fecisse, vel facere reperti fuerint poena condecenci, tanquam transgressores Regalis mandati, & Statuta Camerarum infringentes, punientur. Cæterum statui-  
mus, ut nullus omnino hominum, cum aliquibus antiquis monetis, aut auro, vel argento in specie, & specialiter cum parvis, & etiam cum mediocribus Viennensibus, quorum omnimodam extirpationem volumus, & committimus, præterquam cum prædictis monetis Camerarum nostrarum mercandi habeat facultatem: Alioquin emptores & venditores suas res & bona perdent, & dehonestabuntur in personis. Præterea nullus mercator extraneus, vel hujus Regni superveniens, palam, vel occulte in domibus, aut Camera suas res & bona, tam in pannis quàm in aliis generibus, & speciei rebus, pro aliis monetis antiquis, cujuscunq; formæ, auro vel argento vèdere, aut commutare præsumat, sed pro monetis Cameræ prædictis: de notieia tamen & ad scitum Comitum Camerarum, aut prædictorum hominum Dominorum Archiepiscopi, & Magistri Tavernicorum nostrorum ac aliorum, dum ad locum depositionis ad vendendū vel commutandum devenerit, vendēdi habeat facultatem. Si qui autem secus facientes, & per ipsum Comitem Camerarum, vel suos officiales reperti,



seu per eosdem deprehensi fuerint, res venditioni, tam in pannis, quam in aliis rebus expositas, & pro veditis rebus receptas, perdant, & puniantur in personis: Et ne dum illi, qui per se, & sua propria autoritate, contra ordinationem Camerarum nostrarum, & nostram voluntatem, Aurum, vel Argentum in specie, præterquam in Aureis, aut Argenteis novis denariis, exportantes inventi fuerint, ablatione eorundem, & dehonestatione personarum suarum puniantur. Hoc tamen in præfeti Articulo specialiter expresso, quod Comites Camerarum nostrarum, sub quorum Iurisdictione, Montana habentur, & existant, pro comparando plumbo, & aliis evidentibus necessariis Camerarum & Montanarum, sine quorum copia mineræ Auri, & Argenti minime videntur posse procurari, ad noticiam eorundem hominum, domini Archiepiscopi, & aliorum, si tamen evidens necessitas id requirit, de Auro vel Argento tantum, ad comparationem præmissorum habebunt transmittendi facultatem. Item sub cujuscunque Comitum Camerarum Comitatu, vel in provinciis præsens nostra moneta, ex mala procuratione falsificata fuerit, & discurrere, ac abundare cœperit: ipseque Comes Camerarum eandem falsam monetam captivare, & annihilare non procuraverit: Ipsi

Comiti

Comiti Camerarum sic imputabitur, ac si in locis Camerarum suarum ipsa falsa moneta fuisset fabricata. Si autem idem Comes Camerarum ad compescendum eosdem falsarios, de eorum maliciosis operibus propriam alicubi non habuerit facultatem, ex tunc idem Camerarius, sub testimoniis predictorum quinque hominum, veritate de eorum falsariorum maleficiis indagata, & recepta, eosdem falsarios nobis, & nostris Baronibus, ac Regno nominatim debeat declarare, & nos pro extirpatione eorundem solliciti tenebitur incitare. Item quia volumus ut praesens moneta nostra tertiae combustionis amplianda, per totum Regnum nostrum immutabiliter possit perpetuari, & abundare, & ipsi denarii Cameræ nostræ annorum præteriti, tertii & quarti, una cum eisdem novis pariter debeat discurrere, & acceptari: Statuentes ordinavimus & committimus, ut in quolibet Comitatu de singulis portis, per quas currus, cum fæno, vel frugibus oneratus intrare potest, & exire, sive sub eadem porta, seu Curia portam habente, tres, quatuor, vel etiam plures existant homines residentes, sive solum unus commoretur in eadem, nec in tantum sit egens, & pauper, ut solvendi non habeat facultatem, quod videlicet prænominati quinque homines, Archiepiscopi, & aliorum juxta

ipsorū conscientiam solvere posse cognoverint, & commiserint, ac domini terræ, seu officiales sibi solutionem facere posse, vel non posse, juramento suo dixerint; exceptis servis, & conditionariis nostrorū Regalium, & Reginalium Ecclesiarum, ac aliorum quorumlibet, nec non, exercituantibus, servientibus dominorum terræ, quos ipsi juramento ipsorum exceperint, & iidem quinque homines, scilicet Archiepiscopi, & aliorū, fore exercituentes investigādo sciverint, & etiam exceptis Ecclesiis, Civitatibus, vel aliis, evidenti privilegiatica libertate, fultis, facta dicatione, infra quintum decimum diem, decem & octo denarios prædictæ Cameræ nostræ, pro lucro Cameræ ipsi Comiti Camerarum, dare, & solvere teneantur: Tali tamen expressione mediante, quod ubi & in quibus Comitatus, aut Regni nostri partibus, portæ ex consuetudine non habentur, tum etiam propter defectū lignorum fieri non potuerunt, inibi & ipsi tales prædictum lucrum Cameræ, secundum quod in aliis temporibus, juxta tamen dispositionē, & conscientiosam ordinationem prædictorum quinque hominum, infra idem tempus solvere tenebuntur. Civitates autē & alii Regnicolæ nostri, prædictam evidentem libertatem habentes, à solutione lucris Cameræ taliter sint excepti.



Si tamen ipsas monetas Camerę nostrę in  
tenutis ipsorū, & inter eos ac Iobagiones  
eorundem acceptari, faciendo, cōtinuum  
cursum, & cambium eorundem volue-  
rint facere & exercere: Sin autem non per  
nos, sed per se ipsos, libertates eorum in-  
fringentur, & sic ad solutionem ejusdem  
lucri Camerę, sicut alii Regnicolę nostri,  
sic & ipsi, dum modo hoc ut ipsa moneta  
nostra per eos non fuerit acceptata, nec  
inter eos, & ad eos pertinentes cambiri  
curata fuerit, ad relationem quinque ho-  
minum prædictorum, videlicet, Archiepi-  
scopi, Magistri Tavernicorum, ac Comi-  
tis Parochialis unius Iudicis nobilium, &  
alicujus Capituli nobis pateat evidenter,  
tenebuntur: Ita tamen quod quivis Ca-  
merariorum ad singulos Comitatus suę  
Camerę, sufficientes denarios Camerę  
nostrę, pro multiplicatione modernorū  
denariorum nostrorum, ad scitum & no-  
ticiam eorundem quinque hominum, in  
tanta abundantia, quod ipse Comitatus de  
ipsis contentetur, dare debeat cambio ex-  
ponendas, qui si non facerent, aut nostros  
denarios in tam larga copia cambio ex-  
ponere non curarent, illic, & in illis Comi-  
tatibus jura sua perdendo, nec dicam fa-  
ciendi, nec lucrum Camerę exigendi,  
habeant facultatem. Solventibus autem  
in quibuscumque Comitatibus, unus locus

communis & conveniens, pro dicta solutione, deputetur, & si qui præsentēs præ multitudine solventium, aut aliquo alio impedimento præpediti, die assignato solvere non possent, absque aliquo gravamine, quatuor diebus continuis expectentur, nec infra ipsos quatuor dies integros, si solutionem fecerint, possint aggravari. Hoc expresso, quod iidem Comites Camerarum nostrarum, ipsum lucrum Camerae, ratione cambii signantes impostum, non aliter, videlicet, Viennensibus. aut aliquibus antiquis denariis, vel grossis, per formam compositionis, aut alterius coloris cautela, nisi cum ipsis integris denariis Camerae nostrae ampliandis, exigere tenebuntur: & quod universos denarios antiquos, aut Viennenses grossos, tam Boemicales, quam Pachienſes, & alios cujuscunque formae existant, exceptis solummodo praesentibus denariis Camerae nostrae perpetuo currere statutis, comburere & infundere, ac in formam modernorum denariorum nostrorum redigi facere, pro multiplicatione eorundem teneantur: Conditione tali, quod si qui facta dicatione, in termino assignato, lucrum Camerae non persolverit, tunc iidem quinque homines, ad possessionem, de qua ipsum lucrum Camerae non est persolutum, accedant, & tamdiu moram ibi faciet, absque

absque destructione, & spoliatione possessionata, in expensa moderata ejusdem possessionis, donec ipsum lucrum Camerae, cum judicio trium marcarum, persolvatur. Si vero populi vel domini villarum non solventium lucrum Camerae praenotatum, praeterito termino solutionis, dictis hominibus, in officio Camerae procedentibus, cum pecunia debita, & judicio jam ordinato, extra villam placatum obviarent: ex tunc ipsi executores negotiorum Camerae, in talibus Villis descensum facere nequeant aliqualem. Comites autem parochiales & Iudices nobilium favore, vel precio corruptos justiciam Camerae celantes, & homines de dicta solutione defendentes, vel quoquo modo contra nostram ordinationem procedentes, dum modo contra ipsos, hoc evidenter possit comprobari, poenis non solventium decrevimus puniendos. Et quia promissimus ferriem omnium praemissorum inviolabiliter observare: volumus ut idem Comes Camerarum nostrarum, immutabiliter in praemissis perseveret. E converso autem, remedio aliquorum literarum, post emanationem praesentium confectarum, aut acquisita aliqua astutia, quicquam immutare queat de singulis praemissorum. Quia si qui contra hoc facere, ex ipsis Comitibus Camerarum attentaret, dictos quinque homines,

mines, sine quorum iuvamine lucrum  
Camerae exigendi nolumus habere fa-  
cultatem, à societate ipsorum, auctoritate  
præsentium jubemus separari. Nam hanc  
dicam, non pro exactione antiquarum  
monetarum, aut Viennensium, sed pro  
ampliatione monetarum Camerae nostræ  
perpetuo discurrere in toto Regno nostro  
ordinatarum duximus disponendā. Item  
volumus, quod dictus Comes Camerae  
nostræ, absq; prædictis quinque hominibus,  
in negotiis Camerae, in exterioribus seu  
extraneis, videlicet, in Comitatibus fi-  
endis & peragendis, ut pote, in dicationibus  
& exactionibus lucri Camerae nihil possint  
exercere. Si vero ausu temerario, contra  
hoc procederent, & in hoc malū aliquod  
paterentur, merito patientur, & sustine-  
bunt. Igitur si Comiti Camerae, aut suis se-  
quacibus, ac cum eo, præcedentibus violen-  
tiam cuiuspiam inferret manifeste, tales se-  
cundum qualitatem & quantitatem delicti  
punientur. Civitates vero sub Comitatu  
& jurisdictione eorundem Comitatum  
Camerae existentes, juxta præsentem taxa-  
tionem nostram, & Baronum nostrorum,  
certam summam pecuniæ de prædictis  
monetis Camerae ampliandis, similiter in-  
fra prædictum temporis spatium, pro ar-  
gento cambire, vel finationem eviden-  
tem monetæ campsa, in eisdem denariis  
Camerae



Cameræ ampliandis, dare, &olvere te-  
 neantur: Videlicet, Civitas Trinchiniensis  
 decem Marcas: Item Civitas de Bach, tri-  
 ginta quinque Marcas: Item Korponia si-  
 militer triginta quinque Marcas: Item Ci-  
 vitas Barsiensis quindecim Marcas: Item  
 Civitas de Tirnavia centum Marcas, &  
 Civitas de Tapolchan viginti Marcas, mo-  
 do prædicto cambire teneantur: Ita tamẽ,  
 quod aut ipsi Civitatenſes, receptis ipsis  
 quantitatibus pecuniæ novæ monetæ Ca-  
 meræ pro qualibet Marca octo penſas in  
 ſtatera ponderanti, unam Marcam ſini ar-  
 genti, vel ſolum nihil recipiendo, combu-  
 ſtionem, ſeu ſinationem ſingularum Mar-  
 carum ipſius monetę: Videlicet, de ſingu-  
 lis Marcis ſuper ipſos impoſitis, ſingulas  
 quatuor penſas prædictarum monetarũ,  
 quarum octo penſæ Marcam ponderant,  
 dare debeant. Si qua autem Civitatum  
 negligens fuerit in ſolvendo, prædicti exe-  
 cutores negotiorum Cameræ in medio  
 talis Civitatis, tam diu permanebunt,  
 quouſq; cũ gravamine duodecim Marca-  
 rum ſolutionẽ faciet prænotatam, in ex-  
 penſa tamen ejuſdem Civitatis moderata,  
 ut ſuperius eſt expreſſum: Eo etiam de-  
 clarato, quod quilibet Nobilis, ſuper ſolu-  
 tione lucri Cameræ, literas expeditorias à  
 Comite Camerę pro uno groſſo redimere,  
 licet plures habeat poſſeſſiones, teneatur.

Item

Item statuimus, ut in quibuscumque solitis locis in Civitatibus debeat fieri domus Regalis, ad quam omnes homines aurum, & argentum, ad vendendum, comburendum, & cambiendum deferre teneantur, vel si palam, vel occulte alias comburere, vendere, vel commutare præsumpserint, & in hoc reperti fuerint, per eundem Comitem Camerarum omnia bona sua, præsentibus supradictis testimoniis, auferantur, & insuper ut infideles puniantur. Volumus etiam, ut nullus aliàs, præterquam in Cameram Regiam aurum quot Karatorum existat, probare debeat, sed Camerarius debeat examinare in domo Regia, & ponere Karatos super aurum, & signum nostrum regium, & sic ad Cameram aurum deferatur: Contra hoc autem præsumpentes, per eundem Comitem Camerarum, prædicta poena iussimus puniendos. Cæterum statuimus, ut nullus mercator, aut quilibet alter, ultra duas Marcas denariorum ad montana secum deferre præsumat pro expensis. Si autem idem Comes Camerarum, vel sui Officiales apud tales ultra duas Marcas reperierint in denariis, auferant bona sua universa, & puniant eos in persona, præsentibus testimoniis supradictis. Et ut Camerarium nostrorum iusticia appareat in denariis fabricandis: Statuimus, ut quilibet eorum in ipso-

rum

rum monetis, signum habeat, per quod moneta per ipsum fabricata cognoscatur. Cæterum volumus ut ipse Comes Camerarum, monetarios, seu cutores denariorum, ubique in Civitatibus, aut villis invenire poterit, & eosdē captivare voluerit, tunc lude, Iurati, & universitas Civitatis, vel villæ, in qua reperti fuerint, ad requisitionem ejusdem Comitis Cameræ, vel ejus officialium, ipsos monetarios captivare, & ad manus Comitis Camerarū teneantur assignare. Secus autem si qui fecerint, eadem pœna, qua monetarii contumaces sunt plectendi, puniantur. Item ipse Comes Camerarum nostrarū in Civitatibus nostris, ubi monetæ nostræ fabricantur, debet habere duo scrinia, in quorum uno ferramenta formalia, sub sigillis hominū, domini Archiepiscopi & Magistri Tavernicorum cōserventur, in altero vero virgulæ pro monetis fusæ, absque monetis novis, sub sigillis tribus, & clavibus tribus eorundem trium hominum, videlicet domini Archiepiscopi, & Magistri Tavernicorum, ac ejusdem Camerarii, debent conservari, & semper in præsentia ipsorū hominum, domini Archiepiscopi, & Magistri Tavernicorum aperiantur, nec possint aliquo ipsorum absente aperiri, vel opera monetarum exerceri: Ita quod si idem Comes Camerarum nostrarum ip-

sis



sis duobus testibus absentibus, vel aliquo  
ipforum absente, fractis lancibus, & sigil-  
lis, monetas faceret fabricari, per ipsum  
Magistrum Tavernicorum, tanquã falsari-  
us puniatur, dummodo hoc iidem ho-  
mines, domini Archiepiscopi, & Magistri  
Tavernicorum fateantur, specialiter dum  
funditur argentum, omnes personaliter  
interesse debeant, & singulis septimanis,  
ipsos novos denarios nostros, ipsi homi-  
nes, Archiepiscopi, & Magistri Taverni-  
corũ, in combustione quadraginta eorun-  
dem denariorum novorum debeãt exa-  
minare, & sic iidem novi denarii cambio  
exponentur. Item cutores denariorum &  
fabricatores in eisdem Civitatibus nostris  
commorãtes, ne ipse Comes Camerarum  
nostrarum pro falsis moneris inculpetur,  
sub potestate & Iurisdictione ejusdem re-  
manebũt. Cæterum, antiqua libertate Ca-  
merarum nostrarũ requirẽte, statuimus,  
ut omnes servientes officiales, ac moneta-  
rios ipse Comes Cameræ nostræ, & non  
alter debeat judicare, & si ipse ex parte  
suorũ justiciam dare neglexerit, Magister  
Tavernicorũ nostrorum prædictus justici-  
ciam facere teneatur, quibuscunq; queru-  
lantibus de eisdem. Item pro ampliatione  
earundem monetarũ Cameræ nostræ sta-  
tuimus, ut universi Ecclesiarum Prælati,  
decimas & debita, ac quosvis redditus, ac  
etiam

etiam cuncti Regni nostri Barones & Nobiles, alique cujusvis status homines, ipsorum provetus universos, scilicet tributa, terragia, & quasvis collectas, à quibuscunq; eorū debitoribus, & Iobagionibus, tributariis & officialibus, cum ipsis monetis Cameræ nostræ, aut florenis recipere, & exigi facere teneantur. Dummodo ipsi denarii Cameræ nostræ in tanta copia cudantur, ut omnes debitores, sua debita, cum ipsis denariis Cameræ nostræ persolvendi habeant facultatem. Nos autē promittentes assumimus universas nostras collectas Regales, & Reginales, per totum Regnum nostrum, specialiter tributa nostra, & Tricesimas nostras exigi facere, & recipere cum eisdem. Item si qui contra ipsum Comitem Camerarum nostrarum, ratione injuriarū, seu damnorum aut nocumentorum personis Camerariorū nostrorum, in officio procedentibus illatarū, ad nostram, vel Magistri Tavernicorum presentiam citati fuerint, in primo termino absque ulteriori dilatione, dante justitia, ipsa causa finaliter debeat terminari. Quicumq; autem Comitem Cameræ nostræ prædictum, ordine Iudiciario in causam attraxerit, præfatus Magister Tavernicorum nostrorū, ex parte ejusdē, justiciam faciet nostra autoritate mediante. Hoc etiam ordinavim⁹, ut de quibuscumque

rebus, & bonis ipsarum Camerarum nostrarum ubicunque in terra & in aquis per eorundem officiales deferendis, nullum tributum exigatur. Præterea de qualibet Marca unum pondus ad rationem denariorum, ratione conservationis ferramentorum homini ejusdem domini Archiepiscopi, omni die operis; & dimidius ferto homini ipsi Magistri Tavernicorum, præter summam conventionis nostræ Regalis, persolvatur. Si verò ipse Comes Cameræ nostræ quolibet die operis de singulis marcis cufis, singula pondera denariorum, & dictos dimidios fertones; præmissò modo, persolvere recusaverit, vel dilationem facere veller, homines ipsius domini Archiepiscopi, & Magistri Tavernicorum ferramenta formalia includendi habeant facultatem. *Item* Aulæ nostræ Vice-cancellario idem Comes Cameræ nostræ proventus ab antiquo consuetos, videlicet, triginta Marcas in terminis solutionis subscriptarum, salvis proventibus Notariorum remanentibus, plenè dare & solvere teneatur. Hoc etiam adjecto, quod injurias, & damna officialibus Camerarum per quospiam irrogata, præfatus Magister Tavernicorum prosequatur, & emendet: De falsariis autem, & eorum fautoribus antiquam Regni nostri consuetudinem

volu-

volumus observari. *Item* statuimus ut Comitatus parochiales quorumlibet Comitatum, non plus quam tres marcas octo pensarum novæ monetæ nostræ, à Comitibus Camerarum nostrarum petere, vel recipere, ratione fororum, præsumant. Nobiles autem & cujuscvis alterius status homines, fora habentes, prætextu fororum ipsorum, ab eisdem Camerariis, quicquam petere vel recipere non præsumant. Volumus etiam, ut tam Magistri Tavernicorum suos dimidios florenos, quam dominus Archiepiscopus sua pondera, quibuspiam vendere non possint & locare. Quod si fecerint, his juribus ipsorum priventur. Præterea iidem, Archiepiscopus & Magister Tavernicorū tales homines, in prosequendis negotiorum Camerae transmittant, qui possessiones habeant, & si demerita ipsorum requirerent, pendere habeant. *Item* Comites Camerarum nostrarum, qui anno sequenti Cameras nostras conducere voluerint, in die Strenarum venturo, de prædictis debitis ipsorum rationem nobis personaliter reddendo, conducant. *Item* quia superius tetigimus, ut præfati quinq; homines executores negotiorum Camerae super Civitates, huic nostræ ordinationi rebellantes, lucrum Camerae in expensa moderata commo-

rando, cum subsidio Iudicum, & Iuratorum, earundem Civitatum plene exigere, cum gravamine iudicii duodecim Marcarum, & eisdem Comitibus Camerarum nostrarum plenarie persolvi facere teneantur. Ideo volumus, ut si ipsi Iudices & Iurati presenti nostro mandato obedire recusarent, extunc ipsum lucrum Cameræ non solum plene, & dictum Iudicium duodecim Marcarum cum duplo persolvere teneatur; Exprimentes etiam, quod quicunq; res & bona, ratione non observationis aliquorum articulorū præmissorum, & transgressionis mandati nostri Regalis, seu violationis statuti Cameræ, à quibuscunq; personis hominum, & in quibuscunq; locis auferentur, in tres partes debeant dividi cœqualiter, quarum duæ partes ipsi Comiti Camerarum, tertia vero in manus prædictorum hominum, domini Archiepiscopi & Magistri Tavernicorum debeat provenire. Item de quibuslibet Marcis, pro lucro Cameræ in quibuslibet Comitibus dicar, & exactis, unum grossum, seu unum pondus, homini domini Archiepiscopi, alium vero grossum, seu pondus homini Magistri Tavernicorum, dare, & solvere tenebitur Comes Camerarum prædictarum. Istud tamen expresse volumus. quod si ipse Comes Camerarum nostrarum,

rum,

rum, ipsam monetam Cameræ nostræ, in locis solitis Cameræ, cudendo abundanter fabricari non fecerit, & ipse solum ad dicam & exactionem lucrum ejusdem Cameræ se dissimulando commiserit: Extunc ipse talis, tanquam nos seducens & Regni nostri deceptor seu mendax, contra nostram Majestatem convincatur. Vt autem idem Comes Camerę memoratam summam pecunię octingentarum marcarum, nobis facilius solvere possit, ordinantes decrevimus, ut in Octavis festi Nativitatis Beati Ioannis Baptistę, Ducentas marcas. Item in Octavis Nativitatis Beatę Virginis iterum Ducentas marcas, & modo simili Ducentas marcas in Octavis Beati Martini confessoris: Residuas vero Ducentas marcas in Octavis diei Strenarum ultimam solutionem faciendo, in terminis sese invicem subsequenter nunc venturis, hic in Wijslegrad, cum monetis prænotatis, modo præmissis, nobis tenebitur, poenam dupli incurreret, si aliquem terminum præmissorum omiserit insolutum. Datum in Wyjslegrad in festo Purificationis Virginis gloriosę, Anno supradicto, videlicet, millesimo, trecentesimo, quadragésimo secundo.

## VII.

R E G I S   H U N G A R I Æ  
E L E C T I O , C O R O N A T I O ,  
P O T E S T A S .

**R**E G E S Hungariæ Electionis jure regno præficiuntur. Sic Electio S. Stephani, de quâ Legenda dicit: Crevit infans diligenti nutritus educatu, qui transacta pueritia, postquam gradum adolescentiæ primum ascendit, & convocatis patres suos Hungariæ Primatibus, cum ordine sequenti per communis consiliû colloqui filium suum Stephanum post se regnaturum populo præfecit, & ad hoc corroborandum à singulis Sacramentû exegit. Posthæc plenus dierum anno Dominicæ incarnationis nongentesimo septimo, sæculi hujus ærumnas cælesti mutavit gaudio &c. *Et paulo post*: Post obitum vero Patris, Stephanus adhuc adolescens favore Principum & Plebis in patris solium laudabiliter profectus.

Haud multo interjecto dein tempore, cum Hungariæ Optimatibus placuisset, ut, qui titulo Ducis tot præesset populis, totque viris generis claritudine, auctoritateque magna insignibus, uteretur magis honorata appellatione, *Regiam Elegit*.



*Elegerunt Dignitatem.* Ransanus *Indice* 9.

Demum quando potestas omnis à Deo est, & maxima cœpta sine Divina ope confirmari nequeunt, regalia insignia cum Pontificia benedictione piis precibus ut assequatur. *Bonfin. libro 1. dec. 2. de S. Stephano.* Quarto post Patris obitum anno, Divina commonente clementia eundem Astricum Præsulem, qui alio nomine Anastasius dictus est, & ad limina Sanctorum Apostolorum misit ut à successore Sancti Petri Principis Apostolorum postularet, quod novellæ Christianitati exortæ, in partibus Pannoniæ, largam benedictionem porrigeret. Strigoniensem Ecclesiam in Metropolim sive subscriptionis auctoritate sanciret, & reliquos Episcopatus sua benedictione muniret, regio etiam dignaretur ipsum diademate roborare, ut eo fultus honore, cœpta per DEI GRATIAM posset solidius stabilire &c. Præsul Astricus ad Papam pervenit, qui officium injunctum sibi, prudenter exequens, & Sancti Ducis gesta referens ordine, ab Apostolica sede quam promptissimus insignia postulavit, indicans eum dignum tali honore & dignitate, qui plures gentes per Dei adjutorium sibi subjugasset, multos infideles per suam poten-

tiam ad Dominum convertisset. Quibus auditis valde gavisus Romanus Pontifex cuncta prout fuerant postulata benigne concessit, crucem insuper ante ferendam Regi, velut in signum Apostolatus misit: Ego inquam sum Apostolicus, ille verò merito Christi Apostolus, per quem sibi tantum Populum Christus convertit. Quapropter dispositionem ejusdem prout Divina Gratia ipsum instruit, Ecclesias Dei simul cum Populis vitæque jure ordinandas relinquimus. Impetratis ergo omnibus, prout petiit Præsul Astricus, lætus ad propria remeavit, secum ferens propter quod inceptū iter prospere peregerat. Benedictionis ergo Apostolicæ literis, cum Corona, & Cruce simul allatis Præsulibus cum Clero, Comitibus, cum Populo laudes congruas acclamantibus, dilectus Deo Stephanus Rex unctiōe crismali perunctus, Diademate Regalis Dignitatis feliciter coronatur. *Legenda dicta, & Bonifacius d. l. Ransanus d. l.*

Idem Ius Consuetudinarium Hungarorum *parte 1. tit. 3.* Postquam verò inspirante Spiritus Sancti gratia, ad agnitionem veritatis, Catholicæque fidei professionem, opera ipsius Sancti Regis nostri, Hungari venerunt. & eundem sponte in Regem elegerunt, pariter & coronare,

novere. Et absolutior Regis potestas *Part. 2. tit. 3.* Verum postea quam ad fidem Catholicam sunt conversi, & Regem sponte sibi ipsis elegerunt, tam condendæ legis, quam etiam cujuslibet possessionariæ collationis, atque omnis judiciariæ potestatis, facultas in jurisdictionem Sacræ Regni hujus Coronæ, qua cuncti Reges Hungariæ coronari solent, & subsequenter Principem, ac Regem nostrum legitimè constitutum, simul cum imperio, & regimine translata est.

Quapropter extitit adversus suos & C:risti hostes felicissimus, imperium suum victis hostibus primum auxit, stabilivit, exque dignitate Ducali, ad Regiū fastigium evectus, augustali ornamento decoratus est, quo quidem Regio Diademate, an inter omnium Regnorum regalia insignia, aliud præclarius & religiosius magis sit, dubito? *Generos. Comes Petrus à Revva S. Coronæ Duumvir, de Sancto Stephano, Comment. dicto. pag. 4. f.*

Ardua & confragosa, maximisq; difficultatibus intricata, discursu tamen non indigna hæc quaestio: *Num Hungarorum Reges neminem nisi Deum & Ensem recognoscant superiorem?* Bodinus in libro 1. De Republic. cap. 9. inter Regna, quorum Reges aut fiduciarii,

aut Vestigiales Ecclesiæ Romanæ fuerunt, scribit: Regnum etiam Hungariæ, & utramque Pannoniam Pontificum Romanorum beneficio, à Regibus teneri jactabant: ut quidem catalogo feudorum Ecclesiæ Romanæ Hungaria continetur.

De illis Liber manuscriptus è Bibliotheca Ludovici Demolini Rochefortii, Medici & Consiliarii quondam Sabaudici. Ex his Feudatarii sunt Rom. Ecclesiæ in fisco Apostolico scripti: Rex Siciliæ & Neapolis feud. Rex Sardinia. Rex Arragonia. Rex Ierusalem. Rex Hungariæ. Parum absunt *Bodini* verba sed longè ante d. l. Extant etiam in Archivis & publicis actis Curia Romanæ, Regum Vasallorum nomina hoc ordine posita; Reges Neapolis, Siciliæ, Arragonia, Sardinia, Hierosolymorum, Angliæ, Hibernia, Hungariæ: hæc descriptio vetus est eorum principum qui ante annos ccc lxxx. fidem & obsequium Pontificibus Romanis exhibuerunt.

Ad eam sententiam Gregorii VII. librum I. Sanctionum sive Epistolarum, sive Registrum, qui erat in Bibliotheca Lateranensi, postea delatus in Vaticanum, Augustinus Steuchus Eugubinus, Episcopus Kisanus, sedis Apostolicæ

licæ Bibliothecarius, libro 2. contra Laurentium Vallam de Falsa Donatione Constantini, allegat : Eadem propè, aut similis ratio est de regno Hungariæ, de quo idem; Gregorius Episcopus servus servorum Dei, dilecto filio Salomoni Regi Hungariæ salutem, & cetera. Sicut à majoribus patriæ tuæ cognoscere potes, Regnum Hungariæ Sacro sanctæ Romanæ Ecclesiæ proprium est, à Rege Stephano olim Beato Petro cum omni jure, ac potestate sua oblatum, & devote traditum. Præterea Henricus piæ memoriæ Imperator Regnum illud expugnans, Victoriæ adeptus, ad corpus beati Petri Lanceam & Coronam Regis transmisit, & pro gloria triumphi sui illic direxit insignia. Quo principatum ejus dignitatis attingere cognovit: Hæc & alia. Noris de hoc Regno, quod cum à Barbaris, Scythis, ac Pannonibus non Christianis fuisset post Constantini tempora occupatum, ereptumque Romano Imperio, cui Ecclesiæ hæres successit, fuisse à Christianis Regibus Ecclesiæ Romanæ, cui debebatur, restitutum. Quod de Hispania luce clarius est, quæ & ipsa Barbaris occupata cum esset, Ecclesiæ restituta à Regib. est. Idem Gregorius de eodem Regno ad Geusam Hungariæ Regem eodem libro,

bro, sed non eodem capite: Notum verò tibi esse credimus, Regnum Hungariæ sicut & alia nobilissima regna in propriæ libertatis statu debere esse, & nulli Regi alterius Regni subjici, nisi Sanctæ, & universali matri Ecclesiæ Romanæ: quæ subiectos habet nō ut servos, sed ut filios. Quod quia consanguineus tuus à Rege Theutonico, non à Romano Pontifice usurpative obtinuit: dominium ejus, ut credimus, divinum judicium impedivit &c. De eodem idem Regno ad eundem regē Hungariæ sic scripsit idem summus ac Sanctus Pontifex, capite septuagesimo: Verum ubi correpto dominio nobili, beati Petri Apostolum principis, cujus Regnum esse prudentiam tuam non later, Rex subdidit se Theutonico Regi, & Regale nomen obtinuit. Dominus injuriam suo illatam principi prævidens potestatem Regni suo ad te judicio transtulit. Et ita consanguineus tuus si quid in obtinendo regno, juris prius habuit, à se sacrilega usurpatione privavit. Petrus enim à firma petra dicitur, quæ portas inferni confringit, atque adamantino rigore destruit, & dissipat quicquid obsistit. Hæc magnus ille Pontifex.

*Pergit Bodinus capite & libro dicto:  
At in Vaticanis actis legi fiduciæ (An-*



no M. cc. xxi. x.) formulam, qua Ladislaus I. Rex Hungariæ Benedicti XII. Pontificis Romani fiduciarium se profitetur, ab eoque Coronam ac sceptrasuscepturum promittit. Ladislao verò IV. Regi Hungariæ, quod Pontificis Romani mandatis minus paruisset, sacris interdictum est (*Anno M. cc. lxxx.*) nec aliter veniam obtinuit, quam si centum argenti pondo, annui census nomine Pontifici Romano dependeret, &c. In extremo plurima sunt edicta Legati Pontificis, de statu Regni, deque agris publicis Hungariæ, ne Regibus quicquam distrahere liceret: ob id enim Andreas Hungariæ Rex Honorii Pontificis Romani edicto Romam venire iussus est (*Honori III. M. cc. xxi.* ut causam diceret, cur agri publici partem distraxisset. Innocentius (*verba extant inter Innocentii epistolae lib. 1. epist. 10. & in Gregorii IX. Decretalibus lib. 3. tit. 34. de Voto & Vot. redempt. cap. 6. Licet*) quoque III. iussit Hungariæ Regem vota patris implere: quod si recusaret, ad proximum quemque Regni sceptras delaturum, testatus est. hucusque Bodinus.

Hæc num vera sive fictitia sint, nō erit absconditum Cancellariæ sive Archivæ Hungariæ: nec pro & contra deest una atq;



atq; altera ratio; eaque per *Testimonium Reale & Personale*.

De Reali non opus est verbis, quia RERVM TESTIMONIA adsunt. *Generosus Comes Petrus à Revva S. C. Duumvir, de Corona Comment. &c. pag. 50. pr.* Præsertim vero nostri dum divina revelatione, & Angeli jussu primum Regem Hungariæ Sanctum Stephanum Corona isthac potitum esse, norunt, profitenturque, non saltem ut capitis Regii decus & Majestatem tueatur: sed magis ut VERITATIS CHRISTIANAE AGNITAE ET PROFESSAE HUNGARORVM AETERNVM SIT SYMBOLUM ATQVE MONVMENTUM.

*Personale* duplex est, *Divinum & Humanum*.

Ex *Testimonio* divino supradicta fere omnia ex Actis Vaticanis pugnare videntur vel cum ipsa deitate. *Daniel 2. v. 47.* Deus deorum est, & Dominus Regum. *Sapient. 6. v. 2.* Audite ergo Reges, & intelligite, *vers. 5.* Quoniam cum essetis ministri Regni illius, *hoc est, Dei Vassalli.*

Vel cum Officio Christi: *Ioh. 18. v. 36.* Regnum meum non est de hoc mundo &c. *Ioh. 6. v. 15.* Iesus ergo cum cognovisset, quia venturi essent ut raperent & facerent eum Regem, fugit in montē.

Vel

Vel cum doctrina Christi. *Luc. 2.* quod ipse se censui submisit, nullumque accepit, sed dare iussit, *Matth. 22. vers. 21.* *Marc. 12. v. 17.* Reddite quæ sunt Cæsaris, Cæsari: & quæ sunt Dei, Deo. *Rom. 13. v. 7.* Reddite ergo omnibus debita: cui tributum, tributum: cui Vectigal, vectigal: cui timorem, timorem; cui honorem, honorem.

Denique vel cum institutione Apostolorum: *Matth. 20. v. 25.* *Luc. 22. v. 25.* Reges Gentium dominantur eorum: & qui potestatem habent super eos, benefici vocantur, *vers. 26.* vos autem non sic.

Suspensa sententia, fundamentum controversiæ testimonio Divino illustravimus, restat Humanum: quod Universale & Particulare.

*Universe* excutiendum per Testimonium Ecclesiasticum & Politicum.

*Ecclesiasticum* autores habet Pontifices Max. qui pro & contra seipsos perhibent. Pro non admittunt Dd. *Theodorus Reinking de Regim. Secul. & Ecclesiast. S. Imp. Rom. lib. 1. class. 2. c. 4.* An Imperium Romanum sit à vel sub Pontifice, *num. 15. & seq.* Illis legibus non est credendum, quarum auctores repelluntur, c. fraternitatis. de Hæret. c. licet ex quadam de testib. l. *Mathemat. C. de Episcop. aud. Besold. de jurid. imp. q. 5. p. 12.* Testimonium

nium hoc est domesticum, cujus fides improbatur, *l. etiam. & ibi Dd. C. de testib. §. 9. Institut. de testam. l. 1. §. ad quaestionem. ff. de quaestione. Speculat. in tit. de testib. §. 1. num. 11. Prosper Farin. de testibus q. 55. n. 1. Quia in propria causa nemo testis idoneus. l. omnibus. C. de testibus. Idque multò magis, si testis potest prætereundum honorem, commodum suum vel etiam modicum interesse. Anchoran. l. 3. q. 24. Sichard. in d. l. omnibus. n. 2. Chaceran. decis. Pedemont. 79. num. 40. Cravet. cons. 99. n. 2. Quia nullam idoneam Pontifices reddunt rationem suæ testificationis, quo casu testium fides nulla. l. solum. ubi Bart. Bald. Sichard. C. de testibus. Hæc Keinking. adi. & Ampliss. & Consult. Dominum D. Cluten. dil. conclus. 6. lit. a. & c.*

Ponderosa in iisdem tamen actis Vaticanis extat intercessio Principum Hungariæ adversus pontificis Romani Legatum; anno MCCC VII I. quæ cum diceret Stephanum I. Hungariæ Regem à pontifice Romano Coronam Regiam accepisse, accerrimè restiterunt, neque id Romano pontifici jus esse denuntiarent: nec tamen se prohibere, quò minus Rex Hungariæ si veller, à pontifice Romano Coronam consequeretur. Bodinus de Repub. l. 1. cap. 9. dicto.

Testimo-

*Testimonia Politica; Pro & Contra oblationem Regni Hungariæ beato Petro sunt. Ius Consuetud. in tit. ult. Prolog. confitetur; quod sit supremus Iudex; ut Papa, & Imperator, vel alius, qui non adstringitur legibus; & part. 1. tit. 11. Papa seu summus Pontifex, utramque Iurisdictionem temporalem scilicet & Spiritualem habet. Ob id etenim Andreas Rex Hungariæ ab Honorio III. Pontif. Max. vocatus est in ius, propterea quod prædiorum publicorum partem distraxisset anno M. CC XXI. Bodinus lib. 5. de Repub. cap. 2.*

Cui Andream se obsequiosum præbuisse anno sequenti vigesimo secundo, haud aliter præ se ferunt ejusdem Regis decreta sive Leges Fundamentales Regni Hungarum in *Genere art. ult. 31*. Et ut hæc nostra tam concessio, quam ordinatio, sit nostris, nostrorumque successorum temporibus in perpetuum valitura, eam conscribi fecimus, in septem paria literarum, & aureo sigillo nostro roborari: ita quod unum par mittatur Domino Papæ, & ipse in regesto suo scribi faciat, secundum; &c.

Tum in *Specie art. 16. INTEGROS Comitatus; vel dignitates quascunque in prædia, seu possessiones non conferemus perpetuò. Quæ omni penitus (uti loquitur Ludovicus I. Rex in Conclus. Confr-*  
P. *mat.*

*communis consilium colloquii, &c. praefectus, &c. & post obitum patris, &c. favore Principum & Plebis in patris solium profectus est, quemadmodum ex Legenda S. Stephani supra dictum est.*

*Iure quoque offerre non debuit; quoniam post acceptam Coronam à Benedicto VII. Pontif. Max. Hungari eum sponte in Regem elegerunt, pariter & coronavere. Quo facto omnis potestas cumulativa, & non privativa, in Iurisdictionem Sacrae Regni hujus Coronae, &c. ac Regem nostrum legitime constitutum, simul cum imperio & regimine translata est. uti ex Iure consuetudinario supra monstratum.*

*Quæ Munia & Bona Sacrae Coronae propria, antiquitus habuerunt inviolatam legem, testis est ipse Pontifex, quum in jus vocaverat propterea Andream II. Incredibile præterea memoratu est. Quid? Quod in Hungaria semper major vis Coronationis, quam Electionis erat. Nempe: Ubi Helena, ibi Troja, ut sic dicam. Quid moror exemplis hoc demonstrare? Eccè Domini VLADISLAI Poloni (qui non vera sacraque Regni hujus Corona, sed reliquiarum capituli Sancti STEPHANI Regis ornamento insignitus fuerat) quique in Partibus Romaniae juxta oppidum Warnæ, marina*

propè ad littora , per AMURATEM Turcorum Cæsarem circa festum beati Martini Episcopi & Confessoris , in anno gratiæ quadringentesimo quadragesimo quarto supra millesimum debellatus occubuit, pro quorumcunque parte, & quibuscunque, ac quavis ratione, vel titulo factæ, per omnia cassatæ, revocatæ, & viribus destitutæ sunt, quæ nūquam tenentur, &c. *Ius Consuet. part. 2. tit. 14. & paulo post.* ITEM privilegia invictissimi Principis quondam Domini MATTHIÆ Regis laudatæ recordationis , &c. ante coronationem suam confecta non tenentur , nisi postea fuissent per eum confirmata.

Potioris confirmationis & explanationis gratia exaudiendus Generos. Comes Petrus à Rewa S.C. Duumvir. qui hoc exemplis propriis & contrariis ad fundamentū Iuris Consuetudinarii abundè comprobat , iisdem verbis: Quod, cum in patria nostra ELECTIONE plus penè valeat Coronatio , quæ non alia , quam Sacra Corona legitimè peragi possint , ad custodiam ejus major cura , diligentiaque adhibeatur. Non pauci reperiuntur Cæsares , ut nihil de Regibus dicam, qui summa illa Imperiali Corona non sunt insigniti , siquidem aurea illa Cæsareaque Corona , qua soli Romani Pontifi-



Pontifices coronandi jus & facultatem habent, ROMÆ tanquam urbe veteris imperii honore, antiquorum triumphis & stupendis supremæ fortunæ monumentis longè clarissima dari, ibidemque coronatio peragi, aut ubicunque in Italia solet: Italica verò profectio plerisque Imperatoribus, sicut & eorum clientibus, qui illos comitari tenentur, sumptuosa neque periculi expers existimata fuit. Sanè RUDOLPHUS HABSPURGUS ejus nominis Primus IMPERATOR, Diadematis Imperialis accipiendi causa Italiam salutare abnuit: quod Cæsarum Italiam proficiscientium, vestigia lata, & spei splendida plena, ex Italia verò redeuntium tristitia, luctuosaque novisset. Hic tamen Imperator, sicut CONRADUS quoque Primus & Secundus, HENRICUS Auceps, LUDOVICUS QUARTUS & multi alii, quin & FERDINANDUS, MAXIMILIANUS, RUDOLPHUS, sola electione pro veris & legitimis Cæsaribus habitum sunt, plenariaque Imperiali jurisdictione, atque auctoritate potiebantur. In Hungaria verò, etiamsi consensu atq; suffragiis omnium Ordinū Rex pronuntiatus sit, & Regni habenas compluribus annis cum laude tenuerit, nisi vetustissima isthæc



Corona redimitus & consecratus fuerit, nulla indulta, nullæ collationes, nulla ejus Privilegia locum vel pondus aliquod, habent, & meritò pro Interrege censetur. Exemplis illud declarare pluribus facilè omnino esset, missis aliis, unum atque alterum referam. Quem fugit, VLADISLAUM ELECTUM Regem Hungariæ fuisse, & pro defensione nostræ patriæ, Marte aperto ad VARNAM, cum potentissimo Turcarum Imperatore AMURATHE fortiter, animosè, & magnanimè planè depugnasse, in eodemque prælio mortem oppetiisse. Sed siquidem Corona Sancta coronatus non fuit, nulla ipsius Privilegia monumentum aliquod habent. Sic nec MATTHIAE PRIMI donationes, toto ferè sexennio ante coronationem emanatæ, nisi post coronationem per eundem fuissent confirmatæ & stabilitæ, vigoris vel firmitatis alicujus sunt. Vngariæ certè Reges maximum dignitatis vigorem, decusque à Sacra Corona petere habereque existimant, huic condere leges, salutes utilesque, inutiles antiquare permittant. Hanc velut legem legum statuunt, hanc pœnarum ac talionum discrimina pensare, huic juramenta solennia præstare, huic hæreditates sacras & prophanas adscribere dicareque, peculiaque omnia  
sua,

sua, tanquam ad fontem unde omnia profluxerant, redigere Hungari consuevêre; unde castra complura, & Civitates Liberæ ac Regiæ bona sacræ Coronæ nuncupata, sanctam & inviolatam obtinent legem, ut nec Regi ipsi, nec cuiquam alii, mortalium ad alium usum fructumque conferre (& ut nos loquimur) abalienare liceat. Denique tanta vis ejus est, ut non saltem in legem Majestatis peccet, qui illam lædere præsumat: sed in ipsam religionem & divinitatem delinquat. *Hac ille Comment. d. pag. 50. & seq.*

En aliud in Iure Consuetud. *part. 1. tit. 11.* Sciendum autem quod licet Papa seu summus Pontifex, utramque jurisdictionem temporalem scilicet, & spiritua-lem habeat, in collationibus tamen beneficiorum Ecclesiasticorum pro tempore vacantium in hoc Regno, summus ipse Pontifex nullam jurisdictionem exequitur, præter confirmationis auctoritatem: Et hoc quadruplici ratione. **P**rimo ratione foundationis Ecclesiarum. Quia Reges Hungariæ cum soli fuerint omnium Ecclesiarum & Episcopatum, Abbatiarumque, & Præpositurarum in hoc Regno fundatores, per ejuscemodi foundationem omnem facultatem juris patronatus, nominationis, electionis, ac

collationis beneficiorum, sibi ipsis acquisierunt & vendicarunt, &c. SECUNDO ratione susceptæ Christianitatis. Quia Hungari non per prædicationem Apostolicam, vel Apostolorum, quorum Principis vicem & personam in terris Papa gerit, sed per institutionem proprii Regis eorum Sanctissimi videlicet Stephani Regis, &c. conversi sunt ad Catholicam fidem, &c. TERTIO ratione legitimæ præscriptionis, &c. QUARTO, quia ista libertas Regni, &c. in generali ac celebri concilio Constantiensi, &c. corroborata, iurisq; jurandi religione firmata fuit. *Huc quadrat Canon, quo Logici ita subsumunt: Si id non inest, quod magis inesse videtur, nec illud inerit, quod minus inesse videtur.*

Redeo jam quasi è diverticulo ad Testimonium humanum Particulare, ex quo plurimi autores Historico-Politici contraria opinione proficiscuntur. *Ioannes Aventinus verò, de Gregorii VII. concione habita Roma, scribit lib. 5. Annalium Bojorum (pag. 351. edit. Basil. in fol. anno 1615. qua docuit. Se majorum vestigia, patrum scita, placita magistrorum Ecclesiæ, legem divinam, summum cælestis thesauri jus se insequi, Christum dominum Deumque nostrum Divo Petro, ejus successoribus Romanis*  
*episco-*

episcopis censuram totius orbis humani detulisse; eosdem cælitus constitutos censores esse, qui judicarent de moribus, de curia cælesti atque spiritibus æternis, nedum mortalibus. In arcanis sacræ historiæ contineri, divina oracula esse, Tu es Petrus, & super hanc Petram ædificabo Ecclesiam meam, & portæ inferni non prævalebunt adversus eam: & tibi dabo claves Regni cælorum, quodcumque ligaveris super terram, erit ligatum & in cælis. Nemo omnium (inquit Sepimius) ne Reges quidem atque Imperatores hic excipiuntur.

Iosias Nolden de Statu Nobilium cap. 2. n. 83. Quamvis Hungariæ Duces Regiam Coronam à Pontificibus acceperint, Bodin. l. 1. de Repub. cap. 9. Pontificem tamen neque Imperatorem pro superiore recognoscunt *Reichs Abscheid*, de anno 66. *zu Augsp. §. Über voriges haben uns. 69.* Ibi. *Da doch solche Landtschafft*, intellige Hungariam, *dem H. Reich Teutscher Nation jhn nichts nit veruund oder zugehan.* sic Nolden.

Neque Legenda Sancti Stephani, quæ iussu Colomani Regis à Carthui-to Episcopo acquisitè, sicuti in dedicatione Legendæ extat, descripta est, de oblatione vel traditione beati Petri, vel verbulo aliquam mentio-

nem facit, nihil præterea Decreta S. Stephani & Annales Hung. de oblatione dicta habent aut proferunt; Quin hoc potius Carthuitus in Legenda dicta & ex illo Bonfi. dec. 2. lib. 1. de S. Stephano pro certo referunt, se suumque Regnum in potestaté & perpetuum Patrocinium castissimæ virginis D. Mariæ addixisse, tenor verborum Legendæ iste est: Erat interea Rex idem fidelis in omnibus actibus suis Deo perfecte deditus, per votum & oblationem seipsum cum Regno suo sub tutela perpetuæ virginis Dei genitricis Mariæ precibus assiduis conferens, cujus gloria & honor tam celebris inter Hungaros habetur, quod etiam festivitas assumptionis ejusdem Virginis sine additamento proprii nominis ipsorum lingua dies domini vocitetur.

Votum hoc & oblationem, ut omnibus conspicuam facerent quovis tempore, & aurum & argentum Hungaricum, in Ducatis & minutis æris, scilicet Grossis & Denariis, Effigie D. Mariæ, & non B. Petri cum hac inscriptione: PATRONA HUNGARIAE, signant.

De Ladislao quoque 1. Rege, nihil quicquam tale Decreta & Legenda ejus, iidemque Annales produnt. Ladislaum verò IV. annum censum non dependisse Pontifici Roman. ex Thvyroczio planum

planum est: Infuper contra eum, quia Cumanicè & non catholicè conversabatur, Philippus Firmanus sedis Apostolicæ Legatus advenit, &c. Regem anathematis vinculo feriens, ut paganos odio haberet, ritum Christianorum diligeret, & thoro viveret conjugali: sed nihil in Rege proficiens repatriavit. *part. 2. cap. 80. De cap. Licet, &c. ext. de Voto addatur Lud. Molina Hisp. de Hispan. Primogen. lib. 1. cap. 9.*

Exindè nova de Sacra Corona controversia non erat, cum post Ladislaum dictum, Andreas III. Venetus voluntate Optimatum Diadema consumpsisset, ut opinatur Generosus Comes Petrus à Rewa. *Comment. d. l. pag. 25. m. f.* Quia in hujus imperio quidam nobiles Regni, Iohannes scilicet & Henricus Banus filii Henrici, ac Vgemus filius Poch de Wylak; alique quam plures in Præjudicium Regis ANDREAE, à Papa Bonifacio VIII. Regem petierunt. *Thuvroc, part. 2. cap. 82.* Quorum ad instantiam Papa admittens quendam puerum XI. annorū nomine Carolum. anno Domini MCCXCIX. vivente adhuc Andrea Rege in Hungariam destinavit. *autor d. l. cap. 83.*

Secundum Andreæ Regis obitum, qui annos ferè undecim regnavit, inter opti-



mates dissensio maxima oritur, atque bipartito potentatus omnis planè dividitur. Nam quum pars maxima iniquo animo ferret, ob Caroli ingressum, qui Pontificia auctoritate sibi Regnum exposcebat, Vngaros eligendi potestate privari, eamque præter æquum & fas à Pontifice usurpari: ne suo jure cederet, alium inducendum esse decrevit. Cæteri mitiore ingenio præditi, Carolo favabant, &c. *Bonfin. dec. 2. lib. 9.*

Ne itaque Hungari libertatis suæ in electione Regis jacturam acciperent, quam nimirum per PONTIFICIS BENEDICTI NONI CAROLO Vngariæ Regni habenas suffragantis auctoritatem, censuram, & anathematis severitatem læsam existimabant, VENCESLAUM VENCESLAI filium tredecennem è Boëmia vocarunt. Comes Petrus à Rewa. *Comment. d. l. pag. 26.* ut Regni susciperet gubernacula Hungarorum: NE REGNI LIBERI LIBERTATEM AMITTERENT IN SUSCEPTIONE PER ECCLESIAM DATI REGIS. *Thvurock. d. l. cap. 84.*

Ac adeò veteres illi Hungari libertatis amorem, cum religione Coronæ inviolatam conjunctamque habebant, obliti beneficii summi ac veteris Benediæti  
Septimi,



Septimi, à quo Sanctam acceperant Coronam, extremam etiam censuræ ecclesiasticæ vim, veluti fulmen adjectam contempserint. *Comes Petrus à Revva d. l. pag. 26. pr.* Verum hinc præ indignatione longè majus facinus est exortum. nam quum sacerdotes interdicta sacra servarent, parerent Pontificiæ censuræ, tunc plerique *Bonfin. d. l.* surrexerunt pseudo-sacerdotes & perfidi, qui manifeste divina populo celebrabant, & sacramenta ecclesiastica ministrabant publice interdictis. Insuper malum malo cumulantes perniciosius, convocato populo, accensis lucernis, summum Pontificem Christi vicarium, Archiepiscopos & Episcopos universos Regni Hungariæ, ac viros religiosos communiter excommunicatos, altis vocibus promulgabant. *Thuvroz. d. l. cap. 86.*

Postquam autem VENCESLAUS partim propter incerta Procerum studia, partim Pontificis comminationes CAROLO æmulo Regno imminente, minus se tutum reputans Hungariam sponte dereliquisset. *Petrus à Revva. dicta pag. 26. m.* Ad hoc enim res Vngarica ipsa devenerat, ut præ intestina discordia nullum adhuc Regem solidum haberent. Quinetiam illud magis Vngarorū animos exacerbat, quod creandi Regis potestatem, quam olim nunquam

nunquam amiserant, nunc Pontificem eripere velle cōspicarentur. Quod quum hætenus impetrare non potuerit, nunc ut extorqueat, ac tale jus vendicet sibi, &c. (*Sequentia verba retinet Petrus à Revva*) ab omni Pontifice, vel in primis maximo alienum esse debet. Quicumque igitur Pontificiæ voluntati imperio adversabantur, pueroque Carolo infestierant, cum magna nobilium manu conjurarunt: & Othonem Baviariæ Ducem loco Regis in Vngariam duxerunt. *Bonfin. d. l.*

Serò tandem urgente Pontifice, ad CAROLUM recipiendum adducti, donec corona à LADISLAO WAYWODA Transylvaniæ, capto ipso OTTHONE, & in carcerem detruso, eripitur, WAYWODA, &c. post multas tandem censuras, & gravissimas Pontificis monitiones minasque Coronam CAROLO tradidit, & omnium Ordinum votis atque studiis accedentibus & de more coronatus est, vindicavit se à publico contemptu, & gentis discordia in hoc Rege. CAROLO Sacra Corona, &c. *Comes Petrus de Revva. d. l. pag. 29. m.*

Et hæc sunt ex Testimoniis aliorum fideliter pro & contra Regni & Regis absolutam potestatem allata, quam meis verbis illibatam sine ulla sententia definitiva,

nitiva, illis quibus interest dijudicandam relinquo, protestorque hac disquisitione nemini jus suum detracturum.

Citra tamen Controversiam hanc, alia suboritur, in quam incurrit Regis Hungariæ Majestas & potestas. *Reinking de Regim. Secul. & Eccles. lib. 1. clas. 2. cap. 2. n. 45.* Qui est tributarius alterius, ille Majestatis jura non habet. Quia solutio tributi arguit subjectionem Decret. *Greg. lib. 3. tit. 39. cap. 2. Augustin. super Epist. ad Rom.* Omnis anima sublimioribus potestatibus subdita sit: & infra. Et vos subditi esse debetis. Ideo enim tributum præstatis: quia hæc est probatio subjectionis. At Hungariæ Reges olim & hodiè tributarii vocantur ab Historico-Politicis.

Olim perstringere & eodem ferè quo cadaver loco habere Regum Hung. Potestatem non erubuerunt. *Wolfgangus Lazius de Migrat. Gent. lib. 7. inquit:* Tres in Hungariam Henrici III. insignes expeditiones factæ: in quarum prima, suscepta anno M. xxxix, ad tributum Aba Rex Hungarorum compellitur, *Aventinus 5. annal. Bojorum:* Ovo (al. Aba, Vvo, Obo, &c.) missis nunciis pacem supplex petit, partem Regni ab Hostiis & fontibus Mauri fluminis ad fines Charionum; & quicquid intra amnes Litham,

Litham, Pischamque continetur, quæ pars quondam D. Stephano amicitia causa tradita erat, Cæsari reddidit: insuper se quadringenta auri talenta Teutonica, totidem serica pallia multæ nomine tributurum, & tanto auri pondere damnum à se datum compensaturum, captivos omnes, Gisakæ Reginae quæcunque Petrus ademerit, restitutum pollicetur: Pezilonem ducem, cum septem aliis optimaribus, in quos animadvertendi more majorum, si pactis non staret, & postridie Calendas Decembris verba promissa, factis non comprobaret, jus foret, obsidem tradit. *Idem ex hoc Lazius Chorogr. Besch. K. H. d. l. cap. de Hungaris.*

In secunda Petrum Regem. *Sigebertus Gemblacens. Chorograph. anno M XLIII.* Henricus Imp. iterum Hungariam ingressus, cum paucis Abbonem Regem de bello fugavit, & lanceam insignem Regis recepit. Petrum verò quem Abbo expulerat, Hungarorum Regno restituit, & Hungariam sibi tributariam fecit. Sic & *Lazius Chorogr. d. l. cap. de Hungaris:* Anno Christi M XLIV. *ist der Keyser mit seinen Teutschen vnnnd Behmen auff Stulvveissenburg gezogen, allda König Peter eingesetzt, und ihme in der Kirchen das Land Hungern als einẽ Vasallen verlihen.*  
In

In tertio procinctu, qui fuit anno  
 M XLVI. *Lazius de migrat. d.l.* Cæsar in  
 Vngariam navigat, Albanque Regiam  
 petit. Vbi honorificè Quinquagenalibus  
 excipitur. Ipso die festo Petrus advocata  
 concione Regnum Vngariæ cum hasta  
 aurata reddit, fasces Regni ad pedes Cæ-  
 saris deponit, cum maximo auri ponde-  
 re, quod militibus suis Cæsar distribuit.  
 Regio inde luxu convivium initur, cæna  
 dubia apponitur. Cæsar armatus, arma-  
 risque septus ob perfidiam inimicorum  
 epulatur: septem ibi dies commoratur.  
 Abiturus cunctos accersiri jubet, quos  
 idoneos ducebat, eorum consilium ha-  
 bet. Ita more majorum ex concilii de-  
 creto Regnum rursus in fidem Petro  
 tradit: Vngaros sacramenta redintegrare  
 imperat, eos non alium Regem præter  
 Petrum & filium ejus recepturos, cæte-  
 rum post horum fata in potestate Cæsa-  
 rum fore, persancte dejerare, ritu solen-  
 ni sancire præcipit. *Aventinus 5. anna-  
 lium d.l.*

Idem autor de Andrea Rege I. qui in-  
 terempto Petro ab Vngaris ann. M XLVII.  
 electus est: Legatos ad Cæsarem in Ita-  
 liam proficisci jubet, qui ipsum muneri-  
 bus, purpuratos donis placarent, doce-  
 rentque Petrum domestica seditione in-  
 teremptum: percussores omnes pœnas  
 dedisse,

dedisse, se à popularibus Regem salutatum. Quod si Cæsar autor fieret, se tributum quotannis pensitaturum, redditurumque omnis conspirationis autores, pollicetur.

De Salomone Rege qui ob infelicer res, auxiliis externarum gentium, contra patriam gestas, rejectus est, hæc habet *Thvurocz. part. d. cap. 54.* Rex autem Salomon, conquerebatur Cæsari (Henrico IV.) de amissione Regni, dicens: Quod de Regno suo violenter esset expulsus; & non tantum sibi sed magis Imperio Cæsaris hæc injuria esset illata: & dicebat; tua quippe Hungaria, tuum regnum, in quo me regem constituisti, me regnante optima quæque regni illius tuæ majestati gratanter offerebantur annuo censu; & secundum mandatum tuum tibi serviebatur, &c. *Idem ex hoc Bonfin. dec. 2. l. 4.*

Hodie quoque Turcarum Reges Imperatorem Germanorum tributarium vocant, propterea quod pacem ea lege dixerunt, ut annum tributum pro fruenda Hungariæ parte fisco Turcarum inferatur. *Bodinus de Repub. lib. 1. cap. 9.* *Idem*: Cum ad vim prolapsa res esset, populus Turcarum opes eblanditus est contra Ferdinandum, cui tamen provincias aliquot fruendas Turca reliquit, ea lege



ut fisco. vestigal annuum dependeret. qua ex re, Turcarum Princeps, Imperatorem Germanorum se tributarium habere gloriatur, *Bodinus de Repub. lib. 5. cap. 6.*

His non obstantibus, verum & sacrum omnino esse puto, jus absolutæ Potestatis & Majestatis penes regem & regnum Hungariæ residere, idque sequentibus potissimum fundamentis; Testimonio *Vniuersali & Particulari.*

*Vniuersale Ecclesiasticum* est, quæ disquisitio cum ante dictis collata, invicem explicationem suppeditabit.

*Politicum*, est in Constitutionibus Imperii, *Reichs Abscheid* de anno M. D. LXVI. zu Augspurg, §. Über voriges haben uns Churfürsten, Fürsten, und Stände, in ihren bedenklichen anzeigen, unter andern auch furbracht und anlangens gethan. Dieuveil sie nun etlich mal mehr gedachtem vnserm geliebten Herren vnnnd Vatter, Keyser Ferdinandum, hoch loblicher Gedachtnus, jhr mitleidentliche hulff, zu rettung desz. Königreichs Hungern, gutvüllig erzeigt, vnd sich mit ansehenlichen Contributionen desz. gemeinen Pfennings, vnnnd anderer Reichs hilffen beladen, an Gelt, vnd Leuten getreuvlich zugesetzt, auch jetzund uns zu allen unterthanigstem Gehorsam, in

ein mercklich ansehnlich hohe Reichshulff, abermals gedachtem Land, furnemblich zu gutem einlassen, da doch solch Landschafft dem heiligen Reich Teutscher Nation, in nichts nicht vervvand, oder zugethan.

Itaque recte sentit *Hermanus Kirchnerus de Legatis lib. 1. cap. 3. num. 21.* Bellum Vngaricum Imperii per se non est, sed regni ab Imperio separati. Neque Imperator quoad titulum & dignitatem regis Vngarorum, à Germania agnoscitur & colitur: neque causæ Vngaricæ in comitiis cum proponuntur, ut Imperii, & ut propriæ, sed ut sociæ & confederatæ, pro quibus intercedere apud exteros, legatione missa, cuivis amico & benefaventi rebus Vngariæ principi licet. *Idem ex hoc Iosias Nolden de Nobilitate d.1.*

Et *Theodorus Reinking de Regim. Secul. S. Imp. Rom. lib. 1. class. 2. cap. 9. n. 26.* Cum verò tam Caroli V. quam Ferdinandi Impp. temporibus maxima auxilia Hungariæ nationi adversus Turcam exhibita, non sine ratione Maximilian. II. Imperat. putavit, hoc regnum, si gratum esse vellet, Imperio uniendum *d. Receß. de anno M.D.LXVI. §. Über vorigs. ibi; das es nicht unzimlich oder unbillich, das zu einer danckbaerkeit*

keit gemelt Land zu Hungern, da es durch Gottliche milte Gnad, von dem Feind errett, in etwas auffnehmen gedeihe und zu krafftten kame, es dem heiligen Reich auch zugevandt, verbunden, vnnnd zugethan, auch gegen andern Feinden, vvo sichs Lutrüge, und als Romischen Keyser, Churfürsten, Fürsten, vnnnd Standen, behulfflich beystandig sein, auch gleich fals mit in gemeine Reichs contributionen eingezogen vverden solt.

*Particulare testimonium est merum Historico-Policum. Generosissim. &c. Comes Petrus à Revva Comment. sapè citato pag. 8. simpliciter propugnat, per beneficium Henrici III. Imper. factum Petro Regi Hung. ingentibus Germanorum copiis, Vngariam nunquam Vectigalem Germanis fuisse. Quamvis nonnulli ex scriptoribus in ea sint opinione, quod illo tempore vectigalem fecerit sibi Vngariam, prætextu nimirum tanti beneficii, sed meo quidem perexili iudicio, non sine injuria optimi illius Imperatoris. Neque enim existimandum putaverim, vel in mentem magno illi Imperatori venisse, oppresso à suis P E T R O, & ad se tanquam ad sacram anchoram confugienti, sub specie aut simulatione auxilii inferre detrimentum,*

ut quidam refert ; quin potius veram hanc Imperatorii facinoris laudem facemur , atque æternam nominis ipsius celebramus gloriam ? in sedem suam legitimum Regem collocare, dignitatisque pristinae culmen restituere.

## VIII.

## DE STATV ECCLESIASTICO HUNGARIAE.

**I**N regimine Ecclesiastico sunt Archiepiscopi, Episcopi, Abates, Præpositi cum Presbyteris reliquis. Archiepiscopi duo sunt : Strigoniensis & Colocensis. Strigoniensis, Legatus Apostolicus & Primas Regni habet opulentissimum Archiepiscopatum. Nam florentibus rebus ad centum millia aureorum proventus se extendebat, nunc verò vix dimidium obtinet. Porro Hungaria habet duodecim Episcopatus opulentos, adeò ut major eorum numerus cum Principibus & copiis militum & proventuum amplitudine , ubertateque fructuum facile possit comparari. Habentur etiã ut Principes. In consilio enim Regiæ primi assistunt , familia ampla &

& culta utentes, & ut de more magnorum Principum est, non nisi prægustatos cibos potusque sumunt. Ex his decem instituit S. Stephanus. Itemque Abbatiam S. Martini & Basilicam Albæ Regalensem, *de quibus & aliis Legenda S. Stephani, Thuvroczius.* Cum etiam pius Rex Ladislaus armatus esset humilitate, potens in pietate, præcipuus tamen erat in largitate. Omnes enim Ecclesiæ & monasteria regalia sive ab ipso sive à quocunque alio fundata, eleemosynis ejus sunt locupletata. Vnde merito usque in hodiernum diem Eleemosynas ei narrat omnis Ecclesia Hungarorum. Duos quoque Episcopatus ordinavit & Regia largitate locupletavit, &c. Strigoniensi Suffraganei Episcopi subsunt: I. Agriensis, Egri. II. Quinqueecclesiensis aliàs Peuchiensis, Pécz. III. Veszprimiensis, Bezprinyi: cui ex veteri concessio privilegio competit, Reginas Diademate inaugurandi atque coronandi, qui & Cancellarius Reginae esse consuevit perpetuus, singularis Privilegii prærogativa. IV. Iaurinensis, Gyori, V. Vaciensis, Vátzi. VI. Nitriensis, Nyitrai. Colocensi & Bachienti suffraganei subsunt: I. Zagrabiensis, Zábragi. II. Transylvanienensis, Albæ Iuliæ, Gyulafeiertari, III. Varadiensis, Varadi,

IV. Chanadiensis, Czanádi. V. Bosznien-  
 sis alias Diacoïensis, Bóznai. VI. Sir-  
 mienfis, Szeremi. His addunt quidam  
 Cibinensem sive Hermanstadiensem Epi-  
 scopatum in Transylvania : Et Mercator  
 Suiniensem, Suidnicensem puto in Silesia.  
 Sunt & multæ Abbatia, & ea præsertim  
 quæ Divo Martino ex Pannonia oriun-  
 do dedicata est. Archiabbatia appellatur  
 ab Hungaris : cum ejus Abbas dignitate  
 universis, qui sunt in Hungaria Abbatibus  
 antecellat : nec ulli subfit nisi Roma-  
 no Pontifici. Sunt & multæ Præposituræ  
 regnis non dissimiles. Ex quarum præci-  
 pua Præpositus Albæ Regalensis in Vn-  
 garia Episcopis comparatur. *D. Beatus  
 Widman apud Goldast. num. 33. von  
 der Succession vnnd Erbfolge des Königli-  
 chen Geschlechts vnnd Stams in dem Kö-  
 nigreich Hungern, mit dem Hausz Oester-  
 reich auffgerichtet, &c.* Ex his plurimos  
 conjugatos Presbyteros ante cccc. annos  
 in Pannonia, ritu Græcorum & modernorum  
 Prædicatorum Euangelii, Decreta  
 S. Ladislai & Colomani Regum Hunga-  
 riæ, expressè referunt. Nec prætereun-  
 da hoc loco Consignatio Annatarum à  
 Præcipuis Vngariæ Præsulibus Romano  
 Pontifici quotannis tributarum. Ex im-  
 menso Catalogo Annatarum & taxatio-  
 num Ecclesiarum & Monasteriorum per  
 univer-



universum orbem flor. 82. Agriensis flor. 800. Boznensis flor. 200. Colocensis Arch. flor. 2000. Czanadiensis flor. 800. Martini Sacr. Mont. Pann. flor. 250. Nitriensis, flor. 2000. Quinqueecclesiensis, flor. 3300. Sekszardiensis, Salvat, flor. 266. Strigoniensis, flor. 2000. Vacien- sis flor. 500. Varadiensis flor. 2000. Vesz- prinensis flor. 800. Zagrabienensis flor. 400. Nomina reliquorum locorum ita depravate sunt impressa ut vix conjecturis assequi possis? ideoque plura adscribere piget. Petrus Bertius Rerum Germanicarum de Proventibus Ecclesiasticis Germaniæ, qui anno Christi M. D. XXI. in conventu Noribergensi æstimati libelloque singulari comprehensi, atque in lucem editi sunt, idem de quibusdam Episcopis Hungariæ refert. Has ut summus Pontifex remitteret Episcopis, Ordines & Status Regni Hungariæ supplicabant Regiæ Majestati Ferdinando I. art. 14. Poson. anno. M. D. L. ut oratore missio efficeret apud illum gratuitam confirmationem Episcoporum, & Bullæ redemptionem.

Vt autem Ecclesiasticus Vngariæ status melius cognoscatur, placuit breviter & succincte totam ejus formam sic complecti.

ARCHIEPISCOPATVS RE-  
GNI VNGARIAE DVO.

Strigoniensis *habet Suffraganeos*  
*Episcopos.*

**A** Griensem,  
Quinqueecclesiensem, aliâs Peu-  
chensem,  
Vesprimiensem,  
Iaurinensem,  
Vaciensem &  
Nitriensem.

Colocensis & Bachiensis *habet*  
*Suffraganeos.*

**Z** Agrabiensem,  
Transylvaniensem,  
Varadiensem,  
Chanadiensem,  
Suidniciensem,  
Bosxnensem, aliâs Diacoiensem, &  
Sirmiensem.

IN CROATIA ET DALMATIA.

*Archiepiscopus Iadrensis habet*  
*suffraganeos.*

**A** Nsarensem,  
Vegliensem,  
& Arbensem.

*Archie-*

*Archiepiscopus Spalatensis habet  
Suffraganeos Episcopos.*

**T**Raguriensem,  
Scardinensem,  
Tininiensem,  
Novensem,  
Sibinicensem,  
Ternensem,  
Segnensem,  
Almisiensem,  
Modrusiensem,  
Macariensem &  
Phareensem.

*Archiepiscopus Ragusinus habet  
Suffraganeos Episcopos.*

**S**Tagnensem,  
Rosonensem,  
Tribunicensem,  
Cathariensem,  
Bacensem &  
Biduanensem.

## I X.

DE STATV POLITICO RE  
GNI HVNGARIAE.

**Q**uemadmodum Majestas & auctoritas penes regem est, ita sua per ministros suos, sive adiutores exsequitur.

Adiutores vel gubernant, vel Iudicia tractant. Ad gubernandum olim Andreas I. Rex & frater ejus Bela habito consilio diviserunt regnum in tres personas, quarum duæ in proprietatem Regiæ Majestatis suæ manserunt; tertia verò pars in proprietatem Ducis est collata. Videlicet in agro Syrmienti, Præfectura Temeswarensis & Nador Albensis, cujus etiam erat Transylvania, Quæ dignitas erat Regi proxima. Hæc igitur prima Regni hujus divisio, seminarium fuit discordiæ & guerrarum inter duces & Reges Hungariæ. Propter consanguinitatem & consuetudinem imperii, quibus dominandi illecebris quilibet, quicumque fungi ejusmodi Ducis dignitate consueverat, ad Regni dominatum adspirabat, ob id hæc dignitas submota est: sed plura de hac aliàs. Hodie gubernant igitur Iudices Regni

gni Ordinarii vel Officiarii. Regis nomine Iudices ordinarii sunt, imprimis Palatinus, deinde Iudex Curiae, & postmodum Secretarius, Cancellarius si praesens fuerit, sin autem non, Locumtenens, hoc est, qui sigillum iudiciale Regiae Majestatis pro tempore tenet. *Matth. articul. 68. Vladisl. Primus, articul. 33. 42. & 70. Sigismundus Sext. articul. 1.* De Palatino hæc Laziusscribit: *der Palatinus oder Pfaltzgraff ist der nechst im Reich nach dem König, vor vvelchem die Hungern vorzeiten vvan sich ein König vbel hielt, macht haben gehabt zu vergleichen, und diese dignitet kombt nicht auff die Kinder, sonder vvird allzeit der Palatinus von gemeiner Landschafft und Freyer vvahl erwuelet,* hæc ille. Est Curator Regni, Coronam præferens, Strigoniensem tamen sequitur. *Hodieque vigore articul. 3. Poson. M. DC. VIII.* ad eligendum Regia Majestas, duas ex statu Catholico-Romano & totidem Evangelicæ Confessionis personas, Statibus & Ordinibus nominat ac proponit, ex quibus quemcunque ad gerendum tale officium idoneum fore iudicant, invocato numine divino eligunt, &c. *Plura de illo Matthias in Decreto Speciali.* Iudex Curiae, dignitas enim Regi

Regi præferens, & Regia judicans defectusque seminis. *Der Hoffrichter*, hac autoritate, sicuti in Germanorum Principum Aulis Marschalli, (*die Marschalch*,) sunt, Cancellarius Summus, Regis personæ præsentia. Et perpetuus, qui est Metropolitanus Strigoniensis, qui & Primas Regni & Summus Secretarius nominatur ac prærogativam habet electum Regem inungendi, & sigillo majori privilegia munit. De prærogativa inungendi Regem, relatu dignissima scribit de Basilica Albenſi, Thwroczius: Inter cætera verò dedit eidem Albenſi Ecclesiæ quædam donatia sempiterna, memoriæ digna, duo scilicet rationalia, quarum utrumque habebat oram contextam septuaginta quatuor marcis auri purissimi, & lapidibus præciosis, quæ Beatus Benedictus S. Romanæ Ecclesiæ Pontifex ad preces S. Stephani Regis tantæ auctoritatis privilegio insignivit, ut quicumque in celebrando Missam eis uteretur legitime, posset Regem inungere, coronare & gladio accingere. Personalis Præsentia. Est Regis Locumtenens, cujus Vicarius Personalis hodie, ut Tavernicus Tavernicalium, & Iudicibus præest. Ad cujus examen Causæ Thavernicæ ex parte aliqua non contenta, transmittuntur,



tur, *parte tertia, titulo decimo & undecimo.* Qui Tavernicus & Tavernicorum Regalium Magister, Camerarius, Camerariorumque præfectus est. Aurifodinarum, Salinarumque & breviter earum Civitatum, pagorumque ac castrorum causas distinguit, quæcunque ad Camera Regiam pertinent, sicuti *Oberster Vitztumb* in Styria. Idemque Iudex appellationis à sententiis Liberarum Civitatum, *de quo Partiale Ius Thavernicale, Ius Tripart. & Decret. Regum.* Officiarii qui gubernant in Curia Regis, sunt: Cancellarius aulicus, qui Principis aulam sequebatur, arbitrio Regis assumptus, qui cæteras litteras minores, & potissimum mandata Regia, & in Causarum distinctione, datas munit, Decretisque Regis subscribit. Magnus Scheneschalcus, Præfectus Palatii, aut Magister Curia, quemadmodum apud nos *ein Hoffmeister*, olim apud Reges Galliarum Major Domus dictus, Regis intimus Consiliarius habetur, & ejusdem Comitatum sequi cogitur. Reliqui qui Iudicia tractant, sunt vel Majoris auctoritatis vel Minoris. Majores sunt Vice-gèrentes superiorum, ut, Vice-Palatinus, Vice-judex Curia, & cæteri, qui à Germanis dicuntur, *desz Pfaltzgraffen vnnd Hoff-*

*Hoffrichters Statthalter*. Minores qui ministeria magis Iudiciorum quam Magistratuum exercent, ut Mercator inquit, sunt. I. Protonotarius Palatini. II. Protonotarii Iudicis Personalis Præsentia. III. Protonotarii Iudicis Curia, qui est *der Obrist schreiber desz. Hoffrichters*. Hi omnes nobili Stirpe eliguntur, art. 4. Vlad. min. Et ab Vngaris passim Magistri appellantur. Nam Magister, Iudex vel Protonotarius Iuridicus, Magistri, Protonotarii, seu Iudices Causarum, vicarii dignitatum Regni sunt, ac habent in laboris consortium adjunctos hos sequentes, Secretarium Archiep. Strigoniensis, qui est Director Causarum Regalium, sicuti apud Germanos *ein Camerprocurator*, Assessores & Notarios aliquot, hodie numero minores, quam olim, quos proximè enumerabo. Administratores sunt vel Sublimiores vel Minores. Sublimiores eos dico: qui publice aut privatim Principi exhibent in functione aliqua, sui usum. Publicè, ut ut sunt Vayda, & VVaywoda, Prorex in Transylvania, VValachia, & Moldavia, &c. inferior Gubernatore: Sclavis belli Ducem sonat, &c. Quod nomen primum Stephano Bathoreo (optimæ & beatæ memoriæ) Polonorum Rege invictissimo Principe

Tran-

Transylvaniæ creato desit, Banus, Præses in Regnis adjunctis, qui alios vexillo præit, Ban. Videlicet Regnorum Dalmatiæ, Croatiæ, Sclavoniæ, Banus Machoniensis, Zevriniensis & Sirmienensis &c. Porro quia Regnum amplissimum est, neque à minoribus judiciis confluere omnes in Curiam possunt, nec Curia tot querulantibus sufficit; constituti sunt per Provincias Iudicia Particularia eorum quibus prima instantia causæ deciduntur, quos Comitatus Latine, Hungari dicunt eorum idiomate Ispan; Hinc forte quod Thwroczius de tertia parte exercitus Attilæ scribit, quæ contra Soldanum ab illo destinata, famosissimo prælio in Campis Cathalaunicis interesse non potuit: Et horum quidem Capitaneos ipsorum lingua Hispanos vocatos extitisse: & exinde & Hispaniam nomen accepisse tradunt. Germani à Banis *Sponschafft*, ut *Lazius vult: vvelche die Hungern Comitatus und sedes, und die Teutschen von den Banis den Obristen der ghericht Sponschafft nennen*, &c. Sunt autem Comitatus, ut hoc quoque obiter explicem, Regni partes, quas Provincias aut Præfecturas, aut Græca voce, qua plerique Latinorum usi sunt, Nomarchias

dicere possis. Plinius & conventus & Iurisdictiones & conventus juridicos in distributione Ciliciæ; & Beticæ Hispaniæ appellare videtur. Cicero vocat Diœceses, quod nominis Episcopi in appellatione suarum iurisdictionum, quamquam nunc vulgo corrupte usurpant. Comitatus autem proprie de Imperatoria aula dicitur. Sed quia tempore Caroli Magni, regnantibus Berengariis, & Othonibus ad singulas Civitates regendas aliquis Comes mittebatur, cœpit territorium, quoniam illi Comes præerat, Comitatus dici. Otto tamen Phrisingensis Comitatum à comminando Comitatum dici existimat. Earum vero partium Præfecti vocantur Hungaris Comites, quibus Iurisdictionis cura incumbit. Comites Hungariæ trium generum sunt. I. Comes Perpetuus, cum dignitate natus, qui solius Regis iudicio nititur. II. Comes Liberi, ut Vrsini, Frangipani, Crupani &c. III. Comes Parochialis, Proprius regionis cujusque Præfectus, qui à Rege cum consilio Prælatorum & Baronum ex illis de eodem Comitatu eligitur. Comitatus Parochialis vices tenens est Vicecomes, qui eligitur à Comite de eodem Comitatu, ex potioribus Nobilibus & Iudex Nobilium dicitur. Qui ambo indicare & promulgare  
sedes

sedes in suo Comitatu possunt. Et hæc  
Sedes Iudiciariæ dicuntur Germanis *Gerichts Stuel*, Quæ tempore Ferdinandi I.  
tenore art. 37. Poson. M. D. L. in sin-  
gulis Comitatibus &c. singulis quinde-  
cim diebus aut ad summum singulis  
mensibus &c. celebrabantur. Sunt au-  
tem Ransano; Comitatus complurimi;  
numero LXXIII. Molnaro; LXXIV.  
Aliis exclusis Transylvanensibus in Hun-  
garia plures quinquaginta &c. ex qui-  
bus vix dimidium hodie obtinemus,  
Qui Conventus à Civitate nomen acce-  
pere, ut Comitatus Posonienensis; à Civi-  
tate Posonio, & sic reliqui &c. Sed  
& præter Comitatus, in Transylva-  
nia sunt Sedes Siculicæ septem & duæ  
Filiales. Sedes Saxonicæ septem & duæ  
Filiales. Inter Administratores subli-  
miores computo nunc nominatenus tan-  
tum Præfectos & Præsides Militares;  
ut sunt Generales partium Regni Supe-  
riorum & Inferiorum. Capitanei, Lo-  
cum tenentes, Castellani Castrorum.  
Et olim Provisor Budensis. Privatim  
ut sunt ii fere, qui ad Aulæ saltem u-  
sum atque splendorem adhibentur: quos  
suo proprioque verbo dicimus Palati-  
nos, Hungarico verbo Vduarnicales.  
Tales sunt: Thesaurarius Regis, Iani-  
torum Regalium; Dapiferorum Rega-  
lium,

lium, Pincernarum Regalium, Agasonum Regalium, Cubiculariorum Magistri. Et ceteri Magistri officia tenentes & honores, *ut Stilus Decretorum habet.* Quæ omnia distinctius tradidissem, nisi me confudissent Decreta, in quibus perpetuus ordo & series dignitatum ubique stricte non observatur, ex quibus sine præjudicio Sublimiorum & Minorum prænominata officia ordinate memoriæ causa exhibere non dubitavi. Ideoque me à cujuscunque injuria vindicabunt & excusatum omnes habebunt. Minores sunt in singulis locis Iuridicis, ut Primo in Regiis Liberisque Civitatibus, & reliquis Oppidis & Vicis &c.

Non possum autem quin Coronidis loco hic apponam Sigismundi Imperatoris decretum, quod plurima eorum, quæ à nobis dicta sunt, confirmat, & sic habet.

SIGIS.



SIGISMUNDI  
IMPERATORIS

DECRETUM SEXTUM,

A. D. M. cccc. xxxv. editum, & eius  
*anni secundum: Alias Sigismundi*  
*Decretum majus vocatum.*

**S**igismundus Divina favente clementia,  
 Romanorum Imperator semper Au-  
 gustus, ac Hungariæ, Boemiæ, Dalma-  
 tiæ, Croatiae, Ramæ, Serviæ, Galliciae,  
 Lodomeriæ, Comaniæ, Bulgariæque  
 Rex: universis Christi fidelibus; præsen-  
 tibus pariter & futuris, præsentiam noti-  
 ciam habituris, salutem in omnium Sal-  
 vatore. Inter cuncta, quæ pro subjectorū  
 salute conservanda nostræ meditationis  
 perpendit acumen, ad ea præsertim cor-  
 dis nostri curas, innata nobis inclinatio-  
 ne naturæ, solemus divertere, quibus hu-  
 manæ temeritatis audacia effrenata, non-  
 nunquam juncta potentia reprimantur,  
 & juris integritas, ab utentium præva-  
 ricatione, depravata, nunc, apertiori  
 priorum consuetudinum declaratione,  
 nunc novarum utili constitutione legū,  
 principātis providentia reformetur: Pro-  
 inde ad universorum, tam præsentium,  
 quam futurorum noticiam, harum serie  
 volumus pervenire: Quod cum nos pro

Imperialis fastigii honore finaliter adipiscendo, post electionem nostram, in Regem Romanorum factam, & primæ Coronæ Regiæ Romanæ Aquisgrani susceptionem, novissime Sacri Romani Imperii principibus electoribus nobis consulentibus, in partes Lombardiæ descendendo, in Civitate Mediolani, secundam Coronam Regiam Romani Imperii recepissimus: & demum in Urbem Romanam profecti fuissimus, insulasque nostras Imperiales de manibus Sanctissimi Domini nostri, Domini Eugenii Papæ quarti cum debita solennitate suscepissimus, & deinde nonnullis partibus Italiæ, & Germaniæ perlustratis, rebusque tam Sanctæ Romanæ Ecclesiæ, quam nostris Imperialibus, nobis interim occurrentibus votive dispositis exonerati, tandem in peculiare Regnum nostrum Hungariæ, medio tempore, præsentia nostra Regali viduatam, injuriis & damnificationibus potentialibus, in suo statu, & suæ quietis & pacis amœnitate, disturbatum regressi, in hac civitate nostra Posonien- si, primam residentiam fecissimus personalem, & una cum fidelibus nostris, Præ- latis videlicet & Baronibus ejusdē Regni nostri, ad nostram Majestatem confluentibus, certam conventionem Nobilium, de singulis ipsius Regni Comitatibus  
convo-

convocari fecissemus. Tandem ipsorum congregatione adunata, de eorundem Prælatorum, & Baronum nostrorum nec non Nobilium Regni nostri, totum corpus ejusdem Regni, cum plena facultate absentium, repræsentantium, unanimi voto, consilio, deliberatione & consensu, pro debita ordinata, & conformi justitiæ administratione, incolis ejusdem Regni æqualiter omnibus de cætero exhibenda, nec non quieto & tranquillo statu eorundem Regnicolarum, infra scriptas constitutiones, statuta & leges in perpetuum duraturas, & inviolabiliter observandas, disposuimus, decrevimus, & duximus ordinandas, declarandas & firmandas.

## A R T. I.

*De Iudicibus ordinariis Regni & eorum juramento.*

**P**Rimo quidem, ut omnis scrupulosa suspicio, quæ contra iudices & justiciarios ipsius Regni nostri, de favore vel odio, aut quomodo concipi posset, de cordibus quorūlibet penitus removeatur & tollatur: Statuimus, ut semper successivis temporibus, omnes & singuli iudices & justiciarii dicti Regni nostri, tam Ecclesiastici, quam sæculares, qui videlicet in Palatinū, Iudicem curiæ Regiæ, Magistrum Thavernicorum Regalium, Cancellarium,

rium, aut Vicecancellarium Regalem, in Protonotarium, & vicegerentem iudicum præactorum, ac etiam assessores eorundem in iudicio, in Vaywodam partium Transylvaniensium, Comitem Siculorum, Banum Regnorum, Dalmatię & Croatię, Banum Sclavonię, Banum Machovien. ac in Comites quorumlibet Comitatum, & Iudices Nobilium, eligentur & assumuntur, eorumque in iudicatu vicegerentes substituti, & assessores, tempore receptionis eorundem, ad huiusmodi honores & officia administrationis iudicii & iusticię, in manibus nostris Regiis, vel deputatorum à nobis, iuramentum præstare teneantur, per formam verborum infra scriptorum, videlicet sic.

Ego juro per Deum, & per gloriosam Dei genitricem virginem Mariam, & per omnes Sanctos, & electos Dei, quod omnibus & singulis coram me causantibus, absque cujusvis personę, divitis scilicet & pauperis acceptione, omnibusque, prece, præmio, favore, amore & odio, postpositis & remotis, prout scilicet secundum Deum, & ejus iusticiam faciendum cognovero, iustum & verum iudicium & iusticiam faciam meo pro posse. Sic me Deus adjuvet & Beata virgo Maria, & hoc signum vivificę crucis Domini nostri Iesu Christi.

## A R T. II.

*De Iudicum Nobilium electione.*

**I**Vdices Nobilium autem, in quolibet Comitatu, eligantur & præficiantur ex Nobilibus potioribus, & bene possessionatis illius Comitatus, communiter omnibus Nobilibus ejusdem Comitatus concorditer visi, & merito acceptandi, & ipsi electi teneantur non refutare, sed suscipere officium judicatus, sub pœna viginti quinque Marcarum, per ipsam communitatem, si secus fecerint, irremissibiliter exigendarum, exceptis tamen, officiolatus & honores Regios, Reginales, Prælatorum, Baronum, vel aliorum tenentibus, vel stipendia ratione exercituationis habentibus, vel aliis rationabilibus ex causis in ipso Comitatu continuam residentiam non facientibus: & hujusmodi officium ad minus, per annum exercere, habendo sigillum cognoscibile, ad dandum cum sigillis aliorum Iudicum Nobilium, & Comitum, vel Vicecomitum literas fide dignas: Si vero elapso anno voluerint, habeant recusandi facultatem. Quod si resignaverint, aut per communitatem Nobilium comprovincialiter remoti, vel mutati fuerint, ante annum quintum futurum ad idem officium assumendum inuiti non coarctentur.

## A R T. III.

*Birfagia inter Comites , & Iudices Nobilium dividantur.*

**D**E birfagiis autem sedium Comitum parochialium, ad portionem judicariam cedentibus Comites Parochiales & Iudices nobilium æquam inter se divisionem facere teneantur , in duas partes.

## A R T. IV.

*Occupata bona spoliatis , quomodo per Comites restituantur.*

**V**Erum quia frequenti querela Regnicolarum nostrorum, imo quadam palpabili experientia teste , nostra percipit celsitudo , per nonnullas novas possessionum occupationes, & potentiariorum actuum illationes, eosdem Regnicolas , inferiores videlicet à potentioribus, multipliciter opprimi & gravari, ideo volentes insolētiis, & novis attétationibus, per remedia opportuna, viam præcludere: Statuimus & ordinavimus, quod quâdocunque & ubicunque fuerint factę novę, possessionum, aut terrarum, occupationes, potentialiter vadiationes, seu rerum & bonorum ablationes, succisiones sylvarum, interemptiones, verberationes , & vulnerationes hominum, domo-



domorum, & possessionū invasiones & deprædationes, ac alii similes novi actus potentiarii majores: extunc læsi, damnum & injuriam passi, impetratis literis nostris Regalibus querimonialibus & præceptoriiis, Comites parochiales, & Iudices nobilium Comitatus illius, in quo facta hujusmodi patrata extiterint, accedant, & inquirent. Qui quidem Comites, Iudices nobilium, cum testimonio Capituli, vel Conventus illi Comitatu defervire soliti, à vicinis & commetaneis, ac Nobilibus comprovincialibus, sub certis pœnis, in hujusmodi literis nostris Regalibus declarandis, in sedem eorum judiciariam, per modum proclamatae congregationis, partibus quoq; litem habentibus convocatis, ad fidem eorum Deo debitā, fidelitatemque nobis, & Sacrae Coronae nostrae observandam, tactis Sanctorum reliquiis, præstitam, super hujusmodi novis occupationibus possessionariis, & etiam actibus potentiariis, plenam & indilatam requirant veritatem: qua rescita & inventa, possessiones occupatas, autoritate eis in hac parte attributa mediante, restituant eisdem, à quibus fuerant indebitè occupatae, ipsosque in dominium earundem protegant & conservent: alia vero bona, & vadia potentialiter ablata, absque defectu, reddant & restituant.

## A R T. V.

*Inquisitione sufficienti habita, & satisfacti-  
one impensa, factum potentiae ad  
Regiam curiam decidendum,  
transmittatur.*

**S**Vper facto autem potentiae, in talibus  
commiffae, partes utraſque diſcuſſio-  
nem & ſententiam finalem recepturas,  
ad certum terminum mediantibus eorū,  
& dicti Capituli, vel Conventus literis,  
ſeriem totius facti exprimentibus, ac pro-  
pria & poſſeſſionum, factum huiusmodi  
atteſtantium nomina, continentium, in  
perſonalem noſtram præſentiam Regiam,  
aut Palatinalem, ſeu Iudicis curiae noſtræ  
transmittant, ubi abſq; ulterioris termini,  
& litigionarii proceſſus obſervatione, &  
contumacia, etiam partis non venientis  
non obſtante, nos, vel Iudex alius, ad quē  
cauſa tranſmiſſa fuerit, iuramentum capi-  
tis decernendo, tandem finale ſententiam  
proferemus, & proferre tenebimur. Partes  
tamen litigantes, quandocunq; voluerint,  
abſque requiſitione iudicis, & onere ſo-  
lutionis Birſagiorum, liberam concordā-  
di habeant facultatem, quemadmodum  
antiqua & laudabilis Regni noſtri cōſue-  
tudo huiusmodi concordiam, in quibus-  
cunq; factis potentialibus, & aliis, libere  
fiendā dictat & conſentit. Ne autem Ba-  
rones,

rones, iudices, & alii honores Regios, & officiolutus à Regia Majestate tenentes, seu Comites parochiales, honori & iudicatu ipsorum subiectos, quibus ipsi etiam ab aliis iustitiam tenentur ministrare, per se ipsos, quavis cupiditate, vel propria voluntate allekti, aliqua occasione indelbite gravent, opprimant, seu damnicent, aut per eorum vicegerentes talia fieri permittant: Statuimus, ut à talibus læsi, damnicati & injuriati, impetratis literis nostris, ipsorum querelam continentibus, præceptoris, quæ, modo prætracto coram Iudice nobiliũ, ac testimonio Capituli, vel Conventus ejusdem Comitatus, per modum similis proclamatæ congregationis, veritatem inquiri facere, & sua damna ac gravamina comprobare valeant, & per ipsos Iudices nobilium, una cum Nobilibus comprovincialibus Comitatus ejusdem, iudicium & iusticiam, ex parte huiusmodi officialium, impendatur, aut nostræ Majestati, seu iudicibus & iusticiariis Curie nostræ prænotatis, modo præscripto, per literas Iudicis nobilium, seu Capituli, vel Conventus, seriem totius facti continentem, causa discutienda, ad certum terminũ transportetur, ut huiusmodi causa, modo præmisso, sine dilatione terminetur. Si vero iidem Barones, seu officiales Regales,

aut

aut Comites debitum moderamen sui officii in tantum exceſſerint, ut ex parte totius communitatis officiolutui ſuo ſubjectæ, generalis vociferatio queruloſa contra eos emerſerit: extunc nos ad fidelẽ & literatoriam aſſertionem Iudicum nobilium, comprovincialiumque nobilium, & Capituli, aut Conventus comprovincialis, perſonaliter, vel per idoneũ hominem ad hæc ſpecialiter deputatum, volumus & tenebimur, ex parte talium, condignam juſticiam miniſtrare.

## A R T. VI.

*Caſtellani damna aliis inferentes cui  
pœna ſubjaceant.*

**S** Tatuimus itaque, & ad reprimendum potentiariorum actuum effrenatum abuſum, præſenti ordinatione ſancimus, quod ſi qui Caſtellanorum aut cæterorum officialium noſtrorum, aut Regina-  
lium, nec non Prælatorum, & Baronum, ac Nobilium & Regnicolarum noſtrorũ, de-Caſtris & officiolutibus ipſorum, & cum potentiis dominorum ſuorum, à quibus hujusmodi Caſtra, poſſeſſiones, & officiolutus, pro honore obtinent, aliquos actus potentiarios, damnicationes, injurias, & quæcunque mala perpetraverint & commiſerint, talium domini, qui eiſdem hujusmodi Caſtra, officiolutus  
& ho-

& honores contulerunt, super omnibus  
damnis & nocumentis, per se, & de bo-  
nis suis, plenam satisfactionem exhibere  
sint obligati, & teneantur effective, se ip-  
sosque in huiusmodi actibus potentiariis,  
per suos castellanos, seu officiales, perpe-  
tratis, inscios, innocentes & immunes  
fore debito juramento purgare; suum au-  
tem damnum in huiusmodi satisfactione  
perceptum, si voluerint à suis familiari-  
bus, castellanis, seu officialibus, qui ipsi  
satisfactioni causam dederunt, per abla-  
tiones rerum & bonorum ipsorum, ac  
possessionum occupationes, seu rebus &  
bonis, ac possessionibus minus sufficien-  
tibus, personarum eorum detentionem,  
& in captivitatem reductionem, & con-  
servationem, usque ad recuperationem  
damnorum suorum prædictorum, fien-  
dam, non obstante Nobilitatis, libertatis,  
cōditionis, & alterius cujuslibet dignitatis  
privilegio, liberam habeant facultatem:  
Quantitatem tamē sui damni, in solutio-  
ne huiusmodi percepti, non excedendo.

## A R T. VII.

*Birsagia moderata, per quos, & quan-  
do exigenda.*

**V**T autem officiales & Comites nostri  
præacti, Nobiles & incolas Regni  
nostri, sub suo honore & iudicatu consti-  
tutos,

titutos, indebitis birsagiorum exacti-  
bus gravandi occasionem non habeant,  
antiquam in hac parte consuetudinē Re-  
gni nostri imitando declaravimus, quod  
nullus iudicum secularium, iudicia, seu  
Birsagia extorquere possit, nisi tempore  
congregationis Palatinalis, vel alterius,  
per Regiam Majestatem, ad congregatio-  
nes generales celebrandas, deputati, in sin-  
gulis Comitatibus celebrandas, secundum  
consuetudinem ab antiquo observatā ex-  
ceptis casibus infra scriptis, quibus etiam  
extra tempus dictarum congregationum  
generalium, birsagia debite exigi possint.

*Primus Casus.*

Primo videlicet, propter violentam  
retentionem, aut damnificationem Ioba-  
gionum, petita licentia, iusto terragio  
deposito; aliisque suis debitis persolutis,  
ad alterius possessionem se transferre vo-  
lentium: quo casu Comes parochialis, cū  
suis Iudicibus nobilium, absque quibus  
nullum in talibus processum facere debet,  
ab his, qui in hoc casu culpabiles legiti-  
me inventi fuerint, iudicium, seu Birs-  
gium trium marcarum, toties, quoties, &  
quandocunq; culpabiles inventi fuerint,  
sine expectatione extorquere potest joba-  
gionē detentum, seu damnificatum, cum  
omnibus bonis suis, damnis etiam recu-  
peratis, liberum abire permitti faciendo.

*Secundus*



*Secundus Casus.*

Item, si quis jobagionem alterius, non petita, nec obtenta, vel petita, sed nō obtenta licentia, ante dies quindecim, hujusmodi petitiæ licentiæ, potentialiter abduxerit, talis pro abductione violenta jobagionis hujusmodi, birsagia, trium marcarum solvet, & eundem jobagionem retentum, seu damnificatum, cum aliis tribus marcis birsagialibus, per Comitem parochialem, coram Iudice Nobilium, restituere compellatur. Si verò jobagio aliquis non obtenta licentia, se furtive ad possessionem alterius receperit, & idem ad cuius possessionem accesserit, requisitus, reddere recusaverit: extunc ad restitutionem ipsius jobagionis fugitivi, Comes parochialis talem, cum Birsagio trium marcarum, compellere debeat & teneatur.

*Tertius Casus.*

Item violator sedis judiciariæ, Birsagium viginti quinque marcarum persolvat.

*Quartus Casus.*

Item quicumque furem, vel latronem, aut aliquem publicum malefactorem captivaverit, & eundem de captivitate sua voluntarie abire permiserit, solvere debet Comiti parochiali homagium malefactoris prænotati.

*Quintus Casus.*

Item, ubicunque lucrum Camerae debito tempore persolutum non fuerit, Comes parochialis, cum iudice nobilium, de qualibet villa non persolvente, post emanationem literarum Birsagialium, per Iudices Nobilium, contra tales dari solitarum, exigere debeat ipsum lucrum Camerae, cum Birsagio trium marcarum.

*Sextus Casus.*

Consimiliter, quia certa scientia meminimus prædecessorum literis, & per nostram Majestatem frequenter literatorie, ex laudabili consuetudine Regni nostri, præcipi solitum esse & usitatum, decimas Ecclesiarum, de singulis villis persolvere, post interdictum Ecclesiasticum, certo consueto tempore observari commissum, recusantibus, per Comites parochiales, aut vices suas gerentes exigi debere, cum singulis tribus marcis: Ideo præsentis ordinationis & statuti vigore, eandem consuetudinem ratam habendam, innovandam, imitandam committimus, quod post interdictum Ecclesiasticum, in singulis Diocesium & locis, temporibus hucusque solitis, impositum, de singulis villis, quæ per unius mensis spacium huiusmodi interdictum Ecclesiasticum animo indurato tolerantes easdem

dem decimas persolvere recusaverint, seu non curaverint, mox elapso ipsius mensis spacio, Comites, vel Vicecomites parochiales; per decimatores requisiti, decimas easdem, cū singulis tribus marcis Birsagialibus pro se indilatè exigendis, eis, quibus solvi debent, absq; dilatione & defectu, persolvi facere teneantur.

*Septimus Casus.*

ITEM quodocunque Nobiles alicujus Comitatus, vigore literarum Regalium, per modum proclamatae congregationis, sub pœna trium marcarum, in eisdem literis Regalibus expressa, convocati fuerint, quicumque ad illam congregationem non venerint, nisi ægritudine, senio, viduitate, orphanitate, paupertatis impotentia remorati, vel eorum arduis negociis rationabiliter se excusare poterint. Comes Parochialis, & Iudex Nobilium, prædictas tres marcas, in dictis literis nostris expressas, indilatè exigere possint.

*Casus octavus.*

ITEM Palatinus, & Iudex curiæ, ac cæteri Iudices ordinarii, Ecclesiastici, & Sæculares, universa judicia, in causis coram eis vertētibus aggregata, statim ipsis causis finitis, ac per sententiā finalem cōclusis, primò parti adversæ, de sua portione, satisfactionē impēdere teneantur,

& ad partem suam judicariam cedentē,  
exigendi liberam habeant facultatem.

# A R T. VIII.

*Capituli & Conventus, pro testimonio,  
quales personæ emitti debeant.*

**I**tem statuimus, quod ad faciendas Statutiones, Inquisitiones, ac Evocationes, & alios quoscunque processus, cum hominibus & testimoniis Capitularibus, & Conventualibus fieri solitis, quę communiter fidedignates vocantur, de Capitulis, & Conventibus personæ, seu homines simplices non mittantur: Sed de ipsis Capitulis Canonici, ad minus autem personæ in beneficiis vel officiis constitutæ: De Conventibus vero, Monachi Conventuales, Sacerdotes destinētur, qui quidem pro hujusmodi testimoniis Capitularibus, & Conventualibus deputati, priusquā ad faciendas aliquas possessionarias Statutiones, metarum reambulationes, revisiones possessionarias, & communes inquisitiones, transmittantur & procedant, jurare teneantur, ut in eisdem factis fideliter & recte procedant, & veram relationem, seu falsionem faciant. Homines autē Regii in præmissis procedentes, tempore reversionis eorū, ac falsionis seu relationis, corā ipsis Capitulis, & Conventibus fiendis, similiter juramen-

mentū præstare teneantur. Quicunq; autem contra suum juramentū, falsum processum. vel falsam relationē fecisse, reperi- tus fuerit, talis, tanquā falsarius & perjurus, pœna amissionis beneficii sui, si quod habuerit, puniatur, & insuper, sive beneficiatus, sive nō beneficiatus existat, perpetuis carceribus mancipetur: Homo verò Reginus, si in præmissis possessionariis stationibus, metarum reambulationibus, & revisionibus sinistre, vel false processerit, in facto perjurii pœna capitis, & amissionis omnium bonorum suorum, convincatur. Quicunque vero Nobilis, per alium, seu alios quoscunque, median- tibus nostris Regiis, vel aliis consuetis li- teris, nomen suum continentibus pro homine Regio, cum testimonio alicujus Capituli, vel Conventus, requisitus, onus hujusmodi processus assumere & exequi recusaverit, in bursagio consueto trium marcarum, per Comitem parochialem indilate exigendarum, convincatur eo facto.

## A R T. IX.

**S**tationes autem possessionariæ, me- tarum reambulationes & revisiones, aliter fieri non debeant, nisi vicinis & comitaneis hujusmodi possessionum in- ibi legitime convocatis: Et ut fraus & dō-

lus in talibus melius evitetur, nomina singulorum vicinorum & cometaneorum, tempore præmissorum processuū, illuc principaliter convenientium, in literis Capitularibus & Conventualibus superinde emanandis, seriatim conscribantur.

## A R T. X.

*Literarum taxa, & salarium fidei dignitatum.*

**E**T ut materia discordiæ, super facto redemptionis literarum Capitulariū & Conventualium, nec non super satisfactione viarum seu laborum, testimoniis Capitularibus, & Conventualibus fienda, hætenus sæpius suboriri consueta, de cætero cesset, & succidatur præsentī ordinatione, antiquam tamen & laudabilem consuetudinem imitando: Statuimus, ut omnibus in locis, tam Capitularibus, quam Conventualibus, pro qualibet litera Evocatoria per se, videlicet, Evocatoria prima, secunda & tertia, & in Capitulo, aut Conventu, simul cum eorum Notario & scriptore, pro redemptione literæ recipiantur, seu solvantur singuli denarii viginti quatuor majoris monetæ. Item pro qualibet litera Proclamatoria, denarii centum. Item pro qualibet litera Procuratoria, denarii viginti quatuor. Item pro qualibet litera Pro-



Prohibitoria, Protestatoria, & aliis similibus, si patenter emanatur, denarii viginti quatuor, si verò clausè, denarii duodecim. Item pro qualibet litera Fassionali emanata privilegialiter, denarii centum, patenter verò, denarii viginti quatuor, clausè autem, denarii duodecim. Item pro qualibet litera Inquisitoria, siue parenti, siue clausa, denarii viginti quatuor. Item de paribus antiquarum literarum in conservatorio requisitarum, custodi seu requisitori per se, denarii centum, & pro redemptione literæ requisitæ, si non habuerit multum de scriptura, & patenter confecta fuerit, denarii viginti quatuor: Si verò labor scribendi fuerit magnus, & litera privilegialiter confecta, denarii centum. Item de simplicibus transcriptis, seu transumptionalibus literis patenter emanatis, ubi labor scribendi magnus non fuerit, denarii viginti quatuor, ubi autem litera fuerit prolixa, aut privilegialiter emanata, denarii centum. Item de litera Statutoria, in qua contradictio facta fuerit, denarii viginti quatuor. De literis verò statutionalibus perpetuis, in quibus contradictio facta non fuerit, recipiatur redemptio literarum, secundum quantitatem possessionis, & numerum sessionis modo subscripto: Videlicet, de sessione una, duabus,



bus, aut tribus, aut quatuor, in toto denarii centum. Vbi autem fuerint ultra quatuor sessiones, usque ad decem, pro qualibet sessione, denarii viginti quatuor. Vbi verò fuerint ultra decem, usque ad viginti, de qualibet sessione, denarii duodecim. Vbi verò fuerint ultra viginti, usque ad centum, usque quaque, de qualibet sessione, denarii octo. Item de literis Reambulatoriis metalibus, in quibus contradiçtio & evocatio facta non fuerit, denarii viginti quatuor. In reambulationibus autem metalibus, in quibus simplex consignatio, vel cum hominibus Regiis, decuria Regia, transmissis, similis consignatio, vel finalis metarum erectio, cum juramento super terram, in forma judiciaria, aut partibus concordantibus, facta fuerit, pro redemptione literarum, denarii quadringenti. Vbi autem partibus in hujusmodi reambulationibus & demonstrationibus metalibus discordantibus, causa ad curiam Regiam deducta fuerit, tunc pro redemptione literarum talium denarii ducenti. Itē de cōmuni inquisitione, ordine judicio, commissa, denarii centum. Item de occupationibus possessionum, hominū in sententia capitali convictorum, & rerum ablationibus, judiciaria cōmissione mediāte, fiendis, de rebus ablatis, ex antiqua  
con-

consuetudine, Capitulum habebit decimam partem, pro redemptione autem literę, denarii centum. Item de possessionariis divisionalibus, de singulis possessionibus divisis, singuli denarii centum. Item de expeditoriis juramentalibus, denarii viginti quatuor. Item de expeditoriis juramentalibus continentibus nomina conjuratorum, denarii centum. Item de solutionibus pecunialibus, coram Capitulis, vel Conventibus, vel eorum testimoniis fieri solitis, Capitulum, seu Conventus decimam & nonam partem exigere non possint, nisi quando propter discordiam partium, in eorum Sacristiis, seu conservatorio hujusmodi pecunię depositę fuerint, de talibus nempe de jure, decimam & nonam partes recipere possunt, ad illius tamen partis rationem, quę causam dederit, pecunię hujusmodi in conservatorio reponendę. Personis autem testimonialibus Capitulorum & Conventuum, pro singulis diebus, quibus in itinere fide dignitatis processerint, solvantur singuli duodecim denarii majores, sive in propriis equis, sive in equis causantium ambulent, & ducantur: ita tamen, quod in victualibus & expensis causantium, & ipsos ad facta sua conducentium, simul cum equis, & familia eorum, de domo, iterum in do-

mun, ſemper duci debeant, & reduci.

## A R T. XI.

*Taxa literarum minoris Cancellaria.*

**P**Ræterea, ex quo in judiciis, in curia noſtra Regia fieri conſueſtis, coram iudicibus ordinariis ejuſdem curiæ, ac eorum notariis ſupradictis, literę & redemptiones earum neceſſario occurrunt. Ideò ad tollendam cujuſlibet altercationis occaſionem, quæ inter ipſos Notarios & cauſantes emergi poſſet, antiquam conſuetudinem redẽptionis literarum earundem, modo ſubſcripto, duximus ſimiliter declarandum: Videlicet, quod in ipſa curia noſtra, Notariis ipſius curiæ noſtræ iudiciariæ, de una litera Prorogatoria communi, ſolvantur denarii duodecim. De litera judiciali ſeu Birſagiali, ſimiliter denarii duodecim. De ſimplici litera Inquiſitoria, ſimiliter denarii duodecim. De ſecunda Evocatoria, denarii viginti quatuor. De tertia Evocatoria, denarii centum. De Proclamatoria, denarii centum. De litera juramentali, tertio, vel ſexto ſc, alicui adjudicata, denarii viginti quatuor. De eo, qui iurabit, duodecimo, vel vigefimo quinto, aut quinquageſimo ſc, denarii centum. De communi inquiſitione, denarii centum. De litera duellarii, denarii ducenti.

De

De juramentali super caput, denarii ducenti. De prima instrumentorum exhibitione, denarii viginti quatuor. De secundaria & tertiaria instrumentorum exhibitione, cum gravamine assumpto, similiter denarii viginti quatuor. De Prorogatoria respondentis cum tribus marcis, denarii viginti quatuor. De litera Prorogatoria patenti, denarii viginti quatuor. De litera Fassionali communi, denarii viginti quatuor. De aliis literis generalibus, videlicet Prohibitoriis, & similibus, denarii viginti quatuor. De Prohibitoriis facie ad faciem, denarii centum. De litera Sententionali facti potentialis, conservatori sigilli, floreni decem, per centum denarios: Scriptori autem, denarii ducenti. De literis statutoriis, & reambulatoriis simplicibus, denarii viginti quatuor. De literis autem Adjudicatoriis reobtentio- nis possessionum, seu aliarum rerum, juxta quantitatem possessionis, seu rei obtentæ habita concordia, inter causantes, & Protonotarium, fiet solutio.

## A R T. XII.

*Taxa literarum majoris Cancellariæ.*

**I**N Cancellaria autem nostra Regia, quoad redemptiones literarum juridicarum & consuetarum, servetur antiqua consuetudo ejusdem Cancellariæ. Similiter

liter de donationibus & confirmatoriis, pensata quantitate rei donatæ vel confirmatæ, erit concordandum cum Cancellario, modo hætenus observato. Quia vero in omnibus præmissis redéptionibus literarû, & aliis quibuscunq; solutionibus ac Birsagiorum exactionibus, de numero & quantitate denariorum pro tempore currentium, sæpenumero mentio facta est, gratia removendi dubii, præsentium serie, declaramus, ut denarii tales intelligantur, quorum singuli centum, unum florenum auri valeant, & repræsentent, & si denarios minores pro aliquo tempore cursum habere contigerit, ad eandem rationem, cum ampliori & æquivalenti numero, suppleantur.

## A R T. XIII.

*Arestatio in propriis terris & officiis latibus fieri nequit, sub pœna marcarû sex.*

**I** Tem de arestationibus mercatorum, & aliorum hincinde proficiscentium, quæ pro debitis & aliis excessibus propriis, aut alienis, in possessionibus, seu locis communibus, tam per Ecclesiasticos, quàm per Sæculares, Nobiles & ignobiles, satis frequenter fieri solent, in quibus etiam hætenus nonnulla impedimenta & damna, ac injuriæ, extra consuetudinem hujusmodi arestationis, cõ-

missa

missa sunt & patrata, eandem antiquam  
Regni nostri consuetudinem approban-  
dam declaramus. Quod nullus arestare  
volens, in suis propriis, aut fratrum suo-  
rum condivisionalium possessionibus,  
terris, aut officiolatibus, pro quacunque  
causa, arestationem aliquam facere pos-  
sit: alioquin pro indebito aresto suo, in  
pœna trium marcarum convincatur, &  
arestum huiusmodi indebite factum, cum  
altero birsagio trium marcarum, rela-  
xare & liberum permittere, per Comi-  
tem parochialem compellatur. Cum au-  
tem in loco cōmuni quispiam arestatio-  
nem facere voluerit, iudex ipsius loci cō-  
munis eandem arestationem, coram se,  
sic, & non aliter fieri patiatur & acce-  
peret, si videlicet arestās, prius se à domi-  
no, vel villico possessionis, in qua aresta-  
tus residentiam habuit, justitiam postu-  
lasse, & huiusmodi justitiam, aut sibi te-  
merarie denegatam, aut finaliter exhibi-  
tam fore, sed satisfactionem debitam  
non impensam extitisse, literis Comitis,  
vel Vicecomitis parochialis, aut Iudicis  
Nobilium, vel aliis credilibus, poterit  
comprobare. Dum autem hæc præmissa,  
modo prætacto, evidenter poterit com-  
probare: extunc dominus vel Iudex, aut  
villicus ipsius loci seu possessionis com-  
munis, arestum retinere, & inter partes,  
more



more in talibus consueto, iudicium & justiciam faciendo, super debitis, aut aliis excessibus, vel rebus coram eo rationaliter obtentis, debitæ satisfactionis cōplementum, de rebus & bonis judicialiter obtentis condemnati, aut rebus & bonis ipsius minus sufficientibus, per detentionem personalem, impendere teneatur.

## A R T. XIV.

*Aresti, Iudicis faventis parti pœna.*

**I**N casu etiam, quo ipse Iudex aresti, pro favore, aut timore cujuscunque vel ex qualibet alia causa, rationem non habente, arestum coram eo legitime factum, seu fiendum, retinere, iudiciumq; & justiciam, ac satisfactionis complementum, modo superius descripto exhibere recusaverit: extunc ipse arestatori, cujus ipse adversarium libere abire permiserit, pro damno, quod per hujusmodi arestum requirere, & immediate obtinere poterat, & pro toto interesse, teneatur & existat obligatus, nisi arestandus, vel arestatus, tantam potentiam & vim habuerit, propter quam dominus, seu Iudex loci communis eisdem resistere, & eos retinere non valebit, aut alia potentia superveniente arestatus, contra voluntatem iudicis, arestum violenter abdu-

abduxerit: Quo casu eveniente, ad sui excusationem, super eo, quanto citius poterit, suis vicinis & comेतaneis publice protestetur.

## A R T. X V.

*Arestantium Civium pœna in propriis terris.*

**V**olumus autem, quod in nostris & in Reginalibus liberis Civitatibus, oppidis & villis, & possessionibus, mediantibus eorum Iudicibus, officialibus, & præsidentibus quibuscunque, per Civēs, mercatores, hospites, & incolas eorundem, pro suis debitis, rebus & acquisitionibus quibuscunque, arestationes huiusmodi, modo suprascripto, & sub pœnis antedictis, per Magistrum Thavernicorum, aut alios eorum superiores, indilate exigendis, fieri nullatenus debeant, neque possint, sed in locis communibus, & coram iudice communi, cum necesse fuerit, fiant arestationes per eosdem, modo superius declarato.

## A R T. X V I.

*Aresti Iudicis salarium.*

**I**udex autem communes arestationes huiusmodi, coram eo debite & legitime factas, discernens & iudicans, pro suo labore & honore, si fuerit iudex per domi-

dominum possessionis constitutus, aut dominus ipsemet, quadraginta denarios: Si verò villicus, duodecim denarios, ab homine judicialiter condemnato, pro se exigendi habet facultatem.

## A R T. XVII.

*De defectu seminis, donationibus, & sequestro.*

**P**orro æquitatem, & juris observantiam, quam inter Regnicolas nostros vigere peroptamus, à nostra Regia Majestate exordium habere demonstrari volentes, præsentì decreto stabilimus, quod in quocunque Comitatu, aliqua jura, per defectum seminis quorumcunque decedentium devoluta fuerint, & de hujusmodi possessionibus manifeste non constat, an ad jus Regium pertineant, vel aliquos fratres generationales, seu hæredes sàminei sexus concernant, sed inter ista duo, videlicet, jus Regium, & jus aliorum scilicet generationalium, vel sàmineum dubium intervenerit: extunc homo communis nobilis, & idoneus, in quolibet Comitatu, ad idem per Comitum Parochialem cum Iudice nobilium, & aliis Nobilibus comprovincialibus, in unum locum congregatis, non tamen ex Baronibus, nec de potentioribus, sed de mediocribus Nobilibus, electus hujusmodi

modi jura devoluta & dubiosa, & etiam alia similia, si quæ contigerint, tam diu conservet & manu teneat, absque damnificatione qualibet: excepto solum, quod de proventibus consuetis hujusmodi possessionum, donec in manibus suis remanebunt, expensas moderatas capere & facere possit: De quibus tandem rationem reddere debeat & teneatur, quousque hujusmodi revolutio jurium, sine hæredibus decedentium, in sede judiciaria curiæ nostræ Regiæ, publicata fuerit. Ipsaque publicatione facta, quicumque easdem possessiones, & jura sibi pertinere allegaverit, in certis octavis subsequenribus, quanto citius rationabiliter poterit, jura sua producendo, easdem ad se pertinere comprobet. Quod si facere poterit, Iudices curiæ Regiæ Majestatis eundem statui & introduci mandent & faciant, cum effectu. Si vero in comprobatione defecerint, juri Regio relinquatur. Et si qui ulterius ad easdem jus habere speraverint, eas de manibus Regiis requirant legitime.

## A R T. XVIII.

*De uxoribus & filiabus, in domibus Nobiliū decedentium, remanentibus.*

**V**Bi autem uxores, vel filiæ hujusmodi hominum, absq; hæredibus masculinis,

culinis, decedentium, in talibus possessionibus & juribus remanserint: extunc possessiones eadem, & jura possessionaria, à manibus eorum occupari & auferri non debeant, priusquam de eorum juribus, videlicet, an hæreditarie & perpetuo ad jus fœmineum pertineat, an ne veritas inquiratur: Quod si repertum fuerit eadem jura juri fœmineo non competere: extunc dictis uxoribus talium decedentium, antequam de dominio dictarum possessionum excludantur, per Regiam Majestatem, vel alios, ad quos reperiæ fuerint esse devolutæ, de eorum dotibus & juribus paraphernalibus plena satisfactio impendatur.

## A R T. XIX.

*De quarta filiarum & domo paterna.*

**F**iliabus vero, usque tempus emaritationis earum, domus paterna, cum quarta parte possessionum paternarum, pro quarta filiali, secundum consuetudinem Regni nostri, sequestretur, & possidenda relinquatur.

## A R T. XX.

*De filiabus Nobilium, homini rustico nubentibus.*

**P**ostquam vero maritatæ & traductæ fuerint, de earum jure quartalicio, pecuniarum solutione mediante, satisfiat.

Vbi

Vbi autem aliqua ex ipsis filiabus homini im-  
 possessionato maritata fuerit, dictante  
 eadem Regni nostri consuetudine, in per-  
 petuo jure & dominio, hujusmodi quar-  
 tæ filialis possessionariæ, succedere debet,  
 & remanere. Ita tamen, quod si ipsa de  
 voluntate & consensu fratrum seu con-  
 sanguineorum suorum, in quos post ip-  
 sius matrimonium, hujusmodi jura, seu  
 quartalitia reverti & redundari deberet,  
 homini, ut præfertur im-  
 possessionato nupserit: alioquin sive de domo paternali,  
 sive de curiis & servitiis bonorum, seu  
 majorū nobilium, dictis suis fratribus seu  
 consanguineis, aut parentibus irrequisi-  
 tis & nolentibus, seu non cōsistentibus,  
 id fecerit, jus suum quartalitium, nō cum  
 possessione, sed cum satisfactione pecu-  
 niaria, requirendi habebit facultatem.

## A R T XXI.

*Ecclesiarum res & bona, saculares non  
 occupent.*

**A**Djicientes statutis superioribus statui-  
 mus, quod nullus Com. Banus, Way-  
 woda, seu alius officialis Regius, cujus-  
 que cōditionis, denominationis & digni-  
 tatis existat, Ecclesias Episcopales Archie-  
 piscopales, Abbatiales, Præpositales, &  
 alias quasunque Regio jure patronatus  
 disponendas, earundemq; tenutas, perti-  
 nentias,

nentias, decimas, & possessiones, intra terminos & limites sui honoris, seu officiolatus, absque speciali mandato Regio, occupare; aut se de eisdem partialiter, vel totaliter ingerere præsumat.

## A R T. XXII.

*Tributorum superflua exactio vetatur.*

**V** Erum quia ex immoderata & superflua exactiōe tributorum, per diuturni temporis abusum & inadvertentiam, ac negligentiam dispositionis superinde necessariæ, multa gravamina, damna & incommoda Regnicolis, & extraneis hominibus, cum eorum rebus & mercibus, in Regno nostro hinc inde proficiscentibus, per tributarios tam nostros Regales, & Reginales, quam Regnicolarum & aliorum, propria cupiditate, nullo ad Dei timorē, aut æquitatem habito respectu allēctos, illata fore hætenus, ferventiorique aviditate dietenus irrogari, experientia teste, nostra cognovit celsitudo. Ideo præsentī sanctione decrevimus, quod in singulis Comitatus Regni nostri, tempore celebrationis generalium congregationum palatinalium, per Palatinos, pro tempore, constitutos, vel alias ex Regia deputatione celebrandarum, inquiretur à juratis assessoribus, hujusmodi congregatio-  
num



num numerus & locus, verorum tributorum, in ipso Comitatu exigi solitorum, & à dominis, seu possessoribus eorundem tributorum, petantur exhiberi literę primarię institutionis tributorum eorundem, in quibus, si inventa fuerit quantitas solvendi tributi de singulis rebus solvi consuetis, talis solutio moderetur & reducatur ad rationem præsentis monetę, taliter, quod tributarium, seu tributa habentium justı proventus non decrescant, nec ẽ contrario solutionis modus, in onus tributa solvere debentium, supercrescat.

## A R T. XXIII.

*De moderandis tributorum, siue Teloniorum solutionibus: Et viarum falsarum prohibitio.*

**V** Bicumque autem hujusmodi literę primarię institutionis tributorum reperiri, & exhiberi non poterint, aut reperię forsitan & exhibitę, quantitatem tributi solvendi non expresserint, tunc à prædictis juratis assessoribus dictę congregationis similiter inquiratur, & rescıatur quantitas solutionis tributorum, in quibusvis tributis ipsius Comitatus, de singulis rebus tributari solitis, tempore antiquiori, quod humana memoria comprehendere potest, fieri consuetę, & re-

trahantur ad consuetudinem antiquam, compensata qualitate, quantum justius fieri poterit, pecuniæ tunc currentis, semper absque damno & detrimento tributa exigere & solvere debentium, æquitate videlicet utriusq; partis semper salva. Similiter inquiratur, discutiatur, & moderetur, quæ, & ubi sint falsæ viæ, & & indirectæ quorumlibet tributorum, & quantum longe, vel propè hujusmodi vias falsas singuli tributarii obsidendi, ac itinerantes in eisdem prohibendi, vel impediendi, justam & consuetudinariam habuerint, vel habere debeant, facultatem. Vias autem novas in locis, quibus viæ ab olim nunquam haberi consueverunt, nemo, pro communi & universali transitu itinerantium, in detrimentum & damnum tributorum vicinorum, in faciebus suarum terrarû adinvenire præsumat: Alioquin de hujusmodi viis noviter adinventis, in prædictis congregationibus generalibus, juxta affirmationem juratorum assessorum hujusmodi congregationum, decernatur, an pro falsis viis reputandæ sint, vel aliter restringendæ & moderandæ. Habentes insuper & exigentes tributa ratione pontis, vel navium: pontes hujusmodi, aut naves, sub debita reformatione semper studeant conservare, taliter, quod viatores, & tributa

buta solventes , absque impedimento per pontes , & naves eorum transitum liberum , & non impeditum facere possint. Id verò facere negligentes, pœnis & gravaminibus opportunis , ad debitam reformationem & conservationem suorum pontium & navium , in dictis congregationibus promulgandam , per Comites eorum parochiales astringantur , toties, quoties, eorum negligentia exigente, fuerit opportunum.

## A R T. XXIV.

*Infideles ad Castra dominorum non acceptentur, officiales finitimi, fures & latrones recipere poterunt.*

**P**O S T R E M O , antiquam Regni nostri consuetudinem , præsentì dicto confirmantes , de Prælatorum , Baronum , & Nobilium Regni nostri approbatione , communiter stabilimus & ordinamus , quod nullus Prælatorum , Baronum , Nobilium , & Regnicolarum nostrorum, cujuscunque status, dignitatis & conditionis existat , quoscunque infideles manifestos nostros, & Coronæ nostræ, ac Regni nostri , nec non publicos fures, latrones & malefactores, præsertim in congregationibus generalibus proscriptos , in suis castris , domibus, bonis & possessionibus retinere,

hospitare, & conservare, aut eis auxiliū,  
hospitalitatem, & favorem impendere  
præsumant: sub pœna consimilis infidelitatis,  
aut furum & latronum hospitalitatis. Excepto, quod fures, latrones, &  
alios malefactores in congregationibus  
generalibus proscriptos, demptis infidelibus,  
Barones & Castellani nostri, in confiniis  
Regni, Castra & fortalitia, ac officiolutus  
& honores, pro defensione confinium  
tenentes, usque tempus acquirendæ gratiæ,  
poterunt in hujusmodi Castris & fortalitiis  
metalibus receptare & retinere. In cujus rei  
memoriam, firmitatemque perpetuam,  
præsentes concessimus literas nostras  
privilegiales, pendentis authenticæ sigilli  
nostri duplicis, quo pro nunc, uti Rex  
Hungariæ utimur, munimine roboratas.  
Datum Posonii per manus Venerabilis domini  
Matthiæ Gatholocz, Præpositi Ecclesiæ  
Quinqueecclesiens. aulæ nostræ summi  
Cancellarii, fidelis nostri dilecti, Anno Domini,  
Millesimo, Quadringentesimo, Trigesimo  
quinto, Octavo Idus Martii: Regnorum  
nostrorum Anno Hungariæ, &c. Quadragesimo  
octavo, Romanorum vigesimo quinto,  
Bohemiæ decimo quinto, Imperii verò  
secundo. Venerabilibus in Christo patribus  
dominis, Georgio Strigonien. Ioanne Colocensi  
& Bachiensi,

chienti, Canonice unitarum, Dionysio Spalatenſi, Archiepiſcopis, Zadienſe ſede vacante, Petro de Rozgon Agrienſi, Varadienſe ſede vacante, Georgio Lepes Tranſylvaniienſi, Zagrabienſe ſede vacante, Georgio Nitrienſi, Chanadienſe ſede vacante, Emerico Quinqueeccleſienſi, Simone de jam dicta Rozgon, Veſprimienſi, Clemente Iaurienſi Vacienſe ſede vacante, Iacobo Sirmienſi, Ioseph Boſnienſi, Ioanne Tininiienſi, Vito Corbaniienſi, Ioanne de dominis Segnienſi, Eccleſiarum Episcopis, Eccleſias Dei ſæliciter gubernantibus: Sibinicenſe, Nonenſe, Scardonenſe, Tragurienſe, Makarenſe & Pharenſe, ſedibus vacantibus. I T E M M A G N I F I C I S, Matthijwſs de Palocz prædicti Regni noſtri Hungariæ Palatino, Spectabili & Magnifico Hermanno Ciliæ & Zagoriæ Comite, ſocero noſtro chariſſimo, totius Regni noſtri Sclavoniæ, Bano, Comite Stephano, de Bathor, Iudice curiæ noſtræ, Ladislao de Chak, Waywoda noſtro Tranſylvaniienſi, Ioanne & Stephano Weghle, Segniæ & Modruſe Comitibus, Regnorum noſtrorum Dalmatiæ & Croatię prædictorum, Deſew & Ladislao de Gara, Machoviê. Nicolao de Radnijch Crucifero ordinis Prutenorum Zeurinien. Banis, Ioanne de ſæpedicta Rozgon Thavernicorum,

Emerico filio Nicolai Waywode de  
 Marczalii Ianitorum, Ioanne & Step-  
 hano de Peren, Dapiferorum, Paulo &  
 Ioanne Kompolth de Nava, Pincerna-  
 rum, Laurentio de Hedervara, Agasonú  
 nostrorú Magistris, ac Stephano & Geor-  
 gio de antelata Rozgon, Comitibus no-  
 stris Posoniensibus, aliisque quam pluri-  
 bus, Regni nostri Comitatus tenentibus  
 & honores.

## X.

DE STATV MILITARI  
 HUNGARORVM.

**N**unc ad Formam Militarem  
 venio, quæ horridum sagum  
 suum promptè offert. Ego ac-  
 cipio; & sermonem una ve-  
 stemque mutans, non ut confidens mi-  
 les, sed homo umbraticus levi & brevi  
 velitatione

— *calamis & lingua pugnaturus.*

Coadunatur autem Armata Multitudo  
 per Civium & Sociorum Legiones. Do-  
 mestici milites sive Cives sunt Hungari,  
 qui reverentia nominis, Gentium qui sub  
 S. Corona & Regibus Hungariæ vivunt,  
 animosè obijciunt se mucronibus insi-  
 diancium, & in prælio acriter & alacriter  
 summa & majori charitate pro aris &  
 focis,

focis, pro conjugibus & liberis, pro dulcissima denique Patria dimicant: quam Externi qui non fide, non affectu renentur, sed mercede & pecunia venalem sanguinem habent,

*Venalesque manus* —

Nec hosti sed hospiribus tantum metuendi, & in rusticorum gallinaria egregiam pugnam edituri. Præ cæteris tamen nationibus fidelissimi Germani, sociis suis finitimis & confœderatis pro fide & salute viriliter & strenue ex more gentis auxiliantur & ad omnes fere motus Turcicos primi præsto sunt. Legio versatur in Nomine & Numero Personarum. Nomine Latino usitato Hungaris dicitur vel Banderium Regale vel Banderium simplex. Sub Banderio Regali mille equites armati teneri consueverunt, Hungaris Egy Zászló állya. De Simplici numero Personarum ordinatum, quod sub unoquoque Banderio integro, quadringenti, sub medio verò ducenti homines exercitantes &c. Inter hos sunt Principes & Milites. Principes duplici discrimine Duces Primarii & Secundarii. Primarius post Regem in Expeditione Generali est Palatinus Generalis & Supremus Capitaneus Regni & Regnicolarum, & illos gubernat, juxta tamen voluntatem & arbitrium Regiæ Celsitudinis. Secundarii Locum tenentes,



tes, Capitanei Castellani, Provisores, Centuriones & Decuriones. Pro insigni præter morem aliarum gentium apprime soli Duces Hungarorum delectantur, Cambuca, Clava ferrea, aliis Cucuma, Bozoganii. Quod belli instrumentum magis ad cogendos ordines, quam hostis arma perfringenda accommodatū, Gaspar Ens opinatur. Decuriones ferunt Sarrissam sive Hastam Velitarem.

Milites legitimi dupliciter fiunt: Discrimine & dilectu.

Discrimine iterum duplices: Equites & Pedites. Equis malunt quam pedibus prælium inire. Et hi sunt vel armigeri &c. vel levis armaturæ, vulgo Hufzarones nuncupati. Olim illorum arma erant Iacula, quæ proprie Hunnis attribuunt Amnianus, Sidonius, Iornandes, & alii plures. Hungaris Regino, Luithprandus & alii. Idem quoque Hunnis bellandi mos erat laqueos jacere. De Hungaris Christianis *Otto Phrisingensis*: Omnes pene tetri, tetrus in armis procedunt &c. Quæ sunt lancea, sagaris sive gladius Persicus, ad lævam sub dextro femore verutum ephippio alligatum: plerique insuper siphunculum tormetarium theca reconditum habent. Splendidum illorum apparatum & armaturam *Stephanus Vinandus in Hercule Predico in Rudolphi Coronatione Hun-*

*ne Hungarica* hoc modo delineavit: Rex Rudolphus &c. illustrium turmas aliquot instructissimas secum trahens; Attilæ provinciarum domitoris victrices copias repræsentare videbantur armis, atque vestitu. Equorū nobilium colores, atq; picturæ variæ; gemmis, auroq; nitentes phaleræ. Martiorum hominum apparatus Scythicus, feri vultus, capita in verticem usque rafa; virgatæ tunicæ, thoraces, & lorica bilices, trilicesve clavis aureis, argenteisq; distinctæ: Ithyræi arcus inaurati, & encausto picti: nec non omissæ sagittis pharetræ coccò, purpura, pellibusque peregrinis ac raris tectæ & ornatae, lanceæ coloribus variis depictæ: item ex ferro fabricatæ clavæ, malleiq; ponderosi atque inaurati, spectantium oculos satiare non poterant. Atque inter cætera generosæ nobilitatis militatisque virtutis insignia præminebant expensæ aquilarum alæ ingentes vastis clypeis inhærentes vel auratis galeis impositæ: vetustum decus nobilis apud Hungaros familiæ, & præcipua fortitudinis bellicæ apud posteros insignia. Maxima cum his habentur victoriæ præmia, ac veluti laureæ quædam eximiæ pro singulis occisorum hostium capitibus ex acie relatis singulas aquilarum pennas accipere atq; eas crebris victoriis multiplicare. Gloriosum plurimas clypeis cassidibusve

dibusve affixas, aut è lanceis, hastilibusve dependentes referre in prælium: pulchrū est easdem per castra atq; urbes in capite gestare, immo etiam cute perforata temporibus ac fronti propriæ infixas ostendere posse. hæc ille. Pedites vulgò Haydones, quos & liberos vocant. qui in confiniis Turcicis pacis tempore morari solent. *art. 23. Ferdinand. I. Poson. M. D. LXIII.* Nec galea nec lorica utuntur, vestitu parum à rusticis differunt: arma illis sclopus manuarius, aut si is desit, hasta velitaris, sagaris, & à cingulo dependens securis &c.

Armorum nomina Hungarica hæc sunt. Lancea, Koplya. Acinaces, Szablya, Tór, Kard. Machæra in mucronem rectū desinens, Pallos. in acuminatum, Hegyes-tór. Sagitta, Nyil. Pharetra, Tegez, Arcus, Kezii. Securis, Balta. Sclopus, Buska. Vncinus, Hamus, Szakany; hujus instrumenti hastile ligneum est cuspidē ferreo & adunco, fortis temperaturę. Propria olim Gothorum arma quę falcata & uncata erant. Sidon. epist. 20. l. 4. Lancea uncata, aliis, Hamata, Vncinata tela; quidā Runcinum Gothicum, Falcastrū vocant, videatur *Savaro in Sidonii. d. l.* Cestus, Tustis, Bot. Dilectu milites sunt Ordinarii & Subsidiarii. Ordinarii assidue in Fortalitiis & limitibus siue Metis Regni, cō-

tra Turcas & alios hostes Hungariæ oppositi ex munere & arte militant. Numerum tempore Matthiæ I. & Vladislai II. complexus est Sambucus sub Salaratu Regni Vngariæ contra hostes, annuo &c. insertus Historiæ Bonfinii. Sed quid hic ad hodiernum? definiri vix potest, quia in omni momento pendet à tempore & magnitudine periculi. Ad Ordinarios pertinet Legio Nigra Matthiæ I. de qua Sambucus in appendice ad Ransanum. Subsidiarii sunt Prælati, Barones, Proceres, Nobiles & alii Possessionati, qui omnes in Generali expeditione, Banderiis Copiis & Militibus suis &c. Regi militant, non serviunt, *S. Steph. l. c. 4.* Ac cum Rege extra Regnum ire nō tenentur, nisi pro pecunia ipsius qui Comitatus habet, *Andrea II. art. 7.* nec ad Castra Rege nō existente prius in illis. Hinc tempore Ludovici II. ex his, quidam intempestive admodum privilegia sua allegarunt, quibus cautum esset ne Barones aliter quā sub vexillis Regis militare cogantur. Ad quod Rex in frequenti Senatu, ubi de hoc agebatur, subito in iram versus, video (inquit) ego unumquemque capite meo (verba enim Regis sicut fuerant ita ponamus) excusationem & salutem capiti suo quærere. Ego personam & caput meum ideo in hæc pericula adduxi,

duxi, ut illud pro hujus regni & vestra salute, omni fortunæ discrimini objicerem. Ne quis igitur sit, qui possit excusationem aliquam suæ ignaviæ capite meo prætere, neve possit aliquid mihi imputari: ibo ego, Deo Opt. Max. bene juvante, cras vobiscum in persona eo, quo aliis sine me ire nolunt. Qui Proceres Banderia Regalia, integra & media instruere tenentur: reliqui Nobiles à centum colonis decem equites. Sed qui decem colonos non habent, ii simul conferunt, ut is numerus compleatur. Idem de aliis Possessionatis capiendum. Numero olim quidē Attilæ exercitus quingentorum millium esse ferebatur. Et Christianos Reges è solo Hungariæ Regno sexaginta equitum millia in aciem quondam educi potuisse ajunt. Ex Transylvania juxta communem supputationem ad nonaginta & amplius millia armatorum. Hinc avorum memoria cum adversus Gritum conjurarent, vindicandamq; armis Emerici Ciebachi Antistitis Varadiensis mortem decernerent: nunquā ullæ gentes pro salute sua & pro publica dignitate ad propulsandam injuriam, vel intentiore studio, vel graviore impetu, vel majore celeritate ad arma concurrerunt. Paucis enim diebus supra quadraginta millia peditum & equitum  
coivere



coivere, &c. Quid? Solum Sicularum numerum supra sexaginta millia esse ferunt. Iussi verò in bella exire nisi pareant, capitali poena plectuntur, bona fisco applicantur. Idem quoque Wayvoda Moldaviæ, &c. generali habito dilectu, ad sexaginta millia equitum & peditum exercituum conscribere potuit, Hodie quot colligi possunt, civilia bella docuerunt. Et hæc de Armata multitudine.

Continebatur autem olim in robore & virtute disciplina Militaris, quæ est vel Communis vel Particularis. De communi scientia sive disciplina, Matthias ille Hunniade Rex Pannoniæ, quo nemo à multis seculis melior, prudentior, militia clarior aut felicior, & addam veterum rerum (inter Principes quidem) doctior fuit, palam ita sententiam tulit. In corona illustrium hominum coram ipso sermo erat de præstantia nostri ævi, & artibus ac machinis bellicis, plerique omnes veteri anteferebant. Ille autem renidenti ore, Si centesimam partem antiquæ militiæ ætas nostra teneret, & disciplinam haberemus illi parem, profectò Turcarum istud regnum non fuisset tam longè latèque diffusum. Nec tamen antiquitatem nuncupo, quæ quingentis aut sexcentis annis continetur: sed Roma-

norum illud ævum aspicio, quod cum aliis belli artibus, tum & machinis & tormentis præclare fuit instructum. Particularis est in Exercitio & Coercitione. Exercitium versatur in Vsu & Ordine. Vsus in Armatis & Moribus Castrensibus. Vsu armorum Hungari quidem soli fere hac tempestate cum Turcis pugnare noverunt: eo quod insito quodam odio quotidianis prope præliis cum his contendunt, maximoque ob id ipsum illis terrori sunt. Proinde quod *Phil. Callimachus in orat. ad Innocentium VIII. Pontif. de armis Turcorum dicit*, idem de Hungarorum nec pervulgata quæque, ac nota recensebo. Ante omnia enim cum ferendi duplex sit ratio, quippe quod vulnus aut punctum impingitur, aut cæsum infertur; Punctum, Eminus & Coninus. Eminus, Arcu & Sclopis. In arcu quamdiu ab seipsis non degeneraverant, non nihil momenti fuit. A principio enim non decoris, & non habilitatis, sed terrendi, ac sauciandi hostis ratio in omni armorum genere habebatur, atque ideo sagittæ graves & prælongæ, arcus vero amplitudine & robore tali fiebant, ut aspectu terrerent contuentes, & facile telorum pondus ac proceritatem ferrent, repræsentat hæc Icon Hunni Antiqui. Nunc verò per ambitionem decoris, omnia



omnia commutata, atque adeo velut in molliem corrupta, ut non fortium virorum, ac militum tela, sed puerorum ludicra videantur: Effectus antiqui & hodierni defectus Causam lege in *Io. Barclai Icone Animorum cap. 9.* Usque adeo scilicet, eheu! Sagittarum usus neglectus hodiè

*Multis pro vili, sub pedibusque jacet.*  
qui olim proprius Hunnorum & formidabilis orbi fuerat, ut alias fusius explicaturus sum. Sclopetorum hanc formam in fictitiis militibus commendat *Thomas Campanella* de Reipublicæ Idea: Equites, &c. duas ex ephippiis pendentes pistolas, validæ temperaturæ; angustas in orificio magis; qua de re penetrant omnem ferream armaturam. Cominus; Lancea, Veruto, Vincino, pugnant. Lanceis sive hastis non eodem ordine & in Hungaria, & Italia concurritur. Ibi enim non nisi cuspidatis conditis: hîc verò sæpe inermi hasta pugnatur. Sed in Italia concitato & corrente; in Hungaria verò succussando, & non plenè corrente equo certatur, Veruto mucrone acuminato, in persequendo hoste utuntur. Vincino quocunque libet, maximè autem contra gravis armaturæ equites, quo perforant lorricam & thoracé squamatum, equitemque detrahunt & de equo dejiciunt. Cæ-

sim secant vel batuant adversarios. Acinaces, Parazonia & Secures, secandi facultatem præbent. Acinaces enim ne punctim feriant, supini recurvi sunt, & mucro in dorsum suum retroactus, cæsim vero, si dimittantur: propter quod non velut in gladiis aliarum gentium, latitudo ferri à manubrio paulatim detenuatur in acumen, sed contra, qua tenentur, propemodum acuti sunt, qua vero feriunt, latissimi, & carent capuli libramento, elevari sursum, & ad geminandum ictum recolligi non possunt. Atque ideo, quod fieri arte quadam nonnulli putant, Turci, quandoquidem gladius in dorsum falcatus, & in mucronem actus, ac præponderans, neque infigi cominus, neque referri sursum queat, si absque vulnere in vanum deciderit, necessario coguntur, insolito more rejecto brachio in adversum cæsim ferire. In quo genere ictus, quia contra ac nituntur nervi, intétatur, nullus omnino gravis impetus esse potest. Hæc Callimachus de Turcis, contra quos peritè & strenue dirigere sciunt Hungari sua Sablya, Pallos & Balta. Et si his prædictis armis nequeat ferrea armatura hostilis perforari; strenuissimi Hungarorum aggrediuntur hosté Clava, sicut Achilles Cygnum: & conquatiunt, dejiciuntque batuando. Ac si in hunc usum

usum cedit Bozogany. Cestus sive Fustis comes est Rusticorum ut quibus arma interdicta sunt in Decretis & Constitutionibus Regni. Sed nimis multa de armorum usu, quibus hostem soleant convulnerare Hungari, quibus se muniant autem à vulneribus, alio tempore.

Nunc de moribus *Bonfinius* loquitur: Aliquandiu in castris diversatus, &c. Nusquam gentium milites spectare licuit caloris, & frigoris, item laboris & inediae tolerantiores, qui studiosius imperata faciant, libentius dato signo pugnam ineant, se morti promptius exponant, item qui militarem seditionem magis detestentur: in castris quietius honestiusque vivant, sese religiosius agant, tumultus magis abominentur & rixas, colant avidius temperantiam & castitatem: & ab omni blasphemia perjuria illegitimaque venere, sint magis alieni. Maxima pars equitum quibus uxores sint, & liberi, triennium quandoque assiduo militare coacta, nunquam conjugii fidem violasse creditur. Si quis cum scorto deprehensus est, perpetua sugillatur infamia. Fortitudinis & patientiae sunt plus quam Lacedaemoniae. Hyeme juxta atque aestate castra frequentantur. Et quod meis hisce oculis saepe vidi, sub nivibus ac terra ne obsidionem deserant institutam to-



leteranter hybernant. Vndè murium sæpe more prodeunt stationibus , totam noctem , tellerariorum iussu , equites adsumunt: neq; loco moventur, neq; de rigenti algore queruntur. Et quamvis plerisque membra vesaniente frigore obstupescant, invicto tamen animo cuncta patiuntur. Liberos in castris alunt , ibique militariibus studiis informant. Ex quo fit ut gens Vngarica bello aspera , ita instituta sit. Ordo est ante & in Congressu cum hoste. Ante Pugnam in loco accommodo & præsertim camposo , quia equitatu gaudent, instituunt aciem per Numerum & Figuram. Numero aciem variant simplici, duplici, triplici, quadruplici , &c. Sic acies Ludovici II. in latissimis & patentissimis illis campis Mohaczio subiectis in duo agmina divisa est , &c. Idem de pugna Ioannis Hunniadis cum Turca in Campo Merula: Ordinatae sunt per dominum Gubernatorem omni sua de gente , quam ducebat , acies octo & triginta , &c. Huc adde ex Iornande Prælium Attilæ in Campis Catalaunicis. Iuxta Figuram acies cuneata , rotunda , quadrata est, &c. De Hunnis *Ammianus* : Et ineuntes prælia cuneatim variis vocibus sonantibus torvum. Rotunda forma ordine primo quandoque acies undique curribus catenatis vallatur & cingitur.

Sic

Sic de Attila *Iornandes* : Se suosque intra septa castrorum, quæ plaustris valata habebat, reclusit, &c. Idem de acie Ludovici II. *Prodericus*. Figura Cuneata aut Quadrata & alia, à fronte & tergo, dextris & sinistris equites & pedites per gentes & nationes divisi sunt. *Iornandes* de Attilæ prælio: Cornua ejus multiplices populi & diversæ nationes, quæ ditioni suæ subdiderat ambiebant. Usitato autem more in agmine præcipuo, quam aciem Statariam appellamus; Regem in medio statuunt cum flore & robore bellatorum suorum septū, quem de more volunt prælio interessē. Sic in campis Catalaunicis fuit Hunnorum acies ordinata, ut in medio Attila cum suis fortissimis locaretur; sibi potius Rex hac ordinatione prospiciens, quatenus inter gentis suæ robur positus, ab immani periculo redderetur exemptus; Idem de acie Ludovici II. *Prodericus & Isthvansi*. Itaque in prælio existentem ex pervetusta consuetudine Nobiles Hungariæ communiunt Regem circumquaque, suntque Regi pro muro inexpugnabili, ut de Colomani Regis prælio cum Cunis & Rutenis commissio scribit *Thvroczius*, & alii de aliis. In eodem agmine non procul à Rege, Regale Signum: videlicet Ingens vexillum Divæ

Virginis Mariæ imagine deaurata conspiciendum , à Iudice Curiaë , de quo superius retulimus sustinetur : cui de veteri more calcaria detrahuntur , eo scilicet monimento , ne de fuga cogitaret. Mox congressuri cum hoste , Palatinus Regem ex loco designato per universum exercitum circumducit : ibi eum præsentem omnibus manu ostentans , concionabundus paratum dicit omnia extrema & mortem ejus pro Patria , pro Sacra Christi Dei Opt. Max. religione , pro conjugibus & liberis eorum , &c. Hæc & alia talia cum Palatinus & simul etiam Rex , omnibus ordinibus obequitatis , commemorassent : Rex locum & ordinem suum repetit , &c. ac galeam poscit , ut capiti imponeretur. Atrolli signa Vocalia & Muta imperat. Vocalia & Naturalia & Instrumentalia sunt , quibus suos milites ad pugnandum incitat , & hosteis provocat. Naturali sonitu exoritur clamor vel cantus potius I E S U S A L V A T O R I S nomen invocantium de more , Olim clamabant ter D E U S , &c. Instrumentalia cum clangore inflantur , ut sunt Tubæ , Modi , Tibiæ. Quarum duplex ratio : Dorica & Ionica , de quibus *Scaliger in arte Poëtica* : Dorica Verus , magnifica , sublimis , gravis , contenta , nihil habuit fufum , nihil solutum ,

lutum, nihil hilare, nihil molle: sed plenum, vehemens, paucis modicisque flexibus, bellicis conveniens numeris & motibus. Pannonium & Getarum Scytharumque nostris etiam temporibus talem audivimus in Dalmatia & Transylvania & Mysia superiore, hæc ille. Cum sonitu reboant & pulsantur Tympana, Húgaris Dob, Austriis *Heerbaucken*, aliis *Kesseldrumel*. Muta Signa, quæ in Congressu Hungaros animosos ducunt & dirigunt, timidos à fuga solo intuitu & aspectu sistunt; sunt Aquilæ, Dracones, Vexilla. Olim Attila in Vexillis coronatam ferebat Aquilam, &c. Hodie imaginem Salvatoris nostri IESU CHRISTI, & D. Mariæ, &c. Dracones Sidonius Hunnis & Isauris tribuit, Carm. 2. vers. 234.

*Desiit hostiles confestim horrere dracones.* Ut Carm. 5. vers. 410. Vandalis, ad quod Savarro. Hodierna Vexilla Hungarorum, ad similitudinem aliarum nationum fere accedunt. Inusitatissimum vero vexillum Dionysii Ducis Hungarorum ante aliquot sæcula descripsit *Nicetas Choniates lib. 5.* in Manuele Commeno Imp. Græcorum: Vexillum ejus in crassa & alta trabe, quam rotis impostam quatuor juga boum trahebant, sublimè à ventis agitabatur, &c. Turmatim



configunt non tamen toto agmine; Nam qui à fronte pugnant, nullo certo loco permanent, sed ubi necessitas illos postulaverit. Agmen verò novissimum & quod in subsidium est, Statarium est, ut observare licet in acie Ludovici II. Regis. Sic Matthiæ I. Regis Legio sive Turma Nigra, non tumultuario prælio, sed statario vincere consuevit. Atque inde Hungari in congressu eà prædicti sunt audaciâ, ut nihil magis ignominiosum apud ipsos sit, quam aut locum relinquere, aut tergo vulnus accipere. Cum olim Hunni Stataria quidem pugna prorsus neque poterant, neque norant hostem adgredi. Coercitio est in Constitutionibus & Decretis Regum comprehensa. Et hæc de Generali Expeditione: de Particulari loquitur art. 22. Pofon. M.D.LVI. Atque sic dispositio Causæ Formalis erit.

Sequitur, quæ ultima Regni perfectio est: Communiter Finis cuiusque Imperii, gloria Dei, & salus subditorum.

## ARTICVLI.

Omniū Statuum &amp; Ordinum

HUNGARIÆ

ANNO MDLXIII.

*Pofonii conclusi.*

## ART. I.

*Præfatio, in qua Status & Ordines Regni, pro paterna & pia, quam de illis gerit, cura & follicitudine, Majeftati fuæ Cafarea maximas gratias demiffè agunt, illamque continuari petunt.*



A, quæ facra Cafarea Regiaque Majeftas, dominus noster clementiffimus, per Sereniffimum Archiducem Auftriæ, Maximilianum Erneftum, dominum itidem noſtrum benignum Statibus & Ordinibus hujus regni Hungariæ, peculiari ſuo ſcripto, ſub præſenti Diætâ, clementer proponi fecit, iidem Status & Ordines Regni, humillimè intellexerunt. Ac imprimis fuæ Majeſtati, pro paterna ſua cura, quam hætenus in hoc Regnum habuit, ac ſe in poſterum quoque habituram ſignifi-

gnificat, quas possunt, habent agunt-  
que gratias, petentes à sua Majestate  
quàm humillimè, dignetur de sua, erga  
fideles suos veteri clementia & pia solli-  
citudine, nihil remittere, sed quod è re  
tùm eorum, tùm etiam totius Christia-  
nitatis fuerit, ultrò semper & continuo  
præstare. Illud verò quod sua Majestas,  
de suo patruele, Serenissimo, Archidu-  
ce Maximiliano Ernesto, annectit, ut  
nimirum, præsentì Diætæ ejusque tra-  
ctationi præsit; & in propositorum ne-  
gotiis, sese Status & Ordines Regni, fa-  
ciles demonstrent: Ea in re, propter  
causas, per suam Majestatem adjectas,  
perlubenter quidem acquiescunt suæ Ma-  
jestatis benignæ postulationi atque com-  
missioni; verumtamen, supplicant ite-  
rum atque iterum suæ Majestati, digne-  
tur post tot tandem annos, in medium  
suorum fidelium venire, ac præsens,  
malis eorum subvenire. Quibus rectè  
mederi ita posse existimant; si sua Ma-  
jestas ipsamet eorum querelas & grava-  
mina intueri & audire possit.

## A R T. II.

*Status & Ordines Regni, ad quadam Majestatis suæ Cæsareæ objecta, humiliter se excusando, respondent.*

**P**Ræterea, ubi sua Majestas Cæsarea, inter Propositionis Articulos, aliquot in locis, non obscure omnem neglectarum rerum, & præsertim non exactæ Contributionis, ac oblatis militis, non subministrationis causam, in ipsos Status & Ordines rejicere videtur; Scire suam Majestatem non dubitant, ipsos jam antea sæpe sæpius ob oculos suæ Majestati posuisse, omnem ejuscemodi negotiorum culpam, non aliam esse, nisi quod singulis annis, omnis eorum substantia & conditio diminuitur, & ex continua belli mole, in dies in peiorem statum deveniant, ac post oblata subsidia, partim militum insolentia, partim verò hostium excursionsibus opprimantur, & sic numero quoque domorum connumeratarum, destituantur. Et licet hæc natio, variis calamitatibus sit, & antea quoque ab initio fuerit, obnoxia: sperant tamen Status & Ordines Regni, jam dudum suæ Majestati bene constare, quàm diu florentiores fuerunt, se semper pro voluntate suæ Majestatis, & pro salute ac permanfione patriæ,

patriæ, nihil, neque de constantia atque fide, neque de substantiarum suarum ultranea subministracione, intermisisse, sed omnibus viribus, in omnibus occasionibus, patrio more, vestigia majorum suorum secutos esse. Quod certe posthac quoque tam libenter, quam quod libentissime sunt facturi, pro omni eorum possibilitate, quam diu vixerint, & vel unicus eorû superstes fuerit, dummodo benigna etiam eorum ratio habeatur, & nimia licentia militari non aggraventur.

## A R T. III.

*Subsidium pro militum intertentione, anno præterito decretum, hoc quoque anno per Status Regni offertur, in duobus terminis exigendum. deque exactionis modo, & Generalibus ac particularibus ejusdem Perceptoribus, & de ipsorum Salaris.*

QVod autem concernit eum Articulum, de militis in Campū expediendi postulatione. Vellent quidem Status, & certè ex animo cuperent, si non decem tantum hominum millia in campum expedire possent, sed & longè majorem numerum: verum jam novit sua Majestas, quam extenuatas vires hæ Regni reliquæ habeant, & quam sit incertū & difficile, etiam minima decreta subsidia

à colonis exigere. Nihilominus tamen offerunt humillime Contributionem anni proxime elapsi, nimirum, de qualibet domo Coloniali atque Inquilinari, (miserabilibus personis, allodiisque & educillorum locis, exceptis.) præcedente sine fraude, propter combustas & per hostem militesque desolatas ac deprædadas domos, more solito fienda rectificatione, singulos centum & quinquaginta denarios. Quibus domini terrestres, loco generalis Insurrectionis, quinquaginta denarios superaddent. Ita tamen, ut pauperiores subditos, ditiores sublevent. Hæc vero Contributio exigatur, tam ex Magnatû & Nobilium omnium, etiam eorum, quorum bona nunc Ungariæ restituta sunt, quam Ecclesiasticarum personarum omnium, ac suæ etiam Majestatis Secularibus & Spiritualibus bonis, nullis exceptis: ac huic subsidio accedat quoque Taxa earum personarum omnium, de quibus in prædicti anni proxime elapsi Constitutionibus mentio fit, eo plane modo & ordine exigenda, sicut id ibidem significatum est. Cujus quidem subsidii medietas, exigetur ad proximum festum Sacri Pentecostes, altera autem, ad festum beati Iacobi Apostoli, per particularem cujuslibet Comitatus Perceptorem,



ptorem, qui ipsam exactam pecuniam, tribus generalibus Perceptoribus assignabunt. Quorum unus, pro Vltradanubianis partibus, dominus Ladislaus Ioô nominatur, alter pro Cisdanubianis, Dominus Balthasar Boslanii, tertius autem, pro superiore Hungaria, Dominus Georgius Kekedii, decernuntur: Hi verò illam in milites noviter pro Campo conducendos, erogabunt, ac diligenter cavebunt, ne illa in ullos alios usus, quàm tantum ad solutionem Campestris militis, convertatur, justam de ea, in proximis Regni Comitibus, rationem Statibus reddituri. Quorum quidem generalium Perceptorem salarium erit, in universum, ut anno proximæ elapso, exceptis Equitibus, ideò quod justæ eis expensæ, quas facturi sunt, postmodum in dandis rationibus admittentur. Particulares autem Perceptores in Comitibus, erunt ipsimet Vicecomites, aut Vicecomitibus id oneris assumere nolentibus, quos ipsimet Comitatus elegerint, cum eo salario, quod Dicarioribus dari consuetum est: Habeant quoque Iudices Nobilium suum solitum salarium.

## ART. IV.

*De accipienda jam statim à Perceptoribus  
anni præteriti, ratione, & quinam.*

*Exactores illarum  
esse debeant.*

Statutum præterea est hoc loco, per Status & Ordines Regni, ut à dominis Perceptoribus generalibus & particularebus, anni proxime elapsi, nunc statim ratio accipiat percepti & erogati. Qui, si quas restantias apud se habuerint, ad manus Perceptorum præsentis anni tradant, qui eas ad conductionem militis præsentis anni, convertant. Exactores vero Rationum, Ultra-danubiani erunt, Reverendissimus Dominus Boznensis Episcopus, cum domino Emerico Megyeri Cisdanubium, Reverendissimus dominus Episcopus Vacienfis, cum domino Thoma Wyzkelethii: pro superiore Hungaria, Reverendissimus dominus Quinqueecclesiensis, cum domino Gregorio Tirnaviensi.

## ART. V.

*De modo conducendi Campeſtrem militem  
Hungarum, & per quos conduci &  
Luſtra ſtatui debeat,*

Præterea, præmiſſos milites Campeſtres, in his inferioribus Regni partibus,

bus, domini supremi Regni Capitanei Hungari: in superiore autem Hungaria, Magnus dominus Valentinus Homonnai, si sua Majestati Cæsareæ ita videbitur, aut alius in Hungaria possessionatus, sua Majestas elegerit, conducet; qui has Copias, quotiescunque sua Majestati, vel ejus Generali visum fuerit, ad lustrandū statuent.

## A R T. VI.

*De subsidii turbatoribus & detentoribus, Colonis dediticiis, de Sclavonia, & servitorum desertoribus & aliis, præteriti anni Articuli renovati.*

**D**E turbatoribus autem aut detentoribus hujusmodi Subsidii, renovatur Articulus sextus, anni proxime præcedentis. Renovantur quoque Articuli ibidem habiti, septimus & octavus, de dediticiis colonis, nec non de Sclavonia, ac de iis, qui non expleto anno, servitia deserunt, sequæ majoris lucri gratia, ad exeros conferunt. Contra eos vero, qui superioribus annis militem non miserunt, aut alios similes excessus, in Constitutiones Regni admiserunt, utatur sua Majestas vigore ipsarum Constitutionū, ac circa militiam delinquentes stipendiariorum milites, puniat juxta ipsorum demerita.

## A R T. VII.

*De stipendio militari, in quo statu relinquere  
debeat, deque generali & particula-  
ri Insurrectione.*

**P**Lacet quoque Statibus, ut sua Maje-  
stas Cæsarea atque Regia, stipendium  
militare, in eo statu relinquat, qui est an-  
no Nonagesimo sexto, Articulo vigesi-  
mo declaratus. Similiter & de Insurre-  
ctione generali & particulari, in omni-  
bus punctis, Articulo nono, anni proxi-  
me elapsi, inhærent.

## A R T. VIII.

*Gratuiti labores quomodo præstandi, de-  
que limitatione circa illos per Supre-  
mos Regni Capitaneos facienda,  
diligenter observanda.*

**D**E Articulo gratuitorum laborum, re-  
ferunt se ad Articulum decimum ter-  
tium, anni proxime elapsi; Supplicantes,  
dignetur sua Majestas, ob miseræ plebis  
paupertatem, ea oblatione clementer  
contenta esse, & serio demandare, ne mi-  
seri coloni, ad diversorum Confiniorum  
ædificationes & fortificationes distra-  
hantur, sed limitatio observetur, quæ  
per dominos Supremos Regni Capita-  
neos, ascitis sibi aliquibus ex dominis  
Consiliariis, quam primum fieri debebit.

Solent enim Capitanei, unam eandemque villam, multis similibus laboribus aggravare, & pro libitu, ultra possibilitatem, in laboribus detinere, tam diu, donec multi eorum etiam fame interire debeant. Habeatur etiam ratio Arcium Simigh & Zegligerh,

## A R T. IX.

*De gratuitorum laborum & aliorum subsidiorum restantiis, Anni præteriti Constitutiones servanda, & Vicecomitum ratio habenda.*

**D**E restantiis gratuitorum laborum, nec non aliorum publicorum Subsidiorum, eodem modo ad jam elapsi anni Constitutiones se referunt: hoc ad dentes, quod mirum videri non debet, si hæc restantiæ, ritè exigi non possint. Multæ enim villæ sunt his disturbiis desolatæ, & quamplurimi coloni, partim irucidati, partim autem in servitutem Turcicam abducti, & ab exteris etiam militibus, non secus ac si proprii essent, possidentur. Habeatur itaque ratio eorum Vicecomitum, qui justas assignabunt rationes, ob quas restantias recte exigere non potuerunt.

## A R T. X.

*Circa Annonam & Vesturam Bombardarum & commeatus, curruumque & Iumentorum administrationem, quod Status Regni nihil præstare possint, sese humiliter excusant.*

CÆterum, Annonam suæ Majestati promittere aut offerre quam possint, non vident. Nam quicquid ejusmodi his Regni reliquiis habitum est, totum insatiabilis miles absumpsit, ita ut multi incolarum mendicando nunc se miserrime sustentare cogantur. De vestura Bombardarum & Commeatus, nec non de curribus & jumentis dandis, haud dubie, si effrenata militis licentia non obstaret, ac omnia non illiberter id decernerent, quod partium ipsorum esset, sed etiam si, quam maxime velint, nihil tamen prorsus decernere possunt, tam sunt omnibus jumentis omnique commeatu, per suæ Majestatis copias exhausti. Supplicant ergo humilime, ne eis vitio vertatur, si expectationi suæ Majestatis satisfacere non possint.



## A R T. XI.

*De evectione frumenti, viarum reparatione, deque liberis Haidonibus & militibus, prateritorum Annorum Articulus infistitur.*

**A**rticulos de evectione frumenti, nec non de reparationibus viarum, atque de liberis Haidonibus & militibus, prateritis annis, & singulariter anno proxime elapso sancitos, per totum admittunt, nec obstant, quo minus sua Majestas, in transgressores eorum Articulorū, exemplum statuere dignetur.

## A R T. XII.

*Status & Ordines Regni, nonnullos in Iudiciis & expeditionibus defectus, corrigi supplicant.*

**H**oc loco Status & Ordines Regni, Majestati suæ Cæsareæ, domino ipsorum clementissimo, humilime supplicant, ut cum quādoq; contingat, quod ad nonnullorum simplices delationes & expositiones, fideles suæ Majestatis, per mandata Regia, in præsentiam domini Locumtenentis vel Commissariorū, evocantur, ac comparere & Privilegia sua producere, juraque accipere jubentur: dignetur Majestas sua Cæsarea, hujusmodi legibus Regni contrarias expeditiones &

Iudi-

Iudicia, benigne interdicere, quod de sua Majestate Cæsarea perperuis studiis promereri non omittent. Super hac re Majestas sua Cæsarea benigne inquireret, eiꝫ pro hujus temporis statu, quoad maxime fieri poterit, clementer medebitur.

## A R T. XIII.

*Rectificationem metarum Regni, hoc adhuc anno, per Commissarios jam antea ad hoc nominatos, in effectum deduci, Status & Ordines demisse & sedulo petunt.*

I Tem, quia jam aliquoties decretum esse novit sua Majestas, ut differentia, quæ ratione metarum, inter hoc suæ Majestatis Regnum, ab una, parte vero ab altera, Austriam, Poloniam, Moraviam, Styriam ac Silesiam, ab antiquo intercedunt, per commissarios revideantur & debito modo sopiantur. Id tamen hætenus ad effectum deductum non est, ac in limitibus illis constituti Regnicolæ, plurimum conqueruntur, se à præfatis suis vicinis, multas injurias pati, & interim, dum ipsi circa Turcici belli negotia occupantur, ab eisdem vicinis, multas terras multaq; territoria ab hoc Regno avelli. Ideo supplicant Status & Ordines, dignetur sua Majestas efficere, ut tandem adhuc præsentis anno, quatenus per motus

## ART. XV.

*Dominus Sigismundus à Landa, una cum  
duobus filiis suis, Georgio & Erasmo  
à Landa, in Hungarum  
recipitur.*

**A**dmittunt demum clementem Sacra-  
tissimæ Cæsareæ Regiæque Maje-  
statis requisitionem, pro parte Magni-  
fici domini Sigismundi à Landa, ejus-  
que duorum filiorum, Georgii & Eras-  
mi, factam, ut nimirum in numerum  
ipforum annumerentur, atque in Hun-  
gariæ Nobiles asciscantur. Qui solitum  
juramentum super officio boni & veri  
Civis Regni Hungariæ, vigesima quarta  
die mensis Martii, præsentis anni, depo-  
suerunt.

## CONCLUSIO.

**N**Os itaque præmissâ supplicatione fi-  
delium subditorum nostrorum, do-  
minorum, Prælatorum, Baronum, Ma-  
gnatum & Nobilium, cæterorumque  
Statuum & Ordinum prælibati Regni  
nostri Hungariæ & partium ei subjecta-  
rum, clementer admissa, præfatos uni-  
versos & singulos Articulos, nobis modo  
præmisso præsentatos, præsentibus lite-  
ris nostris, de verbo ad verbum insertos  
& inscriptos, ac omnia & singula in eis

contēta, ratos gratos & accepta habentes, eisdem nostrū Regium Consensum, benevolumque pariter & assensum præbui-  
mus, ac illos & quævis in eis contenta, autoritate nostra Regia acceptavimus, approbavimus, roboravimus, & confirmavimus. Offerentes Nos clementer, quod præmissa omnia, in omnibus punctis, clausulis & articulis, tam nos ipsi observabimus quam per alios omnes fideles subditos nostros, cujuscunque status & conditionis existant, inviolabiliter observari faciemus. Imo acceptamus, approbamus, ratificamus & confirmamus, harum nostrarum vigore & testimonio literarum. Datum in Arce nostra Regia Pragensi, decima quinta die Mensis Aprilis. Anno Domini, Millesimo, Sexingentesimo tertio. Regnorum nostrorum, Romani vigesimo octavo, Hungarię & aliorum tricesimo primo, Bohemię vero, anno similiter vigesimo octavo.

F I N I S.

Summa Privilegii.

**I**llustrium & Præpotentium D. D. Ordinum federatarum Belgicæ provinciarum decreto cautum est Bonaventuræ & Abrahamo Elseviriiis, Academiæ Leydensis typographis, Ne quis præter illorum aut heredum voluntatem toto decennio proximo, his in regionibus excudat, aut alibi extra provincias excusum inferat vendatve librum hunc, cui titulus, Respublica & Status REGNI HUNGARIÆ. Quod si quis contempta auctoritate; directe vel indirecte, librum hunc, totum, vel partem ejus, hoc sive alio modo, extra dictum temporis intervallum typis mandare, vel impressum alibi in has oras inferre & vendere præsumpserit: confiscatione exemplarium, multaque insuper sexcentorum florenorum damnas esto: uti latius patet in ipso privilegio, dato Hagæ in conventu D. D. Ordinum Generalium, xv Maji, MDCXXVI.

G. V. HERTEVELT V<sup>r</sup>.

Ad mandatum Præpotentium D. D. Ordinum General. ss.

I. van G O C H.



786258

5

Handwritten text in a cursive script, likely a letter or a page from a manuscript. The text is arranged in approximately 15 lines, though many are illegible due to fading and the quality of the scan. The script appears to be from the 17th or 18th century.

Handwritten text at the bottom of the page, possibly a signature or a closing. It is also illegible due to fading.

Handwritten text at the very bottom of the page, possibly a date or a reference. It is also illegible due to fading.













